

新磨書

宋 歐陽修 宋 祁 撰

中 華 書

局

卷一一五至卷一三一(傳) 第 一 四 册

唐書卷一百一十五

列傳第四十

狄仁傑 光嗣 兼謨 **郝處俊** 象賢 朱敬則

詣長史藺仁基請代行。 之,雲移乃得去。同府參軍鄭崇質母老且疾,當使絕域。 仁傑謂曰:「君可貽親萬里憂乎?」 置,吏讓之,答曰:「黃卷中方與聖賢對,何暇偶俗吏語耶?」舉明經,調汴州參軍。 曹參軍。 訴,黜陟使閻立本召訊,異其才,謝曰:「仲尼稱觀過知仁,君可謂滄海遺珠矣。」薦授丼州法 」則相待如初,每日:「狄公之賢,北斗以南,一人而已。」 狄仁傑字懷英,幷州太原人。爲兒時,門人有被害者,吏就詰, 親在河陽,仁傑登太行山,反顧,見白雲孤飛,謂左右曰:「吾親舍其下。」瞻悵久 仁基咨美其誼,時方與司馬李廉不平, 相語曰:「吾等可少愧 衆爭辨對,仁傑誦書不 爲吏誣

稍遷大理丞,歲中斷久獄萬七千人,時稱平恕。 列 第 四 + 狄 仁 左威衞大將軍權善才、右監門中郎將

范懷義坐誤斧昭陵柏,罪當免,高宗詔誅之。仁傑奏不應死,帝怒曰:「是使我爲不孝子,必 殺之。」仁傑曰:「漢有盜高廟玉環,文帝欲當之族,張釋之廷諍曰:『假令取長陵 借 誤伐一柏,殺二臣,後世謂陛下爲何如主?」帝意解,遂免死。 以加其法?』於是罪止棄市。陛下之法在象魏,固有差等。 百剽行人,道不通。 王本立怙寵自肆,仁傑劾奏其惡,有詔原之。仁傑曰:「朝廷借乏賢,如本立者不尠。 乃明開首原格,出繫者,稟而縱之,使相曉,皆自縛歸。帝嘆其達權宜。 有罪,虧成法,奈何。臣願先斥,爲羣臣戒。」本立抵罪。 官捕繫盜黨窮訊,而餘曹紛紛不能制。 繇是朝廷肅然。 使岐州, 亡卒數 犯不至死而致之死, 仁傑曰:「是其計窮,且爲患。」 數日, 授侍御史。 一抔土,何 何哉 左司 郎中 ? 陛下

致 拜多官侍郎、持節江南巡撫使。 止其役。 風 雷之變,更發卒數萬改馳道。仁傑曰:「天子之行,風伯淸塵,雨師灑道,何妬女避邪?」 遷 度支郎中。 帝壯之,曰:「眞丈夫哉!」出爲寧州刺史,撫和戎落,得其歡心,郡人勒碑以頌。入 帝幸汾陽宮,爲知頓使。并州長史李沖玄以道出妬女祠,俗言盛服過者, 吳、楚俗多淫祠,仁傑一禁止,凡毁千七百房, 止留夏禹、

「臣欲有所陳,似爲逆人申理;不言,且累陛下欽恤意。 轉文昌右丞,出 豫州 刺史。 時越王兵敗, 支黨餘二千人論死。 表成復毁,自不能定。然此皆非本 仁傑釋其城, 密疏曰: 吳太伯、季札、

伍員四祠

而

使無辜之人咸墜塗炭,是一越王死,百越王生也。且王師之至,民歸順以萬計, 光輔怒曰:「州將輕元帥邪?」仁傑曰:「亂河南者一越王,公董士三十萬以平亂,縱使暴橫, 惡,誰誤至此。」有詔悉謫戍邊。 四面成蹊。奈何縱邀賞之人殺降以爲功,冤痛徹天?如得上方斬馬劍加君頸,雖死不恨!」 囚竂三日乃去。 至流所,亦爲立碑。初,宰相張光輔討越王,軍中恃功,多暴索,仁傑拒之。 囚出寧州,父老迎勞曰:「狄使君活汝耶!」因相與哭碑下。 自縋 而下,

責 耳,若爲報可,則胄子數千,凡幾詔耶?爲定令示之而已。」后納其言。 嘆其長者。時太學生謁急,后亦報可。仁傑曰:「人君惟生殺柄不以假人,至簿書期會,宜 者,欲知之乎?」謝曰:「陛下以爲過,臣當改之;以爲無過,臣之幸也。譖者乃不願知。」后 (有司。尙書省決事,左、右丞不句杖,左、右丞相不判徒,況天子乎?學徒取吿,丞、簿職 天授二年,以地官侍郎同鳳閣鸞臺平章事。 。武后謂曰:「卿在汝南有善政,然有譖卿

光輔還,奏仁傑不遜,左授復州刺史。徙洛州司馬。

沫面。 爲我引楊執柔爲黨,公且免死。」仁傑歎曰:「皇天后土,使仁傑爲此乎!」卽以首觸柱,血流 日:「有周革命,我乃唐臣,反固實。」俊臣乃挺繫。 其屬王德壽以情謂曰:「我意求少遷,公 會爲來俊臣所構,捕送制獄。于時,訊反者一問卽臣,聽減死。俊臣引仁傑置對,答 德壽懼而謝。 守者寖弛,卽丐筆書帛,置褚衣中,好謂吏曰:「方暑,請付家徹絮。」

列傳第四

+

狄

傑

等七族悉得貸。 聞。后乃召見仁傑,謂曰:「臣反何耶?」對曰:「不臣反,死答掠矣。」示其表,曰:「無之。」后 仁傑子光遠得書上變,后遣使案視。俊臣命仁傑冠帶見使者,私令德壽作謝死表,附使以 知代署,因免死。武承嗣屢請誅之,后曰:「命已行,不可返。」時同被誣者鳳閣侍郎任知古 御史霍獻可以首叩殿陛苦爭,欲必殺仁傑等,乃貶仁傑彭澤令,邑人爲置

旌其忠。 聞,亦引去,民愛仰之,復爲立祠。俄轉幽州都督,賜紫袍、龜帶,后自製金字十二於袍,以 修守具。仁傑至,曰:「賊在遠,何自疲民?萬一虜來,吾自辦之,何預若輩?」悉縱就田。虜 萬歲通天中,契丹陷冀州,河北震動,擢仁傑爲魏州刺史。前刺史懼賊至,驅民保城,

「拜鸞臺侍郎,復同鳳閣鸞臺平章事。 時發兵戍疏勒四鎭,百姓怨苦。 仁傑諫曰:

帶遠夷,不務固本安人,此秦皇、漢武之所行也。傳曰:「與覆車同軌者未嘗安。」此言 域,竭府庫之實,以爭磽确不毛之地,得其人不足以增賦,獲其土不可以耕織。 苟求冠 以限中外也。自典籍所紀,聲敎所暨,三代不能至者,國家旣已兼之。詩人矜薄伐於 |太原,化行於|江、漢,前代之遐裔,而我之域中,過夏、商遠矣。 今乃用武荒外,邀功絕 天生四夷,皆在先王封域之外。東距滄海,西隔流沙,北横大漠,南阻五嶺,天所

雖小,可以喩大。

螟生,水旱起矣。 方今關東荐饑,蜀漢流亡,江、淮而南,賦斂不息。 人不復本,則相率 不絕,行役旣久,怨曠者多。 塞,恆、代之鎭重,而邊州之備豐矣。 皆陰山貴種, 使統諸部,夷狄叛則伐,降則撫,得推亡固存之義,無遠戍勞人之役。今阿史那斛瑟羅 之謀而罷珠崖,宣帝用魏相之策而棄車師田。貞觀中,克平九姓,册拜李思摩爲可汗, 爲盜,本根一搖,憂患非淺。 所以然者,皆貪功方外,耗竭中國也。 絕之美,無轉輸之苦。損四鎭,肥中國,罷安東,實遼西,省軍費於遠方,丼甲兵於要 臣伏見國家師旅歲出,調度之費狃以寖廣,右戍四鎮,左屯安東,杼軸空匱,轉輸 代雄沙漠,若委之四鎮, 上不是恤,則政不行;政不行,則害氣作;害氣作,則蟲 以統諸蕃,建爲可汗,遣禦寇患, · 昔漢元帝納賈捐之 ,則國家有繼

客,則我得其便;堅壁淸野,寇無所得。自然深入有顚躓之慮,淺入無虜獲之益。不數 且王者外寧,容有內危。陛下姑敕邊兵謹守備,以逸待勞,則戰士力倍;以主禦

年,二虜不討而服矣。

又請廢安東,復高姓爲君長,省江南轉饟以息民,不見納。 張易之嘗從容問自安計,仁傑曰:「惟勸迎廬陵王可以免禍。」會后欲以武三思爲太子,

傳第四十 狄仁傑

列

廬陵事。 年,又欲以三思爲後。且姑姪與母子孰親?陛下立廬陵王,則千秋萬歲後常享宗廟;三思 感,故卒復唐嗣 立,廟不祔姑。」后感悟,卽日遣徐彦伯迎廬陵王於房州。王至,后匿王帳中,召見仁傑語 身蹈鋒鏑,勤勞而有天下,傳之子孫。先帝寢疾,詔陛下監國。陛下掩神器而取之,十有餘 於市,踰月不及千人。 以 初,吉頊、李昭德數請還太子,而后意不回,唯仁傑每以母子天性爲言,后雖忮忍,不能無 「太子歸,未有知者,人言紛紛,何所信?」后然之。 更令太子舍龍門,具禮迎還,中外大悅。 「雙陸不勝,無子也。天其意者以儆陛下乎!且太子,天下本,本一搖,天下危矣。 問宰相,衆莫敢對。 久之, 召謂曰:「殷數夢雙陸不勝, 何也?」於是, 仁傑與王方慶俱在, 二人同辭對曰: 仁傑敷請切至,涕下不能止。后乃使王出,曰:「還爾太子!」仁傑降拜頓首,曰: 仁傑曰:「臣觀天人未厭唐德。 廬陵王代之,不狹日,輒五萬。 比匈奴犯邊,陛下使梁王三思募勇士 今欲繼統,非廬陵王莫可。」后怒,罷 文皇帝

脅,或願從,或受僞官,或爲招慰。 誠以山東之人重氣,一往死不爲悔。 比緣軍興, 調發煩 民多脅從於賊,賊已去,懼誅,逃匿。仁傑上疏曰:「議者以爲虜入寇,始明人之逆順,或迫 假以便宜。突厥盡殺所得男女萬計,由五回道去,仁傑追不能逮。更拜河北安撫大使。時 **蕁拜納言,兼右肅政御史大夫。突厥入趙、定,殺掠甚衆,詔仁傑爲河北道行軍元帥,**

結。 隨流, 義,投跡犬羊,以圖賒死,此君子所愧,而小人之常。 民猶水也,壅則爲淵,疏則爲川, 重,傷破家產,剔屋賣田,人不爲售。 由恩不溥洽,失在機先。今負罪之伍,潛竄山澤,赦之則出,不赦則狂。 故臣以爲邊鄙暫警不足憂,中土不寧可爲慮也。 豈有常性。 昔董卓之亂,神器播越,卓已誅禽,部曲無赦,故事窮變生,流毒京室。此 願曲赦河北,一不問罪。 又官吏侵漁,州縣科役,督趣鞭笞,情危事迫,不循禮 夫持大國者不可以小治,事廣者不可 山東羣盜,緣茲聚 通

責功。 務整右武威衛將軍 寇,楷固等數挫王 李楷固、駱務整討契丹,克之,獻俘含樞殿, 燙, 至是凱旋,后舉酒屬仁傑, 除內史。 。后幸三陽宮, 王公皆從, 一師,後降,有司請論如法。 賞其知人。 后大悦。 獨賜仁傑第一區,眷禮卓異,時無輩者。 仁傑稱其驍勇可任,若貸死, 授楷固左玉鈴衞大將軍、 二人者,本契丹李盡忠部將, 燕國公,賜姓武; ,必感恩納節,可以 盡忠入 是時

以細分。

人主所務,弗檢常法。

」詔可

傜,省不急之務。 官財,又竭人力, 不役鬼,必在役人; 后將造浮屠大像,度費數百萬, 就令顧作,以濟窮 方有難,何以救之?」后由是罷役。 物不天降,終由 [地出。 人, 旣失農時, 官不能足,更詔天下僧日施一錢助之。 不損百姓, 且將何求? 是爲棄本。 且無官助,理不得成。 今邊垂未寧,宜寬征鎭之

仁傑諫曰:「工

旣費

列

敬暉、姚崇等,皆爲中興名臣。 年七十一。 贈文昌右相,諡曰文惠。 始居母喪,有白鵲馴擾之祥。中宗卽位,追贈司空。 仁傑所薦進,若張柬之、桓彥範、 睿宗又

封梁國公。

子光嗣、景暉。

郎,以稱職聞。后曰:「祁奚內舉,果得人。」歷淄、許、貝三州刺史。 光嗣,聖曆初,爲司府丞。 武后韶宰相各舉尚書郎一人,仁傑薦光嗣,由是拜地官員外 母喪,奪爲太府少卿,固

讓,睿宗嘉其誠,許之。累遷揚州長史,以罪貶歙州別駕,卒。

景暉,官魏州司功參軍,貪暴爲虐,民苦之,因共毀其父生祠,不復奉。 至元和中,

田弘正鎭魏博,始奏葺之,血食不絕。

族孫兼謨。

擢給事中。 言事 兼謨字汝諧,及進士第。辟襄陽使府,剛正有祖風。今狐楚執政,薦授左拾遺,數上書 歷刑 部郎中、蘄鄧鄭三州刺史。歲旱饑,發粟賑濟,民人不流徙。改蘇州,以治最, 左藏史盜度支練帛,文宗以經赦詔勿治,無謨封還詔書,帝問之,對曰:「典史犯

臨戎賞 縣公。 貞觀中,第進士,解褐著作佐郎,襲父爵。 領天平節度使,辭疾,以祕書監歸洛陽,遷東都留守,卒。 蔡州別駕。 察使吳士矩加給其軍,擅用上供錢數十萬。 天下治。 可,勿以 不可免。」帝曰:「朕已赦其長官,吏亦宜宥,與其失信,寧失罪人。」旣而曰:「後或事有不 郝處俊,安州安陸人。父相貴,因隋亂,與婦翁許紹據峽州,歸國,拜滁州刺史,封甑山 (士,州有定數,而與奪由己,貽弊一方,爲諸道觖望,請付有司治罪。」|士矩繇是貶 「還韶爲憚。」遷御史中丞。帝曰:「御史臺朝廷綱紀,一臺正,則朝廷治,朝廷正,則 畏忌顧望,則職業廢矣。卿,梁公後,當嗣家聲,不可不愼。」兼謨頓首謝。 歷兵部侍郎、河東節度使。 還爲尙書左丞。武宗子峴封益王,命兼謨爲傅。 兄弟友睦,事諸舅謹甚。 兼謨劾奏:「觀察使爲陛下守土, 宣國詔條, 江西觀 知

處俊副之。 棄官去。久之,召拜太子司議郎, 處俊甫十歲而孤,故吏歸千縑賵之,已能讓不受。及長,好學,嗜漢書,崖略暗誦。 師入 、虜境,未陣,賊遽至,舉軍危駭。 累遷吏部侍郎。 處俊方據胡牀,體胖,安餐乾糒不顧,密畀 高麗叛, 韶李勣爲浿江道大總管, 再轉滕王友, 恥爲王府

料精銳擊之,虜卻,

衆壯其謀。

狄,故法不得行。 石,歷歲乃能 同東西臺三品。 短固有命,異方之劑, 入 拜 東臺侍 就。 郎。 前鑑不遠,惟陛下深察。」帝納其言,弟拜盧伽逸多爲懷化大將軍,進處俊 先帝餌之,俄而大漸,上醫不知所爲。 羣臣請顯戮其人,議者以爲取笑夷 時浮屠盧伽逸多治丹,曰「可以續年」。 高宗欲遂餌之,處俊諫曰:「脩 安得輕服哉?昔先帝詔浮屠那羅邇娑寐案其方書爲祕劑,取靈薦怪

設法不可急,亦不可慢。詩曰『不懈于位,人之攸堅』,仁也;『式遏寇虐,無俾作慝』, 門,操登銅爵臺望之,無敢救者。時王脩爲奉常,聞變,召車騎未至,領官屬步至宮門。 安有敢拒邪?魏曹操著令曰:『京城有變,九卿各守其府。』後嚴才亂, 莫敢拒,豈非習慢使然?」處俊對曰:「此乃法急耳。 禦?而重門擊柝,庸待不虞邪?我嘗疑秦法爲寬,]書日『高明柔克,沈潛剛克』,中道也。」帝曰:「善。」 曰:『彼來者,必王脩乎! 咸亨初,幸東都,皇太子監國,諸宰相皆留,而處俊獨從。 』此由脩祭變識幾,故冒法赴難。 荆軻匹夫耳,匕首竊發, 秦法, 向若拘常, 輒升殿者, 帝嘗曰:「王者無外, 則遂成禍矣。故王者 夷三族。人皆懼族, 與徒數十人攻左掖 羣臣皆荷戟侍, 何爲守

帝恨敬宗所紀失實,更命宰相刊正,且曰:「朕昔從幸未央宮,辟仗旣過,有橫刀伏草中者, 轉中書侍郎,監脩國史。初,顯慶中,令狐德棻、劉胤之撰國史,其後許敬宗復 加緒次。

帝仁恩溥博,類非一。 **先帝斂轡却,謂朕曰:『事發,當死者數十人,汝可命出之。』**史臣惟敍此爲實。」處俊曰:「先 無御史, 我不汝罪。』」帝曰:「此史臣應載。」處俊乃表左史李仁實欲删整僞辭,會仁實死 臣之弟處傑被擇供奉,時有三衞誤拂御衣者,懼甚。先帝曰:『左右

前

此

分朋造黨使相誇,彼俳兒優子,言辭無度,爭負勝,相譏誚,非所以導仁義,示雍和也。」帝遽 止,數曰:「處俊遠識,非衆臣所逮。」遷中書令,兼太子賓客,檢校兵部尙書。 因以角勝,處俊曰:「禮所以示童子無誑者,恐其欺詐之心生也。 二王春秋少,意操未定,乃 上元初,帝觀酺翔鸞閣,時赤縣與太常晉技分東西朋,帝詔雍王賢主東,周王顯主西,

之與陰,各有所主,不相奪也。 IE 不許皇后臨朝。 |應謹守宗廟,傳之子孫,不宜持國與人,以喪厥家。」中書侍郞李義琰曰:「處俊言可從,惟 下不疑。」事遂沮。 帝多疾,欲遜位武后,處俊諫曰:「天子治陽道,后治陰德,然則帝與后猶日之與月,陽 今陛下奈何欲身傳位天后乎。天下者,高祖、太宗之天下,非陛下之天下, 又兼太子左庶子,拜侍中,罷爲太子少保。 若失其序,上讁見于天,下降災諸人。昔魏文帝著令,帝崩,

以)少牢,賻絹布八百段、米粟八百石,詔百官赴哭,官庀葬事。 開 、耀元年卒,年七十五。 贈開府儀同三司、荆州大都督。 帝哀歎其忠,舉哀光順門,祭 子北叟固辭, 未聽。 裴炎為

列

四

+

郝

處俊

朱敬則

白帝曰:「處俊阽死,諉臣曰:『生無益于國,死無煩費,凡詔賜,願一罷之。』」帝聞惻然,答其

意,止賻物而已。

彭氏以高貲顯。故江、淮間爲語曰:「貴如郝、許,富如田、彭。」 得大臣體。武后雖忌之,以其操履無玷,不能害。與舅許圉師同里,俱宦達;鄉人田氏 處俊資約素,土木形骸,然臨事敢言,自秉政,在帝前議論諄諄,必傅經義, 凡所規獻,

離磔其尸,斲夷祖、父棺冢。 孫象賢,垂拱中,爲太子通事舍人,后素衡處俊,故因事誅之。臨刑,極駡乃死,后怒,令 自是訖后世,將刑人,必先以木丸窒口云。

高宗聞其名,召見,異之,爲中書令李敬玄所毀,故授洹水尉。 久之,除右補 重節義然諾,善與人交,振其急難,不責報於人。 朱敬則字少連,亳州永城人。以孝義世被旌顯,一門六闕相望。 與左史江融、左僕射魏元忠善。 敬則志尚恢博,好學, 闕。 咸亭中,

初,武后稱制,天下頗流言,遂開告密羅織之路,興大獄,誅將相大臣。 至是,

事益寧。敬則諫日

損不急之官;惜日愛功,亟戰疾耕。旣庶而富,遂屠諸侯。此救弊之術也。故曰:「刻薄 可施於進趨,變詐可陳於攻戰。」天下已平,故可易之以寬簡,潤之以淳和。 |秦乃不然, 臣聞李斯之相秦也,行申、商之法,重刑名之家,杜私門,張公室;棄無用之費,

淫虐滋甚,往而不反,卒至土崩。 此不知變之禍也。

禮儀。 擊柱,晷漏之不保,何十二帝二百年乎?故曰:仁義者,聖人之蘧廬; 禮者,先王之陳 得之,安事詩、書?」對曰:「馬上得之,可馬上治之乎?」帝默然。於是賈著新語,通定 進豪猾貪暴之人。及區宇適定,乃陳詩、書,說禮、樂,開王道。高帝忿然曰:「吾以馬上 陸賈、叔孫通事漢祖,當滎陽、成皋間,糧餉窮,智勇困,未嘗敢開一說,效一奇,唯 此知變之善也。向若高帝斥二子,置詩、書,重攻戰,尊首級,則複道爭功,拔劍

迹。 祠祝畢,芻狗捐; 淳精流,糟粕棄。 仁義尙爾,況其輕乎?

牙,頓姦險之芒刃,塞羅織之妄源,掃朋黨之險迹,曠然使天下更始,豈不樂哉 鑒秦、漢之失,考時事之宜,毀蘧廬,遺糟粕;下寬大之令,流曠蕩之澤,去萋斐之角 者無善迹,促柱者無和聲;拯溺不規行,療饑不鼎食。 刑罰,無以息暴。於是置神器,開告端,故能不出房闈,而天下晏然易主矣。臣聞急趨 國家自文明以來,天地草昧,內則流言,外則構難。 即向時祕策,今之獨狗也。 故不設鉤距,無以順人;不切 願

列

后善其言。

構魏元忠、張說,欲誅之,無敢言者。 以畏懼者也。」時賦斂繁重,民多蕩析,后數召入禁中訪失得。進同鳳閣鸞臺平章事。張易之 天下望。」乃得不死 董狐 遷正諫大夫,兼脩國史。 何以加 !世人不知史官權重宰相,宰相但能制生人,史官兼制生死,古之聖君賢臣所 乃請高史官選,以求名才。 敬則獨奏曰:「元忠、說秉心忠一,而所坐無名,殺之失 侍中章安石嘗閱其稟史, 歎曰:

還,無准南 鄭州刺史,遂致仕。 李嶠、蘇味道、李迥秀、王紹宗等十八人像以爲圖,欲引敬則,固辭不與,世絜其爲人。 以老疾還政事, 一物,所乘止一馬,子曹步從以歸。 侍御史冉祖雍 俄改成均祭酒、冬官侍郎。 誣奏與王同皎善,貶涪州刺史。旣明其非罪,改廬州。 卒年七十五。 易之等集名儒撰三教珠英,又繪武三思、 出爲

世禮義陵遲,不可復用周制封諸侯,著論明之,儒者以爲知言。 兩飛騎力耳。」暉卒用其策。 爲右史,皆稱職。 叛,以裴懷古有文武才,用爲桂州都督,蠻服其威惠,相率降。薦魏知古爲鳳閣舍人,張思敬 敬則與三從昆弟居四十年,貲產無異。 初,二張權寵盛, 始崔寔、仲長統、王朝、曹冏 敬則密謂敬暉曰:「公若假太子令, 舉北軍誅易之兄弟, 及執政, 每以用人爲先,細務不省也。 論封建,指秦爲失,敬則以爲秦、漢 嶺表蠻 列傳第四十 朱敏則

刺史。 誘其衷,亦敬則啓之。」於是追贈祕書監,諡曰元。 尚有遺者耶? 睿宗嗣位,嘗曰:「神龍以來,忠於本朝者,李多祚、王同晈、韋月將、燕欽融並褒復矣, 長安中,嘗語臣曰:『相王必受命,當悉心事之。』及韋氏干紀,臣遂見危赴難。 」劉幽求曰:「朱敬則忠正義烈,天下所推,往爲宗楚客、冉祖雍等所誣,謫守

段。」有赤烏、白鵲棲所居樹,按察使趙承恩表其異。 敬則兄仁軌,字德容,隱居養親。 常誨子弟曰:「終身讓路,不枉百步;終身讓畔,不失 及 卒, 郭山煇、員半千、魏知古共諡

爲孝友先生。

張柬之等,卒復唐室,功蓋一時,人不及知。 至姦人銜怨,仇胔以逞。 五龍,夾之以飛。」世以爲名言。 贊曰:武后乘唐中衰,操殺生柄, 蓋所謂誼形於主耶。 方高宗舉天下將以禪后,處俊固爭,不使妻乘夫,陰反陽, 劫制天下而攘神器。 故唐呂温碩之曰:「取日虞淵、洗光咸池。 敬則一諫,而羅織之獄衰,時而後言者歟 仁傑蒙恥奮忠,以權大謀, 潛授

唐 書卷一百一十六

列傳第四十

景倩 王綝 景融 俌 逐 希聲 摶 餘慶 章思謙 璪 王及善 承慶 嗣立 李日知 恆 濟 弘景 陸元方 象先

杜景佺

李懷遠 景伯 彭年

書切諫,王稍止,然益疏斥。 王綝字方慶,以字顯。其先自丹楊徙雍咸陽。 終荆王友。 父弘直,爲漢王元昌友。王好畋游,上

之。 方慶至,秋毫無所索。 始,部中首領沓墨,民詣府訴,府曹素相餉謝,未嘗治。 方慶約 時,遷累廣州都督。南海歲有崑崙舶市外區琛琲,前都督路元叡冒取其貨,舶줠不勝忿,殺 官屬不得與交通,犯者痛論以法,境內淸畏。議者謂治廣未有如方慶者,號第一,下詔賜瑞 方慶起家越王府參軍,受司馬遷、班固二史於記室任希古,希古它遷,就卒其業。武后

列

傳

侍郎

錦、雜綵,以著善政。 轉洛州長史,封石泉縣子。 遷鸞臺侍郎、同鳳閣鸞臺平章事 ٠, 進鳳閣

隥道 功喪 推,則忌時忌年,愈無理據。世用其言。臣謂軍方大凱,作樂無嫌。」詔可。武后幸玉泉祠 外畏之。 山道險,欲御腰輿。方慶奏:「昔張猛諫漢元帝『乘船危,就橋安』。帝乃從橋。今山阿危峭, 備 而不作,方慶曰:「晉穆帝納后,當康帝忌月,時以爲疑。 荀訥謂禮有忌日無忌月,自月而 曲狹,比於樓船,又復甚危,陛下奈何輕踐畏塗哉?」后爲罷行。方慶嘗以「令,期及大 神 ,未葬,不聽朝賀;未除,弗豫享宴。 比羣臣不瓊用,頹紊敎誼,不可長」。有詔申責,內 功初,淸邊道大總管武攸宜破契丹凱還,且獻俘,內史王及善以孝明帝忌月,請鼓 吹

世祖 惟 中書舍人崔融序其代閥,號寶章集,復以賜方慶,士人歌其寵。以老乞身,改麟臺監,脩國 軸。 騫、 中宗復爲皇太子,拜方慶檢校左庶子。 后嘗就求羲之書,方慶奏:「十世從祖羲之書四十餘番,太宗求之,先臣悉上送,今所存 后欲季多講武,有司不時辦,遂用明年孟春。 高祖規、 并上十一世祖導、十世祖洽、九世祖珣、八世祖<u></u>
曇首、七世祖僧綽、六世祖仲寶、五 會祖褒幷九世從祖獻之等凡二十八人書共十篇。」后御武成殿徧示羣臣, 方慶日:「按月冷『孟冬, 天子命將帥講

不入。今孟春講武,以陰政犯陽氣,害發生之德,臣恐水潦敗物,霜雪損稼,夏麥不登。願 武,習射御,角力。』此乃三時務農,一時講武,安不忘危之道。 方春木王,而舉金以害盛德,逆生氣。孟春行冬令,則水潦爲敗,雪霜大擊,首種 孟春不可以稱兵。 兵,金也,

陛下不違時令,前及孟多,以順天道。」手制褒允。

督,諡曰貞。中宗復位,以東宮舊臣,贈吏部尚書。 有斥太子名者,晉山濤啓事稱皇太子不名。孝敬爲太子,更『弘』爲『崇』;沛王爲太子,更 『賢』爲『文』。今東宮門殿名多嫌觸,請一改之,以協舊典。」制可。長安二年卒,贈兗州都 是歲,眞拜左庶子,進封公,奉入同職事三品,兼侍太子讀書。方慶奏:「人臣於天子未

雜禮答問。 方慶博學,練朝章,著書二百餘篇,尤精三禮。 學者有所咨質,酬復淵詣,故門人次爲 家聚書多,不減祕府,圖畫皆異本。方慶歿後,諸子不能業,隨皆散亡

孫備。六世孫璵,別傳。璵會孫摶。

君子哉!雖造次不忘悟君於善。及建言不斥太子名,以動羣臣,示中興之漸,所謂人難言 遠?』對曰:『廬陵是陛下愛子,今尙在遠,臣之子庸敢相近?』以比倉唐悟文侯事。」 嗟乎, 李德裕著書稱:「方慶爲相時,子爲眉州司士參軍。武后曰:『君在相位,何子之

列

者,於方慶難乎哉!德裕之稱,爲不誣矣。

河北騒然。 卒,贈太常卿。 **備字靈龜**。 (備至虜中,脅說禍福,虜乃不入。 自褒至備,六世封石泉云。備孫遂。 明經,調莫州參軍,辟范陽節度使張守珪幕府。時契丹屈烈部將謀入寇, 安祿山叛,拜博陵、常山二太守,副河北招討。

使。蔡已平,師東討李師道,召爲光祿卿、淄靑行營糧料使。辭卿職,換檢校左散騎常侍, 始,詔書出,左丞呂元膺劾:「遂補吏犯贓,法當坐,而詔稱『淸能業官』,按遂犯有狀,不宜謂 **兼**御史大夫。始,調兵食歲三百萬,俄而賊誅,遂簿羨貲百萬以獻,帝高其能。 三鎮,卽拜遂沂兗海觀察使。 且脚,大州,不可使治。」帝喻之,乃下。 會兵宿淮西,亟財賦,藉遂幹彊,拜宜歙觀祭 憲宗怒,出遂爲柳州刺史。親吏章行素、柳季常當受課料兩池,吏見遂斥,卽抵以罪。 遂好興利, 操下以嚴。 累遷鄧州刺史、太府卿、西北供軍使。 與度支潘孟陽爭營田 于時析齊爲

城!」人人羞忿。裨校王弁與役人浴于川,語曰:「天方雨,牆且毀,等罪耳!」乃謀亂。明日, 逐資編刻,杖扑皆踰制。 盛夏,治署舍牆垣,程督慘峭。 將吏素悍戾,遂輒駡曰:「反殘

遂方燕, 弁率其黨挾兵進, 遂驚, 弁自知留事。 帝以沂、海新定,畏青、鄆亦搖,乃拜弁開州刺史。 匿廁下,執而數其罪,殺之。 其副張敦實、官屬李矩甫皆 至徐州,械送京師,斬

東市。

監軍上遂所製杖,出示於朝爲戒云。

|浙東||西宣撫使。會錢鏐兼領二||浙,故留拜門下侍郎、同中書門下平章事、判度支。 部。 嫡后,摶請因赦天下以尊大其禮。 乾寧初,進同中書門下平章事。 **博字昭逸。** 擢進士第,辟佐王鐸滑州節度府,累遷蘇州刺史。 久之,以戶部侍郞判戶 正拜右僕射,遷司空,封魯國公。 董昌誅,出爲威勝節度使。 未行,加檢校尙書右僕射、 昭宗建

史。又貶崖州司戶參軍事,賜死藍田驛。 宋道弼、景務脩交私,將危社稷。 卽劾摶爲中官外應。 方朝廷多難,未可卒除,當徐以計去之。事急,且有變。」崔胤與摶並位,素忌摶明達有謀, 「人君務平心大體,御萬物,偏聽產亂,古所戒也。今奄人盜威福,偪制君上,道路人皆知之。 初,中官權盛,帝欲翦抑之。自石門還,政一決宰相,羣宦不平,構藩鎭內脅天子。博曰: 會胤罷宰相,疑摶擠斥,乃厚結朱全忠薦己復輔政,卽誣摶與樞密使 全忠因顯疏其尤。光化三年, 罷爲工部侍鄓, 貶溪州刺

唐

相,出 張膽以報天子,焉能錄錄保妻子邪?」沛王府長史皇甫公義引爲倉曹參軍,謂曰:「公非池 搖 鄭州 高季輔曰:「予始得此一人,豈以小疵棄大德邪?」 擢監察御史。 山岳,震慴州縣,爲不任職。」中書令褚遂良市地不如直,思謙劾之,罷爲同州刺史。 陽武人。八歲喪母, 韋思謙名仁約,以近武后父諱爲嫌,遂以字行。 屈公爲數旬客,以重吾府。」 思謙淸水令。或弔之,答曰:「吾狷直,觸機輒發,暇卹身乎?丈夫當敢言地,要須明目 以孝聞。及進士第, 累調應城令, 其先出雍州杜陵, 負殿, 常曰:「御史出使,不能 不得進官。 後客襄陽, 吏部尚書 更徙爲 及復 動

然。 武 (候將) 人不 進御 改侍御史,高宗賢之,每召與語,雖甚倦,徙倚軒檻,猶數刻罷。 測者、 軍 田仁會誣奏御史張仁禕,帝廷詰,仁禕懦不得對。 史大夫。 `詞旨詳暢,帝善之,仁禕得不坐。 累遷右司郎中、尙書左丞,振明綱轄,朝廷肅 思謙爲辯其枉,因言仁會營罔 疑獄劇事,多與參裁。 中物,

詔給扶侍。 鵬、鶚、 性 謇諤, 鷹、鸇, 轉司屬卿,復爲右肅政大夫。 顏色莊重,不可犯。 豈衆禽之偶⁷ 奈何屈以狎之? 見王公, 故事,大夫與御史鈞禮,思謙獨不答。 未嘗屈禮。 」帝崩, 思謙扶疾入臨, 或以爲譏, 答曰:「耳目官固當特立。 涕泗冰 須, 俯伏 或以爲疑, 號 絕

辭疾,不許,詔肩輿以朝,聽子孫侍。 思謙曰:「班列固有差,奈何尙姑息邪?」垂拱初,封博昌縣男,同鳳閣鸞臺三品。 以太中大夫致仕,卒,贈幽州都督。 轉納言,

子承慶、嗣立。

承慶字延休。 性謹畏,事繼母爲篤孝。 **擢進士第**, 補雍王府參軍,府中文翰悉委之。

王爲太子,遷司議郞。

臣意,出爲沂州刺史。 子廢,出爲鳥程令。累遷鳳閣舍人,掌天官選。屬文敏無留思,雖大詔令,未嘗著藁。失大 子頗嘉納。承慶嘗謂人所以擾濁浮躁,本之於心,乃著靈臺賦,譏揣當世,亦自廣其志。太 戶奴小人皆得親左右、承顏色,恐因是作威福,宜加繩察,乃上疏極陳其端,又進諭善箴,太 儀鳳中,詔太子監國,太子稍嗜聲色, 興土功。 承慶見造作玩好浮廣,倡優鼓吹讙譁,

以百揆萬機界小人哉?」書聞不報。未幾,復爲舍人,掌選。病免,改太子諭德。 廈,濟巨川,必擇文梓、艅艎。 若亟毁而敗,則是庇朽木、乘膠船也。 而取人之路寬,故一言有合,而付大任。夫以堯舉舜,猶歷試諸難,況庸庸者可超處輔相 明堂災,上疏諫,以「文明、垂拱後,執政者未滿歲,率以罪去,大抵皆惡逆不道。夫構大 臣謂陛下求賢之意切, 歴豫、虢

列傳

州刺史,有善政。 轉天官侍郎,脩國史。凡三掌選,銓授平允,議者公之。

草赦令,咸推承慶,召使爲之,無橈色誤辭,援筆而就,衆歎其壯。 禮部尚書,諡曰温。 拜辰州刺史,未行,以祕書員外少監召,兼脩國史,封扶陽縣子。 遷黃門侍郎,未拜,卒。帝悼之,召其弟相州刺史嗣立會葬,因拜黃門侍郎繼其位。 長安中,拜鳳閣侍郎、同鳳閣鸞臺平章事。 張易之誅,承慶以素附離,免冠待罪。 韶撰武后紀聖文,中宗善 然以累猶流嶺表。 歲餘, 時議

武后召嗣立謂曰:「爾父嘗稱二子忠且孝,堪事朕。 相代。」卽拜鳳閣舍人。 捶,母感寤,爲均愛。世比晉王覽。第進士,累調雙流令,政爲二川最。 嗣立字延構,與承慶異母。少友悌,母遇承慶嚴,每答,輒解衣求代,母不聽,卽遣奴自 比兄弟稱職,如而父言。今使卿兄弟自 承慶解鳳閣舍人,

尙師儒, 濫; 之選弛。 經術不聞, 時學校廢,刑濫及善人,乃上書極陳:「永淳後,庠序隳散,胄子衰缺,儒學之官輕,章句 發揚勸獎,海內知嚮。 費閥後生以徼倖升,寒族平流以替業去。 猛暴相夸。 陛下誠下明韶, 然後審畀銓總,各程所能。 追三館生徒, 垂拱間, 仕入彌多, 敕王公以下子弟一入太學, 以之臨人, 公行 則官無曠,民樂業 私謁, 選補 逾 尊

矣」

官,生者霑恩,則天下瞭然,知向所陷罪,非陛下意也。」 耳。臣願陛下廓天地之施、雷雨之仁,取垂拱以來罪無重輕所不赦者,普皆原洗。死者還 成,不可翻動。 小則身誅,大則族夷,相緣共坐者庸可勝道?彼皆報讎復嫌,苟圖功求官賞 正不赦之辜,恣行楚慘,類自誣服,王公士人,至連頸就戮。 又曰:「揚豫以來,大獄屢興,窮治連捕,數年不絕。 大猾伺間,陰相影會,構似是之言, 。道路藉藉,咸知其非,而鍛練已

太府卿、修文館大學士。 成均祭酒徙魏、洺二州,政無它異。坐善二張,貶饒州長史。繇相州刺史入爲黃門侍郎。轉 本官檢校汴州刺史,由是左肅政大夫楊再思等十八人悉補外。未幾,承慶知政事,嗣立以 自近臣始。」后曰:「誰爲朕行?」嗣立曰:「內典機要,非臣所堪,請先行以示羣臣。」后悅,以 曰:「今朝廷重內官,輕外職,每除牧守,皆訴不行,非過累不得遣。請選臺閣賢者分典大州, 長安中,拜鳳閣侍郎、同鳳閣鸞臺平章事。時州縣非其人,后以爲憂。李嶠、唐休璟

公主,率取高貲多丁家,無復如平民有所損免,爲封戶者亟於軍興。 衆,封戶凡五十四州,皆據天下上腴。一封分食數州,隨土所宜,牟取利入。至安樂、太平 中宗景龍中,拜兵部尙書、同中書門下三品。 時崇飾觀寺,用度百出。 又恩倖食邑者 監察御史宋務光建言:

列

「願停徵封,一切附租庸輸送。」不納。嗣立建言:

具之?伏見營立寺觀,累年不絕,鴻侈繁麗,務相矜勝,大抵費常千萬以上。轉徙木 石,廢功害農;地藏開發,蟄蟲傷露。 今廩帑耗竭,無一歲之儲。假遇水旱,人須賑給,不時軍興,士待資裝,陛下何以 上聖至慈,理必不然。準之道法則乖,質之生人

重困。 私有餘。又封家徵求,各遣奴阜,凌突侵漁,百姓怨嘆。或貿易斷盜,誅責紛紜,曾無 臣,共定天下,食封不三十家,今横恩特賜,家至百四十以上。天下租賦,在公不足,而 府歲調絹纔百萬匹,少則十之二,有所貸冤,曾不半在。比諸封家,所入已寡。 則損。陛下豈不是思? 少息。下民窶乏,何以堪命?臣願以丁課一送太府,封家詣左藏仰給,禁止自徵,以息 又食封之家,日月猥衆,凡用戶部丁六十萬,人課二絹,則固一百二十萬。 國初功 臣見太

武者治軍,則庸懦怯弱。補授亡限,員外置官,吏困供承,官竭資奉。國家大事,豈 所歷深乎?今之取人,未試而遽遷,務進徼幸,比肩係踵。故文者治官,則回邪贓汚; 曲之譽,然後辟於州;州已試,然後辟五府;五府著聞,乃升諸朝。得不謂所擇悉而 臣聞設官建吏,本於治人而務安之也。明官得其人,則天下治。古者取士,先鄉

甚於此?

先選用刺史、縣令,所冀守宰稱職,以興太平。 人,何以治國?願下有司,精加汰擇。凡諸曹侍郎、兩省、二臺及五品以上淸望官,當 比年不加簡擇, **僥倖開,則賢者隱矣。** 古者,設爵待士,才者有之。不才者進,則有才之路塞。賢人據正,遠僥倖之門。 京官坐負及聲稱下者乃典州, 賢者隱,則人不安;人不安,國將危矣。刺史、縣令,治人之首, 吏部年高不善刀筆者乃擬縣。 朝輕用

帝不聽。

十物。 駕。 賜封百戶,徙汝州。入爲國子祭酒、太子賓客。坐宗楚客等削遺制事,不執正,貶岳州別 詩,制序冠篇,賜況優備,因封嗣立逍遙公,名所居曰淸虚原幽棲谷。 再徙爲陳州刺史。開元中,河南道巡察使表其廉,欲復用,會卒,年六十六,贈兵部尚 嗣立與韋后屬疏,帝特詔附屬籍,顧待甚渥。 唐隆初,拜中書令。韋后敗,幾死于亂,寧王爲救免。出爲許州刺史,以定策立睿宗, 營別第驪山鸚鵡谷, 帝臨幸, 命從官賦 嗣立獻木桮、藤盤數

相,世罕其比。有二子恆、濟,知名。 初,嗣立代承慶爲鳳閣舍人、黃門侍郞;|承慶亦代爲天官侍郞及知政事。 父子並爲宰

書,諡日孝。

其恐,出爲陳留太守,卒。 **隴右、河西黜陟使。時河西節度使蓋嘉運恃左右援,橫恣不法,妄列功狀,恆劾奏之,人代** 而事給。 恆. ,開元初爲碭山令,政寬惠,吏民愛之。 姑子御史中丞宇文融薦恆有經濟才,讓以其位, 天子東巡,州縣供張,皆鞭扑趣辦,恆不立威 擢殿中侍御史。 累轉給 事 中, 爲

四遷戶部侍郎,爲太原尹。著先德詩四章,世服其典懿。 惟濟居第一,不能對者悉冤官。於是擢濟體泉令,侍郎盧從愿、李朝隱並貶爲刺史。 濟文雅,頗能脩飾政事,所至有治稱。 濟,開元初調鄄城令。或言吏部選縣令非其人,旣衆謝,有詔問所以安人者,對凡二百 終馮翊太守。 子奧,夏令、亦以能政聞。 天寶中, 授尙書左丞, 凡三世 濟

路權近,擢太僕卿,弘景上還詔書,穆宗使喻:「其先人昌有功,朕所以念功睦親者。」弘景固 弘景擿助,出爲綿州刺史。 弘景當草韶, 嗣 立孫弘景, 書辭不如旨,罷學士。 **擢進士第,數佐節度府。以左補闕召爲翰林學士。蘇光榮爲涇原節度** 李夷簡鎭淮南,奏以自副。召入,再遷給事中。駙馬都尉劉士涇 遷累度支郎中。 張仲方黜李吉甫諡得罪, 憲宗意

|虞卿私造門,弘景厲言曰:「有詔按公,尙私謁邪?」|虞卿多朋助, 楊嗣復皆奪俸,郎吏肅然,望風脩整。 私。 執,帝怒,使宣慰安南。 遷禮部尙書、東都留守。卒,年六十六,贈尙書左僕射。 歷陝虢觀察使,召拜尙書左丞,駁正吏銓所除六十餘官不當進資,於是鄭絪、丁公著 弘景以直道進,議論持正有守,當時風敎所倚賴,爲長慶名卿。 時蕭倪輔政,弘景議論常佐佑之。還,再遷吏部侍郎,銓綜平序,貴幸憚其嚴,不敢慁以 由是有名。

吏部員外郎楊虞卿以累下吏,

韶弘景與御史詳讞。

自謂必見納,

及是,惶恐

司議鄓。 陸元方字希仲,蘇州吳人。陳給事黃門侍郎琛之曾孫。伯父柬之,善書名家,官太子

貶綏州刺史。 人、秋官侍郎。爲來俊臣所陷,后置不罪。遷鸞臺侍郎、同鳳閣鸞臺平章事。坐附會李昭德 擢天官侍郎,兼司衞卿。 或言其薦引皆親黨,后怒,冤官,令白衣領職。元方

傳 第

四

+

陸

元 方

懼,元方曰:「吾受命不私,神豈害我?」趣使濟,而風訖息。 使還,除殿中侍御史,擢鳳閣舍

元方初明經,後舉八科皆中。累轉監察御史。武后時,使嶺外,方涉海,風濤驚壯,舟人

唐

間碎務,不敢以聞。」忤旨,下除太子右庶子。進文昌左丞,卒。 它,復拜鸞臺侍郎、同鳳閣鸞臺平章事。 薦人如初,后召讓之,對曰:「舉臣所知,不暇問讎黨。」又薦其友崔玄暐有宰相才。 后知無 后嘗問外事,對曰:「臣備位宰相,大事當白奏,民

陰德在人,後當有興者。」又曰:「吾當壽,但領選久,耗傷吾神。」有一柙,生平所緘鑰者,歿 元方素淸愼,再執政,每進退羣臣, 后必先訪問,外祕莫知。 臨終,取奏稿焚之,曰: 「吾

諸子皆美才,而象先、景倩、景融尤知名。後,家人發之,乃前後詔敕。贈越州都督。

爲洛陽尉,元方不肯當,項曰:「爲官擇人,豈以吏部子廢至公邪?」卒以授。俄遷監察御 史。累授中書侍郎。景雲中,進同中書門下平章事,監脩國史。 象先器識沈邃,舉制科高第,爲揚州參軍事。時吉頊與元方同爲吏部侍郎,項擢象先

等。」公主旣擅權,宰相爭附之,象先未嘗往謁;及謀逆,召宰相議,曰:「寧王長,不當廢嫡 立庶。」象先曰:「帝得立,何也?」主曰:「帝有一時功,今失德"安可不廢?」對曰:「立以功 已爲言之,遂並知政事。然其性恬靜寡欲,議論高簡,爲時推向。 湜嘗曰:「陸公加於人一 初,太平公主謀引崔湜爲宰相,湜曰:「象先人望,宜幹樞近,若不者,湜敢辭。」主不得

蕭至忠、岑羲等坐爲主所進,將同誅,玄宗遽召免之,曰:「歲寒然後知松柏之後凋也!」以 者,廢必以罪。今不聞天子過失,安得廢?」主怒,更與竇懷貞等謀,卒誅死。 時象先與

保護功,封兗國公,賜封戶二百。

寤,善之。時窮治忠、義等黨與,象先密爲申救,保全甚衆,當時無知者。 者。 之難,忠也。陛下方以德化天下,奈何殺行義之人?故臣違命,安反側者, 事平,玄宗得所投名,詔象先收按,象先悉焚之。帝大怒,欲幷加罪,頓首謝曰:「赴君 初,難作,睿宗御承天樓,羣臣稍集,帝麾曰:「助朕者留,不者去!」於是有投名自驗 其敢逃死?」帝

擾之爲煩耳。 徙蒲州刺史,銀河東按察使。小史有罪,誠遣之,大吏白爭,以爲可杖,象先曰:「人情大抵 不相遠,謂彼不曉吾言邪?必責者,當以汝爲始。」大吏慙而退。嘗曰:「天下本無事,庸人 示威,不然,民慢且無畏。」答曰:「政在治之而已,必刑法以樹威乎?」卒不從,而燭化。 罷爲益州大都督府長史、劍南按察使,爲政尙仁恕。 司馬韋抱眞諫曰:「公當峻扑罰以 弟澄其源,何憂不簡邪?」故所至民吏懷之。 累

少保。卒,年七十二,贈尚書左丞相,諡曰文貞。 入爲太子詹事, 歷戶部尚書, 知吏部選事, 母喪免。 起爲揚州大都督府長史。 遷太子

始,象先名景初,睿宗曰:「子能紹先構,是謂象賢者。」乃賜名焉。

列傳

第四十一

陸元方

詐淸,惟景倩日眞淸。」終監察御史**。** 弟景倩爲扶溝丞。 河南按察使畢構覆州縣殿最,欲必得實。 有吏言狀曰:「某疆淸,某

績。 景融諫,不入,則自楚,母爲損威,人多其友。四世孫希聲。 累遷工部尚書、東京留守。卒, 景融長七尺,美麥質,寬中而厚外。博學,工筆札。 贈廣陵郡都督。景融於象先,後母弟也。 以蔭補千牛,轉新鄭令, 象先被答, 政有風

侍郎、同中書門下平章事。 在位無所輕重,以太子少師罷。 李茂貞等兵犯京師,興疾避難。 明年,王仙芝反,株蔓數十州,遂不制。擢累歙州刺史。昭宗聞其名,召爲給事中,拜戶部 卒,贈尙書左僕射,諡曰文。 久之,召爲右拾遺。時儉腐秉權,歲數歉,梁、宋尤甚。 希聲見州縣刓敝,上言當謹視盜賊。 希聲博學善屬文,通易、春秋、老子,論著甚多。商州刺史鄭愚表爲屬。後去,隱義興。

元方從父餘慶。

嵩山 何? 信,蕃酋率衆內附。 」餘慶感激,閉戶誦書三年,以博學稱。 餘慶, 以辨具勞,擢監察御史。 陳右衞將軍珣孫,方雅有祖風。 遷殿中侍御史、鳳閣舍人。后嘗命草詔殿上,恐懼不能得一詞,降左司 聖曆初,靈、勝二州党項誘北胡寇邊,詔餘慶招慰,喻以恩 舉制策甲科,補蕭尉。 已冠,名未顯,兄玄表唶曰:「爾名宦不立,奈 累遷陽城尉。 武后封

撫使, 詹事,諡曰莊。 餘慶於寒品晚進,必悉力薦藉。人有過,輒面折,退無一言。開元初,爲河南、河北宣 薦富春孫逖、京兆韋述、吳興蔣冽、河南達奚珣,後皆爲知名士。遷大理卿。終太子

郎中。

久之,封廣平郡公、太子右庶子。

「方外十友」。 雅善趙貞固、盧藏用、陳子昂、杜審言、宋之問、畢構、郭襲微、司馬承禛、釋懷一,時號 餘慶才不逮子昂等,而風流敏辯過之。

驟用,而戮不反踵。 初,武后時,酷吏用事,中宗朝,倖臣貴主斜封大行,蹈利嗇禍之人,與相乾沒,雖亟貴 餘慶以道自將,雖仕不赫赫,訖無悔尤。

子璪,字仲采。 祠。 用按察使宇文融薦,遷澠池令。 舉明經,補長安尉,以清幹稱。 累遷兵部郎中,柬礦騎使。 開元初, 中朝臣子弟不任京畿, 還, 除洛陽令, 改新鄉

列

第

四

+

陸元方

王及善

屬邑多虎,前守設檻穽,躁至,徹之,而虎不爲暴。 時車駕在洛,摧勒姦豪,人不敢犯,爲中書令蕭嵩所器。嵩罷,佗宰相俾陰廉嵩短,璪曰:「與 人交,過且不可言,況無有邪?」以是忤貴近,出爲太原少尹。 累徙西河太守,封平恩縣男。

大將 新興縣公,累遷左武衞將軍。 之險可先取。」君廓從其言, 之糧,劫衆而 隋氏失御,豪俊共救其亂,宜撫納遺甿而保全之,觀時變,待眞主。 軍、幽州都督、邢國公,陪葬昭陵 王及善,洺州邯鄲人。 父君愕, 興,但恣殘剽,所過失望, 遂屯井陘山。 從太宗征遼,領左屯營兵,與高麗戰駐蹕山,死于陣。 有沈謀。 竊爲足下羞之。」君廓謝曰:「計安出? 高祖 隋 亂, 入關, | 丼州人王君廓掠邯鄲,君愕往說日: 與君廓偕來, 足下無尺寸之地、兼旬 拜君愕大將 」答曰:「井陘 贈左衞 軍 封

賜絹 爾佩大橫刀在殷側,亦知此官貴乎?」病免。召爲衞尉卿。」垂拱中,歷司屬卿。 于宮,命宮臣擲倒,及善辭曰:「殿下自有優人,臣苟奉令,非羽翼之美。」太子謝之。 百匹。 及善以父死事 除右千牛衞將軍,帝曰:「以爾忠謹,故擢三品要職。 授朝散大夫, 襲邢國公質。 皇太子弘立, 擢及善左奉裕率。 羣臣非搜辟,不得 山東飢,韶爲 高宗聞 至朕所。 太子宴

巡撫賑給使。 拜春官尙書。 出爲秦州都督、益州長史,加光祿大夫,以老病致仕。

本也,公不可行。」留拜內史。 **贊其**謀。 命,汙戮善良,天下疾之。不剿絕元惡,且搖亂胎禍,憂未旣也。」后納之。 十里,爲朕臥治,爲屏蔽也。」因延問朝政得失,及善陳治亂所宜,后悅曰:「禦寇末也,輔 神功元年,契丹擾山東,擢魏州刺史,武后勞曰:「逆虜盜邊,公雖病,可與妻子行,日三 既爲皇太子,又請出外朝,以安羣臣。 來俊臣繫獄當死,后欲釋不誅,及善曰:「俊臣凶狡不道,引亡 廬陵王之還,密 政

品。 問。 及善數裁抑之,后不悅曰:「卿年高,不宜侍游燕,但檢校閤中。」及善卽移病餘月,后不復 **歎曰:「中書令可一日不見天子乎?」遂乞骸骨,猶不許,改文昌左相、同鳳閣鸞臺三** 卒,年八十二,贈益州大都督,諡曰貞,陪葬乾陵。 及善不甚文,而清正自將,臨事不可奪,有大臣節。 時二張怙寵,每侍宴,無人臣禮,

曹,囚無死法。」皆以狀識,而武后用日知議。 寬無文致。嘗兒一囚死,少卿胡元禮執不可,曰:「吾不去曹,囚無生理。」日知曰:「僕不去 李日知,鄭州滎陽人。及進士第。天授中,歷司刑丞。時法令嚴,吏爭爲酷,日知猶平

贈制 神龍初,爲給事 日知殞絕于道,左右爲泣,莫能視。巡察使路敬潛欲表其孝,使求狀,辭不報。服除, 中。 母老病,取急調侍,數日須髮輒白。母未及封而卒。方葬,吏乃齎

累遷黃門侍郎。

若厭于心,無日而足也。」旣罷,不治田園,唯飾臺池,引賓客與娛樂。開元三年卒。 歸乃治行,妻驚曰:「產利空空,何辭之遽?」旧知曰:「仕至此,已過吾分。 人亦何厭之有? 能爾?」卽拜侍中。先天元年,罷爲刑部尚書。屢乞骸骨,許之。 幸,燕從官,賦詩,日知卒章,獨以規誠。睿宗它日謂曰:「嚮時雖朕亦不敢諫,非公挺直,何 景雲初,同中書門下平章事〔1〕,轉御史大夫,仍知政事。初,安樂公主館第成,中宗臨 日知將有請,不謀于家,

日知貴,諸子方總角,皆通婚名族,時人譏之。後少子伊衡以妾爲妻,鬻田宅,至兄弟

訟鬩,家法遂替云。

爲司馬,州未受命,何急數日祿邪?」嗣業怒,不聽。 時隆州司馬房嗣業徙州司馬,詔未下,欲卽視事,先笞責吏以示威。 杜景佺,冀州武邑人。性嚴正。 舉明經中第。累遷殿中侍御史。 景佺日:「公持咫尺制,眞僞莫辨,即欲 景佺謂日:「公雖受命 出爲益州錄事參軍。

攪亂 一府,敬業揚州之禍,非此類邪? 」叱左右罷去,旣乃除荆州司馬,吏歌之曰:「錄事意,

與天通;州司馬,折威風。」由是寖知名。

閣舍人。遷洛州司 相曰:「韶爲司刑設,何預秋官邪?」景佺曰:「詔令一布,無臺、寺之異。」后以爲守法, 懼,景佺獨曰:「陛下明詔六品、七品官,文辨已定,待命于外,今雖欲罪臣,奈明詔 秋官員外郎, 入爲司刑丞,與徐有功、來俊臣、侯思止專治詔獄,時稱「遇徐、杜者生,來、侯者死」。改 與侍郎陸元方按員外郎侯味虛罪, 馬。 已推,輒釋之。武后怒其不待報,元方大 河?」 擢鳳 字

論其罪,景佺以爲脅從可原,后如其議。 恐陛下布德施令,有所虧紊。臣位宰相,助天治物,治而不和,臣之咎也。」頓首請罪。 丼州長史,道病卒,贈相州刺史。 聖曆元年,復以鳳閣侍郎同鳳閣鸞臺平章事。 故曰:『多無愆陽,夏無伏陰,春無凄風,秋無苦雨。』今草木黃落,而木復華, 日:「眞宰相!」會李昭德下獄,景佺苦申救, 曰:「陛下德被草木,故秋再華,周家仁及行葦之比。」景佺獨曰:「陰陽不相奪倫,殰卽爲災。 延載元年,檢校鳳閣侍郎、同鳳閣鸞臺平章事。 初名元方,垂拱中改今名。 罷爲秋官尚書。 后以爲面欺, 契丹入寇,陷河北數州,虜已去,武懿宗欲盡 后嘗季秋出棃華示宰相以爲祥, 坐漏省內語,降司刑少卿。 左遷溱州刺史。入拜司刑卿。 瀆陰陽也。 出爲

場、益二都督府長史,徙同州刺史。治尙淸簡。累遷鸞臺侍郎,進同鳳閣鸞臺平章事,封 平鄉縣男。以左散騎常侍同中書門下三品,爵趙郡公,賜實封戶三百。以老,聽致仕。中宗 高士恥之。 李懷遠字廣德,邢州柏仁人。少孤,嗜學。 假蔭而官,吾志邪?」擢四科第,累轉司禮少卿,出爲本州刺史,改冀州, 宗人欲藉以高蔭,懷遠辭,退而曰:「因人之

邪?」答曰:「吾幸其馴,不願它駿。」神龍二年卒,帝賜錦衾斂,自爲文祭之,贈侍中,諡 懷遠久貴,益素約,不治居室。嘗乘款段馬, 僕射豆盧欽望謂曰:「公貴顯, 顧當然

還京師,召知東都留守,復加同中書門下三品。

日成。

下諸州分隸都督,專生殺刑賞。 中,進太子右庶子。 上, 或要丐謬寵,至景伯,獨爲箴規語以諷帝,帝不悅。中書令蕭至忠曰:「眞諫官也。」景雲 子景伯,景龍中爲諫議大夫。中宗宴侍臣及朝集使,酒酣,各命爲回波詞,或以諂言媚 時有建言置都督府非是,詔羣臣普議,景伯與太子舍人盧俌議:「今天 使授非其人,則權重釁生,非彊幹弱枝、經邦軌物之誼。

列 傳 第 四 + 校 勘

罷都督,留御史,以時按察,秩卑任重,以制姦宄便。」繇是停都督。 終右散騎常侍。

天子幸燭,陷於賊,脅以僞官,憂憤死,贈禮部尙書。 婚姻,引就清列。典選七年,卒以贓敗,長流臨賀郡。 子彭年,有才,剖析明悟。 歷遷中書舍人、吏部侍郎。 天寶十二載,擢爲濟陰太守,徙馮翊。 與李林甫善。 常慕山東著姓,爲

校勘記

(1) 景雲初同中書門下平章事 一八八李日知傳改。 「雲」,各本原作「龍」,據本書卷五濟宗紀、卷六一等相表及舊書卷

書卷一百一十七

列傳第四十二

裴炎 伸先 劉禕之 郭翰 魏玄同恬 李昭德 吉項

政事, 筆,故徙政事堂於中書省。 幸東都,留皇太子京師,以炎調護。帝不豫,太子監國,詔炎與劉齊賢、郭正一於東宮平章 長孫无忌以司空、房玄齡以僕射、魏徵以太子太師皆知門下省事,至炎,以中書令執政事 **倉參軍,歷御史、起居舍人,寖遷黃門侍郎。調露二年,同中書門下三品。進拜侍中。高宗** 書不廢。有司欲薦狀,以業未就,辭不舉,服勤十年,尤通左氏春秋。舉明經及第。補濮州司 裴炎字子隆,絳州聞喜人。寬厚,寡言笑,有奇節。 及大漸,受遺輔太子,是爲中宗。改中書令。 舊,宰相議事門下省,號政事堂, 補弘文生,休澣,它生或出游,炎讀

中宗欲以后父韋玄貞爲侍中及授乳媪子五品官, 傳 第 29 **+** = 装 炎 炎固執不從, 帝怒曰:「我意讓國與 四二四七

程務挺、張虔勗勒兵入宮,宣太后令,扶帝下殿,帝曰:「我何罪?」后曰:「以天下與玄貞,安 玄貞,豈不可?何惜侍中邪?」炎懼,因與武后謀廢帝。 后命炎泊 劉禕之率羽林將軍

得無罪?」乃廢帝爲廬陵王,更立豫王爲皇帝。以定策功,封永淸縣男。

太后誅韓王元嘉、魯王靈夔,以絕宗室望,劉禕之、韋仁約畏默不敢言,炎獨固爭,后愈銜 今追崇先世,在亡迹異,安得同哉!」炎曰:「蔓草難圖,漸不可長。」后不悅而罷。 承嗣又諷 朝,宜存至公,不容追王祖考,示自私。且獨不見呂氏事乎!」后曰:「呂氏之王,權屬生人, 未幾,賜爵河東縣侯。 后已持政,稍自肆,於是武承嗣請立七廟,追王其先,炎諫曰:「太后天下母,以盛德臨

異圖 社稷臣,有功於國,悉心事上,天下所知,臣明其不反。」納言劉齊賢、左衞率蔣嚴繼辨之,后 后不出而止。徐敬業兵興,后議討之,炎曰:「天子年長矣,不豫政,故豎子有辭。今若復子 日:「炎反有端,顧卿未知耳。」元範、齊賢曰:「若炎反,臣輩亦反矣。」后曰:「殷知炎反,卿輩 [。]后乃捕炎送詔獄,遣御史大夫騫味道、御史魚承曄參鞫之。 鳳閣侍郎胡元範曰:「炎 ,賊不討而解。」御史崔詧曰:「炎受顧託,身總大權,聞亂不討,乃請太后歸政,此必有 豫王雖爲帝,未嘗省天下事。 |炎謀乘太后出游龍門,以兵執之,還政天子。 會久雨,太

不反。」遂斬于都亭驛。

初,炎見裴行儉破突厥有功,沮薄之,乃斬降虜阿史那伏念等五十餘人,議者恨其娼克,且 使國家失信四夷,以爲陰禍有知云。 <u>|</u>炎被勠,或勉其遜辭,炎曰:「宰相下獄,理不可全。」卒不折節。 睿宗立,贈太尉、益州大都督,諡曰忠。 籍其家,無儋石之贏。

元範者,申州義陽人。 介廉有才,以炎故,流死巂州。

炎從子仙先。

慣怨。 大臣,須東宮年就德成,復子明辟,奈何遽王諸武、斥宗室?炎爲唐忠臣,而戮逮子孫,海 曳出,杖之朝堂,長流[澳州 日:「炎謀反,法當誅,尙何道? 伷先 臣愚謂陛下宜還太子東宮,罷諸武權。不然,豪桀乘時而動,不可不懼!」后怒,命 未冠, 推蔭爲太僕丞。 」他先對日:「陛下唐家婦,身荷先帝顧命,今雖臨朝,當責任 |炎死, 坐流||嶺南。上變求面陳得失, 后召見, 盛氣待之, 內

有黄 數萬族, 金、駿馬、牛羊,以財自雄。養客數百人,自北庭屬京師,多其客,訶侯朝 歲餘,逃歸,爲吏蹟捕,流北庭。 時補闕 使之叶亂, 李秦授爲武后謀曰:「讖言『代武者劉』 社 稷憂也]。」后謂然,夜拜|秦授考功員外郎, 無復名檢,專居賄,五年至數千萬。 」,劉無彊姓,殆流 分走使者, 人乎?今大臣流 娶降胡女爲妻,妻 廷事 賜墨韶,尉安流 ", 聞 知十 放 常 者

列

曰:「前使使尉安有罪,而不曉朕意,擅誅殺,殘忍不道,朕甚自咎。 今流人存者一切縱還。」 執,楲繋獄,以狀聞。會武后度流人已誅,畏天下姍誚,更遣使者安撫十道,以好言自解釋 人,實命殺之。他先前知,以橐它載金幣、賓客奔突厥,行未遠,都護遣兵追之,與格關,爲所

進工部尚書。年八十六,以東京留守累封翼城縣公,卒官下。 張說右之,免官。 久乃擢|范|陽節度使,太原、|京兆尹。 以京師官宂,奏罷畿縣員外及試官。 中宗復位,求炎後,授伷先太子詹事丞〔〕。遷秦、桂、廣三州都督。 坐累且誅,賴宰相

繇是伷先得不死。

劉禕之字希美,常州晉陵人。

「子翼詈人,人都不憾。」貞觀初,召之,辭以母老,詔許終養。江南道巡察使李襲譽嘉其孝, 父子翼, 字小心, 在隋爲著作郎。峭直有行, 嘗面折僚友短, 退無餘訾。李伯藥曰:

表所居爲孝慈里。母已喪,召拜吳王府功曹參軍,終著作郎、弘文館直學士。

史、弘文館直學士。上元中,與元萬頃等偕召入禁中,論次新書凡千餘篇。 **禕之少與孟利貞、高智周、郭正一俱以文辭稱,號「劉孟高郭」,並直昭文館。 俄遷右** 高宗又密與參

至外家問疾,韓之因賀蘭敏之私省之,坐流嵩州。后爲丐還,除中書舍人。 決時政,以分宰相權,時謂「北門學士」。兄懿之,亦給事中,同兩省。先是,姊爲內官,武后遣

獸,雖被馮陵,不足校,願戢威,紓百姓之急。」帝內其言。俄拜相王府司馬,檢校中書侍郎, 帝謂曰:「卿家忠孝,朕子賴卿以師矩,冀蓬在麻不扶而挺也。」 儀鳳中,吐蕃寇邊,帝訪侍臣所以置之、討之之宜,人人異謀,禕之獨勸帝:「夷狄循禽

《臺,何謂之敕!」后以爲拒制使,賜死于家,年五十七。 孫萬榮金,與許敬宗妾私通,太后遣肅州刺史王本立鞫治,以敕示禕之,禕之曰:「不經鳳閣 反政以安天下?」大隱表其言,后怒曰:「禪之乃負我!」垂拱中,或告禪之受歸誠州都督 才,惟能歸善於君,爲時所服。」后曰:「善。」後私語鳳閣舍人賈大隱曰:「后能廢昏立明,盍 足疾移於腹背,尙爲一體乎?禕之引咎於已,忠臣也。」納言王德眞推順曰:「戴至德無異 歸非於上,貶靑州刺史,加禕之太中大夫,賜物百段。后因曰:「君爲元首,臣爲股肱,以手 方是時,詔令叢繁,禪之思致華敏,裁可占授,少選可待也。司門員外郎房先敏坐累貶衞州 司馬,訴于相府,內史騫味道謂曰:「太后旨。」韓之曰:「乃上從有司所奏云。」后聞,以味道 后旣立王爲帝,以其參奉大議,愈親之,擢中書侍郎、同中書門下三品,賜爵臨准縣男。

初,禪之得罪,睿宗以舊屬申理之,姻友冀得釋。|禪之曰:「吾死矣。太后威福由己,

第

+ =

劉祥之

魏玄同

塞不能 <u>數其文,后惡之,貶翰巫州司法參軍,思鈞播州司倉參軍。</u> 而帝營救,速吾禍也!」在獄上疏自陳。 書, **禕之乃自捉筆,得數紙,詞懇哀到,人皆傷之。** 臨誅,洗沐,神色自若。命其子執筆**占爲表**, 麟臺郎郭翰、太子文學周思鈞悵 睿宗嗣位,贈禕之中書令。 子號

性寬簡 鄭云。 就館,以筆紙置于桉,謂僚屬曰:「入其境,其政可知,願薦使君美於朝,毋久留。」即命駕去。 翰者, 讀老子至「和其光, 嘗爲御史,巡察隴右,多所按劾。 同其塵」,慨然曰:「大雅君子, 次寧州,時狄仁傑爲刺史,民爭言有異政。 以保其身。」乃辭憲官, 改麟臺

官司 工部尚書劉審禮表其材, 列大夫。 魏玄同字和初,定州鼓城人。 坐與上官儀善,流嶺外。 拜岐州 長史。 祖士廓,仕齊爲輕車將軍。 旣廢,不自 再遷吏部侍郎。 I護藉, 永淳元年,韶與中書、門下同承受 乃馳逐爲 玄同進士擢第,調長安令。 生事 上元 初, 會赦還, 累

未盡也。 方今人不加富、盜賊未衰、禮誼寖薄者, 武德、貞觀、庶事草創,人物固乏。 下吏不稱職,庶官非其才, 天胙大聖, 享國永年, 異人間出。諸色入 取人之道有所

進

止平章事

封鉅鹿男。

上疏言選舉法弊曰:

流,歲以千計,官有常員,人無定限,選集猥至,十不收一,取捨淆紊。

夫耳,尙以僚屬委之,則三公、九卿亦當然也。 故太宰、內史並掌爵祿廢置,司徒、司馬 穆王以伯囧爲太僕正,命曰:「愼簡乃僚。」此乃自擇下吏之言也。太僕正,特中大 夏、商以前,制度多闕。至周,煥然可觀。 諸侯之臣不皆命天子,王朝庶官不專一

別掌興賢詔事,是分任羣司而統以數職,王命其大者,而自擇其小者。 漢制,諸侯自置吏四百石以下,其傅、相大臣則漢爲置之;州郡掾史、督郵、從事,

悉任之牧守。

勢要,悠悠風塵,此焉奔競,使百行折之一面,九能斷之數言,不亦難乎? 可委數人手乎?又尸厥任者,間非其選,至爲人擇官,爲身擇利,下筆繫親疏,措情觀 尺丈之量,鍾庾之器,非所及則不能度,非所受則無以容,況天下之大、士類之衆, 自魏、晉以後,始歸吏部,而迄于今。以刀筆量才,簿書察行,法與世弊,其來久

學, 所謂胄子者,必裁諸學,少則受業,長而 早仕,弘文、崇賢、千牛、輦脚之類,程較旣淺,技能亦薄, 輕試則無才。 且臣聞莅官者,不可以無學。傳曰:「學以從政,不聞以政入學。」今貴戚子弟一皆 又勳官、三衞、流外之屬,不待州縣之舉, 入官,然後移家事國,謂之德進。夫少仕則不務 而門閥有素, 資望自高。 夫 直取書判, 非先德後言

策,但顧望魏、晉遺風,臣竊惑之。 所舉,而苟以應命。 以馭之;太平多士,則遴柬髦俊而使之。今選者猥多,宜以簡練爲急。竊見制書,三品 人?不擇舉者之賢,而責所舉之濫,不可得已。以陛下聖明,國家德業,而不建經久之 至九品並得薦士,此誠仄席旁求意也。 臣聞國之用人,如人用財,貧者止糟糠,富者餘粱肉。故當衰弊之乏,則磨策朽鈍 且惟賢知賢,聖人篤論。 願少瓊周、漢之規,以分吏部選,即所用詳,所失 但褒貶不明,故上不憂黜責,下不盡搜揚,莫愼 阜陶旣舉,不仁者遠。 身苟濫進,庸及知

無多

締交,能保終始,故號「耐久朋」。 進拜文昌左丞、鸞臺侍郎、同鳳閣鸞臺三品。 遷地官尙書,檢校納言。 玄同與裴炎

當復皇嗣」。后不察,賜死于家,年七十三。一初,監察御史房濟監刑,謂曰:「丈人盍上變?冀 朝堂聽命。 召見,得自陳。」玄同曰:「人殺與鬼殺等耳,不能爲告事人!」 先是,狄仁傑督太原運,失米萬斛,將坐誅,玄同救免。 玄同曰:「明府可去矣,毋久留。」興以爲沮己,銜之,至是誣玄同言「太后老矣, 而河陽令周興未知也行,數於

李昭德,雍州長安人。

驩州。 所以然。後擢犯罪,告乾祐漏禁中語以自贖,詔免官,卒。 疆直,而昵小人。 嘗爲書與所善吏,刺取朝廷事,迷隱其辭,爲吏所賣,遂良白發於朝,坐流 治書侍御史,有能名。永徽初,擢御史大夫,爲褚遂良所惡,出爲邢、魏二州刺史。 足。」帝意解,繇是冤死。遷侍御史。 天下共之,非陛下獨有也。 召拜滄州刺史。入爲司刑太常伯,舉確州司功參軍崔擢爲尚書郎,不得報,私語撰 貞觀初爲殿中侍御史。 仁軌以輕罪致極刑, 母卒,廬墓側,負土成墳。帝遣使就弔,表異其閭。 鄃令裴仁軌私役門卒,太宗欲斬之,乾祐曰:「法令與 非畫一之制。 刑罰不中,則民無所措手 乾祐 歷

鄓。 上東諸門,標置華壯。洛有二橋,司農卿韋機徙其一直長夏門,民利之,其一橋廢,省互萬 然洛水歲淙齧之,繕者告勞。 如意元年,拜鳳閣侍郎、同鳳閣鸞臺平章事。 昭德疆幹有父風,擢明經,累官御史中丞。永昌初,坐事貶振州陵水尉。 昭德始累石代柱,銳其前,廝殺暴濤,水不能怒,自是無 武后營神都,昭德規創文昌臺及定鼎、 還爲夏官侍

列傳第

20

+ =

李昭

德

俄檢校 內史。 薛懷義討突厥,以昭德爲行軍長史,不見虜還。

況 者, 獻闕 舞文法,數誅陷大臣,人皆懾懼。 恨,譖短之。 子孫爲萬世計。 請以承嗣爲皇太子,后不許;固請,后遣昭德詰其故。昭德答殺慶之,餘黨散走。因奏日: 「自古有姪爲天子而爲姑立廟乎?以親親言之,天皇,陛下夫也,皇嗣,陛下子也。當傳之 姪乎? 武 承 下曰:「此石赤心,故以獻。」昭德叱曰:「洛水餘石豈盡能反邪?」時來俊臣、侯思止 嗣任文昌左相,昭德諫曰:「承嗣已王,不宜典機衡,以惑衆庶。 」后矍然日:「我未之思也。」乃罷承嗣爲太子少保。洛陽人王慶之率險佞數百人 后曰:「吾任昭德而獲安枕,是代我勞,非而所知也。」有人獲洛水白石而赤文 陛下承天皇顧託而有天下,又立承嗣,臣見天皇不來食矣。」后乃止。 昭德每奏其誣罔不道狀,卒榜殺思止,其黨稍摧沮 且父子猶相篡奪, 承嗣

狗同 職 死。 也 『可』,而昭德建言不可,制又從之。且人臣參奉機密,獻可替否,事或便利,不豫咨謀,而 弱諸侯以彊國,功也;然出入自專,擊斷無忌,威震人主,不聞有王,張祿一言而卒用憂 . 列, 向使昭王不卽覺悟,則秦之霸業或不傳子孫。 然昭德頗怙權,爲衆指目。 自長壽以來,厭怠細政,擢委昭德,乘總權 刻薄慶賞,多所矯虔,聲威翕習,天下杜口。 魯王府功曹參軍丘愔上疏曰:「臣聞魏冉誅庶族以安秦,忠 ·綱,而才小任重,負氣噩愎,聾盲下民,芻 陛下天授以前, 臣伏見南臺敕 目,羣臣奏請,陛下制已 萬機獨斷,公卿百執具

悄姚璹曰:「誠如所言,昭德固負國矣!」乃貶欽州南賓尉。 下祭臣之言。」又果毅鄧注著石論數千言,述其專恣,鳳閣舍人逢弘敏以聞。后由是惡之, 相傅會。 **鹭**可已行,方興駁異,是揚露擅命,以示於人,歸美引咎,誼不類此。 人,尙憂失授,況天下之重,可輕委寄乎?履霜堅冰,須防其漸。大權一去,收之良難。 願陛 臣觀其膽,乃大於身,鼻息所衝,上拂雲漢。夫小家治生, 俄召授監察御史。 ,有千百之貲,將以託 切奏讞皆承風指,陰

而快俊臣。 萬歲通天二年,來俊臣誣以逆謀,旣而俊臣亦下獄,同日誅。 神龍二年,贈左御史大夫。建中三年,加贈司空。 時甚雨,衆庶莫不冤昭德

日未言,問其故,答曰:「父犯法且死,故憂之。」承嗣爲表貸哲死,遷頃龍馬監。 刺史,坐賕當死,項往見武承嗣,自陳有二女弟,請侍王巾盥者。 吉頭,洛州河南人。 長七尺,性陰克,敢言事。 舉進士及第。 承嗣喜,以犢車迎之。三 調明堂尉。父哲爲易州

捕繫詔獄,榜楚百慘,以成其獄,同日論死,天下冤之。 擢右肅政臺中丞。 劉思禮謀反,項上變事,后命武懿宗雜訊,因諷囚引近臣高閥生平所牾者凡三十六姓,

來俊臣下獄,司刑當以死,狀三日不下。頃從武后游苑中,因間言:「臣爲陛下耳目,知

食奉御。 俊臣狀入不出,人以爲疑。」后曰:「朕以俊臣有功,徐思之。」項曰:「丁安遠告虺貞反,今爲 成州司馬。 俊臣誣殺忠良,罪惡如山,國蟊賊也,尚何惜?」於是后斬俊臣,而召安遠爲尚

爲元帥,應募日數千。頃還言狀,后曰:「人心若是邪?卿可爲羣臣道之。」項誦語于朝,諸 初,妻上其書,言后革命事及突厥至趙去,故后知虜且還。頃至,募士無應者,俄詔以皇太子 坐鎮耳。」初,太原温彬茂死高宗時,封一笥書,諉妻曰:「吾死後,須年及垂拱獻之。」垂拱 突厥陷趙、定,授檢校相州刺史,且募兵制虜南向。 項辭不知武,后曰:「賊方走,藉卿

爲刺史時,武懿宗討契丹,退保相州。後爭功殿中,懿宗陋短俯僂,項嚴語侵之,無所容假。 皆爲控鶴內供奉。項又彊敏,故后倚爲腹心。聖曆二年,進天官侍郎、同鳳閣鸞臺平章事。 后怒曰:「我在,乃藉諸武,它日安可保?」銜之。 始,項善張易之、殿中少監田歸道、鳳閣舍人薜稷、正諫大夫員半千、夏官侍郞李迥秀,

廬陵斥外,相王幽閉。 吾有不朽策,願效之,非止保身,且世世不絕胙。」易之流涕請,項曰:「天下思唐久矣! 張易之兄弟以寵盛,思自全,問項計安出。 上春秋高,武諸王非海內屬意。公盍從容請相王、廬陵,以副人望? 項曰:「公家以倖進,非有大功於天下,勢必 列傳第四十二 吉頊 校勘記

易弔爲賀之資也。」易之、昌宗乘間如項敎,后意乃定。 既而知頃與謀,召見問狀, **頃對**:

「廬陵、相王皆陛下子,先帝顧託於陛下,當速有所付。」乃還中宗。

棘,請須臾間。」后命坐,項曰:「水土皆一盎,有爭乎?」曰:「無。」曰:「以爲塗,有爭乎?」 使必爭,臣知兩不安矣。」后曰:「朕知之,業已然,且奈何?」項尋徙始豐尉,客江都,卒。 外戚,有分則兩安。今太子再立,而外家諸王並封,陛下何以和之?貴賤親疏之不明,是驅 曰:「無。」曰:「以塗爲佛興道,有爭乎?」曰:「有之。」 頂頓首曰:「雖臣亦以爲有。 夫皇子、 明年,項坐弟冒僞官貶琰川尉,及辭,召見,泣曰:「臣去國,無復再謁,願有所言。 中宗之立,項實倡之,會得罪,無知者。睿宗初,有發明其忠,乃下詔贈御史大夫。

矣。障之、玄同漏言及誅,不失所以事君者云。 固宜哉!昭德、項進不以道,君子恥之。雖然,一情區區,抑武興唐,其助有端,則賢淡遠 贊曰:異乎,炎之暗于幾也!知中宗之不君,不知武后之盜朝,假虎翼而責其搏人,死

校勘記

(1) 中宗復位求炎後授伷先太子詹事丞 元年制云:「文明已來破家子孫皆復舊資廕,唯徐敬業、裴炎不在発限。」同書卷二一〇睿宗景雲 按中宗爲裴炎等所廢,後復位。通鑑卷二〇八載中宗神龍

元年十一月載:「追復裝炎官爵…… 至是求炎後,獨伷先在,拜詹事丞。」是伷先任詹事丞,在

睿宗景雲時,此作中宗時,誤。

(三) 玄同救免而河陽令周興未知也 用,或奏以爲非淸流,罷之。 救免」下有闕文。 興不知,數於朝堂待命。」是「周興未知」云云,自另一事。疑「玄同 通鑑卷二〇四載:「高宗之世,周興以河陽令召見,上欲加擢

唐書卷一百一十八

列傳第四十三

張廷珪 **韋凑** 見素 諤 顗 知 人 維 繩 虛心 韓思復 朝宗

宋務光

呂元泰

辛替否

李渤

裴潾

張皋

李中敏

李款

李廿

饮

庫,養人力。」后善之,召見長生殿,賞慰良厚,因是罷役。 輸,星火迫切,鬻賣以充,非浮屠所謂隨喜者。今天下虛竭,蒼生彫弊,謂宜先邊境,實府 蟲蟻,且巨億計。工員窮窶,驅役爲勞,饑渴所致,疾疹方作。又僧尼乞丐自贍,而州縣督 財,殫萬民之力,窮山之木爲塔,極冶之金爲象,然猶有爲之法,不足高也。 史,按劾平直。武后稅天下浮屠錢,營佛祠於白司馬坂,作大象,廷珪諫,以爲:「傾四海之 張廷珪, 河南濟源人。 慷慨有志尙。第進士,補白水尉。 舉制科異等。 塡塞澗穴,覆壓 累遷監察御

會詔市河南河北牛羊、荆益奴婢,置監登、萊,以廣軍資。 列 第 四 + Ξ 張 廷 珪 廷珪上書曰:「今河南牛疫,

君?羊非軍國切要,假令蕃滋,不可射利。」后乃止。 在食,食所資在耕, 原耕地奪爲牧所,兩州無復丁田,牛羊踐暴,舉境何賴?荆、益奴婢多國家戶口,姦豪掠買, 十不一在,詔雖和市,甚於抑奪。 一入於官,永無冤期。南北異宜,至必生疾,此有損無益也。 耕所資在牛,牛廢則耕廢,耕廢則食去,食去則民亡,民亡則何恃爲 併市則價難準,

簡擇則吏求賄,是牛再疫,

農重傷也。 抑聞之,君所恃在民,民所恃

宜一切洗貸。」中宗納之。 天地復主,宜以仁化蕩宥。 張易之誅,議窮治黨與。 廷珪建言:「自古革命,務歸人心,則以刑勝治。 今唐曆不移, 且易之盛時, 趨附奔走半天下, 盡誅則已暴, 罰一二則法不平,

稱前詔; 上書切爭,且言:「自中興之初,下詔書,弛不急,斥少監楊務廉,以示中外。今土本復興,不 神龍初,詔白司馬坂復營佛祠,廷珪方奉詔抵河北,道出其所,見營築勞亟,懷不能已, 捆 壞 伐 木 , 寖 害 生 氣 。 願 罷 之 , 以 紓 窮 乏 。 」 帝 不 省 。 尋 爲 中 書 舍 人 。 再 遷 禮 部

侍郎

危則志銳,情苦則慮深,故能轉禍爲福也。 景龍、先天間,凶黨構亂,陛下神武, 汛掃氛垢, 日月所燭,無不濡澤,明明上帝,宜錫介福。 玄宗開元初,大旱,關中飢,韶求直言。廷珪上疏曰:「古有多難興國,殷憂啓聖,蓋事 而頃陰陽愆候,九穀失稔,關輔尤劇。 臣思天

苦昏墊,則無以奉上矣。斯安危所繫,禍福之原,奈何不察?今受命伊始,華夷百姓淸耳以 足畏,而上帝馮怒,風雨迷錯,荒饉日甚,則無以濟下矣;或謂人窮不足恤,而億兆攜離,愁 促遠境,罷縣戍,矜惠惸獨,蠲薄徭賦,去淫巧,捐珠璧,不見可欲,使心不亂。 考前王之書,敦素樸之道,登端士,放佞人,屛後宮,減外廢,場無蹴鞠之玩,野絕從禽之樂, 愼一日,永保大和,是皇天於陛下睠顧深矣,陛下得不奉若休旨而寅畏哉!誠願約心削志, 意,殆以陛下春秋鼎盛,不崇朝有大功,輕蔑、舜而不法,思溱、漢以自高,故昭見咎異,欲日

再遷黃門侍郎,監察御史蔣挺坐法,詔決杖朝堂,廷珪執奏:「御史有譴,當殺殺之,不

聽,刮目以視,冀有聞見,何遽孤其望哉?」

可辱也。」士大夫服其知體。

錦至石國市犬馬,廷珪曰:「犬馬非土性弗畜,珍禽異獸不育于國,不宜勞遠人致異物,願省 兵,五也。」又請復十道按察使,巡視州縣,帝然納之,因詔陸象先等分使十道。 斥候,必能預防,三也。狄人獸居磧漠,譬之石田,克而無補,四也。天下無年, 出軍掩敵,兵不數萬,不可以行,廢農廣饋,饑歲不支,二也。 「中國步多騎少,人齎一石糧,負甲百斤,盛夏長驅,晝夜不休, |王琚持節巡||天兵諸軍,方還,復詔行塞下,議者皆謂將襲|回紇, | 廷珪陳五不可,且言: 勞逸相絕, 其勢不敵, 一也。 千里遠襲,其誰不知?賊有 時遣使 當養人息

無益之故,救必然之急,天下之幸。」

武延秀、韋温等封戶多在河南、河北,諷朝廷詔兩道蠶產所宜,雖水旱得以蠶折租。廷珪謂: 以太子詹事致仕。卒,贈工部尚書,諡貞穆。 於王度哉?願依貞觀、永徽故事,準令折免。」詔可。在官有威化。入爲少府監,封范陽縣男。 加別稅,則隴右羊馬、山南椒漆、山之銅錫鉛鍇、海之蜃蛤魚鹽,水旱皆免,寧獨河南、北外 「兩道倚大河,地雄奧,股肱走集,宜得其歡心,安可不恤其患而殫其力?若以桑蠶所宜 坐漏禁內語, 出爲沔州刺史。 頻徙蘇、 宋、魏三州。初,景龍中, 宗楚客、 紀處訥 而

廷珪偉麥儀,善八分書,與李邕友善,及邕躓於仕,屢表薦之,人尙其方介云。

中季武 章凑字彦宗, 京兆萬年人。 同省,時號「三列宿」。 祖叔諧,貞觀中爲庫部與中,與弟吏部與中叔謙、兄主爵郞

爲相王府屬, 人孟神爽罷仁壽令,豪縱, 凑,永淳初,解褐婺州參軍事。徙資州司兵,觀察使房昶才之,表于朝,遷揚州 時姚崇兼府長史, 嘗曰:「韋子識遠文詳, 數犯法, 交通貴戚, 吏莫敢繩, 凑按治, 吾恨晚得之。」六遷司農少卿。 杖殺之, 遠近 稱伏。 、法曹。 州

宗楚客,出爲貝州刺史。

睿宗立, 授鴻臚少卿。 徙太府, 兼通事舍人。時改葬故太子重俊, 有詔加諡, 又詔雪

李多祚等罪,議贈官。 凑上言:

等擁 自若 行下,曰「幾不與公等相見」,其爲危甚矣! 北 , 督衆不止; 逆黨悔非, 回兵執賊, 多祚伏誅, 太子乃遁去。 臣議其君,子議其父,曰「靈」曰「厲」者,不敢以私亂公也。臣伏見故太子與多祚 王者發號出令,必法大道,善善著,惡惡明也。賞罰所不加,則考行立諡以褒貶 軍,犯宸居,破扉斬關,兵指黃屋,騎騰紫微,和帝御玄武門親諭逆順,太子據鞍 ,明日帝見羣臣,涕數

下; 明, 子 胄 君,臣安可不臣?父或不父,子安可不子?昏太子申生諡曰恭,漢太子據諡 嘉之乎,則弄兵討逆以安君父可也;因欲自立,則是爲逆, 乃諡 過周北門,王孫満策其必敗。 義未 臣 臣子之禮,過位必趨,蹙路馬獨有誅。 節関,臣所未 言是耶, 絕, 於太子母也, 咸蒙冰釋, 渝 願 ,子無廢母之理;非中宗命廢之,則又劫父廢母。 不復異議。 與議諡者質於御前,使臣言非耶,甘鼎鑊之誅,申大義示天 推此, 則太子稱兵宮中, 爲悖已甚。以斬三思父子而 如日未然,奈何使後世亂臣賊子資以爲辭?宜 昔漢成帝爲太子, 行不敢絕馳道。 秦師免 又奚可褒?此時韋氏逆未 日戾,今太 且君 或不

列

傳

第

四十

 \equiv

窜

凑

易諡以合經禮,多祚等罪云「兔」而不云「雪」。

以諡。」時大臣亦重改,唯罷多祚等贈官。 帝瞿然,引內閣中,勞曰:「誠如卿言。業已爾,奈何?」對曰:「太子實逆,不可以褒,請質行

取顧 顧,況聖世必無死乎?」朝廷爲減費萬計。 仁聖本意」。帝韶外詳議。 ,趨末棄本,恐天下有受其飢者。」不聽。 景雲初,作金仙等觀,湊諫,以爲:「方農月興功,雖貲出公主,然高直售庸,則農人捨耕 中書令崔湜、侍中岑羲曰:「公敢是耶?」凑 出爲陝、汝、岐三州刺 凑執爭,以「萬物生育,草木昆蚑傷伐甚多,非 史。 曰:「食厚祿,死不敢

昭穆,是謂不毀。 有三宗, 復孝敬皇帝廟號義宗,凑諫曰:「傳云:『必也正名。』禮:祖有功,宗有德,其廟百世不毀。 開元初,欲建碑靖陵,凑以古園陵不立碑,又方旱不可興工,諫而止。 周宗武王,漢文帝爲太宗,武帝爲世宗。 孝敬皇帝未嘗南面,且別立寢廟,無稱宗之義。」遂罷。 歷代稱宗者,皆方制海內,德澤可尊,列於 遷將作大匠。

官, 河南 **兼**北都軍器監,邊備修舉,詔賜時服勞勉之。 及病,遣上醫臨治。 其毋辭!」尋徙河南尹, 遷右 尹縱吏侵漁,春秋重責帥,其出湊曹州刺史,侍御史張治通州司馬。」久之,遷太原尹 衞大將軍,玄宗謂曰:「故事,諸衞大將軍與尙書更爲之,近時職輕,故用卿 封彭城郡公。會洛陽主簿王鈞以賕抵死, 卒, 年六十五, 贈幽州都 韶曰:「兩臺御 以 重此

載, 爲江西、山南、黔中、嶺南道黜陟使,繩糾吏治,所至震畏。遷文部侍郎,平判皆誦於口 見素字會微,質性仁厚。 及進士第,授相王府參軍,襲父爵,擢累諫議大夫。天寶五

銓敍平允,官有丐求,輒 下意聽納,人多德之。

皆以 吉温得幸,帝欲用之。 、集賢院學士,知門下省事。 見素安雅易制,國忠入白帝,帝亦以相王府屬,有舊恩,遂拜武部尚書、同中書門下平 十三載, 玄宗苦雨潦閱六旬, 温爲安祿山所厚,國忠懼其進,沮止之。謀於中書舍人竇華、宋昱, 謂宰相非其人,罷左相陳希烈,詔楊國忠審擇大臣。

章

事

圖之。」 陳玄禮之殺國忠也,兵傷其首,衆傳聲曰:「毋害韋公父子!」獲免。 陳 用彼相? 下,今又以蕃代漢,難將作矣。」國忠不應, 禄 明年, 山 反明甚, 詔復位, 由 明日當懇論之。」旣入,帝迎諭曰:「卿等有疑祿山意耶?」國忠、見素趨下,流涕 是 禄山 奉詔。 [表請蕃將三十二人代漢將,帝許之,見素不悅,謂國忠曰:「祿山反狀暴天 然每進見,未嘗不爲帝言之, 因以祿山表置帝前乃出。 見素曰:「知禍之牙不能防, 帝不入其語。 帝令中官袁思藝傳 未幾, 帝令壽王賜藥傅創。次 韶曰:「此姑忍, 見禍之形不能制,焉 祿山反, 從帝 入蜀。 肸 徐

列

巴西,詔兼左相,封豳國公。

傳位意,屬方水旱,左右勸我且須豐年。今帝受命,殷如釋負矣。 見素涕泣拜辭,又命見素子諤及中書舍人賈至爲册使判官,謁見肅宗於順化郡。 肅宗立,與房琯、崔渙持節奉傳國璽及册, 宣揚制命,帝曰:「太子仁孝, 煩卿等遠去,善輔導之。」 去十三載已有 肅宗聞琯

名且舊,虛懷待之;以見素嘗附國忠,禮遇獨減。

皆驗 子申亦金也。 答曰:「五行之說,子者視妻所生。 中,乃其時也。 死矣。」帝曰:「日月可知乎?」見素曰:「福應在德、禍應在刑。 是歲十月丙申,有星犯昴,見素言於帝曰:「昴者,胡也。 二金本同末異,還以相剋,賊殆爲子與首亂者更相屠戮乎!」及祿山死,日月 旣死其月,亦死其日。明年正月甲寅,豫山其殪乎!」帝曰:「賊何等死? 昴犯以丙申。 金,木之妃也;木,火之母也。 天道謫見, 所應在人, 昴金忌火,行當火位, 丙火爲金, ,昴之昏 禄山將

散, 見素太子太師,韶至蜀郡奉迎太上皇。 選部文符僞濫,帝欲廣懷士心, 及 明年三月至鳳翔, 從。 既還都,選者猥集,補 拜尙書右僕射, 署無所, 至者一 罷知政事。 以功食實封三百戶。 切補官, 日 訴于 朝, 不加檢復。 初,行在所承喪亂後,兵吏三銓簿領煬 乃追行其言。 上元初,以疾求致仕,許之,韶 見素奏宜明條綱以爲持久, 會郭子儀亦爲僕射,徙

朝朔望。 寶應元年卒,年七十六,贈司徒,諡忠貞。 子諤。

敗王室也,玄宗不悟,仍相之。卒爲後帝所薄, 章見素流涕爭祿山反狀,將信所言,以久其權。 贊曰:楊國忠本與安祿山爭寵, 故捕吉温以激其亂, 見素能言祿山反,不能言所以反,是佐國忠 然猶完其要領, 陰儲蜀貲,待天子之出,則已與 幸矣。 謂見素爲前知,

非也。

於衆,衆然之,遂至扶風,乃決西幸。後終給事中。 社禝。」因叩頭流血。 帝寤,賜妃死,軍乃大悅。 擢諤御史中丞,爲置頓使。 乘輿將行, 心向圖,未能言。一諤曰:「今兵少,不能捍賊,還京非萬全計,不如至扶風,徐圖去就。」帝問 日「國忠死,不可往圖,請之河、隴」,或請幸太原、朔方、凉州,或日如京師,雜然不一。 諫曰:「臣聞以計勝色者昌,以色勝計者亡。今宗廟震驚,陛下棄神器,奔草莽,惟割恩以安 諤歷京 兆府司錄參軍。 國忠之死,軍聚不解,陳玄禮請殺貴妃以安衆,帝意猶豫, 帝 或

論議典據。 以門調補千牛備身。 蚤孤,事姊恭順。及長,身不衣帛。 自鄂尉判入等, 授萬年尉。 通陰陽象緯,博知山川風 歷御史、補闕, 與李約

列傳

第四

十 三

章 湊

四二六九

章多所咨逮, 李正辭更進 諷 嘗曰:「吾儕五 諫,數移大事。 人,智不及一韋公。」長慶初爲大理少卿。 裴垍、章貫之、李絳、崔羣、蕭倪皆布衣舊,繼爲宰相, 累遷給事中。 朝廷典

政,頗傅會之,素議遙衰。 所著易緼 解,推演終始, 然節儉自居,天下推其倘云。 有深誼。 既喜接士,後出莫不造門。 而李逢吉方結黨與,擅國

立,授御史中丞,爲戶部侍郎,徙吏部。

卒, 贈禮部尚書。

鄓, 知人自荆府兵曹遷司庫員外郎,兼判司戎大夫事。 知人字行哲,叔謙子。 弱而好古。 以國子舉授校書郎。 未幾卒。 高宗時,擢州參軍八人爲中臺 子維 繩

徐敬業親,貶五泉主簿。 維字文紀。 進士對策高第, 徙內江令, 教民耕桑, 擢武功主簿。 督役乾陵, 縣爲刻頌。 會歲飢, 遷戶部郞中, 均力勸 1功,人不知勞。坐 善裁剖, 時員外

宋之問善詩,故時稱「戶部二妙」。終太子右庶子。

威行京師。 鱦長文辭。 **擢監察御史,更泗、涇、鄜三州刺史。** 撫養宗屬孤幼無異情。 舉孝廉, 以母老不肯仕。 天寶初,入爲祕書少監,玄宗尚文,視其職 踰二十年, 乃歷長安尉,

如尙書丞、郞。鱦刊是圖簡,以善職稱。

終陳王傅。

劉 入之官。 活其餘。 幽 求有所輕重,虚心據正不橈。 虚心字無逸,維子。 以廬江 遷御史中丞。 1多盗. 遂縣舒城 歷荆、潞、揚三大都督府長史。 舉孝廉。 景龍中,屬羌叛,旣禽捕,有詔悉誅,虛心惟論酋長死,原 遷大理丞、侍御史。 盜賊爲衰。入爲工部尚書、東京留守。 荆州有鄉豪,負勢干法,虛心籍其訾 神龍中,按大獄,僕射竇懷貞、侍中 累封南皮郡子。

卒,贈揚州大都督,諡曰正。

弟虚舟, 歷洪、魏二州刺史,有治名。 入爲刑部侍郎。

初,維為 愈,蒔柳于廷,及虛心兄弟居郞省,對之輒斂容。 自叔謙後,至郎中者數人,世

號「鄓官家」。

歲 玩好未嘗省。篤學,舉秀才高第,襲祖封。 ,母爲語父亡狀,感咽幾絕,故|倫特愛之, 韓思復字紹出, 京兆長安人。 祖倫, 貞觀中歷左衞率, 封長山縣男。 永淳中, 家益窶, 嘗曰:「此兒必大吾宗。」然家富 歲飢, 京兆杜瑾者, 有, 思復少孤,年十 金玉、車馬 以百綾餉

調梁府倉曹參軍, 會大旱,輒開倉賑民,州劾責,對曰:「人窮則濫,不如因而活之,無趣 思復,思復方倂日食,而綾完封不發。

列傳

第

四

十 三

韓

思復

侍鄓 坐爲王同皎所薦 盗 ,識之,擢司 賊。」州 有黃芝五 不能 生州署,民爲刻頌其祥。 禮博士。 訓。 ,貶始州長史。 轉汴州司戶,仁恕, 五遷 一禮部郎中。 遷滁州刺史,州有銅官,人鏟鑿尤苦,思復爲賈他鄙,費省 不行鞭罰。 徙 襄 建昌王武攸寧母亡, 州 以親喪去官, 請鼓吹, 鬻薪 自給。 思復持不可而止。 姚崇爲夏官

善思得冤死,流靜州。 白陛 謀,但奏東都有兵氣。 省。 下必卽位。 嚴善思坐譙王 入拜給事中。 今韶追善思, 書發卽至, 使有逆節者, 肯遽奔命哉。 請集百官議。」議多同, |重福事,捕送詔獄,有司劾||善思「任汝州刺史,與王游; 帝作景龍觀,思復諫曰:「禍難初弭,土木遽興, 遷中書舍人,數指言得失,頗見納用。 匿反罔上,宜伏誅」。思復曰:「往庫氏擅內, 謀危 非憂物恤人所急。」不見 社稷, 至京師,不暴王 善思詣相府,

躬,損 易故牒以聞,故河南數州賦不得蠲。 付崇,崇建遣思復使山東按所損,還,以實言。 在巡問賑給大使。 所至,苗輒 開元初為諫議大夫。 不急之務,任至公之人,持此誠實以答譴咎,其驅蝗使一切宜罷。」玄宗然之,出其疏 盡,今游食至洛。 遷御史大夫,性恬澹,不喜爲繩察,徙太子賓客,進爵伯。 山東大蝗,宰相姚崇遣使分道捕瘞。 使者往來,不敢顯言。 崇惡之, 出爲 德州 崇又遣監察御史劉沼覆視,沼希宰相意,**悉** 且天災流行,庸可盡瘞?望陛下悔過責 刺史。 拜黃門侍郎。 思復上言:「夾河州縣, 帝北巡,爲行 累遷吏部侍 飛蝗

復爲襄州刺史,治行名天下。 代還,仍拜太子賓客。 卒,年七十四,諡日文。 天子親題

其碑曰「有唐忠孝韓長山之墓」。故吏盧僎、邑人孟浩然立石峴山。

相 也。」子朝宗。 初 鄭仁傑、李無爲者,隱居太白山,思復少從二人游,嘗曰:「子識淸貌古,恨仕不及宰

帝 客卒發,大憂 稱善,特賜中上考。 不聽。 今乞寒胡非古不法,無乃爲狄?又道路藉藉, 朝宗初歷左拾遺。 累遷 不測, 荆州 長史。 白龍魚服,深 帝傳位太子, 睿宗詔作乞寒胡戲, 可畏也。 朝宗與將軍龐承宗諫曰:「太子雖睿聖,宜且養成盛德。」 況天象變見,疫癘相仍,厭兵助陰, 諫曰:「昔辛有過伊川, 咸言皇太子微服觀之。 見被髮而祭, 且匈 是謂無益。」帝 奴 在 知其 邸 刺 必

出爲高平太守。 任吏擅賦役,貶洪州 長安尉霍 傳言汲者死,行人雖喝困,不敢視,朝宗移書諭 開元二十二年,初置十道採訪使, 仙奇 所發,玄宗怒,使侍御史王鉷訊之,貶吳興別駕,卒。 始,開元末,海內無事,訛言兵當興,衣冠潛爲避世計, 刺史。 天寶初,召爲京兆尹,分渭水入金光門, 朝宗以襄州刺史兼山南東道。 神, 自是飲者亡恙,人更號韓公井。 匯爲潭,以通西市材木。 襄州南楚故城有昭王 朝宗廬終南山, 坐所

光

列

朝宗喜識拔後進,嘗薦崔宗之、嚴武於朝,當時士咸歸重之。

() 許之。 桂管 境賦不足充其費,依處以儉約,遂爲定制,衆以爲難。 缺者,須按籍 觀察使,部二十餘州,自參軍至縣令無慮三百員,吏部所補纔十一,餘皆觀察使商才補 朝宗孫仗,字相之,性淸簡。 旣去,召鄉豪責以橈法,答其背,以令部中, |取可任任之。」會春服使至,鄉有豪猾厚進賄使者,求爲縣令,使者請攸, 元和初第進士。自山南東道使府入爲殿中侍御史。 自是豪右畏戢。 卒, 贈工部侍郎。 時韶置五管監兵,盡 累遷

元年,大水,韶文武九品以上官直 宋務光字子昂,一 一名烈,汾州西河人。 言極諫,務光上書曰: 舉進士及第,調洛陽尉。遷右衞騎曹參軍。 神龍

興也。 后王 拒 諫則 樂聞過,罔不興,拒諫,罔不亂。 澤議 壅,羣議壅則上孤 立,此所以 樂聞過則下情通,下情通則政無缺,此所以

臣嘗觀天人相與之際,有感必應,其間甚密,是以敎失於此,變生於彼。 湯日:「天

姓。 雨滯霪,陰勝之沴也。後廷近習或有離中饋之職以干外政,願深思天變,杜絕其萌。 下御極,郊、廟、山川不時薦見。又水者陰類,臣妾之道,氣盛則水泉溢,頃虹蜺紛錯,暑 垂 象,見吉凶,聖人象之。」竊見自夏以來,水氣勃戾,天下多罹其災,洛水暴漲,漂損百 傳曰:「簡宗廟,廢祠 '祀,則水不潤下。」夫王者卽位,必郊祀天地,嚴配祖宗。 。自陛

事。 陛下清光。 謂能節宣風雨。 事,陛下未躬親乎?晁錯曰:「五帝其臣不及,則自親之。」今朝廷賢佐雖多,然莫能仰 已成,駭而圖之,猶水決治防、病困求藥,雖復僶俛,尙何救哉!夫塞變應天,實繫人 馬爲樂。臣聞三五之君不能冤淫亢,顧備禦存乎人耳。災興細微,安之不怪,及禍變 今霖雨即閉坊門,豈一坊一市能感發天道哉?必不然矣。故里人呼坊門爲宰相, 又 (自春及夏,牛多病死,疫氣浸淫。)傳曰:「思之不睿, 時則有牛禍。」 意者萬機之 願勤思法宮,凝就大化。以萬方爲念,不以聲色爲娛,以百姓爲憂,不以犬 天工人代,乃爲虚設。

於邊塞,孀孤轉於溝壑,猛吏奮毒,急政破資。馬困斯佚,人窮斯詐。起爲姦盜,從而 市,則以爲旣庶且富;試踐閭陌,則百姓衣馬牛之衣,食犬彘之食,十室而九。丁壯盡 刑之,良可嘆也。 又數年以來,公私覂竭,戶口減耗,家無接新之儲,國乏俟荒之蓄。陛下近觀朝 今人貧而奢不息, 法設而僞不止; 長吏貪冒, 選舉以私; 稼穡之人

列

傳

四

十 三

少, 商 旅之人衆。 願坦然更化, 以身先之。 凋殘之後,緩其力役;久弊之極, 訓以敦

厖。十年之外,生聚方足。

社禝, 危。」此誠治**亂安**危之秋也。 · 葉靜能挾小道淺術,列朱紫,取銀黃,虧國經,悖天道。 (書曰:「制治于未亂,保邦于未 武三思等, 無令媒黷。 臣聞太子者,君之貳,國之本,所以守器承祧,養民贊業。 慰黎元。姻戚之間, 誠不宜任以機要, 謗議所集, 願陛下遠佞人,親有德,乳保之母、妃主之家,以時接見, 國家利器, 積疑成患,憑寵生災,愛之適以害之也。 ,庸可久假於人?祕書監鄭普思、國子祭酒 願擇賢能,早建儲副,安 如

疏奏不省。

倍於輸國。 考最,進殿中侍御史。 言:「通邑大都不以封。 俄以監察御史巡察河南道。時滑州輸丁少而封戶多,每配封人,皆亡命失業。務光建 請以 封戶均餘州。」又請「食賦附租庸歲送,停封使,息傳驛之勞」。 遷右臺。 今命侯之家專擇雄奧,滑州七縣,而分封者五,王賦少於侯租,入家 嘗薦汝州參軍事李欽憲,後爲名臣。 卒,年四十二。 不見納。

時又有淸源尉呂元泰,亦上書言時政曰:「國家者,至公之神器,一正則難傾,一 傾則難

勞費 相歡 相當 無事 路,鼓舞跳躍而索寒焉?」書聞不報 也。 四方是則。』非先王之禮樂而 一; 非 日 今中興政化之始,幾微之際,可不愼哉。自頃營寺塔,度僧尼,施與不絕,非所謂急務 林胡數叛,獯虜內侵,帑藏虛竭,戶口亡散。 軍陣勢也; 水旱爲災,不謂年登;倉廩未實,不謂國富。而乃驅役飢凍,彫鐫木石,營構 深,恐非陛下中興之要也。 雅樂也;渾脫爲號,非美名也。 騰逐喧躁,戰爭象也;錦繡夸競,害女工也;督斂貧弱,傷政體也;胡服 示則於四方,臣所未論。書:『日謀,時寒若。』何必贏形體,灌衢 比見坊邑相率爲渾脫隊,駿馬胡服,名曰『蘇莫遮』。旗鼓 安可以禮義之朝,法胡虜之俗?詩云:『京邑翼翼 夫下人失業,

不謂太平

;邊兵未解,

不謂 不急,

濫; 武崇訓死,主棄故宅,別築第,侈費過度;又盛興佛寺,公私疲匱。 朝 辛替否字協時, 《廷餘奉,百姓餘食;下忠於上,上禮於下;委裘無倉卒之危,垂拱無顚沛之患。 夫 有惕耳目,動心慮,作不師古,以行於今,臣得言之。陛下倍百行賞,倍十增官,金銀 古之建官不必備,九卿有位而闞其選。故賞不僭,官不濫;士有完行,家有廉節; 京兆萬年人。 景龍中爲左拾遺。 時置公主府官屬, 替否上疏 而安樂府補授尤

否

不供於印,東帛不充於錫,何所媿於無用之臣、無力之士哉?

以人爲本,本固則邦寧,邦寧則陛下夫婦母子長相保也。 願外謀宰臣,爲久安計,不使 寵過也。今棄一宅,造一宅,忘前悔,忽後禍,臣竊謂陛下乃懀之,非愛之也。 臣聞君 使魯王賞同諸壻,則有今日之福,無囊日之禍。人徒見其禍,不知禍所來,所以禍者, 姦臣賊子有以伺之。 取三怨於天下,使邊疆士不盡力,朝廷士不盡忠。 人心散矣,獨持所愛,何所恃乎?向 心,將變愛成懀,轉福爲禍。何者?竭人之力,費人之財,奪人之家,怨也。愛一女, 庫以賜之,壯第觀以居之,廣池籞以嬉之,可謂至重至憐也。 然用不合古義,行不根人 古語曰:「福生有基,禍生有胎。」且公主,陛下愛子也, 選賢嫁之,設官輔之, 傾府

也。 榮身以害教。今三時之月,掘山穿地,損命也;殫府虛帑,損人也;廣殿長廊,榮身 咸有道之長, 餘世而商受之,商二十餘世而周受之,周三十餘世而漢受之,由漢而後,歷代可知已。 不給棟梁;運土塞路,不充牆壁。所謂佛者,淸淨慈悲,體道以濟物,不欲利以損人,不 損命則不慈悲,損人則不愛物,榮身則不淸淨,寧佛者之心乎?昔夏爲天子二十 今疆埸危駭,倉廩空虚,卒輸不充,士賞不及,而大建寺宇,廣造第宅。伐木空山, 無道之短, **豈窮金玉修塔廟享久長之祚乎**?臣以爲減彫琢之費以賙不

武之功;回不急之祿以購廉淸,是有唐、虞之治。陛下緩其所急,急其所緩,親未來, 足,是有佛之德;息穿掘之苦以全昆蟲;是有佛之仁;罷營構之直以給邊垂,是有湯、

贫人。今天下之寺無數,一寺當陛下一宮,壯麗用度尙或過之。十分天下之財而佛有 黨,畜妻養孥,非無私愛,是致人毁道,非廣道求人也。陛下常欲塡池塹,捐苑囿,以賑 潤而後得之乎?臣聞國無九年之儲,日非其國。今計倉廩,度府庫,百僚共給,萬事用 疏見在,失眞實,冀虛無,重俗人之所爲,而輕天子之業,臣竊痛之。 度,臣恐不能卒歲。假如兵旱相乘,則沙門不能擐甲胄,寺塔不足穰飢饉矣。 七八,陛下何有之矣。雖役不食之人、不衣之士,猶尙不給,況必待天生地養、風動 今出財依勢,避役亡命,類度爲沙門,其未度者,窮民善人耳。 拔親樹知,豈離朋 雨

帝不省。

睿宗立,罷斜封官千餘人,俄詔復之。方營金仙、玉真觀。 替否以左補闕上疏曰: 臣謂古之用度不時、爵賞不當、國破家亡者,口說不若身逢,耳聞不若目見,臣請

以有唐治道得失,陛下所及見者言之。

財帛 無枉費;賞必待功,官必得才,爲無不成,征無不服。不多寺觀而福祿至,不度 太宗,陛下之祖,撥亂立極,得至治之體。省官淸吏,舉天下職司無虛授,用天下

僧尼而咎殃滅。陰陽不愆,五穀遂成,粟腐帛爛。萬里貢賦,百蠻歸款。 陛下何憚而不法之? 享國久長,多歷

神怒,親忿衆離,水旱疾疫,六年之間,三禍爲變。享國不永,受終於凶婦,取譏萬代, 出日加,所入日減,倉乏半歲之儲,庫無一時之帛。所惡者逐,逐必忠良;所愛者賞, 祿者數千人,妄食土者百餘戶; 造寺蠧財數百億, 度人冤租、 庸數十萬。 是故國家所 可致也。 中宗,陛下之兄,居先帝之業,忽先帝之化,不聽賢臣之言,而悅子女之意。 朋佞喋喋, 交相傾動。 奪百姓之食以養殘凶, 剝萬人之衣以塗土木。 人怨 虚食

庫有幾歲帛?百姓何所活?三邊何所輸?民散兵亂,職此由也。而以百萬構無用之 不改其事,恐復有切齒於陛下者。 棄中宗短促之計。何以繼祖宗、觀萬國耶?陛下在韋氏時,切齒羣凶;今貴爲天子, 觀,受天下之怨。陛下忍棄太宗之治本,不忍棄中宗之亂階;忍棄太宗久長之謀,不忍 知所濟。而營寺造觀,日繼于時,道路流言,計用緡錢百餘萬。陛下知倉有幾歲儲? 頃淫雨不解,穀荒于壟,麥爛于場,入秋亢旱,霜損蟲暴,草木枯黃,下人咨嗟,未

晉卿之徒陰勸爲之,冀誤骨肉?不可不察也。惟陛下停二觀以須豐年,以所費之財給 交馳, 亭不得游, 宅不得息, 信邪僻之說, 成骨肉之刑, 陛下所見也。今茲二觀, 得無 務者乎?往者和帝之憐悖逆也,宗晉卿勸爲第宅,趙履温勸爲園亭,工徒未息,義兵 往 見明敕,一用貞觀故事。且貞觀有營寺觀,加浮屠、黃老,益無用之官,行不急之

疏奏,帝不能用,然嘉切直。

貧窮、塡府庫,則公主福無窮矣。

爲憲司,懼勢以縱罪,謂王法何?」少微坐死。遷累潁王府長史。卒,年八十。 稍遷右臺殿中侍御史。雍令劉少微恃權貪贓,替否按之,岑羲屢以爲請,替否曰:「我

捨金,妻讓之,是無夫也。乃摭古聯德高蹈者,以楚接輿、老萊子、 王儒仲、梁鴻六人圖象讚其行〔〕,因以自儆。 久之,更徙少室。 恥之,不肯仕,刻志於學,與仲兄涉偕隱廬山。嘗以列禦寇拒粟,其妻怒,是無婦也; 樂羊子 李渤字濬之,魏横野將軍、申國公發之裔。父鈞,殿中侍御史,以不能養母廢于世。渤 黔婁先生、於陵子、

元和初,戶部侍郎李巽、諫議大夫韋況交章薦之,詔以右拾遺召。 於是河南少尹杜兼

列傳

第四十三

李渤

使吾君妄施。』 彼賤賈也,猶能忘己愛君。 臣雖欲盜榮以濟所欲,得無愧屠羊乎?」 不拜。 遣吏持詔、幣卽山敦促,渤上書謝:「昔屠羊說有言:『位三旌, 祿萬鍾,知貴於屠羊,然不可

洛陽令韓愈遺書日:

爲細。必審察而諦思之,務使合於孔子之道乃善。 者。 於公。公不爲起,是使天子不盡得良臣,君子不盡得顯位,人庶不盡被惠利,其害不 至,更加高秩。 公冠帶就車,惠然肯來,舒所畜積,以補綴盛德之闕,利加于時,名垂將來。 已,跡接於諸侯之國。今可爲之時,自藏深山,牢關而固拒,即與仁義者異守矣。 平世歟?加又有非人力而至者,年穀屢熟,符貺委至。干紀之姦不戰而 之聲,寬大之政,幽閨婦女、草野小子飽聞而厭道之。 頃刻以冀。 凶銷鑠縮栗,迎風而委伏。 仁聖,小大之事皆出宰相,樂善言如不得聞,自卽大位,凡所出而施者無不得宜。 若此時也,遺公不疾起與天下士樂而享之,斯無時矣。 昔孔子知不可爲而爲之不 有詔河南敦喻遺公,朝廷士引頸東望,若景星、鳳鳥始見,爭先覩之爲快。方今天子 又竊聞朝廷議,必起遺公,使者往若不許,即河南必繼以行。 如是辭少就多,傷於廉而害於義,遺公必不爲也。善人進,其類皆有望 其有一事未就正,視若不成人。 愈不通於古,請問先生,茲非太 四海所環,無一夫甲而兵 拘纍, 拾遺徵若不 踴躍懷企, **疆梁之** 想遺 勤儉

渤 心善其言,始出家東都,每朝廷有闕政,輒附章列上。

不 失爲戰。 元 和 九年討淮西,上平賊三術:一曰感,二曰守,三曰戰。 又上禦戎新錄,乃以著作郎召,渤遂起。 歲餘,遷右補闕,以直忤旨,下遷丹王 感不成,不失爲守,守不成,

府諮議參軍,分司東都。十三年,上言:

使切磋周復,作制度,合宜災繼周之言。謹上五事:一禮樂,二食貨,三刑政,四議都, 崇孝悌,敦九族,廣諫路,黜選舉,復俊造,定四民,省抑佛、老, 以 沃 五 下順而革之,則悠久。 一辨讎 下宰相公卿大夫議,博引海內名儒,大開學館,與羣臣參講,據經稽古、應時便俗者, 有所未盡,使陛下翹然思文、武、禹、湯而不獲也。 匹夫宅四海,其烈如彼;今以五聖營太平,其難如此。 至德以來,天下思致治平,訖今不稱者,人倦而不知變。 宜乘平蔡之勢,以德羈服恆、兗無不濟,則恩威暢矣。昔舜、禹 宜正六官、敍九疇、脩王制、月令、 臣恐宰相羣臣蘊晦術略,啓 天以變通之運遺陛下,陛 明刑行令,治兵禦戎。

渤 而激 處外,然志存朝廷,表疏凡四十五獻。 它州縣大抵類此。 奉詔弔郗士美喪,在道上言:「渭南長源鄉戶四百,今纔四十;陽鄉戶三千,而今 推其敞,始於攤逃人之賦。假令十室五逃,則均責未逃者,若抵石 擢為庫部員外郎。 會皇甫鎛輔政, 務剝下佐用

農,國之本,本立而 非極 泉不 :太平可議矣。」又言:「道路茀不治, 誠繇聚斂之臣割下媚上。 願下詔一賜禁止,計不三年,人必歸于農。 驛馬多死。」憲宗得奏客駭,即韶出飛

歸

大理 杜元 進名聽內考,非有司所得專。 考功,以「考課令取歲中善惡爲上下,郞中校京官四品以下黜陟之,由三品上爲淸望官, 裴通職修舉,考應中上;以封母,捨嫡而追所生,請考中下。」奏入,不報。會渤請急,馮宿領 等諫畋游,得事君之禮,請考上下。 龍馬數百給畿驛。 天下事一以付之,俛等不推至公,陳先王道德,又不振祓舊典,復百司之本。 「卿許季同,任翬者,應考中下; 然頃陷劉闢, 穎等請考中下。御史大夫李絳、左散騎常侍張惟素、右散騎常侍李益諫幸驪山,鄭覃 、植,陛下卽位,倚以責功,安危治亂繫也。 陛下比幸驪山,宰相、學士皆股肱心腹,宜皆知之,不先事以諫, **俛等未聞慰一首公,使天下吏有所勸;黜一不職,** 立,召拜考功員外郎。 渤既 以峭直觸要臣意,乃謝病 渤舉舊事爲褒貶,違朝廷制,請如故事」。渤議遂廢 歲終,當校考。 崔元略當考上下,前考于翬不實,翬以賄死,請降中中。 方陛下敬大臣,未有昵比左右自驕之心,而 渤自宰相而下升黜之,上奏曰:「宰相俛、 棄家以歸,宜補厥過,考中中。 使尸祿有所懼。士之邪正混然無 陷君於過。 政之興廢在賞 **倪與學士** 少府監

會魏博節度使田弘正表渤爲副,元穎劾奏:「渤賣直售名,資狂躁,干進不已,外交方鎮

求尉薦,不宜在朝。」出爲虔州刺史。 渤奏還信州移稅錢二百萬,免賦米二萬石,廢冗役千

六百人。 觀察使上狀。 不閱歲, 遷江州刺史。

臣刺史,上不能奉詔,下不忍民窮,無所逃死,請放歸田里。」有韶蠲責。 七百步,使人不病涉 田 二千頃,今旱死者千九百頃。 度支使張平叔斂天下逋租,渤上言:「度支所收貞元二年流戶賦錢四百四十萬,臣州治 若徇度支所斂,臣懼天下謂陛下當大旱責民三十年逋賦。 渤又治湖水,築隄

之。」俄充理匭使,建言:「事大者以聞,次白宰相,下以移有司。 位, 者加所坐一等,以絕冒越。」詔可。 憂倦旣積,災釁必生,小則爲旱爲孽,大則爲兵爲亂。 退上疏曰:「今日入閣,陛下不時見羣臣,羣臣皆布路跛倚。 |渤見宰相曰:「昨論晏朝事,今盆晚,是諫官不能移人主意, 臣至三諫,恐危及社稷。」文言:「左右常侍職規諷,循默不事,若設官不責實,不如罷 入爲職方郎中,進諫議大夫。時敬宗晏朝紫宸,入閤,帝久不出,羣臣立屛外,至頓仆。 禮:『三諫不聽, 渤請出閣待罪。」會喚仗,乃止。 夫跛倚形諸外,則憂思結諸 有司不當,許再納匭。 則逃之。』陛下新即 內。

時政移近倖,紀律蕩然,渤勁正不顧患,通章封無闋日。 天子雖幼昏,亦感寤, 擢給事

列傳第四十三 李渤

賜金紫服。

遣使送發於家,且撫尉其母。 爲桂管觀察使。 罪在赦前,而中人在赦後,不寘于法,臣恐四夷聞之,慢倍之心生矣。」渤又誦言:「前神策軍 獄。 年八十,憂廢成疾。陛下方孝治,宜少挺之。」帝惻然曰:「比諫官但言廢枉,未嘗道此。」卽 在幔城,篡京兆進食牙盤,不時治,致宦人益橫。」帝以問左右,皆曰「無之」。帝謂渤有黨,出 懷州長史。 旣而 會大赦、改元,發以囚坐鷄干下,俄而中人數 五 坊卒夜覵, 囚皆釋,而發不得原。 它日,宰相李逢吉等見帝曰:「發暴中人誠不敬,然其母故宰相韋貫之姊, 傷縣人,鄂令崔發怒,敕吏捕摔,其一中人也,釋之。帝大怒,收發送御史 章拜詔,泣對使者杖發四十。猶奪其官。至文宗,乃用發爲 渤上疏曰:"縣令曳辱中人,中人毆御囚, 十持 梃亂擊,發敗面折齒,幾死,吏哀請乃 其罪一 也。 然令

水潰毀,渠遂廞淺,每轉餉,役數十戶濟一艘。 病歸洛。大和中,召拜太子賓客。卒,年五十九,贈禮部尙書。 桂有灕水,出海陽山,世言秦命史祿伐粵,鑿爲漕,馬援討徵側, 渤疆浚舊道,鄣泄有宜,舟楫利焉。 復治以通餽; 踰年,以 後爲江

渤,孤操自將,不苟合於世,人咸謂之沽激。 屢以言斥,而悻直不少衰,守節者尙之。

使、刺史相監臨,臺又御史爲之使,以察過闕。猶有不職,則宜明科條督責之,誰不惕懼?若 復以宮闈臣領之,則內人而及外事,職分亂矣。夫事不善,誠於初;體有非,不必大。 奏罷之。 憲宗任宦人爲館驛使,檢稽出納。有曹進玉者,尤恃恩倨甚,使者過,至加捽辱,宰相李吉甫 裴潾,本河東聞喜人。篤學,善隸書。以蔭仕。元和初,累遷左補闕。 會伐蔡,復以中人領使。 潾諫曰:「凡驛,有官專尸之,畿內以<u>京</u>兆尹,道有觀察 於是兩河用兵, 。方開

帝喜方士,而柳泌爲帝治丹劑,求長年。 帝御劑,中躁病渴。 |游諫日: 太平,澄本正末,宜塞侵官之原、出位之漸。」帝雖不用,而嘉其忠,擢起居舍人。

更相 陛 廟,以仁牧黎庶,攘剗祇凶,復張太平,賓禮賢俊,待以終始。神功聖德,前古所不及。 顓頊、堯、舜、禹、陽、文、武,咸以功濟生人,天皆報以耆壽, 其伎哉? 下躬行之,天地宗廟必相陛下以億萬之永。今乃方士韋山甫、柳泌等以丹術自神, 稱 夫除天下之害者,常受天下之利;共天下之樂者,常饗天下之福。故上自黃帝、 引, 詭爲陛下延年。 今所至者,非日知道, 臣謂士有道者皆匿名滅景,無求於世,豈肯干謝貴近, 咸求利而來。 自言飛鍊爲神,以試權賄,僞窮情得,不 垂榮無疆。陛下以孝安宗

臣 聞 人食味、別聲、被色而生者也。 = 装 味以行氣,氣以實志。 水火鹽梅以亨魚肉,宰 恥

列

傳

第

四

+

遁亡。

豈可信

厥術、

御其藥哉?

又金石性託酷烈, 地生之,所以奉人,聖人節調,以致康彊。 夫和之,齊之以味,君子食之,以平其心。夫三牲五穀,稟五行以生也,發爲五 而燒治積年,包炎產毒,未易可制。 若乃藥劑者,所以禦疾,豈常進之餌哉?況 事暴前策,皆可驗視 夫秦、 漢之君亦信方士矣, 味。

<u>盧生、徐福、欒大、李少君,後皆詐譎無成功。</u> 禮:「君之藥,臣先嘗之;父之藥,子先嘗之。」臣、子一也,願以所治劑,俾其人服

之,竟一歲以考眞僞,則無不驗矣。

帝怒,貶江陵令。

以死 賄仇 所部,雖有罪,必請有司,明不可擅也。 華州 越法杖人輒死, 刺史。 家, 在辜外,推元衡父蔭贖金,公成受財不訴,以赦免。 穆宗立,泌等誅,召潾,再遷刑部郎中。前率府倉曹參軍曲元衡杖民柏公成母死,有司 利母之死,逆天性,當伏誅。」有詔元衡流,公成論死。 召拜兵部侍郎, 以太子左庶子分司東都。 出爲河南尹,復還舊官。 元衡非在官, 遷左散騎常侍、集賢殿學士。改刑部侍郎,爲 公成母非所部,不可以蔭免。 公成取 卒, 贈戶部尙書, 諡曰敬。 游議曰:「杖捶者,官得施所部,非 久之,繇給事中爲汝州刺史,

自號大和通選,上之。當時文士非與遊者皆不取,世恨其隘。 |隣以道自任,悉心事上,疾黨附,不爲權近所持。 嘗裒古今辭章, 憲宗竟以藥棄天下,世益謂 續梁昭明太子文選, 忠義可爲者,聞而默,則不安,願陛下無忽。」帝善其言,詔訪皋,不獲。 自知,不可蹈前覆、迎後悔也。 故禮稱:『醫不三世,不服其藥。』庶士猶爾,況天子乎?先帝晚節喜方士,累致危疾,陛下所 則藏氣爲不平。』推此論之,可謂達見至理。 無疾不用藥也。 在易,『無妄之疾,勿藥有喜』,在詩,『自天降康,降福穰穰』,此天人符也。 則疾疹作。古之聖賢務自頤養,不以外物橈耳目、聲色敗情性,繇是和平自臻,福慶用昌。 穆宗雖誅泌, 高宗時,處士孫思邈達於養生,其言曰:『人無故不應餌藥。 而後稍稍復惑方士。 今人人竊議, 直畏忤旨, 莫敢言。臣蓬菣之生, 非以邀寵, 顧 有布衣張皋者,上疏曰:「神盧澹則血氣和,嗜欲勝 夫寒暑爲賊,節宣乖度,有資於醫,尚當重慎**。** 然則藥以攻疾, 藥有所偏助,

大抵相上下。 李中敏字藏之,系出隴西。 沈傳師觀察江西,辟爲判官。入拜侍御史。 元和中,擢進士第。 性剛峭, 與杜牧、李甘善,其文辭氣節

鄭注誣逐宰相宋申錫,天下以目。 大和六年,大旱,文宗內憂,詔詢所以致雨者。 中敏

列傳第

四十

Ξ

李中敏

時以司 帝不省。 利,然上式請亨以致雨。 目鄭注。 相,生平饋致一不受,其道勁正,姦人忌之,陷不測之辜,獄不參驗,銜恨而沒, 聞昔東海誤殺一孝婦,大旱三年。 然三人者,亦陛下赤子也。神策士李秀殺平民,法當死,以禁衞,刑止流。 門員外郎上言:「雨不時降,夏陽驕愆,苗欲槁枯,陛下憂勤,降德音,俾下得盡言。臣 中敏以病告滿,歸潁陽。 臣知數冤必列訴上帝,天之降災,殆有由然。 況中錫之枉,天下知之,何惜斬一注以快忠臣之魂,則天且雨矣。」 注誅,以司勳員外郎召。 臣頃爲御史臺推囚, 華封儒殺良家子三人, 漢武帝國用空竭, 桑弘羊興筦権之 陛下赦封儒 天下士皆指 宋申錫位宰

者監安得有子? 窮塞得自申意。 匭 出禁中,暮而入,爲下開必達之路,廣聰明,直枉結。 界遷諫議大夫,爲理匭使,建言:「上書者將納於匭,有司先審其副,有不可,輒卻之。臣 」土良慙恚。 請一裁諸上。」詔可。 繇是復棄官去。開成末,爲婺、杭二州刺史,卒于官。 遷給事中。 仇士良以開府階蔭其子, 若有司先裁可否、恐事不重密、非 中敏日:「內謁

內通 敕使, 中敏所善李款,字言源。 外結朝臣,往來 兩地, 長慶初第進士,爲侍御史。 1 射 財謝。」帝不省。 後寖用事, 注自邠寧入朝,款伏閤劾奏:「注 激被斥去。 注死, 繇倉部

員

外郎累遷江西觀察使。

終澶王傅。

列傳第四十三 李中敏 校勘記

相, 相?白麻出,我必壞之。」旣而麻出,乃以趙儋爲鄜坊節度使, 朝廷譁言將用之,甘顯倡曰:「宰相代天治物者,當先德望, 李甘字和鼎。 長慶末,第進士,舉賢良方正異等。 累擢侍御史。 甘坐輕肆, 後文藝。 鄭注侍講禁中,求宰 貶封州 注何人, 司馬。 欲得宰 丽

李訓內亦惡注, 繇是注卒不相。 甘終于貶。

茂卿 其費,其葬也,滑帥賻之財,斯執事之事,他人旣篡之矣。卽有稱牢於上者,執事能無恨其後 其閭,脫之徭,上有大禮則差問以粟帛。今河北驕叛,萬師不能攘,而牢徒步請尸仇手,與 間,凍膚皺瘃,銜哀雨血。 執事門唁而書顯之,豈樹風扶敎意耶?且鄉人能齧疽刳脞,急親之病,皆一時決耳,猶蒙表 夫含腐忍瘡者孰多?<u></u> | 年絕乳卽能詩,洛陽兒曹壯於| 牢者皆出其下。聞| 牢之贖喪, 走常山二千里,號伏叛壘,委髮羸骸,有可憐狀,讎意感解,以尸還之。單穣多月,往來太行 ,從田氏府,趙軍反,殺田氏,茂卿死。 」其激卬自任類此。 河南人楊牢,字松年,有至行。甘方未顯,以書薦於尹曰:「執事之部孝童楊牢,父 牢後亦擢進士第。 行路稠人爲牢泣,歸責其子,以牢勉之。 牢爲兒踐操如此, | 牢之兄蜀,三往索父喪,慮死不果至。| 牢自洛陽 |路帥償 未聞

廷珪數子,優游彌縫,皆中時病,非所謂賈直自榮者也。 然或依古肆言,高而難從, 贊曰:夫以下摩上,士所甚患,然取名最多,故上失德則與下爭名,而後有誅夷斥竄事。 ,以邀主賈直者,逆之似傷道,行之不切時,此言事常弊也。 至渤爭晏朝,潾諫方士,甘斥鄭注 若

校勘記

不可作宰相,排寵救危,不得不爾,賢哉!

(二) 以楚接輿……王儒仲梁鴻六人圖象讚其行 《傳,王霸,字儒仲,「隱居守志」,與梁鴻等合傳。 「仲儒」顯爲倒文,今改正。 「儒仲」, 各本原作「仲儒」。 按後漢書卷八三逸民

唐書卷一百一十九

列傳第四十四

武平一 李义 賈曾至 白居易行簡 敏中

權,故臣家以宗子竊祿疏封。今上聖復辟,宜退守園廬,乃再假光寵,爵封如初,高班厚位, 下應,信如景響。詩曰:『唯此文王,小心翼翼,昭事上帝,聿懷多福。』陛下天性孝愛,戚屬 位厚者釁速,故月滿必虧,日中則移,時不再來,榮難久藉。 昔永淳之後,王室多難,先聖從 外家,恩洽澤濡。臣一宗,階三等,家數侯,朱輪華轂,過許、史、梁、鄧遠甚。恩崇者議積, 請抑母黨,上言:「去歲熒惑入羽林,太白再經天,太陽虧,月犯大角。 臣聞災不妄生,上見 與事,隱嵩山脩浮圖法,屢詔不應。中宗復位,平一居母喪,迫召爲起居舍人,丐終制,不見 景龍二年,兼脩文館直學士。 時天子暗柔不君,韋后烝亂,外戚盛。 平一重斥語,即自 武平一名甄,以字行,潁川郡王載德子也。博學,通春秋,工文辭。武后時,畏禍不敢

列

傳第

四十四

武平一

遂超 妃之家,恩過寵深,一朝覆沒,遂無噍類。 涯 極。 故陰氣僭陽,河、洛汎溢。 昔王族驕盈,梅福上書,竇氏專縱,丁鴻進諫。 願思抑損之宜、長遠之策,推遠時權,以全親親。一 且后

帝慰勉,不許。 遷考功員外郎

愛乖 間,心腹患也。 姦人,塞讒路。 徒,詭獻忠款;膏脣之伍,荷輸讒計。脅肩邸第之中,噤頤媪宦之側。 孔云。』是知親族以輯睦爲義也。 曰:「病之在四體者,跡分而易逐;居心腹者,候遽而難治。 ,黨與生。 于時,太平、安樂公主各立黨相拫毀,親貴離閱,帝患之,欲令敦和,以訪平一。 若猶未已,則捨近圖遠,抑慈示嚴,惟陛下之命。」帝美其忠切,卒不用 書曰:『克明俊德,以親九族,九族旣睦,平章百姓。』詩曰:『協比其鄰, 積霜成冰,禍不可旣。 自頃權貴猜防,外和內離, 願悉召近親貴人,會宴內殿,告以輯睦,申以恩勤,斥 刑政乖舛, 怨結姻婭, 疑生骨肉。 故過從絕,猜嫌構,親 四支疾也; 親權猜 邀榮之 因上書 婚姻

舒、季孫肥凡八世。 子罕、子駟、子良、子國、子游、子印、子豐也。」一坐驚服。平一問日用曰:「公言齊桓公、 久,若言經,則敗績矣。」時崔湜、張說素知平一該習,勸令酬詰,平一乃請所疑。 催日用自言明左氏春秋諸侯官族。它日,學士大集,日用折平一日:「君文章固耐 ,鄭七穆,奈何?」答曰:「慶父、叔牙、季友,桓三子也。 鄭穆公十一子,子然及士子子孔三族亡二了, 子羽不爲卿, 故稱 孟孫至彘凡九世, 日用一 叔孫

列傳第四十四 武平一 李义

楚莊王時,諸侯屬齊若楚凡幾。平公、靈王時,諸侯屬晉、楚凡幾。晉六卿,齊、楚執政幾何 (?: 」日用謝曰:「吾不知,君能知乎?」平一條舉始末,無留語。 日用曰:「吾請北面。」闔坐

大笑。

應變。 酣, **媒**狎虧汙 樂,備四 之數,比來日益流宕,異曲新聲,哀思淫溺。始自王公,稍及閭巷,妖伎胡人、街童市子,或言 諫曰:「樂,天之和,禮,地之序;禮配地,樂應天。故音動於心,聲形于物,因心哀樂,感物 趨 妃主情貌,或列王公名質,詠歌蹈舞,號曰『合生』。昔齊衰,有行伴侶,陳滅,有玉樹後庭花, 數驚僻,皆亡國之音。 胡人襪子、何懿等唱「合生」,歌言淺穢,因倨肆,欲奪司農少卿宋廷瑜賜魚。平一上書 後宴兩儀殿,帝命后兄光祿少卿嬰監酒,嬰滑稽敏給, 樂正則風化正,樂邪則政敎邪,先王所以達廢興也。 一夷外, 邦典。 一皆罷遣。 若聽政之暇, 苟玩 夫禮慊而不進卽銷,樂流 況兩儀、承慶殿者,陛下受朝聽訟之所,比大饗羣臣,不容以倡優 耳目, 自當奏之後廷可也。」不納。 而不反則放。 伏見胡樂施于聲律,本備四夷 詔學士潮之, 嬰能抗數人。 臣願屏流僻,崇肅雍,凡胡 酒

然自引去,故被謫。 玄宗 立、貶蘇州參軍 既謫而名不衰。 ,徙金壇令。 開元末,卒。孫元衡、儒衡別傳。 平一見寵中宗,時雖宴豫,嘗因詩頌規誠,然不能卓

名。」第進士、茂才異等,累調萬年尉。 季昶以乂聞,擢監察御史。 李乂字尙眞,趙州房子人。少孤。 劾奏無避。 年十二,工屬文,中書令薛元超曰:「是子且有海內 長安三年, 景龍初,葉靜能怙勢,乂條其姦,中宗不納。 遷中書 韶雍州長史薛季昶選部吏才中御史者,

舍人、脩文館學士。

無旣, 廣,施之一朝,營之百倍。 帝遣使江南,發在所庫貲以贖生,乂上疏以爲:「江南魚鼈之利,衣食所資。 而府庫之財有限, 與其拯物,不如憂民。且鬻生之徒惟利所視,錢刀日至,網罟歲 若回所贖之貲,減方困之徭,其澤多矣。」 江湖之生

者,睿宗曰:「朕非有靳,顧李义不可過耳! 行,時人語曰:「李下無蹊徑。」改黃門侍郞, 章氏之變,詔令嚴促,多乂草定。進吏部侍郎,仍知制誥。與宋璟等同典選事,請謁不 」諫罷金仙、玉眞二觀,帝雖不從,優容之。 封中山郡公。 制敕不便,輒駁正。 貴幸有求官

部尚書。 開元初,姚崇爲紫微令,薦爲侍郞,外託引重,實去其糾駁權,畏乂明切也。 卒,年六十八,贈黃門監,諡曰貞。 遺令薄葬,毋還鄉里。 未幾,除刑 公主干政,欲引义自附,义深自拒絕。

以沈正方雅, 識治體, 時稱有宰相器。 葬日,蘇頲、畢構、馬懷素往祖之,哭日:「非公爲

义所著甚多。 働 而 誰 慟歟! 尚一終淸源尉,尚貞博州刺史。 」乂事兄尙一、尙貞孝謹甚,又俱以文章自名,弟兄同爲一集,號李氏花萼集,

賈曾,河南洛陽人。

不能下,貶邵州司馬。失武懿宗意,下獄幾死,左除建州司戶參軍,卒。 於勵者。」帝然所許,衆亦以爲知言。累轉吏部員外郞。 勇冠軍,高偘忠果而謀,契苾何力性沈毅,雖忌前,有統御才。然夙夜小心,忘身憂國,莫逮 問:「諸將材否?」對曰:「李勣舊臣,陛下所自悉。 諦,帝異之,擢監察御史。方事遼東,奉使稟軍餉,還,奏上山川道里,丼陳高麗可破狀。 父言忠,貌魁梧,事母以孝聞,補萬年主簿。 護役蓬萊宮,或短其苛,高宗廷詰,辯列詳 龐同善雖非關將,而持軍嚴。 李敬玄兼尚書,言忠尚氣,及主選 。薛仁貴票

與其間。 宋女樂,就率更寺肄習,**曾諫曰:**「作樂崇德,以和人神。 容哇咬,蠱心喪志,聖賢疾之最甚。 曾 少有名,景雲中,爲吏部員外郎。玄宗爲太子,遴選宮僚,以曾爲舍人。太子數遣使 昔魯用孔子幾霸, 戎有由余而彊, 齊、秦遺以女樂, 故孔子行, 殿下渴賢之美未彰,好伎之聲先聞,非所以追啓誦、嗣 韶、夏有容,咸、英有節,而女樂不 由余出奔。 良以冶

列傳第四十四 賈曾

臣哉!願下令屛倡優女子,諸使者採召,一切罷止。」太子手令嘉答。 堯舜之烈也。 餘閑宴私,後廷伎樂,古亦有之,猶當祕隱,不以示人,況閱之所司, 明示羣

以文辭稱,時號「蘇賈」。後坐事貶洋州刺史。 舍人,曾固辭。 `|會請合享天地如古制幷從祀等坐。 俄擢中書舍人,以父嫌名不拜,徙諫議大夫,知制誥。 議者謂中書乃曹司,非官稱,嫌名在禮不諱,乃就職。 睿宗詔宰相禮官議, 歷虔、鄭等州刺史,遷禮部侍郎,卒。 皆如會請。 天子親郊, 與蘇晉同掌制誥,皆 有司議不設皇地祇 開元初,復拜中書 子至。

譔册 子手,可謂繼美矣。」至頓首,嗚咽流涕。 ,旣進稟,帝曰:「昔先天誥命,乃父爲之辭,今茲命册, 至字幼鄰,擢明經第,解褐單父尉。從玄宗幸蜀,拜起居舍人,知制誥。 歷中書舍人。 又爾爲之,兩朝盛典, 帝傳位, 出卿家父 至當

守,陝新下, 按將軍去榮以朔方偏裨提數千士,不能整行列, 至諫曰:「聖人誅亂,必先示法令,崇禮義。」漢始入關,約法三章,殺人者死,不易之法也。 魯炅守南陽,賈賁守雍丘,張巡守睢陽,初無去榮,未聞賊能下也。以一能而免死,彼弧矢 至德中,將軍王去榮殺富平令杜徽,肅宗新得陝,且惜去榮材,詔貸死,以流人使自効。 非去榮不可守, 臣謂不然。 李光弼守太原,程千里守上黨, 挾私怨殺縣令, 有犯上之逆。 許叔冀守靈昌, 或日去榮善

去榮, 國家 乎? 絕倫 王不擅殺,而小人得擅殺者,是權過人主。 詔 羣臣議, 悖縣令,能不悖於君乎。律令者,太宗之律令,陛下不可以一士小材,廢祖宗大法。」帝 也。 、劍術無前者,恃能犯上,何以止之!若捨去榮,誅將來, 殺十去榮之材, 太宗定天下,陛下復鴻業,則去榮非至德罪人,乃貞觀罪人也。 ,太子太師韋見素、文部郎中崔器等皆以爲:「法者,天地大典,王者不敢專也。 其傷蓋多。 彼逆亂之人,有逆於此而順於彼乎?亂富平而治於陝 開元以前,無敢專殺,尊朝廷也;今有之,是弱 是法不一而招罪人也。 其罪祖宗所不赦, 惜 帝

營完,蒲人乃安。 蒲 州 刺史以河東瀕賊,徹傅城廬舍五千室,不使賊得保聚,民大擾。 坐小法, 貶岳州 司馬 韶遣至尉安,官助

陛下

可易之耶?

」詔可。

生徒。 部。 今鄉 寶應! 詔有 使保桑梓者,鄉里舉焉; 舉 初, 司參議,多是縮言。 取人 召復故官,遷尙書左丞。 、未盡,請廣學校,增國子博士員,十道大州得置大學館, 至議以爲:「自晉後,衣冠遷徙,人多僑處, 在流寓者, 楊綰建請依古制,縣令舉孝廉于刺史,刺史升天子禮 庠序推焉。」議者更附至議。 詔 因緣官族, 所 轉禮部侍郎, 博士領之, 召置 待 在 占 制

大曆 列 初,徙兵部。 第 + 20 累封信都縣伯,進京兆尹。 買 曾 白 居 易 七年,以右散騎常侍卒, 四二九 年五 九 十五,贈禮

部尙書,謚曰文。

白 居易字樂天,其先蓋太原人。北齊五兵尙書建,有功于時,賜田韓城,子孫家焉。

徙下邽。父季庚,爲彭城令,李正己之叛,說刺史李洧自歸,累擢襄州別駕

等,調盩厔尉,爲集賢校理,月中,召入翰林爲學士。遷左拾遺。 謂斯文遂絕,今復得子矣!」貞元中,擢進士、拔萃皆中,補校書郞。 居易敏晤絕人,工文章。未冠,謁顧況。況,吳人,侍才少所推可,見其文,自失曰:「吾 元和元年,對制策乙

賢者子孫贖而賜之。 普寧公主取以獻,皆頔嬖愛。 兩賦, 今若假以名器,四方聞之,皆謂陛下得所獻,與宰相。 萬,爲魏徵孫贖故第,居易言:「徵任宰相,太宗用殿材成其正寢,後嗣不能守,陛下猶宜以 相天下具膽,非有重望顯功不可任。 四年,天子以旱甚,下詔有所蠲貸,振除災沴。 以救流瘠,且多出宮人。憲宗頗采納。是時,于頔入朝,悉以歌舞人內禁中,或言 師道人臣,不宜掠美。」帝從之。 居易以爲不如歸之,無令頔得歸曲天子。李師道上私錢六百 按鍔誅求百計, 居易見詔節未詳,即建言乞盡免江淮 諸節度私計曰:『誰不如鍔?』爭哀割 不卹彫察,所得財號爲『羨餘』以獻。 河東王鍔將加平章事,居易以爲:「宰

是實都統。 不忸于役,脫奔逃相動,諸軍必搖,三也。回鶻、吐蕃常有游偵,聞討承宗歷三時無功,則兵 奪恩信,不出朝廷,二也。 不進,理無成功。 承璀進不決戰,已喪大將,希朝、茂昭數月乃入賊境,觀其勢,似陰相爲計, 劉濟等洎諸將必恥受承璀節制,心有不樂,無以立功。 以竦天下忠臣心。」度支有囚繫圓鄕獄,更三赦不得原。又奏言:「父死,縶其子,夫久繫,妻 嫁,債無償期,禁無休日,請一切免之。」奏凡十餘上,益知名。 生人以求所欲。 未有以中人專統領者。 河北諸將聞吳少陽受命,將請洗滌承宗,章一再上,無不許,則河北合從,其勢益固。與 翔 始以中人爲都監。 會王承宗叛,帝詔吐突承璀率師出討,居易諫:「唐家制度,每征伐,專委將帥,責成功, 節 旣 度使。 而 兵老不決,居易上言:「陛下討伐,本委承璀,外則盧從史、范希朝、張茂昭。 恐四方聞之,必輕朝廷。 張奉國定徐州,平李錡有功,遷金吾將軍。 與之則綱紀大壞,不與則有厚薄,事一失不可復追。」是時,孫璹以禁衞勞, 不亟罷之,且有四害。 韓全義討淮西,賈良國監之;高崇文討閩,劉貞亮監之。 今暑濕暴露,兵氣熏烝,雖不顧死,孰堪其苦?又神策雜募市人, 神策既不置行營節度,即承璀爲制將, 後世且傳中人爲制將自陛下始,陛下忍受此名哉?且 以府帑金帛、齊民膏血助河北諸侯,使益 此乃資承宗之姦,挫諸將之銳。」帝 居易爲帝言:「宜罷璹,進奉國, 又充諸軍招討處置使, 空得一縣,卽壁 且興天下 富

兵,

比

年

擢

鳳

也。

列

第

四

白

居

易

至而罷,則損威失柄,祗可逆防,不可追悔。」亦會承宗請罪,兵遂罷。 之疆弱,費之多少,彼一知之,乘虛入寇,渠能救首尾哉?兵連事生,何故蔑有?四也。

其口,使自爲謀,非所以發揚盛德也。」帝悟,待之如初。歲滿當遷,帝以資淺,且家素貧,聽 拔擢,乃敢爾,我叵堪此,必斥之!」終曰:「陛下啓言者路,故羣臣敢論得失。 若黜之,是箝 自擇官。 後對殿中,論執彊鯁,帝未諭,輒進曰:「陛下誤矣。」帝變色,罷,謂李絳曰:「是子我自 居易請如姜公輔以學士兼京兆戶曹參軍,以便養,詔可。明年,以母喪解,還,拜

說,若忘形骸者。 州 嫌其出位,不悅。俄有言「居易母墮井死,而居易賦新井篇, 左贊善大夫。 .刺史。中書舍人王涯上言不宜治郡,追貶江州司馬。旣失志,能順適所遇,託浮屠生死 是時,盜殺武元衡,京都震擾。居易首上疏,請亟捕賊,刷朝廷恥,以必得爲期。 久之,徙忠州刺史。入爲司門員外郎,以主客郎中知制誥 言浮華,無實行,不可用」。 出爲

穆宗好畋游,獻續虞人箴以諷,曰:

獵,俾心發狂。」何以效之,日羿與康。曾不是誠,終然覆亡。 唐受天命,十有二聖。兢兢業業,咸勤厥政。 鳥獸蟲魚,各遂其生。 民野君朝,亦克用寧。 鳥生深林、獸在豐草。 在昔玄祖,厥訓孔彰:「馳騁畋 高祖方獵,蘇長進言:「不 春蒐冬狩,取

滿十旬,未足爲權。」上心旣悟, 璟趨以出, 鶴死握中。噫!逐獸于野,走馬于路。 爲之輟败。 降及宋璟, 亦諫玄宗。 豈不快哉,銜橛可懼。 温顏聽納, 審其安 獻替從

危,惟聖之慮。

讎 國 .恥未雪,人當以物助之,乃取其財,誼不忍。 方諭問旁午,若悉有所贈,則賊未殄,**布** 俄 轉中書舍人。 田布拜魏博節度使,命持節宣論,布遺五百縑,詔使受之,辭曰:「布父

貲竭矣。」詔聽辭餉。

進忠,不見聽,乃丐外遷。 可當 開弓高 六井,民賴其汲。 乘隙夾攻之,間令招諭以動其心,未及誅夷,必自生變。且光顏久將,有威名,度爲人忠勇, 每道各出銳兵三千,使李光顏將。光顏故有鳳翔、徐、滑、河陽、陳許軍無慮四萬,可徑薄賊, 言:「兵多則難用,將衆則不一。宜詔魏博、澤潞、定、滄四節度,令各守境,以省度支貲餉 一面,無若二人者。」於是,天子荒縱,宰相才下,賞罰失所宜,坐視賊,無能爲。 糧路,合下博,解深州之圍,與牛元翼合。 河朔復亂,合諸道兵出討,遷延無功。賊取弓高,絕糧道,深州圍益急。 久之,以太子左庶子分司東都。 爲杭州 刺史,始築堤捍錢塘湖, 還裴度招討使,使悉太原兵西壓境,見利 復拜蘇州刺史,病免。 鍾洩其水, 溉田千頃;復浚李泌 居易上 居易雖

文宗立,以祕書監 召,遷刑部侍郎,封晉陽縣男。 大和初,二李黨事 興,險利乘之,更相

列

傳

第四十

四

白

居

東都 奪移, 宣宗以詩弔之。 改太子少傅,進馮翊縣侯。 進退毀譽,若旦暮然。 除太子賓客分司。踰 遺命薄葬,毋請盜。 年,即拜 會昌初,以刑部尚書致仕。 楊虞卿與居易姻家,而善李宗閔,居易惡緣黨人斥, 河南 尹,復以賓客分司。 六年,卒,年七十五,赠尚書右僕射, 開成初,起爲同州刺史,不拜, 乃移病還

施, 從祖弟敏中友愛。 乃放意文酒。 居易被遇憲宗時,事無不言,湔剔抉摩, 暮節惑浮屠道尤甚, 既復用,又皆幼君,偃蹇益 東都所居履道里,疏沼種樹, 至經月不食葷, 不合,居官輒病去,遂無立功名意。 多見聽可, 然爲當路所忌, 遂擯斥, 所蘊不能 稱 香山 構石樓香山, 居士。 嘗與胡杲、吉畋、 鑿八節灘, 自號醉吟先生, 鄭據 與弟行簡 劉眞、

|盧眞、張渾、狄兼謨、|盧貞燕集,皆高年不事者,人慕之,繪爲九光圖

百數不差; 士人爭傳。 居易於文章精切,然最工詩。 ;隕卒,又與劉禹錫齊名,號「劉白」。其始生七月能展書,姆指「之」、「無」兩 九歲暗識聲律。 雞林行賈售其國相,率篇易一金,甚僞者, 其篤於才章,蓋天稟然。 初,頗以規諷得失,及其多,更下偶俗好,至數千篇, 敏中爲相, 相輒能辯之。 請諡,有司日文。 初, 與元稹 酬 字, 詠 後履道 當時 雖 故

第卒爲佛寺。

東都、江州人爲立祠焉。

雅 思澹而辭迂,以質合迂,宜人之不愛也」。今視其文,信然。 感傷;其它爲雜律。」又譏「世人所愛惟雜律詩,彼所重,我所輕。 唐 以來所未有。 人所爲。 …居易在元和、長慶時,與元稹俱有名,最長於詩,它文未能稱是也, 流傳人間, 其自敍言:「關美刺者,謂之諷諭; 子父女母交口教授, 淫言媟語入人肌骨不可去。」蓋 詠性情者,謂之閑適;觸事而發,謂之 而杜牧謂:「纖豔不逞, 至諷諭意激而言質,閑 多至數千篇, 救所失不得 非莊 適

賢哉 勢震赫 觀 居易始以直道奮,在天子前爭安危,冀以立功, 終不附離爲進取計, 完節自高。 而積中道徼險得宰相, 雖中被斥, 名望灌然。 晚益 不衰。 嗚呼, 當宗閔時, 居易其

客員 實,發其妄,志懼,自刺不殊。 (外郎, 代章詞判度支桉, 行簡 字知 退,擢進士,辟盧坦劍南東川 進郎 行簡敏而有辭,後學所慕尙。 中。 長慶時, 府。 罷,與居易自忠州 振武營田使賀拔志歲終結課最, 寶曆二年卒。 入朝,授左拾遺。 韶行簡閱 累遷主

敏中字用晦,少孤,承學諸兄。 列 傳 第 四 + 四 白 居 易 長慶初,第進士,辟義成節度使李聽府,聽一見,許其遠 四三〇五

御史, 到。 衰苶不任 遷右拾遺, 再轉左司 事,即薦敏中文詞類其兄 員外郎。 改殿中侍御史,爲符澈邠寧副使,澈卒以能政聞。 武宗雅聞居易名,欲召用之。 而有器識。 即日知 制誥,召入翰林爲學士。 是時,居易足病廢,宰相 御史中丞高元裕薦爲侍 進承旨。 李德裕言其

甚力, 下侍 郞 宣宗立,以兵部侍郎同中書門下平章事,遷中書侍郎,兼刑部尙書。 議者訾惡。 封太原郡公。 德裕著書亦言「惟以怨報德爲不可測」,蓋斥敏中云。 自員外,凡五年十三遷。 歷尙書右僕射、門 德裕貶,敏中抵之

敏中 軍 按屯保, 裴 自 擢 敏中以司 工,完創 度 訴 進 崔鉉 討 乃 于 + 第 准西 帝 河繞千 關 (輔政) 空、平章 壁。 有閥 時 帝 及行,帝御安福樓以餞, 曰:「殷知久矣。 閱 治 欲專任, 患敏中居右。 里。 次 蜀 ,敏中以充選。 事兼邠寧節度、招撫 寧州 五. 又規蕭關 年, 諸將已破羌賊, 有勞, 通 若用 加兼 靈 **顯與盧氏婚**, 威 **瀬言** 頒璽 路, 太子 、制置使。 會党項數寇邊,歐言宜得大臣鎭撫, 使爲耕 敏中 書諭尉, 庸相 太師, 卽 任耶? 將授室而 徙荆南。 戰 說諭 初, 賜通天帶,衞以 具。 其 帝愛萬壽公主, 」顧左右取書一函, 踰年, 衆, 罷,銜之。 皆願棄兵爲業。 檢校 司徒, 神策兵, 敏中自以居外, 欲下嫁士人。 徙 發視, 開府 劍南 天子嚮其言,故 乃自 辟 西 悉 南山 、顯所上, 畏顯讒, 時鄭顥 禮 增騾 井 河 如

懿宗立,召拜司徒、門下侍郎,還平章事。 數月足病不任謁,固求避位,不許,中使者勞

澤進。 救, 校勘記 病不堅退,且逐諫臣,舉怙威肆行,諡曰醜。 歸守墳墓,除康都留守,不敢拜,許以太傅致仕。 論 問,俾對別殿,毋拜。 天下事?願聽其請,無使有持寵曠貴之譏。」書聞,帝怒,斥譜陽翟令。 不聽。 咸通二年,南蠻擾邊,召敏中入議,許挾扶升殿。 鄭穆公十一子子然及士子子孔三族亡 「士」,十行、汲、殿、局本作「二」,衲本作「士」。 按左傳 列 等本「士」作「二」,則「二子」下衍「子」字。 襄公二十六年「鄭七穆」杜預注:「子然、二子孔已亡,子羽不爲卿,故止七也。」二子孔爲子孔及 <u>士子孔,與子然並鄭穆公庶子,見襄公十九年傳。此依衲本,「士子」下疑脫「孔」字。如從十行</u> 傳 第 譜者, 20 + 侍中珪之遠裔。 29 右補闕王譜奏言:「敏中病四月,陛下坐朝,與他宰相語不三刻, 校 勘 記 未幾, 加敏中中書令。 詔書未至,卒,册贈太尉。 固求免,乃出爲鳳翔節度使。 自裴度以勳德居, 給事中鄭公 博士曹鄴責其 而敏中以恩 三奏願 安暇

一興申

四三〇七

唐書卷一百二十

列傳第四十五

桓彥範 盧襲秀 薛季昶 楊元琰 仲昌 敬暉 崔玄暐 渙 縦 碣

張柬之 袁恕己高

自光大,毋卹于初。」厚爲禮。 桓彥範字士則,潤州丹楊人。以門蔭調右翊衞,遷司衞主簿。 尋擢監察御史,遷累中丞。 狄仁傑曰:「君之才,當

尙與妖人祈福禳解, 情,蓋防事暴之日得引首以免,未敗則候時爲逆。此凶詭之臣,營惑聖心。 嘗自歸,不許。 彥範諫曰:「昌宗謬橫恩, 苞禍心, 億測天命, 皇神降怒,自擿其咎。 父在,子稱尊爲逆子;君在, 長安中,爲司刑少卿。張昌宗引妖人迎占,言計不軌。 則果於必成, 臣圖位爲逆臣。逆而不誅,社稷懼亡。請付三司考治。」 初無悔意。今而宥之,誠恐昌宗自謂應運,天下殆然從 宋璟請窮治其姦,武后以昌宗 旣自歸露, 推原厥 而

四三〇九

列傳第四十五

桓

彦範

文明後得罪,惟揚、豫、博三州不免,它可悉赦。」疏十上,卒見聽。當曰:「大理,人命所縣, 時內史李嶠等屢奏:「往爲酷吏破家者, 請皆宥雪。」依違未從。 彥範復上言:「自

可便辭詭合以自免。」

宮,羣臣思天皇之德,不血刃,淸內難,此天意人事歸李氏。臣等謹奉天意,惟陛下傳位,萬 世不絕,天下之幸。」后乃臥,不復言。明日,中宗復位,以彥範爲侍中,封譙郡公,賜實封五 子誅,可還宮。」 彥範進曰:「太子今不可以歸!往天皇棄羣臣,以愛子託陛下。今久居東 皆鼓譟,時武后處迎仙宮之集仙殿,斬易之等廡下。后聞變而起,見中宗曰:「乃汝耶?豎 楊元琰、薛思行等千騎五百人討賊。令湛、多祚就東宮迎中宗至玄武門,彥範等斬關入,士 每北門起居,因得謁陳祕計。神龍元年正月,彥範、暉率羽林兵與將軍李湛、李多祚、 張柬之將誅易之等,引與定策。於是,以彥範、敬暉爲左、右羽林將軍,屬以禁兵。

上書戒帝曰:

殿上,預聞政事。 詩 以關雎爲始,言后妃者人倫之本,治亂之端也。故舜之興以皇、英,而周之興以 **樊**奔南巢,禍階末嬉;魯桓滅國,惑始齊姜。 伏見陛下臨朝視政,皇后必施惟 臣愚謂古王者謀及婦人、皆破國亡身、傾輈繼路。 且以陰乘陽,違天

也; 「無攸遂,在中饋。」言婦人不得預外政也。 以婦凌夫,違人也。 違天不祥, 違人不義。 伏願上以社稷爲重,令皇后無居正殿、干外 故書曰:「牝雞之晨,惟家之索。」易日:

朝,深居宮掖,脩陰敎以輔佐天子。

誅, 騎 微服,數幸其居,上下汙慢,君臣虧替。 且有變。 孔子曰:「執左道以亂政者殺, 又道路籍籍,皆云胡僧慧範託浮屠法,詭惑后妃,出入禁奧,瀆撓朝政。 除惡務本,願早裁之。 假鬼神以危人者殺。」今慧範亂政危人者也, 臣謂興化致治以康乂國家者, 繇進善而 陛下嘗 不急 棄 輕

帝孱昏,狃左右,不能有所省納。

顔師 不可止。」 古爲監,以孔穎達爲祭酒, 俄墨敕以方士鄭普思爲祕書監, **彦範日:「陛下始復位,** 如普思等方伎猥下, 制詔:『軍國皆用貞觀故事。』 葉靜能爲國子祭酒。 安足繼蹤前烈。 **彦範執不可**, 貞觀 時, 臣恐物議詣陛下官不 以魏徵 帝曰:「要已用之, **虞世南**、

擇才,以天秩加私愛。」不從。

中。 以鐵券恕十死,令朝朔望。 未幾,罷彥範等政事 時武三思以遷太后銜恚,盧不利諸武,而韋后雅爲帝寵畏,且三思與烝亂,由是朋讒 尋出爲洺州刺史,改濠州。 五月,加特進,封扶陽郡王,賜姓章,同后屬籍,錫 王同咬謀誅三思,事洩, 金銀、錦繡,皆 三思誣彥範

列

僔

第

之。 罪。 等同逆, 節愍太子請夷彥範等三族,帝不從。三思慮五人者且復用, 紫光祿大夫、襄武郡公,后又賜綵五百段、錦被一。 斬,家籍沒。 帝震怒, 馬,崔玄暐白州 「彥範、暉、柬之、恕己、玄暐暴訕搖變,內託廢后,而實危君。 大理丞李朝隱執奏:「彥範等未訊卽誅,恐爲讎家誣衊,請遺御史按實。」卿裴談 利貞至貴州,逢彥範,即縛曳竹槎上,肉盡,杖殺之,年五十四 陰令許州司功參軍鄭愔上變。 三思猥曰:「此殆彥範輩爲之。」命御史大夫|李承嘉鞫狀, 帝業嘗許以不死,遂流瀼州,禁錮終身,子弟年十六以上謫徙嶺外。 司 馬, 張柬之新州司馬, 乃貶彥範瀧州司馬, 悉奪勳封。 進談刑部尙書,而貶朝隱。 三思又疏韋后隱穢,榜於道,請廢之。 人臣無將,當伏誅。」詔有 乃納崔湜計, 敬暉崖州 物色其人。 .司馬, 袁恕己竇州司 遣周利貞矯制殺 承嘉即奏. 三思又諷 擢 承嘉金 請即 司議 誅

睿宗卽位,彥範等並追復官爵,賜實封二百戶,還其子孫,諡曰忠烈。 開元六年, 詔與

暉、玄暐、柬之、恕己勤勞王家,皆配享中宗廟庭。 玄暐太子太師,柬之司徒,恕己太子太傅。 建中三年,復贈彥範爲司徒,暉太尉,

|彥範工屬文,然不甚喜觀書,所志惟忠孝大略。 居若不能言,及議論帝前,雖被詰讓,

而安辭定色,辨爭愈切。

誅二張也,柬之勒兵景運門,將遂夷諸武。 洛州長史薛季昶勸曰:「二凶雖誅,產、祿猶 列傳第四十五 桓彦範

彦範亦曰:「主上昔爲英王,故吾留武氏使自誅定。 日:「吾無死所矣!」俄而三思竊入宮,因章后反盜朝權。 請除之。」會日暮事遽,彥範不欲廣殺,因曰:「三思机上肉爾,留爲天子藉手。」季昶歎 今大事已去,得非天乎! 同功者歎曰:「死我者,桓君也。 !」初,將起事

得,元禮俱坐死。 御史李福業者,嘗與彥範謀,及被殺,福業亦流番禺。 福業將刑,謝元禮曰:「子有親,吾甚愧恨。」元禮曰:「公窮而歸我,我得已 後亡匿吉州參軍敬元禮家,吏捕 告其母。

母曰:「忠孝不並立,義先國家可也。」

乎?」見者傷之。

邪 ? 死。」襲秀泫然。 」對日:「我何負哉?正坐與彥範善耳。今盡殺諸弟則已,如獨殺襲秀,恐公不得高枕而 時監察御史盧襲秀亦坐與桓、敬善,爲冉祖雍所按,不屈。 祖雍怒曰:「彥範等負國, 君乃流涕。且君下獄, 或報曰:「南使至,恆、敬已 諸弟皆縱酒無憂色, 何

瞑!」祖雍色動,握其手曰:「當活公。」遂得不坐。

襲秀者,其祖方慶,武德中,爲察非掾,秦王器之。 嘗引與議建成事, 方慶辭曰:「母老

矣,丐身歸養。」王不逼也。貞觀中,爲稾城令。

彦範弟玄範,官至常州刺史;臣範,工部侍郎。

味虛答辱,故深文報怨。 殺驛使, 后 惡 以其詭, 屢 薛 按 季 **髠民女髮爲髢** 獄 昶 拜季昶爲河北道按察使。 如旨 者 絳州 擢給 龍門 事 自給事中數月爲御史中丞, 州不能劾, 中。 夏官郎中侯 武后時上書, 季昶杖殺之。 季昶馳至 、味虛將兵討契丹,不利,妄言「賊行 自布衣擢監察御史, 軍, 斬味虛以聞, 然後布恩信, 坐事左遷。 威震北方。 甄表善良。 久乃入爲雍州長 以累左遷平遙尉, 有蛇虎導軍」。 或傳季昶曩爲 稟城尉 吳澤射 , 史, 遷文 復拜御

昭州首 浴, 仰藥死。 預 一、誅易之等功,進戶部侍郎。 葬昭州。 睿宗立,韶贈左御史大夫,同彥範等賜一 五王 一失柄, 懼二怨,不敢往。 出季昶荆州長史,貶儋州 歎曰:「吾至是邪! 子官。 司馬。 卽 初, 季昶與 具棺沐

昌左丞,爲洛州長史。

可 ·蓋所缺云。 季昶 剛烈, 然喜入先語以爲實,後雖有辨理,不能得也。 而敦愛故舊, 禮有名士,

令, 定, 課第一, 必為 楊元 重器。 琰者, 御史府表其政,璽書褒厲。 」及長, 字温,虢州 秀眉 |関鄉人,漢太尉震十八代孫。 美鬚髯,崇肩博頤。 再擢永寧軍副使, 居父 令喪,七 生數歲未言,相者視曰:「語遲者 作用事者死。 日不食。 服除,補梓州 載初中, 參軍 爲安南副 平 棘 神

都護、三徙爲荆府長史、五遷州刺史、咸有風績。

政, 故引爲右羽林將軍,謂曰:「江上之言,君叵忘之,今可以勉 初,張柬之代爲荆州,共乘艫江中,私語外家革命, 元琰悲涕慷慨, 志在王室。 1 」乃與李多祚等定計斬一 柬之執

脹。 進雲麾將軍,封弘農郡公,實封戶五百,賜鐵券恕十死。

聞,尙戲曰:「胡頭應祝。」以多鬣似胡云。 元琰曰:「功成不退,懼亡。我不空言。」 暉感之, 敬暉等爲武三思所構,元琰知禍未已,乃詭計請祝髮專浮屠,悉還官封。 中宗不許。暉

然已不及計。暉等死,獨冗琰全。

生平無留畜,中外食其家常數十人。臨終,敕諸子薄葬。 魏國公。徙太子賓客,詔設位東宮,太子爲拜。 元琰坐厚善,緊獄,蕭至忠救之,免。睿宗立, 再遷衞尉卿, 又上官封, 願追寵其親, 帝哀憐,贈越州都督長史。 俄致仕。 數上書乞骸骨, 開元六年卒, 年七十九, 諡曰忠。 不聽。 四遷刑部尚書,封 李多祚死太子難,

終吏部郎中。 **法曹參軍,判入異等,遷監察御史。坐累爲孝義令。** 子仲昌,字蔓。以通經爲脩文生。累調,不甚顯。 仲昌資長于吏,常分父邑租振宗黨。 御身以約、善與人交、士樂從之游云。 鸞降庭樹, 太守蕭恕表其政, 徙下邽 以河陽尉對策,玄宗擢第一,授蒲州

列

物段。 官侍郎,出爲太州刺史,改洛州長史。 騷,方秋而城,暉曰:「金湯非粟不守,豈有棄農畝,事池隍哉?」縱民歸斂,闔部賴安。 敬暉字仲曄,絳州平陽人。弱冠舉明經。 武后幸長安, 爲副留守, 聖曆初,爲衞州刺史。 以治幹聞, 是時, 璽書勞之, 河北經突厥所 遷夏

戶,進封齊國。 長安二年,授中臺右丞。以誅二張功,加金紫光祿大夫,爲侍中、平陽郡公, 暉表請諸武王者宜悉降爵,繇是皆爲公。 三思憤。 俄封平陽郡王,加特進, 實封五百

罷政事

щ̈ 尋及貶,又放瓊州, 初,易之已誅,薛季昶請收諸武, 爲周利貞所害。 暉亦苦諫, 睿宗時,追復官爵,又贈秦州都督,諡曰肅愍。 不從。 三思濁亂, 暉每椎坐悵恨, 彈指流

曰:「吾聞姨兄辛玄馭云:『子姓仕宦,有言其貧窶不自存,此善也;若貲貨盈衍, 崔玄暐,博陵安平人,本名墨,武后時,有所避,改焉。 舉明經,爲高陵主簿。居父喪盡禮。 廬有燕, 更巢共乳。 少以學行稱,叔父祕書少監行功 母盧, 有賢操, 常戒玄暐 惡也。』吾

嘗以爲確論。 何異盜乎?若今爲吏,不能忠淸,無以戴天履地。宜識吾意。」故玄暐所守以淸白名。 比見親表仕者務多財以奉親, 而親不究所從來。 必出于祿稟則善, 如其不

母亡,哀毁,甘露降庭樹。

還舊官。」乃復拜天官侍郎,厚賜綵物。三年,授鸞臺侍郎、同鳳閣鸞臺平章事,兼太子左庶 子。四年,遷鳳閣侍郎。先是,酷吏誣籍數百家,玄暐開陳其枉,后感悟,皆爲原洗。宋璟 之,改文昌左丞。不踰月,武后曰:「卿向改職,乃聞令史設齋相慶,此欲肆其貪耳,卿爲殷 後以庫部員外郎累遷鳳閣舍人。長安元年,爲天官侍郎,當公介然,不受私謁,執政忌

玄暐曰:「諸臣進皆因人,而玄暐我所擢,何至是?」對曰:「此正所以報陛下也。」俄拜博陵 郡王,罷政事,册其妻爲妃,賜實封五百戶,檢校益州大都督府長史,知都督事。 不宜引異姓出入禁闥。」后慰納。以誅二張功爲中書令、博陵郡公。后遷上陽宮, 后久疾,宰相不召見者累月。及少閒,玄暐奏言:「皇太子、相王皆仁明孝友,宜侍醫 會貶,又流

弟守正如

玄暐三世不異居,家人怡怡如也。 貧寓郊墅,羣從皆自遠會食, 無它爨, 與异尤友愛。

列

道病卒,年六十九,諡曰文獻。

己長,不復構思,專意經術。 族 人貧孤者, 撫養教勵。 後雖秉權,而子弟仕進不使踰常資,當時稱重。 少頗屬辭,晚以非

流落變遷, 子璩,亦有文。 感激忠義。 開元二年詔:「玄暐、柬之,神龍之初,保乂王室, 官以玄暐子璩、柬之孫毖, 並爲朝散大夫。」據終禮部侍郎。 ,姦臣忌焉, 謫歿荒海

累遷 爲明治體,恨得之晚,房琯亦薦之,卽日拜門下侍郎、同中書門下平章事 調。 司門員外郎。 於是入判者千餘,吏部侍郎嚴挺之施特楊試靈尊銘,謂曰:「子淸廟器,故以題相命。」 **渙博綜經術**, 楊國忠惡不附己,出爲巴西太守。玄宗西狩,迎謁于道。 長論議。十歲居父喪,毁辟加人,陸元方異之。起家亳州司功參軍,還 帝見占奏,以

采遺 常侍,兼餘杭太守、江東採訪防禦使。入遷吏部侍郎、集賢院待制。簡淡自處,時望尤重。 逸,不以親故自嫌。 肅宗立,與韋見素等同赴行在。時京師未復,舉選不至,詔渙爲江淮宜諭選補使。 常日:「抑才虞謗,吾不忍爲。」然聽受不甚精, 以不職罷爲左散騎 收 遷

御史大夫。

元載輔政,與中官董秀槃結固寵,渙疾之,因進見,慨然論載姦。代宗曰:「載雖非重慎,

所惡,· 附下苟容,乃幽國卑主術,臣所未喻。」帝默然。 戈甫定,品物思义。 然協和中外無間然, 用下直爲使料,上直爲百司料。 `由是貶道州刺史。卒,贈太子太傅,謚曰元。子縱。 |載爲宰相,宜明制度,易海內耳目。 能臣也。」對曰:「和之爲貴者,由禮節也,不節之以禮,焉得和?今干 載諷皇城副留守張淸擿其非,詔尚書左丞蔣渙按實, 會渙兼稅地青苗錢物使,以錢給百官,而吏 而怙權樹黨,毁法爲通,醫恩爲恕, 且|載

縱繇協律郎三遷監察御史。 會詔擇令長,授藍田令,德化大行,縣人立碑頌德。

貶,

縱棄金部員外郎就養。

進。 出奉天, 方鎭兵未至。 非爾輩所及。」後數日至,授御史大夫。 不情,宜備之。」及帝徙梁州,追扈不及,左右短縱素善懷光,殆不來。帝曰:「知縱者,殷也, 縱以金帛先度,曰:「濟者卽賜。」衆趨利爭西,遂及奉天。 後爲汴西水陸運、兩稅、鹽鐵等使。王師圍田悅,乏食,詔縱餉四節度糧,軍無乏。 縱勸李懷光奔命,悉軍財稱所須。 處大體,不急細事,獄訴付成僚屬而 懷光兵疲久戰,次河中,遷延不 遷京兆尹。 上言:「懷光反覆 Ë 德宗

賞,不可廢也。 比選集,乃據闕留人,怨望滋結。 朝廷頻詔錄勞,而諸道敍優日廣。 若停減

縱奏:「兵未息,仕進者多緒,

在官則累遷,

有功

而褒

自兵興,內外官冗溢,時議倂省。

列

第

四十

五

崔玄暐

吏員,非但承優者無官可敍,亦恐序進者無路勝置矣。」詔可。

爲 始令官辦,使五家相保,自占發斂,以絕胥史之私。 河南尹。 貞元元年,天子郊見,爲大禮使。歲旱用屈,縱撙裁文物,儉而不陋。 時兵雖定,民彫耗,縱治簡易,獨略細苛。 又引伊、洛溉高仰, 先是戍邊者道由洛、儲餼取於民。 通利里閈, 人甚宜 除吏部侍郎,

之。 入爲太常卿,封常山縣公。卒,年六十二,贈吏部尚書,諡曰忠。

而數答詬, 初,渙爲元載所抑,縱訖載世,不求聞達。渙有嬖妾,縱以母事之。 然率妻子候顏色,承養不懈,時以爲難。 孫碣。 妾剛酷,雖縱顯官

情, 富。 稍 乾夫厚納賄, 龎 勛 轉商 即敕吏掩乾夫幷前獄史下獄,悉發財姦,一日殺之,以妻還可久。時淫潦,獄決而霽,都 旣占, 亂 它年徐州平, 碣字東標,及進士第,遷右拾遺。 州 盡亡其貲,不得歸。 刺刺 陽驚日:「乃夫殆不還矣! 史。 可久反得罪。 擢河南尹、右散騎常侍,再爲河南尹。 可久困甚, 再訴,復坐誣。 **丐衣食歸閭里**, 妻詣卜者楊乾夫咨在亡。乾夫名善數,而內悅妻色,且利其 」卽陰以百金謝媒者,誘聘之, 武宗方討澤路, 可久恨歎,遂失明。 往見妻。 碣建請納劉旗降, 忤旨, 貶鄧城令。 邑有大賈王可久,轉貨江、湖間。 乾夫大怒, 碣之來,可久陳冤,碣得其 詬逐之。 妻詣吏自言, 妻乃嫁乾夫,遂爲富 値

期之。 張柬之字孟將,襄州襄陽人。少涉經史,補太學生。祭酒令狐德棻異其才,便以王佐 中進士第,始調淸源丞。永昌元年,以賢良召,時年七十餘矣。 對策者千餘, 柬之爲

第一。授監察御史,遷鳳閣舍人。

旨,出爲合、濁二州刺史。故事,歲以兵五百戍姚州,地險瘴,到屯輒死。 輸於大國。而空竭府庫,驅率平人,受役蠻夷,肝腦塗地。臣竊爲陛下惜之。 管,而哀牢不附。東漢光武末,始請內屬,置永昌郡統之。賦其鹽布氈罽以利中土。 時突厥默啜有女請和親,武后欲令武延秀娶之。柬之奏:「古無天子取夷狄女者。」忤 郡,以其利之也。今鹽布之稅不供,珍奇之貢不入,戈戟之用不實於戎行,賨貨之資不 其國西大秦,南交趾,奇珍之貢不闕。劉備據蜀,甲兵不充,諸葛亮五月度瀘,收其產 入以益軍,使張伯岐選取勁兵,以增武備。故蜀志稱亮南征後,國以富饒。此前世置 臣按姚州,古哀牢國,域土荒外,山岨水深。漢世未與中國通,唐蒙開夜郎、滇、 柬之論其弊日:

列

깯 + 五

張 柬

越蘭 里之外。 今減耗國儲,費調日引,使陛下赤子身膏野草,骸骨不歸,老母幼子哀號望祭於千 津 度蘭倉,爲他人。」蓋譏其貪珍奇之利,而爲蠻夷所驅役也。 朝廷無絲髮利,而百姓蒙終身之酷,臣竊爲國家痛之。 漢獲其利,人且怨

李孝讓 在彼 鄓 亮且縱且擒之伎。 官必夷漢雜居,猜嫌將起;留兵轉糧,爲患滋重;後忽反叛,勞費必甚。故粗設綱紀, 自然久定。 將 州者, 拜跪趨伏, 劉 往 惠基戰死,其州遂廢。 .諸葛亮破南中,卽用渠率統之,不置漢官,不留戍兵。 、辛文協死於羣蠻,詔遣郎將趙武貴討擊,兵無噍類,又以將軍李義揔繼往, 戶贏二千, 臣謂亮之策,誠盡羈縻蠻夷之要。今姚州官屬,旣無固邊厭寇之心, 無復爲恥; 唯詭謀狡算,恣情割剝;扇動酋渠, 專事剽奪。 提挈子弟, 臣竊以亮有三不易,其言卒驗。 且姚州本龍朔中武陵主簿石子仁奏置, 嘯引凶愚, 聚會蒱博, 遣成朋黨; 折支諂笑, 取媚蠻 言置官留兵有三不易:置 擲累萬。 凡逋逃亡命 其後長 又無 面 史

姚府 州掾李稜爲蠻所殺。 總管 今劫害未止,恐驚擾之禍日滋。 垂 拱 中,蠻郎將王善寶、昆州 五 + 七州間, 皆巨猾游客。 延 載 中, 刺史爨乾福復請置州,言課稅自支,不旁取於蜀。 司 馬成踩更置瀘南七鎭,戍以蜀兵, 宜罷姚州,隸巂府,歲時朝覲同蕃國;廢瀘南諸 國家設官, 所以正 俗防姦, 而無恥之吏, 蜀始擾矣。 敗謬至 且

鎭 ,而設關爐北,非命使,不許交通,增屬屯兵,擇清良吏以統之。 臣愚以爲便。

疏奏不納。 俄爲荆州大都督府長史。

大事 秋官侍郎。 薦張柬之,未用也。」后曰:「遷之矣。」曰:「臣薦宰相而爲司馬,非用也。」乃授司刑少卿, 張柬之雖老,宰相材也。 ,其人老,惟亟用之。」卽 長安中, 蘇味道足矣。 後姚崇爲靈武軍使,將行,后詔舉外司可爲相者,崇曰:「張柬之沈厚有謀,能斷 武后謂狄仁傑曰:「安得一奇士用之?」仁傑曰:「陛下求文章資歷,今宰相 豈文士齷齪,不足與成天下務哉?」后曰:「然。」仁傑曰:「荆州長 用之必盡節於國。」卽召爲洛州司馬。 它日又求人,仁傑曰:「臣嘗 日召見,拜同鳳閣鸞臺平章事,進鳳閣侍郎。 史 遷

卒,年八十二。 次書數十篇。 城郭,東之因壘爲隄,以遏湍怒,闔境賴之。 為賦 不半歲,以漢陽郡王加特進,罷政事。 誅二張也, 柬之首發其謀。 詩祖道,又詔羣臣餞定鼎門外。 景雲元年,贈中書令,諡曰文貞,授一子官。 以功擢天官尚書、同鳳閣鸞臺三品、漢陽郡公,實封五百 至州, 柬之旣失權, 又懇辭王爵, 持下以法, 不許。 願還襄州養疾, 雖親舊無所縱貸。 柬之剛直不傅會,然邃於學,論 俄及貶, 又流瀧州, 乃授襄州刺 會漢水漲齧

子愿、漪。 傳 第 四 + 愿仕至襄州刺史。 五 張 柬 之 袁 漪以著作佐郎侍父襄陽,恃其家立功, 恕 簡接鄉人,鄉人

怨之。

醫澄駁,咸以爲天人之應。

正唐家位號,稱天下心。奈何尙告武氏廟? 初,易之等誅後,中宗猶監國告武氏廟,而天久陰不霽。 請毀之,復唐宗廟。」帝嘉納。 侍御史崔渾奏:「陛下復國, 是日韶書下, 雾

袁恕己,滄州東光人。仕累司刑少卿,知相王府司馬。 與誅二張,又從相王統南衙兵

備非常,以功加銀青光祿大夫、中書侍郎、同中書門下三品,封南陽郡公,實封五百戶。 將作少匠楊務廉者,以工巧進。 恕己恐其復啓游娛侈麗之漸,言於中宗曰:「務廉位九

卿,忠言嘉謨不聞,而專事營構以媚上,不斥之,亡以昭德。」乃授陵州刺史。

未幾,拜中書令、特進、南陽郡王,罷政事。 例及貶, 又流環州, 爲周利貞所逼, 恕己素

餌黃金, 至 是飮野葛數升,不死,憤懣,抔土以食,爪甲盡,不能絕,乃擊殺之。 諡日貞烈。

孫高。

高字公頤。 少慷慨有節尚。 擢進士第。 代宗時, 累遷給事中。 建中中, 拜京畿觀察

億兆異臣之言,臣請前死。」諫官亦力爭帝前。 資詭險,非不逮,彼固所餘。 俄又內移,今復拜刺史,誠失天下望。」帝曰:「起不逮,是朕之過。 朕已再赦。」答曰:「起天 法,三光不明,雨旱不時,皆宰相請罪,小者免,大者戮。 寘以法,才示貶黜,今還授大州,天下其謂何? <u>劉從一日:「</u>杞當國,矯誣陰賊,斥忠誼,傲明德,反易天常,使宗祏失守,天下疣痏,朝廷不 優禮。」 使慰高曰:「朕惟卿言切至,已如奏。」太子少保韋倫曰:「高言勁挺, 奏曰:「陛下用|杞爲相,出入三年,附下罔上,使陛下越在草莽,羣臣願食其肉且不厭。 給一牛。從之。卒,年六十,中外悵惜。 恕己曾孫德文校書郎。始,帝訪御史中丞狄兼謩以仁傑功, 不滿五十畝不給。 坐累貶 韶州長史, 復拜給事中。 文宗開成三年,又詔:玄暐曾孫郢爲監察御史,暉曾孫元膺河南丞,柬之四世孫憬壽安 貞元二年,帝以大盜後關輔百姓貧,田多荒茀,詔諸道上耕牛,委京兆府勸課。 高以爲聖心所憂,乃在窮乏。今田不及五十畝卽是窮人,請兩戶共 赦者,止赦其罪,不宜授刺史。願問外廷,幷敕中·人聽於民。 德宗將起盧杞爲饒州刺史,高當草詔; 見宰相<u>盧</u>翰 憲宗時,李吉甫言其忠謇,特贈禮部尚書。 」翰等不悅,命舍人作詔。 帝曰:「與上佐可乎?」 |杞罪萬誅,陛下赦不誅,止貶新州, ` 且言五王遺烈 , 乃求其後 , 自是陛下一良臣, 宜加 羣臣奉詔。 韶出, 高執不下, 翌日 量地給 口, 遣

列

傳第

四十五

芨

恕己

使、

秩以官。唯彥範後無聞云。

然,何哉? 無亦神奪其明, 不盡誅諸武,使天子藉以爲威,何其淺耶?釁牙一啓,爲豔后、豎兒所乘,劫持戮辱,若放豚 贊曰:五王提衞兵誅嬖臣,中興唐室,不淹辰天下晏然,其謀深矣。 至謂中宗爲英王, 厚韋氏毒,以興先天之業乎?不然,安李之功,賢於漢平、勃

遠矣!

唐書卷一百二十一

列傳第四十六

劉幽求 鍾紹京 崔日用 日知 王琚 張暐 李守德

陳玄禮

計,後且噬臍。」不從。 旣,五王皆爲三思構死。 朝邑尉。 劉幽求,冀州武彊人。 桓彥範等誅張易之、昌宗,而不殺武三思,幽求謂彥範曰:「公等無葬地矣。不早 聖曆中,舉制科中第。 調閬中尉,刺史不禮, 棄官去。久之,授

封戶至五百,賜物千段、奴婢二十人、第一區、良田千畝、金銀雜物稱是。 爵中山縣男,實封二百戶,授二子五品官,二代俱贈刺史。睿宗立,進尙書右丞、徐國公,增 臨淄王入誅韋庶人,預參大策,是夜號令詔敕一出其手。 以功授中書舍人,參知機務,

景雲二年,以戶部尙書罷政事。不旬月,遷吏部,拜侍中。 璽詔曰:「頃王室不造,中宗

列傳

第四十六

劉幽

求

行封, 元惡。 厭代, 銘諸 !鐵券,以傳其功。」先天元年,爲尙書右僕射、同中書門下三品,監脩國 戚孽專亂,將隕社稷,股與王公皆幾于難。 更擇多戶,東京定賞,復增大邑。宜加賜實封二百戶,子子孫孫傳國無絕,特冤十死, 國家之復存,緊幽求是賴,厥庸茂焉,殷用嘉之。雖胙以土宇,而賦入未廣。 幽求處危思奮,翊贊聖儲,協和義士,震殄 史。 昔西漢

之。」帝許之。 劾奏 見於 太平公主 提等皆太平黨與, 以疎 言面。 幽 求 誅, 間 自謂有勞于國,在諸臣右,意望未滿,而竇懷貞爲左僕射,崔湜爲中書令,殊不平, 親, 已而湜等附太平公主,有逆計。 卽 未發也, 日召 罪應死。 復舊官, 日夜陰計, 若不早圖, 而暐漏言於侍御史鄧光賓,帝懼, 帝密 知 軍 申右之, 國 事 ,還封戶,賜錦衣 乃流幽求於封州、暐於峯州、光賓於繡州 且產大害,太上不得高枕矣。臣請督羽林兵除 幽求與右羽林將軍張暐定計, 使暐說玄宗曰: 一襲。 即列其狀。 睿宗以幽求等屬吏,

貶睦州 有怨言。 開 六年, 韶與蘇瓌配享睿宗廟廷。 刺 史, 詔 初,進尙書左 有 削 剖 實封戶 鞫治, 逐相, 、六百。 宰相盧懷愼等奏言:「幽求輕肆不恭,失大臣體,乖崖分之節。」 兼黄門監, 遷杭、 郴二州, 建中中,追贈司徒。 俄以太子 **恚憤卒于道**, 少保罷。 姚崇素忌之, 年六十一。 贈禮部尚書, 諡曰 奏幽求鬱快散 型 日,

朝, 罪,貶果州 時惡之。 嗜書畫,如王羲之、獻之、褚遂良眞跡,藏家者至數十百卷。 下不垂 見帝泣曰:「陛下忘疇日事邪,忍使棄死草莽! 玄宗 一愍乎? 次即位, 因上疏讓官,睿宗用薛稷謀,進戶部尚書,出爲彭州刺 刺史,賜封邑百戶。 帝惻然, 復拜戶部尙書,增實封, 卽日授太子右論德。 後坐它事, 貶懷恩尉, 改太子詹事。 久之, 遷 且同時立功者,今骨已朽, 悉奪階 少詹事。 不爲姚崇所喜,與幽求並以怨望得 建中中,追贈太子太傅。 封, 史。 年踰八十,以官壽卒。 再遷温州別駕。 而獨 十五年入 臣在, 紹 唑

皆其筆

也。

景龍中,爲苑總監,會討韋氏難,紹京帥戶奴、丁夫從。

初爲司農錄事,以善書直鳳閣。

武后

時署諸宮殿、明堂及銘九鼎,

進中書令、越國公,實封五百戶,齊賜與劉幽求等。

旣當路,以賞罰自肆,當

事平,夜拜中書侍郎,參

鍕

紹京,虔州贛人。

知機務。

明日,;

委以 安樂公主,得稍遷。 頓 崔 峙 日 用, ,饋獻豐甘,稱過賓使者。 滑州靈昌人。 神龍中,鄭普思納女後宮,日用劾奏,中宗初不省,廷爭切至,普思由是 **擢進士第,爲芮城尉。** 楚客歎其能,亟薦之,擢爲新豐 大足元年,武后幸長安,陝州 尉, 遷監察 御 刺史宗楚客 . 史。 陰 附

列

傳

第

四

十六

鍾

紹

京

崔日

用

得罪。 酣,起爲回波舞,求學士,卽詔兼脩文館學士。 時諸武若三思、延秀及楚客等權寵交煽,日用多所結納,驟拜兵部侍郎。 宴內殿,酒

相忿競,罷政事,爲婺州長史。 **|** 章氏平,夜韶權雍州長史,以功授黃門侍郎,參知機務, 曰:「謀非計身,直紓親難爾。」日用曰:「至孝動天,舉無不克。 帝崩,韋后專制,畏禍及,更因僧普潤、道士王曄私謁臨淄王以自託, 歷揚、汴、克三州刺史。 封齊國公, 賜實戶二百。 然利先發, 不則有後憂。」及 且密贊大計。 坐與薛稷

部尙書。 捕逆黨,於太上皇固無所驚。」帝納之。 天子之孝,惟安國家,定社稷。 今據大位, 由 荆州長史入奏計,因言:「太平公主逆節有萌,陛下往以宮府討有罪,臣、子勢須謀與 一下制書定矣。」帝曰:「畏驚太上皇,奈何?」日用曰:「庶人之孝, 若令姦宄竊發,以亡大業,可爲孝乎?請先安北軍 及討逆,詔權檢校雍州長史,以功益封二百戶,進吏 承 順 而 後 額

有詔賜衣一副、物五 會帝 誕日,日用采詩大、小雅二十篇及司馬相如封禪書獻之,借以諷諭, 十段,以示無言不酬之義 且勸告成事。

日用實贊大謀,功多不宜減封,復食二百戶。」徙抖州長史,卒年五十。抖人懷其惠,吏 久之,坐兄累,出爲常州刺史。 後以例減封戶三百,徙汝州。 開元七年,詔曰:「唐元之

民數百皆縞服送喪。 日「吾平生所事,皆適時制變,不專始謀。 子宗之,襲封。亦好學,寬博有風檢,與李白、杜甫以文相知者。 日用從父兄日知,字子駿,少孤貧,力學,以明經進至兵部員外郎。 日用才辯絕人,而敏于事,能乘機反禍取富貴。 贈吏部尙書, 諡曰昭。 然每一反思,若芒刺在背」云。 再贈荆州大都督。 先天後,求復相,然亦不獲也。

嘗謂人

史,四遷京兆尹,封安平縣侯。坐贓,爲御史李如璧所劾,貶歙縣丞。後歷殿中監,進中山 以功加銀靑光祿大夫。遷殿中少監,建言「廏馬多,請分牧隴右,省關畿芻調」。授荆州長 朔方判官,以健吏稱。遷洛州司馬,會譙王重福之變,官司逃,日知獨率吏卒助屯營擊賊, 史,諡曰襄。 日知俄授太常卿。自以處朝廷久,每入謁,必與尚書齒,時謂「尚書裏行」。终潞州長 說執政,薦爲御史大夫,帝不許,遂爲左羽林大將軍,而自用崔隱甫。隱甫繇是怨 與張說同爲魏元忠

王琚,懷州河內人。少孤,敏悟有才略,明天文象緯。以從父隱客嘗爲鳳閣侍郎,故數

以儒服見,且請過家,太子許之。至所廬,乃蕭然窶陋。坐久,殺牛進酒殊豐厚,太子駭異。 濟。睿宗立,踞自言本末,主人厚齎使還長安。玄宗爲太子,閒游獵韋、杜間,怠休樹下,踞 **張仲之等共計。事洩亡命,自傭於揚州富商家,識非庸人,以女嫁之,厚給以貲,琚亦賴以** 與貴近交。時年甫冠,見駙馬都尉王同皎,同皎器之。會謀刺武三思,踞義其爲,即與周璟、

拜宮門郎,與姜晈、崔滌、李令問、王守一、薛伯陽等並侍左右。一令問累擢殿中少監,守一太 山東倡人趙元禮有女,善歌舞,得幸太子,止暐第,其後生子瑛者也。太子已平內難,召暐, 自是每到岸、社,輒止其廬。 初,太子在潞州,襄城張暐爲銅鞮令,性豪殖,喜賓客弋獵事,厚奉太子,數集其家。

僕少卿。此數人以東宮皆勢重天下。

召見,琚曰:「韋氏躬行弑逆,天下動搖,人思李氏,故殿下取之易也。今天下已定,太平專 **蒙去之。今太子功定天下,公主乃敢妄圖,大臣樹黨,有廢立意。** 思立功,左右大臣多爲其用,天子以元妹,能忍其過,臣竊爲殿下寒心。」太子命坐,且泣曰: 曰:「在外惟聞太平公主,不聞有太子。 太子本有功於社稷,孝於君親,安得此聲?」太子遽 「計將安便?」 | 踞日:「昔漢蓋主供養昭帝,其後與上官桀謀殺霍光,不及天子,而帝獨以大 踞是時方補諸暨縣主簿,過謝東宮,至廷中,徐行高視,侍衞何止曰:「太子在!」 据怒 太子誠召張說、劉幽水、

書侍郎 諸王及姜咬等入侍,獨据常豫祕謀。不踰月,遷太子舍人,兼諫議大夫。太子受內禪,擢中 郭元振等計之,憂可紓也。」太子曰:「先生何以自隱而日與寡人游?」琚曰:「臣善丹沙,且 工諧隱,願比優人。」太子喜,恨相知晚。 翌日,授詹事府司直、內供奉,衆崇文學士。日以

胶、 賈膺福李猷於內客省。事平,据進戶部尙書、封趙國公,咬工部尙書、楚國公,毛仲輔國大 於朝堂,不得入。少選,琚從帝至樓下,誅蕭至忠、岑羲、竇懷貞,斬常元楷李慈北闕下、 承天門。太上皇聞外譁譟,召郭元振升承天樓,閉關以拒,俄而侍御史任知古召募數百人 將軍、霍國公,守一太常卿、晉國公,各食實戶五百;令問殿中監、宋國公,實戶三百。 琚、 迫,請帝決策。 先天二年七月,乃與岐王、薛王、姜晈、李令問、王毛仲、王守一以鐵騎 令問辭不就,以舊官增戶二百。於是帝召燕內殿,賜金銀雜皿皆一牀、帛二千、第 公主謀益甚,幽求、障謀先事誅之,侍御史鄧光賓漏謀,不克,皆得罪。久之,据見事

譎詭縱橫,可與履危,不可與共安。方天下已定,宜益求純樸經術士以自輔。」帝悟,稍疏 至第召之,而皇后亦使尙宮勞踞母,賜賚接足,羣臣不能無望。 或說帝曰:「王琚、麻嗣宗皆 帝於据眷委特異,豫大政事,時號「內宰相」。每見閣中,視日薄乃得出。 遇休日,使者

列

歷九刺史,復封戶。 俄拜御史大夫,持節巡天兵以北諸軍。 又改六州、二郡。 改紫微侍郎,道未至, 拜澤州刺史, 削封戶百。

子少保。 野戰勢,以諂佞取容,海內切齒,吾恐汝家墳墓無人復掃除也。」踞卒不免。實應元年,贈太 哀其無罪。始,琚爲中書侍郎,母居洛陽,來京師,讓琚曰:「爾家上世皆州縣職,今汝無攻城 贓,削封階,貶江華員外司馬。 又使羅希奭深按其罪,琚懼,仰藥,未及死,希奭縊之。 時人 首外遷,書疏往復,以譴謫留落爲慊。 博、藏鉤爲樂。 十,寶帳備具,闔門三百口。 | 据自以立勳,至天寶時爲舊臣,性豪侈,其處方面,去故就新,受饋遺至數百萬,侍兒數 每徙官,車馬數里不絕。從賓客女伎馳弋,凡四十年。李邕故與琚善,皆華 既失志,稍自放,不能遵法度。在州與官屬小史酋豪飮謔、摴 右相李林甫恨琚恃功使氣,欲除之,使人劾發琚宿

袍繒綵。 邑, 時人以爲寵, 然自以幹治稱。累遷太子詹事, 判尙書左右丞, 再爲羽林大將軍, 三至左 十,贈開府儀同三司。履冰,歷金吾將軍,季良,殿中監,俱列棨戟。 金吾大將軍,以年高加特進。子履冰、季良,弟晤,仕皆淸近。障嘗還鄕上冢,帝賜詩及錦 太平之誅,張暐召還爲大理卿,封鄧國公,實封戶三百,進京兆尹,入侍宴樂,出主京 乘馹就道,子弟車馬聯咽。使者賜賚,敕州縣供儗,居處尊顯。 天寶五載卒,年九

爲人奴,善騎射,王市得之,並侍左右,而毛仲爲明悟。 毛仲,高麗人。父坐事,沒爲官奴,生毛仲,故長事臨淄王。王出路州,有李守德者, 景龍中,王還長安,二人常負房箙以

從。 章后稱制,令章播、高嵩爲羽林將軍,押萬騎,以苛峭樹威。果毅葛福順、陳玄禮訴於 王數引萬騎帥長及豪俊,賜飮食金帛,得其驩心。 毛仲曉旨,亦布誠結納,王嘉之。

章氏。 守德從帝止苑中,而毛仲匿不出,事定數日,乃還,不之責,例擢將軍。

王方與劉幽求、薛崇簡及利仁府折衝麻嗣宗謀舉大計,幽求諷之,皆願效死,遂入討

防禦討擊大使, 等侍禁中, 等,以功進輔國大將軍,檢校內外開廢,知監牧使,進封霍國公,實封戶五百。與諸王及姜晈 爲皇太子,以毛仲知東宮馬駝鷹狗等坊。不旬歲,至大將軍,階三品。 至連榻 與左領軍大總管王晙、天兵軍節度使張說、 而坐。 帝暫不見,惘惘若有失, 見則釋然。 幽州節度使裴伷先等數 開元九年,詔持節爲朔方道 與誅蕭至忠 計 事。

數倍。 田 草萊,樵斂不 毛仲始 **蒔茼麥、苜蓿千** 見飾擢,頗持法, ·敢欺。 九百頃以禦多。 於牧事尤力,娛息不訾。 不避權貴爲可喜 市死畜,售絹八萬。 事。 初監馬二十四萬,後乃至四 兩營萬騎及開廢官吏憚之無敢犯, 募嚴道僰僮千口爲牧圉。 十三萬,牛羊皆 雖官 檢勒

列傳

第

四

+

六

王

毛仲

還,加開府儀同三司,自開元後,唯王仁皎、姚崇、宋璟及毛仲得之。 **芻蓛無漏隱,歲贏數萬石。** 從帝東封,取牧馬數萬匹,每色一隊,相間如錦繡,天子才之。

爲姦。 帝命力士就賜, 以聞,帝恐毛仲遂亂,匿其狀。 從容曰:「北門奴官皆毛仲所與,不除之,必起大患。」後毛仲移書太原索甲仗,少尹嚴挺之 家,而守德及左監門將軍盧龍子唐地文、左右威衞將軍王景耀高廣濟數十人與毛仲相倚杖 氣麥之,直出其上。 振州,王景耀黨州,高廣濟道州,並爲別駕員外置。 何辱三品官? 然資小人,志旣滿,不能無驕,遂求爲兵部尚書,帝不悅,毛仲鞅鞅。 毛仲恃舊,最不法。 』」帝怒曰:「前毛仲負我,未嘗爲意,今以嬰兒顧云云。」力士等知帝怒,它日, 仍授子五品官,還,問曰:「毛仲喜乎?」力士奏:「毛仲憝視臣曰:『是子亦 高力士、楊思勗等銜之。毛仲有兩妻,其一上所賜,皆有國邑。 中使至其家稱韶,毛仲不甚恭,位卑者,或踞見,迕意卽侮醉,以 十九年,有詔貶瀼州,福順壁州, 毛仲四子悉奪官,貶惡地,緣坐數十人。 守德嚴州, 及與葛福順爲姻 盧龍子唐地文 **嘗生子**,

至第,親上食奉酒,主流汗不敢當。 守德本名宜得,立功乃改今名,位武衞將軍。 數日,入奏曰:「臣蒙國恩過分,而故主無寸祿,請解官 嘗遇故主於道,主走避,守德命左右迎之

授之。」帝嘉其志,擢爲郎將。

有詔縊毛仲於零陵。

贊曰:幽求之謀,紹京之果,日用之智,琚之辯,皆足濟危紓難,方多故時, 陳玄禮宿衞宮禁,以淳篤自檢。 後在華凊宮,正月望夜,帝將出游,復諫曰:「宮外曠野無備豫,陛下必出游,願歸 及李輔國遷帝西內,玄禮以老卒。 安祿山反,謀誅楊國忠闕下,不克,至馬嵬,卒誅之。 帝嘗欲幸虢國夫人第,諫曰:「未宣敕,不可輕去就。」 從入蜀。還,封 必資以成功 宜矣。 然

帝爲止。

蔡國公。

城闕。」帝不能奪。

者也。 待幽求等恨太薄云。 毛仲小人,志得而驕,不足論已。 雄邁之才,不用其奇則厭然不滿,誠不可與共治平哉!姚崇勸不用功臣,

唐書卷一百二十二

列傳第四十七

魏元忠 章安石 陟 斌 叔夏 縚 抗 郭元振

游, 盡傳所學。儀鳳中,吐蕃數盜邊,元忠上封事洛陽宮,言命將用兵之要曰: 魏元忠,宋州宋城人。爲太學生,跌蕩少檢,久不調。盩厔人江融曉兵術, 元忠從之

略; 射能穿札,不止鄢陵之奔,陸機識能辨亡,無救河橋之敗,斷可見已。 言文者首篇章,不取之經綸。臣觀魏、晉、齊、梁才固不乏,然何益治亂哉!養由基 天下之柄有二,文武而已,至制勝御人,其道一也。今言武者先騎射,不稽之權

己難而 ; 士有不用,未有無士之時也。 夫才生於世,世實須才。何世而不生才?何才而不資世?故物有不求,未有無物 所遇罕。 士之懷琬琰就煨塵、抱棟幹困溝壑者,悠悠之人直覩此士之貧賤, 志士在富貴與賤貧,皆思立功名以傳于後,然知

列傳第四十七 魏元忠

失職。 賈充、荀勗沮之, 祜薂曰:「天下事不如意十常七八。」以二人不同,終不大舉。 以廣之才,天下無雙,時方歲事匈奴,而卒不任。故近不知尚、廣之賢,而遠想廉頗 賤者難爲功也。 安知其方略哉 文武五品以上,得無有智如洋祜、武如李廣而不得騁其才者乎?使各言其志,毋令久 功之地,而不獲展其志也。布衣之人,懷奇抱策,而望朝奏夕召,豈易得哉?臣 李牧,馮唐是以知其有而不能用也。此身爲時主所知,不得盡其才也。 故漢拜韓信,舉軍驚笑;蜀用魏延,羣臣觖望。 昔漢文帝不知魏尙賢而囚之,知李廣才而不用,乃歎其生不逢時。 此富貴者易爲善,貧 晉羊祜謀舉吳, 此據立 原 歷訪

义言:

以智爲本。 堅壁以挫吳、楚,司馬懿閉營而困諸葛亮,此皆全軍制勝,不戰而卻敵。是知大將臨戎 馬隆、孟觀悉出貧賤,而勳伐甚高,不聞其家世將帥也。 之何用之? 任,則殄人敗國。齊段孝玄有言:「持大兵如擎盤水,一致蹉跌,求止可得哉?」周亞夫 人無常俗,政有治亂;軍無常勝,將有能否。兵爲王者大事,存亡繫焉,將非其 且建功者,言其所濟,不言所來;言其所能,不言所藉。若陳陽、呂蒙、 今之用人,類將家子,或死事孤兒,進非幹略,雖竭力盡誠,不免於傾敗,若 故陰陽不和,揠土爲相;蠻貊

不廷,擢校爲將。今以四海之廣,億兆之衆,豈無卓越之士。臣恐未之思乎!

李勣 罪,多於玄景;仁貴等敗,重於君乂。使早誅之,則諸將豈復有負哉?慈父多敗子,嚴 邀乾沒,太宗棄之都市; 鑑所以照形,往事所以知今,臣請借近以爲論:貞觀中,萬年尉司馬玄景舞文飾智,以 里者也。 國無賞罰,雖喜、舜不能爲。 今罰旣不行,賞復難信,故議者皆謂比日征行,虛立賞格, 薛仁貴、郭待封至棄甲喪師,脫身以免。國家寬政,罪止削除,網漏吞舟,何以過此。雖 子勗其心,罰重則小人懲其過。賞罰者軍國之綱紀,政敎之藥石。吐蕃本非彊敵,而 勳所由,主司過也,其則不遠,近在尙書省中。 然未聞斬一臺郞、戮一令史,使天下知 而無其實。 惡。臣誠疏賤,干非其事,豈欲間陛下君臣生薄厚哉?正以刑賞一虧,百年不復。故 陛下顧收後効,然朝廷所少,豈此一二人乎?夫賞不勸,謂之止善;罰不懲,謂之縱 陛下何照遠而不照近哉?神州化首,文昌政本,治亂攸在, 破平壤,賞旣不行,勳亦淹廢,歲月紛淆,眞僞相錯。 又賞者禮之基,罰者刑之本。 且黔首雖微,不可以欺,安有寓不信之令,設虛賞之格乎?自蘇定方平遼東, 蓋忘大體之臣,恐賚勳庸,竭府庫,留意錐刀,以爲益國,所謂惜毫釐失千 後征高麗, 禮崇則謀夫竭其能,賞厚則義士輕其死,刑正故君 總管張君乂不進擊賊,斬之旗下。 臣以吏不奉法,慢自京師,僞 臣故冒死而言。 臣以爲僞勳之 夫明

列

四十

七

魏元忠

家無格虜。且人主病不廣大,人臣病不節儉,臣恐陛下病之於不廣大,過在於慈父,斯 日月一蝕也

師喪氣,故虜得跳梁山谷。 野,斂其頭顱以爲京觀,則此虜聞官軍鍾鼓,望塵卻走,何暇前隊皆死哉!自仁貴等覆 必其戰不顧死,則兵法許敵能鬭,當以智算取之,何憂不克哉!向使將能殺敵,橫尸蔽 明暗,夷狄雖禽獸,亦知愛其性命,豈肯前盡死而後進哉?由殘迫其人,非下所願也。 數百萬,無大舉之資。臣以爲吐蕃之望中國,循孤星之對太陽,有自然之大小、不疑之 皆言吐蕃戰,前隊盡,後隊方進,甲堅騎多,而山有氛瘴,官軍遠入,前無所獲,不積穀 又今將吏貪暴,所務口馬、財利,臣恐戎狄之平,未可旦夕望也。凡人識不經遠,

切使人乘之,則市取其良,以益中國,使得漸耗虜兵之盛,國家之利也。 馬可五十萬,即韶州縣以所稅口錢市之,若王師大舉,一朝可用。且虜以騎爲彊,若一 百錢;又弛天下馬禁,使民得乘大馬,不爲數限,官籍其凡,勿使得隱。不三年,人間畜 又師行必藉馬力,不數十萬,不足與虜爭。臣請天下自王公及齊人挂籍之口,人稅

高宗善之,授祕書省正字,直中書省,仗內供奉。

遷監察御史。帝嘗從容曰:「外以朕爲何如主?」對曰:「周成、康,漢文、景也。」 「然則

將就 敕鳳閣舍人王隱客馳騎免死,傳聲及于市,諸囚歡叫,元忠獨堅坐,左右命起,元忠曰:「未 孝逸然之,乃部分進討。 皆傾耳翹心以待其誅。 逸懼其鋒,按兵未敢前。 適用之,聞其死,顧已無及。」元忠曰:「劉藏器行副於才,陛下所知,今七十爲尚書郎。 有遺恨乎?」曰:「有之。 授司刑正 禽之弱,而趨難敵之彊,非計也。」孝逸乃引兵擊淮陰,敬猷脫身遁,遂進擊敬業,平之。 還, 江都,必將邀我中路,吾今乘勝進,又以逸擊勞,破之必矣。譬之逐獸,弱者先禽。今捨必 有負,則大事去矣。敬猷博徒不知戰, 彼而又棄此。」帝默然慚。 今准陰急,敬業必救,是敵在腹背也」。元忠曰:「不然。賊勁兵盡守下阿,利在一決,苟 刑,神色不動,前死者宗室子三十餘,尸相枕藉於前,元忠顧曰:「大丈夫行居此矣。」俄 遷洛陽令。陷周興獄當死,以平揚、楚功,得流。 遷殿中侍御史。 徐敬業舉兵,詔元忠監李孝逸軍。 今軍不進,使遠近解情,萬有一朝廷以他將代公,且何辭?」 時敬業保下阿谿,弟敬猷屯淮陰,咸請「先擊下阿,下阿敗,淮陰自 元忠曰:「公以宗室將,天下安危繫焉。 王義方一世豪英, 且其兵寡易搖,大軍臨之,勢宜克。 而死草萊。 歲餘,爲御史中丞,復爲來俊臣所構。 議者謂陛下不能用賢。」帝曰:「我 至臨淮,而偏將雷仁智爲賊敗,孝 海內承平久,聞狂狡竊發, 敬業畏直擣 徒歎

破。

列 傳 第 四 +

魏

元 忠

四三四三

邪 ? 獄, 知實否。」既而 仍放嶺南。 對曰:「臣猶鹿也, 隱客 酷吏誅, 至, 宣韶已,乃徐謝,亦不改容。 羅織之吏如獵者, 人多訟元忠者, 乃召復舊官。 因侍宴, 苟須臣肉爲之羹耳, 彼將殺臣以求進, 臣顧何 流費州。復爲中丞。 武后曰:「卿累負謗鑠,何 一歲餘,陷侯思止

答殺之,權豪憚服。 聖曆二年,爲鳳閣侍郎、同鳳閣鸞臺平章事, 遷左肅 政臺御史大夫,兼檢校洛州長史,治號威明。 俄爲隴右諸軍大使,以討吐蕃; 俄檢校丼州長史、天兵軍大總管, 又爲靈武道行軍大總管禦突厥。 張易之家奴暴百姓,横甚,元 以備 忠

馭軍持重,雖無赫然功,而亦未嘗敗。

禮丞高戩謀挾太子爲耐久朋,遂下制獄。詔皇太子、相王及宰相引元忠等辨於廷,不能決。 下厚恩,不能徇忠,使小人在君側,臣之罪也。」易之等恨怒,因武后不豫, 等遽曰:「說與同逆。」說曩嘗謂元忠爲伊、周。 說曰:「易之、 昌宗安知伊、 周,臣乃能知之。 乃引張說爲證,說初僞許之,至是迫使言狀,不應,后又促之,說曰:「臣不聞也。」易之 中宗在東宮,爲檢校左庶子。時二張勢傾朝廷,元忠嘗奏曰:「臣承先帝之顧,且受陛 伊尹、周公,歷古以爲忠臣,陛下不遣學伊 夫伊尹放太甲,周公攝王位。 即共潛元忠與司 此反狀明甚。

周,將何效焉?」說又曰:「臣知附易之朝夕可宰相,

從元忠則族滅。今不敢面欺,懼元忠

之冤。」后寤其讒,然重違易之,故貶元忠高要尉。

用事 喪,軍國事委元忠裁可,拜中書令,封齊國公。神龍二年,爲尙書右僕射,知兵部尙書,當朝 ,羣臣莫敢望。謁告上冢,詔宰相諸司長官祖道上東門,賜錦袍,給千騎四人侍,賜銀 中宗復位,召爲衞尉卿、同中書門下三品。不閱旬,遷兵部尚書,進侍中。」武后崩,帝居 元忠到家,於親戚無所賑施。及還,帝爲幸白馬寺迎勞之。

當何名?」主恚曰:「山東木彊安知禮?阿母子尙爲天子,我何嫌?」宮中謂武后爲阿母子, 故主稱之。 安樂公主私請廢太子,求爲皇太女,帝以問元忠,元忠曰:「公主而爲皇太女,駙馬都尉 元忠固稱不可,自是語塞。

天下傾望,冀幹正王室,而稍憚權倖,不能賞善罰惡,譽望大滅。 三思,不克,反被族。元忠居其間,依違無所建明。初,元忠相武后,有清正名,至是輔政, 武三思用事,京兆章月將、渤海高軫上書言其惡,帝榜殺之,後莫敢言。王同皎謀誅 陳郡男子袁楚客者以書規

侯安得事循默哉。苟利社稷,專之可也。夫安天下者先正其本,本正則天下固,國之 今皇帝新服厥德,任官惟賢才,左右惟其人,因以布大化,充古誼,以正天下。 太子天下本,譬之大樹,無本則枝葉零悴,國無太子,朝野不安。 儲君有次

列

賢而立之,此安天下之道。曠而不置,朝廷一失也。 是天下無本。天下無本,猶樹而亡根,核葉何以存乎?願君侯以淸宴之閒言於上,擇 及之勢,故師保敎以君人之道,用蘊崇其德,所以重天下也。今皇子旣長,未定嫡嗣,

男職,所謂長陰抑陽也,而望陰陽不愆、風雨時若,得乎?此朝廷二失也。 女有內則,男有外傅,豈相濫哉?幕府者,丈夫之職。今公主並開府置吏,以女處

公府,今之賣度,錢入私家。以茲入道,徒爲游食。此朝廷三失也。 今度人旣多,緇衣半道,不本行業,專以重寶附權門,皆有定直。 昔之賣官,錢入

言:「舉秀才,不知書;祭孝廉,濁如泥;高第賢良吝如蠅。」此朝廷五失也。 輕朝廷、亂正法邪?人君無私,私怒害物,私賞費財,況私人以官乎?此朝廷四失也。 人,必失天意。失天意而無患禍,未之有也。今倡優之輩,因耳目之好,遂授以官,非 ' 蓋有司選士,非賄卽勢,上失天心,下違人望,非爲官擇吏,乃爲人擇官。 葛洪有 賢者邦家之光,任之致治,棄之生亂。近詔博求多士,雖有好賢之名,無得賢之 唯名與器,不可以假人。故曰:「天工,人其代之。」 夫代天,非材不可也。 代非其

委之以事,授之以權。故豎刀亂齊,伊戾敗宋。君側之人,衆所畏懼,所謂鷹頭之蠅、 閹豎者,給宮掖掃除事,古以奴隸畜之。中古以來,大道乖喪,疏賢哲,親近習,乃

廟垣之鼠者也。 旣無正闕,率授員外,乃盈千人,綰青紫,耗府藏。 後漢時用事尤甚, 晚節卒亂天下。今大君中興, 獨有閹豎坐升班秩, 前事之驗,後事之師。此朝廷六

以害人,今外戚不助養而反害之,是使人主受謗天下。此朝廷七失也。 疏築臺沼,崇峙觀廡,山無本石,木無近產,造之終歲,功用不絕。 夫爲君所以養人,非 古者茅茨棌椽,以儉約遺子孫,所以愛力也。今公主所賞傾庫府,所造皆官供,其

必枉道奪之。欲不亂,可得哉?古語有之,十羊九牧,羊旣不得食,人亦不得息。 置官,非助桀歟?夫人情自以員外吏,恐下不己畏也,必峻法懼之;恐財不己奉也, 下困窮,州牧、縣宰,非以選進,割剝自私,人不聊生,是下有憂而上不卹也。 人有樂,君共之,君有樂,人慶之,可謂同樂矣。如此,則上下無間,而均一體也。今天 曰:「官不必備,惟其人。」此言正員猶難其備,況員之外乎!此朝廷八失也。 官以安人,非以害于人也。先王欲人治必選材,欲人安必省事,此誠同天下憂也。 而更員外

備內職,則自可處外。而令出入禁掖,使內言必出,外言必入,固將弄君之法,縱而不 禁,非所以重宗廟、固國家。 孔子曰:「彼婦之口,可以出走;彼婦之謁,可以死敗。」此 政出多門,大亂之漸。近封數夫人,皆先帝宮嬪。以爲備內職,則不當知外;不

列

朝廷九失也。

失也。 禄, 今有引鬼神、執左道以惑主者,託鬼神爲難知,故致其詐,而據非才之地,食 非 德 之 此 不以道事其君者,所以危天下也,危天下之臣不可不逐,安天下之臣不可不任。 國盜也。 傳日:「國將興, 聽於民,將亡, 聽於神。」今幾聽於神乎?此朝廷十

君侯不正,誰與正之?

事君者一其心,豈有上少疾遽異論哉? 股未見元忠過也。」 勃:「天后嘗不豫,狄仁傑請陛下監國,元忠止之,此其逆久萌。」帝謂楊再思曰:「守一非是。 再思與冉祖雍奏元忠緣逆不宜處內地, 是貶渠州司馬。楊再思、李嶠皆希順楚客,傅致元忠罪,唯蕭至忠議當申宥之。楚客復遣 封,韶以特進、齊國公致仕,朝朔望。楚客等引右衞郎將姚廷筠爲御史中丞,暴奏反狀,繇 武后素所禮,置不問。宗楚客、紀處訥大怒,固請夷其族,不聽。元忠不自安,上政事及國 言曰:「旣誅賊謝天下,雖死鼎鑊所甘心。惟皇太子沒爲恨耳。」帝以其嘗有功,且爲高宗 元忠得書益慚。以三思專權,思有以誅之。會節愍太子起兵,與聞其謀。太子已誅三思,引兵 走闕下,元忠子太僕少卿昇遇於永安門,太子脅使從戰,已而被殺。議者未辨逆順,元忠誦 監察御史袁守一固請行誅, 遂貶務川尉。 守一又

元忠至涪陵,卒,年七十餘。景龍四年,贈尙書左僕射、齊國公、本州刺史。 睿宗韶陪葬

定陵,以實封一百五十戶賜其子晃。開元六年,諡曰貞。

「是子未習朝廷儀,然名不虛謂,眞宰相也。」避武后母諱,改今名。 元忠始名眞宰,以諸生見高宗,高宗慰遣,不知謝卽出,儀舉自安,帝目送謂薛元超日:

世充平,高祖素與津善,授諫議大夫,檢校黃門侍郎,陵州刺史,卒。父琬,仕爲成州刺史。 與元文都等留守洛,拒李密,戰上東門,爲密禽。後王世充殺文都而津獨免,密敗,復歸洛。 安石舉明經,調乾封尉,雍州長史蘇良嗣器之。永昌元年,遷雅州司兵參軍。 章安石,京兆萬年人。會祖孝寬,爲周大司空、鄖國公。祖津,隋大業末爲民部侍郎, 良嗣當

國,謂安石曰:「大才當大用,徒勞州縣可乎?」 薦于武后, 擢膳部員外郎, 遷丼州司馬,有 善政,后手制勞問,陟拜德、鄭二州刺史。安石性方重,不苟言笑,其政尙淸嚴,吏民尊畏。

安石跪奏:「商等賤類,不當戲殿上。」顧左右引出,坐皆失色,后以安石辭正,改容慰勉。 鳳 言事。 時二張及武三思寵橫,安石數折辱之。 會侍宴殿中,易之引蜀商宋霸子等博塞后前, 久視中,遷文昌右丞,以鸞臺侍郞同鳳閣鸞臺平章事,兼太子左庶子,仍侍讀,尋知納

列傳第

月望夜幸其第, 賚賜不貲。帝嘗幸安樂公主池, 閣侍 品,遷中書令, 年,同鳳閣鸞臺三品,俄又知納言,檢校揚州大都督府長史。 此 道 事。」乃止。 郎陸元方自以爲不及,退告人曰:「韋公眞宰相。」 后嘗幸興泰宮,]板築所成,非自然之固。 無相王府長史, 封鄖國公, 賜封三百戶, 加特進, 爲侍中。 中宗與**韋后以正** 千金子且誠垂堂,況萬乘可輕乘危哉?」后爲回輦 主請御船,安石曰:「御輕舟,乘不測,非 神龍元年,罷政事,俄復同三 議趨疾道, 長安二

察?」對曰:「太子仁孝,天下所稱,且有大功。陛下今安得亡國語?此必太平公主計也。」 兼太子賓客、同三品,俄罷政事,留守東都 帝矍然曰:「卿勿言,股知之。」主竊聞,乃構飛變,欲訊之,賴郭元振保護,免。遷尙書右僕射 欲引安石,數因其壻唐晙邀之,拒不往。帝一日召安石曰:「朝廷傾心東宮, 睿宗立,授太子少保,改封郇國,復爲侍中、中書令,進開府儀同三司。 太平公主有異 卿 胡不

有韶與韋嗣立、趙彥昭等皆貶,安石爲沔州別駕。 相王輔政語,安石無所建正,諷侍御史洪子輿 太常卿姜皎有所請,拒之。皎弟晦爲中丞,以安石昔相中宗,受遺制, 會妻薜怨婿婢,答殺之,爲御史中丞楊茂謙所劾,下遷蒲州刺史,徙靑州。 | 咬又奏安石護作| 定陵,有所盜沒,詔籍其 而 監察御史郭震奏之, 宗楚客、韋温擅削 安石在蒲,

贓。 加贈左僕射、郇國公,諡文貞。 安石數曰:「祗須我死乃已。」發憤卒,年六十四。 二子:陟、斌。 開元十七年,贈蒲州刺史。

開元 司 見陟歎曰:「盛德遺範,盡在是矣。」累除吏部郎中,中書令張九齡引爲舍人,與孫逖、梁涉並 十歲,授温王府東閣祭酒、朝散大夫。 書命,時號得才。 中居喪,以父不得志歿,乃與斌杜門不出八年。 |陟字殷卿,與弟||斌俱秀敏異常童。 風格方整, 善文辭, 安石晚有子,愛之。 親友更往敦曉,乃彊 書有楷法, 神龍二年,安石爲中書令,陟甫 一時知名士皆與游。 調爲洛陽令。 宋璟

伏者,黜正數百員,銓綜號爲公平。 試之,已乃程考,由是無遺材。 三公,居常簡貴,視僚黨警然;其以道誼合,雖後進布衣與均禮。 遷 禮部侍郎。 陟於鑒裁尤長。 遷吏部侍郎,選人多僞集,與正調相冒, 然任威嚴,或至詈詰,議者訾其峻。 故事,取人以一日試爲高下。 陟許自通所工, 先就其能 陟有風采,擿辨無不 又自以門品可坐階

韋元甫工書奏,時號「員推韋狀」,陟皆倚任之。 河 東太守。 李林甫惡其名高, 恐逼己, 出爲襄陽太守, 以失職, 內怏怏,乃毀廉隅,頗餉謝權倖欲自結。 徙河南採訪使,以判官員錫善訊覆,支使 俄襲郇國公, 坐事貶守鍾離、 天寶十二載, ,入考華清宮 義陽,

列傳

第四十七

章安石

共說 國 楊國忠忌其 不亦美乎? 忠 曰:「昔張說被竄,匿陳氏以免。今若詔書下,誰敢庇公。願公乘扁舟遁去,事寧乃出, 又使甥壻韋元志左驗,陟惶悸,路吉温 會安祿山陷洛陽,弟斌沒賊,國忠欲構陟與賊通,密論守吏,令脅陟使憂 」陟慨然曰:「命當爾,其敢逃刑?」因謝遣,堅臥不出 才 謂 拾遺吳豸之曰「子能發陟罪乎?吾以御史相處。」 成救, 由是俱得罪,陟貶桂嶺尉, 豸之乃劾陟饋遺事 , 坐不行, 徙 ,州豪傑

四方, 此盟,墜命亡族,罔克生育。皇天后土,祖宗明神,實鑒斯言。」辭旨慷慨,士皆隕泣 江東節度使陟、淮南節度使適,銜國威命,糾合三垂,翦除兇慝,好惡同之,毋有異志。 夫、江東節度使。 歲餘, 知吾等協心戮力,則無以成功。」乃推與爲地主, 肅宗即位,起爲吳郡太守,使者趣追,未至,會永王兵起, 與高適、來塡會安州,陟日:「今中原未平,江淮騷離,若不齋盟質信,以示 爲載書,登壇曰:「准西節度使瑱 委陟招論, 乃授御史大

陟日:「昔漢高帝約法,殺人者死。 之,陟奏:「甫言雖在,不失諫臣體。」帝繇是疏之。富平人將軍王去榮殺其縣令,帝將宥之, 遷延,疑有顧望意,止除御史大夫。會杜甫論房琯, 至是,恐廣踩有後變,乃馳往諭詔恩釋其疑,而後趣召。帝雅聞陟名,欲倚以相,及是 永王敗,帝趣陟赴鳳翔。 初,季廣琛從永王亂,非其本謀, 今陛下殺人者生,恐非所宜。」時朝廷尚新,羣臣班殿中, 詞意迂慢,帝令陟與崔光遠、顏眞卿按 陟表廣琛為歷陽太守, 尉安

貶絳州 議守河陽,陟率東京官屬入關避之,詔授吏部尙書,令就保永樂,以圖收復。卒,年六十五, 有相弔哭者,帝以陟不任職,用顏眞卿代之,更拜吏部尙書。 久之,宗人伐墓柏,坐不相敎, 刺史。 還授太常卿。 呂諲入輔,薦爲禮部尚書、東京留守。 史思明逼伊、洛,

贈荆州

大都督。

此乎 望風 安,色必怡;稍怠則立堂下不興語。 以五朵牋爲書記,使侍妾主之,其裁答受意而已,皆有楷法,陟唯署名, 穀麥,以鳥羽擇米,每食視庖中所棄,其直猶不減萬錢,宴公侯家,雖極水陸,曾不下筯。 五朵雲,時人慕之,號「郇公五雲體」。然家法脩整,敕子允就學,夜分視之, 憚之,多言其驕倨。 永泰元年,贈尙書左僕射。 」性侈縱,喜飾服馬,侍兒閹童列左右常數十,侔於王宮主第。窮治饌羞,擇膏腴地蓺 及入關,又不許至京師。鬱鬱不得志,成疾,且卒,數曰:「吾道窮於 太常博士程皓議諡「忠孝」,顏眞卿以爲許國養親不兩立, 雖家僮數十,然應門賓客,必允主之。 自謂所書「陟」字若 見其勤,旦日問

不當合二行爲諡,主客員外郞歸崇敬亦駁正之。 右僕射郭英义無學術,卒用太常議云。

斌 父爲相時授太子通事舍人。 少脩整, 好文蓺, 容止嚴峭,有大臣體, 與陟齊名。

開元 李林 守河東,而從兄由爲右金吾衞將軍,縚爲太子少師,四第同時列戟,衣冠罕比者。 中, ,斌爲賊得,署以黃門侍郎,憂憤卒。 乾元元年,贈祕書監。 | 甫構韋堅獄,斌以宗累,貶巴陵太守,移臨汝。 久之,拜銀青光祿大夫, 薛王業以女妻之,遷秘書丞。 天寶中,爲中書舍人,兼集賢院學士,改太常 列五品。 禄山陷

至韡,亦不失恭。 斌天性質厚,每朝會,不敢離立笑言。嘗大雪,在廷者皆振裾更立,斌不徙足,雪甚,幾

諭 重其 起居郞召,半歲,輒棄官去,徙家龍門。除司封員外郎,稱疾固辭。 到 (風操。 **、職,數月,乞骸骨,以太子左庶子致仕,卒。 |沈雖世貴,而志沖遠,不爲聲利所遷,當時** 子況,少隱王屋山,孔述睿稱之,及述睿以諫議大夫召,薦況爲右拾遺,不拜。未幾,以 元和初,授諫議大夫,勉

郎。 太常博士。 武后 累遷成均司業。 叔夏,安石兄。 拜洛, 高宗崩,卹禮亡缺,叔夏與中書舍人賈大隱、博士裴守眞譔定其制,擢春官員外 享明堂,凡所沿改,皆叔夏、祝欽明、郭山惲等所裁討。 通禮家學。叔父太子詹事琨嘗曰:「而能繼漢丞相業矣。」擢明經第,歷 后又詔:「五禮儀物,司禮博士有所脩革,須叔夏、欽明等評處,然後以 每立一議, 衆容服

聞。」進位春官侍郎。中宗復位,轉太常少卿,爲建立廟社使,進銀青光祿大夫,累封沛郡公, 國子祭酒。卒,贈兗州都督、脩文館學士,諡曰文。子紹。

縚,開元時歷集賢脩撰、光祿卿,遷太常。

十二」。又言「郊奠、爵容止一合、容小則陋、宜增大之」。 乃踰于天,請大祀十二、中祀十、小祀八。大祀、中祀,簠、簋、瓾、俎皆一,小祀無瓾。」詔可。 唐 興,禮文雖具,然制度時時繆缺不倫。至顯慶中,許敬宗建言:「籩豆以多爲貴,宗廟 赦令以篡豆之薦, 未能備物,宜詔禮官學士共議以聞。縚請「宗廟箋豆皆加

以禮。 四鏸、四豆供祭祀。此祀與賓客豐省不得同,舊矣。且嗜好燕私之饌,與時而遷,故聖人一約 制:王,食用六穀,膳用六牲,飲用六淸,羞用百有二十品,珍用八物,醬用百有二十甕,而以 聖人知孝子之情深,而物類無限,故爲之節,使物有品,器有數,貴賤差降,不得相越。 羞珍異,不陳庶侈。』 兵部侍郎張均、職方郎中韋述議曰:「禮:『天之所生,地之所長,苟可薦者,莫不咸在。』 雖平生所嗜,非禮則不薦;所惡,是禮則不去。 雖篡豆有加,不能備也。 此則禮外之食,前古不薦。 若曰以今之珍,生所嗜愛,求神無方, 今欲以甘旨肥濃皆充於祭,苟踰舊制,其何 屈建命去祥祭之芰日:『祭典有之,不 是簠、簋可去,而盤、 周

石

以常饌,固可盡孝子之心。至宗廟法享,不可變古從俗。有司所承,一升爵,五升散。 盂、杯、案當御矣;韶、護可抵,而箜篌、笙、笛應奏矣。且自漢以來,陵有寢宮,歲時朔望,薦

宗廟,貴者以爵,賤者以散,此貴小賤大,以示節儉。 請如故。」

以鲫 蒐田 質而 箋、豆、簠、簋、尊、罍,周人時饌也,其用通於燕享賓客,周公乃與毛血玄酒共薦。 也;祭主敬,可備而不可廢也。 酒之奠。 豆之數也。 寢上食,時膳具陳,漢法也。 職貢助祭, 盧諶家祭,皆晉日食,則當時之食,不可闕於祀已。唐家淸廟時享,禮饌備進,周法也;園 今文, 釽, 親 太子賓客崔沔曰:「古者,有所飮食,必先嚴獻,未火化,則有毛血之薦,未麴糵,則有玄 發所中,皆因宜以薦, 薦而後食。 時器也。 至後王,作酒醴、用犧牲,故有三牲、八簋、五齊、九獻。 有所不稱也。 大凡祭器, 視物所宜。 有古饌而用時器者,則毛血于盤,玄酒 雖加變豆十二,未足盡天下之美,而措諸廟, 蓋薦貴新,味不尙褻,雖曰備物,猶有節制存焉。 故大羹,古饌也,盛以瓾,瓾,古器也;和羹,時饌也,盛 致遠物也; 有新必薦, 順時令也。 苑囿躬稼所入, 則濃腴鮮美盡在矣。 于拿。 又敕有司著于令, 不必加箋 然神尚玄, 可存而不可測 未有進時饌用古器者,古 徒以近侈而見訾抵。 鉶、俎、 晉中郎

禮部員外郞楊仲昌、戶部郞中陽伯威、左衞兵曹參軍劉秩等,請如舊禮便。 宰相白奏 臣

聞墨家者流

,出於淸廟,是廟貴儉不尙奢也。」

味可增者稍加焉。 玄宗曰:「朕承祖宗休德,享祀粢盛,實貴豐絜。 | 緇又請「室加甕、豆各六,每四時以新果珍甕實之」。制「可」。又詔:「獻爵 有如不應於法,亦不敢用。」乃詔太常,擇品

퀝

藥升所容,以合古。」

月,傳曰:『何以小功,以尊加也。』舅,總麻三月,皆情親而屬疏也。外祖正尊,服同從母; 母, 疏 姨、舅一等,而有輕重;堂姨、舅親未疏,不相爲服;親舅母不如同爨。其亦古意有所未 、降親舅從母一等;親舅母古未有服,請從袒免。」 ,小功五月,傳曰:『何以小功,以名加也。』而堂姨、舅母,恩所不及焉。 外祖父母,小功五 且外祖小功,此爲正尊,請進至大功;姨、舅儕親,服宜等,請進舅至小功;堂姨舅以 二十三年,詔書服紀所未通者,令禮官學士詳議。網上言:「禮喪服:舅,總麻三月。從

殊,而獨殺於外者有以也。 知尊祖 功,以名加;舅、甥、外孫、中外昆弟,皆緦。以匹言之,外祖則祖也,舅則伯叔也,父母之恩不 曰:『外親服皆總。』鄭玄曰:『外親之服異姓,正服不過總。』外祖父母小功,以尊加;從母小 ,不同明甚。 於是章述議曰:「自高祖至玄孫丼身謂之九族。由近及遠,差其輕重,遂爲五服。 ,諸侯及 太祖,天子 家 無 二尊, 喪無二斬,人之所奉,不可貳也。爲人後,降其父母喪。 及始祖。 禽獸知母而不知父,野人則父母等,都邑之士則知尊禰,大夫則 聖人究天道,厚祖 穪,繫姓族,親子孫, 則母黨之於本 女子嫁, {傳

列

服, 堂舅、堂姨、舅母,皆升袒免,則外祖父母進至大功,不加報於外孫乎?外孫而報以大功,則 是,禮可隳矣。 廣之,與本族無異。棄親錄疏,不可謂順。且服皆有報,則堂甥、外曾孫、姪女之子皆當服。聖 本宗之庶孫用何等邪?」 人豈薄其骨肉恩愛哉?蓋本於公者末於私,義有所斷,不得不然。 也。 何? 殺其家之喪。 母、族祖父母、族昆弟皆緦,以其出於高祖,服不得過高祖也。 則外會祖父母、外伯叔祖父母亦可制服矣。外祖至大功,則外會祖小功、外高祖緦。推而 從祖 且. 五 祖父母、從祖父母、從祖昆弟皆小功,以其出於會祖,服不得過會祖也。 服有上殺之義,伯叔父母服大功,從父昆弟亦大功,以其出於祖,服不得過於祖 所存者遠,抑者私也。 請如古便。」楊仲昌又言:「舅服小功,魏徵嘗進之矣。今之所請,正同徵論。 若外祖及舅加一等, 而堂舅及姨著服, 堂姨、舅出外曾祖,若爲之 苟可加也,則可減也,如 則中外其別幾 族祖 祖

姨、舅古未有服,朕思睦厚九族,宜袒冤。 父母制服,亦何傷?皆親親敦本意也。」 曰:『外親服皆緦。』是亦不隔堂姨、舅也。 帝手敕曰:「朕謂親姨、舅服小功,則舅母於舅有三年之喪,不得全降於舅,宜服緦。 古有同爨總,若比堂姨、舅於同爨,不已厚乎? [4] 若謂所服不得過本, 而復爲外曾祖父母、外伯叔

侍中裴耀卿、中書令張九齡、禮部尙書李林甫奏言:「外服無降,甥爲舅母服,舅母亦報

所引疏耶?婦人從夫者也,夫於姨舅旣服矣,從夫而服,是謂睦親。卿等宜熟計。」耀卿等 此其一也。降殺於禮無文,皆自身率親爲之數。姨、舅屬近,以親言之,亦姑伯之匹,可曰 奏言:「舅母緦,堂姨舅祖免。 夫之甥旣報,則夫之姨、舅又當服,恐所引益疏。臣等愚,皆所不及。」詔曰:「從服六, 請準制旨,自我爲古,罷諸儒議。」制曰:「可。」

僖公。 大享。 祭,則六年當論,八年禘。昭公十年,齊歸薨。 伶一篇,朔日於宣政側設楊,東向置案,縚坐讀之,諸司官長悉升殿坐聽。 歲餘,罷。 至十四年祫,十五年禘。 諸儒莫能決。 二十五年禘。 杒, 高宗上元三年,將給享。議者以禮緯三年給,五年禘;公洋家五年再殷祭。二家舛互, 宣公八年皆有禘,則後禘距前禘五年。 公羊曰:『給也。』則三年喪畢,新君之二年當論,明年當禘羣廟。又宜公八年,禘 帝詔歲率公卿迎氣東郊,至三時,常以孟月讀時令於正寢。二十六年,韶紹月奏 太學博士史玄璨曰:「春秋:僖公三十三年十二月薨。 文公之二年八月丁卯, 昭公二十五年『有事於襄宮』是也。 傳日『有事於武宮』 是也。 十三年,喪畢當給,爲平丘之會。多,公如晉, 此則新君之二年祫、三年禘爾。後五年再殷 則禘後三年而祫,又二年而禘,合於禮。」 至十八年祫,二十年禘;二十三年祫,

列

僔

第四

巳禘,孟冬又祫,祀禮叢數,請以夏禘爲大祭之源。」自是相循,五年再祭矣。

議遂定。

後睿宗喪畢, 船於廟。

至開元二十七年,

禘祭五, 祫祭七。

是歲,

網奏:「四月嘗

| 絡終太子少師。

令,兄弟領本部,時以爲榮。坐薦御史非其人,授安州都督,改蒲州刺史。入爲大理卿,進 於武略非所長,稱疾逗留,不及賊而返。俄代王晙爲御史大夫,兼按察京畿。弟拯方爲萬年 年,自太子左庶子爲益州大都督府長史,授黃門侍郎。河曲胡康待賓叛,韶持節慰撫。 事 太子少傅,諡曰貞。 刑部尙書,分掌吏部選,卒。抗歷職以淸儉,不治產,及終無以葬,玄宗聞之,特給槥車。贈 ,威刑而治,前令無及者。遷右御史臺中丞,邑民詣闕留,不聽,乃立碑著其惠。開元三 抗者,安石從父兄子。弱冠舉明經,累官吏部郎中。景雲初,爲永昌令,鳌轂繁要,抗不 抗

于邊。 書,於八分尤工,歷廣州都督,書東封朝觀碑,爲時絕筆。 | 倕累遷河西節度使,天寶中,功聞 所表奉天尉梁昇卿、新豐尉王倕、華原尉王燾,皆爲僚屬,後皆爲顯人。昇卿涉學工 它所辟舉,如王維、王縉、崔殷等,皆一時選云。

郭震字元振,魏州貴鄉人,以字顯。 長七尺,美須髯,少有大志。 十六,與薛稷、趙彦昭

同爲太學生,家嘗送資錢四十萬,會有鯜服者叩門,自言「五世未葬,願假以治喪」。元振舉

與之,無少吝,一不質名氏。稷等嘆駭。

客,百姓厭苦。」武后知所爲,召欲詰,旣與語,奇之,索所爲文章,上寶劍篇,后覽嘉歎,詔示 十八舉進士,爲通泉尉。任俠使氣,撥去小節,嘗盜鑄及掠賣部中口千餘,以餉遺賓

學士李嶠等,卽授右武衞鎧曹參軍,進奉宸監丞。

吐蕃乞和,其大將論欽陵請罷四鎭兵,披十姓之地,乃以元振充使,因覘虜情。還,上

疏曰:

直遏 力用困竭,脫甘、凉有一日警,豈堪廣調發耶? 夫患在外者, 十姓、四鎭是也; 患在內者, 甘、凉、
、原、本之中。 其意,恐邊患必甚於前,宜以策緩之,使其和望勿絕,而惡不得萌,固當取捨審也。 若圖之不審,害且隨之。 利或生害,害亦生利。 國家所患,唯吐蕃與默啜耳,今皆和附,是將大利於中國 欽陵欲裂十姓地,解四鎭兵,此動靜之機,不可輕也。 關隴屯戍,向三十年,

侵掠,此吐蕃 四鎭本扼諸蕃走集,以分其力,使不得倂兵東侵。今委之,則蕃力益彊,易以擾動。保 善爲國者,先料內以敵外,不貪外以害內,然後安平可保。 之要,然青海、吐渾密邇蘭、鄯,易爲我患,亦國家之要。 欽陵以四鎭近己,畏我 今宜報欽陵日:

傳

四十

七

郭元振

後 和 議未絕。 無東意 ,當以吐渾諸部、青海故地歸於我,則俟斤部落還吐蕃矣。」此足杜欽陵 且四鎭久附,其倚國之心,豈與吐蕃等。今未知利害情實而分裂之,恐傷 而

后從之。

諸國意,非制御之算。

後數年,吐蕃君臣相猜攜,卒誅欽陵,而其弟贊婆等來降,因詔元振與河源軍大使夫蒙令卿 能歲發和親使,而欽陵常不從,則其下必怨,設欲大舉,固不能,斯離間之漸也。」后然其計。 **率騎往迎。授主客郞中。** 又言:「吐蕃倦徭戍久矣,咸願解和;以欽陵欲裂四鎮,專制其國,故未歸款。 陛下誠

治凉五歲,善撫御,夷夏畏慕,令行禁止,道不舉遺。 督,即遣之。初, 之利,稻收豐衍。 白亭軍,制束要路,遂拓境千五百里,自是州無虜憂。 久之,突厥、吐蕃聯兵寇凉州, 州境輪廣纔四百里,虜來必傅城下。 舊凉州粟斛售數千,至是歲數登,至匹練易數十斛,支廥十年,牛羊被野。 后方御洛城門宴, 河西諸郡置生祠,揭碑頌 又遣甘州刺史李漢通闢屯田、盡 元振始於南峽口置和戎城, 邊遽至,因輟樂,拜元振爲凉州都 德 北磧 水陸

帳與計事。 神龍 會大雨雪,元振立不動,至夕凍冽;鳥質勒已老,數拜伏,不勝寒,會罷卽死。其 遷左驍衞將軍、安西大都護。 西突厥角烏質勒部落盛疆 ,款塞願 和 元振即牙

疑者。 贈禮,哭甚哀,爲留數十日助喪事,娑葛感義,更遣使獻馬五千、駝二百、牛羊十餘萬。 子娑葛以元振計殺其父,謀勒兵襲擊,副使解琬知之,勸元振夜遁,元振不聽,堅臥營爲不 明日,素服往弔,道逢娑葛兵,虜不意元振來,遂不敢逼,揚言迎衞。 進至其帳,脩弔 制韶

元振爲金山道行軍大總管。

宰相, 衞, 拔汗那蒐其鎧馬以助軍,旣得復讎,部落更存。 獲,遣人間道齎黃金分遺宗楚客、紀處訥,使就其謀。 家厚秩待君,以部落有兵故也。 徙部落置瓜、沙間。 烏質勒之將闕啜忠節與娑葛交怨, 無入朝;請發安西兵導吐蕃以擊娑葛;求阿史那獻爲可汗以招十姓;請郭虔瓘使 詔許之。 闕啜遂行。至播仙城,遇經略使周以悌,以悌說之曰:「國 今獨行入朝, 屢相侵,而闕啜兵弱不支。元振奏請追闕啜入宿 一羇旅胡人耳,何以自全?」乃敎以重寶路 闕啜然之,即勒兵擊于闐坎城,下之。因所 元振知之,上疏曰:

普南 忠節 掌股,若爲復得事 人事 、天時兩不諧 忽國家大計,欲爲吐蕃鄉導主人, 征,身殞寇庭,國中大亂,嫡庶競立,將相爭權,自 國家往不與吐蕃十姓、四鎭而不擾邊者,蓋其諸豪泥婆羅等屬國自有攜貳, ,我哉?往吐蕃於國無有恩力,猶欲爭十姓、四鎭 契,所以屈志於漢,非實忘十姓、四鎮也。 四鎮危機恐從此啓。 旧朝屠, 吐蕃得· 如其有力, 士畜疲癘,財力困窮,顧 今若効力樹恩,則 後且 忠節亦當在賊 一必爭。 故贊

列

第四十七

郭

元振

何以拒之?是以古之賢人,不願夷狄妄惠,非不欲其力,懼後求無厭, 請分于闐 、疏勒者,欲何理抑之?且其國諸蠻及婆羅門方自嫌阻,藉令求我助討者,亦 益生中國事也。

臣愚以爲用吐蕃之力,不見其便。

其子孫無惠下之才,恩義素絕故也。 豈止不能招懷,且復爲四鎭患,則册可汗子孫其 來,而元慶沒賊,四鎭淪陷。 叔僕羅、兄俀子,俱可汗子孫也。 相 拔汗那國 不聞得一甲一馬, 效固試矣。 援, 又請阿史那獻者,豈非以可汗子孫能招綏十姓乎?且斛瑟羅及懷道與獻父元慶、 又請以郭虔瓘蒐兵稅馬於拔汗那。 拔汗那倚堅城而抗于內,突厥邀伺于外,虔瓘等豈能復如往年得安易之幸哉? 又吐蕃亦嘗以俀子、僕羅丼拔布爲可汗矣,亦不能得十姓而皆自亡滅,此非它, 四面無助,若履虚邑,猶引俀子爲敝。況今北有娑葛,知虔瓘之西,必引以 獻又遠於其父兄,人心何繇卽附,若兵力足取十姓,不必要須可汗子孫也。 而拔汗那挾忿侵擾, 忠節亦嘗請以斛瑟羅及懷道爲可汗矣,十姓未附而碎葉 往四鎭以他匐十姓之亂,請元慶爲可汗,卒亦不能招 往處瓘已嘗與忠節擅入其國, 南導吐蕃, 將俀子,以擾四鎭。 臣時在疏勒, 且虔瓘住至

疏奏不省。

楚客等因建遣攝御史中丞馮嘉賓持節安撫闕啜,以御史呂守素處置四鎭,以牛師獎爲

安西 娑葛怒 奄至,禽闕啜,殺嘉賓,又殺呂守素於僻城、牛師獎於火燒城,遂陷安西,四鎭路絕。 副都護,代元振領甘、凉兵, 即發兵出安西、撥換、焉耆、疏勒各五千騎。於是闕啜在計舒河與嘉賓會,娑葛兵 召吐蕃併力擊娑葛。 娑葛之使娑臘知楚客謀, 馳報之。 元振 屯

疏勒水上, 娑葛遺元振書,且言:「無仇于唐,而楚客等受闕啜金, 未敢動。楚客復表周以悌代元振, ,且以阿史那獻爲十姓可汗, 一欲加兵擊滅我,故懼死而鬭 一置軍焉耆以取

且請斬楚客。」元振奏其狀。 楚客大怒,誣元振有異圖,召將罪之。 元振使子鴻間道奏乞留

定西土,不敢歸京師。以悌乃得罪,流白州,而赦娑葛。

館 陶 城中爭具壺漿歡迎, 縣男。 睿宗立,召爲太僕卿。 先天元年,爲朔方軍大總管,築豐安、定遠城,兵得保頓。 都督嗟歎以聞。 將行,安西酋長有剺面哭送者,旌節下玉門關,去凉州猶八百 景雲二年, 進同中書門下三品,遷吏部尚書,封 明年,以兵部尚書復

同中書門下三品。

大總管 者 千 四昔乃休。 玄宗 坐纛下, ,以備突厥。 誅太平公主也,睿宗御承天門,諸宰相走伏外省,獨元振總兵扈帝, 將斬之。 進封代國公,實封四百戶,賜一子官,物千段。 未行,會玄宗講武驪山,旣三令,帝親鼓之,元振遽奏禮 劉幽求、張說扣馬諫曰:「元振有大功,雖得罪, 俄又兼御史大夫,復爲朔方 當宥。」乃赦死,流 止,帝怒軍 事定, 宿中書 一容不

列

四三六六

新州。 開元元年,帝思舊功,起爲饒州司馬,怏怏不得志,道病卒,年五十八。 十年,贈太子

少假

諸院廢。 元振雖少雄邁,及貴,居處乃儉約,手不置書, 人莫見其喜愠。 自朝還、對親欣欣、退就室、嚴如也。 距國初仕至宰相而親具者,唯元振云。 建宅宣陽里,未嘗 至

鄙哉。 贊曰:魏、章皆感槪而舊,似矣。 及在昏上側臣間,臨機會,不一引手揕姦邪之謀,誠可 至葽后豔主以烝譖撼宗社。亦不肯從也。古所謂具臣者。諒乎,元振功顯節完,

跌未復,世恨其蚤歿云。

唐書卷一百二十三

列傳第四十八

李嶠 蕭至忠 盧藏用 章巨源 趙彦昭 和逢堯

<u>五經,薛元超稱之。 二十擢進士第,始調安定尉。 舉制策甲科,遷長安。</u> 李嶠字巨山,趙州贊皇人。早孤,事母孝。 爲兒時,夢人遺雙筆,自是有文辭,十五通 時畿尉名文章者

駱賓王、劉光業,嶠最少,與等夷。

其枉,忤武后旨,出爲潤州司馬。久乃召爲鳳閣舍人,文册大號令,多主爲之。 劉憲覆驗,德裕等內知其冤,不敢異。 嶠曰:「知其枉不申,是謂見義不爲者。」卒與二人列 會來俊臣構狄仁傑、李嗣眞、裴宣禮等獄, 授監察御史。高宗擊邕、嚴二州叛獠,詔監其軍,嶠入洞喩降之,由是罷兵。 將抵死,敕嶠與大理少卿張德裕、侍御史 稍遷給事

初置右御史臺,祭州縣吏善惡、風俗得失,嶠上疏曰:「禁網上疏,法象宜簡, 列 第 깯 + 八 李 四三六七 簡則法易

行而 耳。 臣言,妙擇能者委之,莫不盡力効死矣。」武后善之,下制析天下爲二十道,擇堪使者。爲 御史出入天禁,勵已自脩,比他吏相百也。 置一御史,以期歲爲之限,容其身到屬縣,過閭里,督察姦訛,采風俗,然後 動,常在四方,故出使者冠蓋相望。 **察按,準漢六條而推廣之,** 褒貶之。 不煩雜,疏則所羅廣而不苛碎。伏見垂拱時,諸道巡察使科條四十有四, 臣願量其功程以爲節制, 而使以三月出,盡十一月奏事,每道所察吏,多者二千,少亦千計,要在品覈才行而 今期會迫促,奔逐不暇,欲望詳究所能,不亦艱哉。 則無不包矣,烏在多張事目也?且朝廷萬機非無事,而機事之 使器周於用,力濟於時,然後得失可以精覈矣。」又言:「今所 今已置使,則外州之事悉得專之,傳驛減矣。 按劾回庸,糾擿隱數,比他吏相十也。 此非隳於職,才有限,力不逮 可課其成 至別敕令又 陛下誠用 請率十州 功。 且

出也,罷爲成均祭酒。 遷內史,嶠辭劇,復爲成均祭酒、平章事 俄 知天官侍郎事,進麟臺少監、同鳳閣鸞臺平章 俄檢校文昌左丞, 留守東都。 事。 長安三年,以本官復爲平章事, 遷鸞臺侍郎。 會張錫輔政,嶠,其 知納

衆議沮止。

不稅而實稅之。 武后將建大像於白司馬坂,嶠諫:「造像雖俾浮屠輸錢, 臣計天下編戶,貧弱者衆,有賣舍、帖田供王役者。 然非州縣承辦不能濟, 今造像錢積十七萬緡 是名雖

若頒之窮人,家給千錢,則紓十七萬戶飢寒之苦,德無窮矣。」不納。

張易之敗,坐附會貶豫州刺史,未行,改通州。 數月,以吏部侍郎召,俄遷尙書。

二年,代韋安石爲中書令。

嶠在吏部時,陰欲藉時望復宰相,乃奏置員外官數千。 旣吏衆猥,府庫虛耗,乃上書歸

咎于時,因蓋向非,日:

如禍 易舉動,慢防閑也。 : 產意外,縱不自惜,奈宗廟蒼生何? 元首之尊,居有重門擊柝之衞,出有淸警戒道之禁,所以備非常,息異望,誠不可 陛下厭崇邃,輕尊嚴,微服潛游,閱廛過市,行路私議,朝廷驚懼,

用退。 非要者,一切放還。 助治之道也。 病者已解還授,員外者旣遺復留,恐非所以消敝救時也。 惠,冒級躐階,朝陞夕改,正闞不給,加以員外。 又分職建官,不可以濫。 又遠方夷人不堪治事,國家向務撫納而官之,非立功酋長,類糜俸祿。 願愛恡班榮,息匪服之議。今文武六十以上,而天造含容,皆矜恤之。老 傳曰:「官不必備,惟其人。」自帝室中興,以不愼爵賞爲 內則府庫爲彈,外則黎庶蒙害,非求賢 請敕有司料其可用進,不可 願商度

又燙稱:「何以守位日仁,何以聚人日財。」今百姓受窶,不安居處,不可以守位。倉

列

廣。今山東歲饑,糟糠不厭。 **令邊場少竦,恐逋亡途多,盜賊羣行,何財召募?何衆閑遏乎?又崇作寺觀,功費浩** 儲蕩耗,財力傾殫,不足以聚人。山東病水潦,江左困輸轉。 怨結三靈,謗蒙四海。 而投艱阨之會,收庸、調之半,用吁嗟之物,以榮土木,恐 國匱於上,人窮於下。 如

道,征行租賦,何以備之? 多丁,點商大賈,詭作臺符,羼名僞度。且國計軍防,並仰丁口,今丁皆出家,兵悉入 又比緣征戍,巧詐百情,破役隱身,規脫租賦。今道人私度者幾數十萬,其中高戶

者,役逮小弱,即破其家。 又重路貴近,補府若史,移沒籍產,以州縣甲等更爲下戶。當道城鎭,至無捉驛 願許十道使訪察括取,使姦猾不得而隱。

又太常樂戶已多,復求訪散樂,獨持大鼓者已二萬員,願量留之,餘勒還籍,以杜

妄費。

中宗以嶠身宰相,乃自陳失政,丐罷官,無所嫁非,手詔詰讓。 嶠惶恐,復視事。

加脩文館大學士,封趙國公,以特進同中書門下三品。

睿宗立,

罷政事,

下除

懷州 或請誅之。 刺 史,致仕。 張說曰:「嶠誠懵逆順,然爲當時謀,吠非其主,不可追罪。」天子亦顧數更赦,遂 初,中宗崩,嶠嘗密請相王諸子不宜留京師。 及玄宗嗣位, 獲其表宮中,

免,貶滁州別駕,聽隨子虔州刺史暢之官。改廬州別駕,卒,年七十。

薄。 然其仕前與王勃、楊盈川接,中與崔融、蘇味道齊名,晚諸人沒,而爲文章宿老,一時學 **嶠富才思,有所屬綴,人多傳諷。 武后時,汜水獲瑞石,嶠爲御史,上遑符一篇,爲世譏**

罪,**百寮**震悚。 對,至忠獨曰:「故事,臺無長官。御史,天子耳目也,其所請奏當專達,若大夫許而後論,卽 丞。始,至忠爲御史,而李承嘉爲大夫,嘗讓諸御史曰:「彈事有不咨大夫,可乎?」衆不敢 鳳閣侍郎蘇味道贓貪,超拜吏部員外郎。至忠長擊斷,譽聞當時。中宗神龍初,爲御史中 劾大夫者,又誰白哉?」

承嘉慚。至是,承嘉爲戶部尚書,至忠劾祝欽明、

竇希玠與承嘉等 曰:「寧有與人期可以失信?」卒友至乃去,衆歎服。 仕爲伊闕、洛陽尉。 遷監祭御史,劾奏 **蕭至忠,沂州丞人。祖德言,爲祕書少監。至忠少與友期諸路,會雨雪,人引避,至忠** 遷吏部侍郎,猶兼中丞。

按之,至忠泣日:「往者,天后欲以相王爲太子,而王不食累日,獨請迎陛下,其讓德天下莫 節愍太子以兵誅武三思而敗,宗楚客等諗侍御史冉祖雍上變,言相王與太子謀。 帝欲

傳第四

十八

蕭 至 忠

不聞。 陛下貴爲天子,不能容一弟,受人羅織耶?竊爲陛下不取。」帝納其言,止。 尋授中

書侍郎、同中書門下平章事。 上疏陳時政日:

倖,私惠也。王者正可金帛富之,粱肉食之,以存私澤也。若公器而私用之,則公義不 遲者此也。今授職用人,多因貴要爲粉飾,上下相蒙,苟得爲是。夫官爵,公器也,恩 行而勞人解體,私謁開而正言塞。日朘月削,卒見凋弊。 求治之道,首于用賢。苟非其才則官曠,官曠則事廢,事廢則人殘,歷代所以陵

官秩益輕,恩賞彌數。才者不用,用者不才,故人不効力,官匪其人,欲求治固難 今列位已廣,冗員復倍。陛下降不呰之澤,近戚有無厓之請,臺閣之內,朱紫充

帝不納。 使政令惟一,私不害公,則天下幸甚。且貞觀故事,宰相子弟多居外職,非直抑彊宗, 試榮班,徒長其佩爾。臣願陛下愛惜爵賞,官無虛授,進大雅以樞近,退小人於閑左, 亦以擇賢才爾。 俄爲侍中、中書令。時楚客懷姦植黨,而韋巨源、楊再思、李嶠務自安,無所弼正, 或以其酒,不以其漿,鞙鞙佩璲,不以其長。」此言王政不平而衆官廢職,私家子列 又宰相要官子弟,多居美爵,並罕才藝,而更相諉託。詩云:「私人之子,百寮是 請自宰相及諸司長官子弟,並授外官,共寧百姓,表裏相統。

與至忠殤女冥婚。至忠又以女妻后舅崔從禮子無詖。兩家合禮,帝主蕭,后主崔,時謂「天 至忠介其間,獨不詭隨,時望翕然歸重。 帝亦曰:「宰相中,至忠最憐我。」韋后嘗爲其弟洵

子嫁女,皇后娶婦」。

書令,封酇國公,乃參主逆謀。先天二年,主敗,至忠遁入南山。數日,捕誅之,籍其家。 見至忠風采,逡巡畏俯,謂人曰:「是宜相天子,何乃居外乎?」太平寖用事,至忠乃自附納, 且丐還,主以至忠子任千牛死韋氏難,意怨望易動,能助己,請于帝。拜刑部尙書,復爲中 唐隆元年,以后黨應坐,而太平公主爲言,出爲晉州刺史,治有名。默啜遣大臣來朝,

奉賜, 相。 至忠不聽。 而去就之。 「非所望於蕭傅。」至忠曰:「善乎宋生之言。」然不能自返也。 「若知吾進乾曜遽乎?吾以其貌言似蕭至忠。」力士曰:「彼不嘗負陛下乎?」帝曰: 及韋氏敗,遽發韋洵壟,持其女柩歸。 至忠始在朝,有風望,容止閑敏,見推爲名臣。外方直,糾擿不法,而內無守,觀時輕重 無所遺施,及籍沒, 敷曰:「九世卿族,一舉而滅之,可哀也已!」不喜接賓客,以簡儉自高,故生平 始爲御史,桓彥範等頗引重。 珍寶不可計。 然玄宗賢其爲人, 五王失政,更因武三思得中丞,附安樂公主爲宰 後依太平,復當國。 後得源乾曜,亟用之,謂高力士 **嘗出主第,遇宋璟,璟戲日**: 娣嫁蔣欽緒, 欽緒 每戒之,

列御

至忠誠國器,但晚謬爾,其始不謂之賢哉?」

弟元嘉,工部侍郎;廣微,工部員外郎。

與兄徵明偕隱終南、少室二山,學練氣,爲辟穀,登衡、廬,彷洋岷、峨。與陳子昂、趙貞固 盧藏用字子潛,幽州范陽人。父璥,魏州長史,號才吏。 藏用能屬文,舉進士,不得調。

窮人力以事土木,臣恐議者以陛下爲不愛人而奉已也。且頃歲穀雖頗登,而百姓未有儲。 堪。今左右近臣,以諛意爲忠,犯忤爲患,至令陛下不知百姓失業,百姓亦不知左右傷陛下 爲辭,則天下必以爲愛力而苦己也。不然,下臣此章,得與執事者共議。」不從。 之仁也。忠臣不避誅震以納君於仁,明主不惡切詆以趨名于後。陛下誠能發明制,以勞人 陛下巡幸,訖靡休息,斤斧之役,歲月不空,不因此時施德布化,而又廣宮苑,臣恐下未易 長安中,召授左拾遺。武后作興泰宮於萬安山,上疏諫曰:「陛下離宮別觀固多矣,又

太平公主,主誅,玄宗欲捕斬藏用,顧未執政,意解,乃流新州。 人,數糾駁僞官。 姚元崇持節靈武道,奏爲管記。還應縣令舉,甲科,爲濟陽令。神龍中,累擢中書舍 歷吏部、黃門侍郎、脩文館學士。坐親累,降工部侍郎。 或告謀反,推無狀,流驩州。 進尙書右丞。附

會交趾叛,藏用有捍禦勞,改昭州司戶參軍,遷黔州長史,判都督事,卒于始興。

處。」承顧徐日:「以僕視之,仕宦之捷徑耳。」藏用慚。 徇權利,務爲驕縱,素節盡矣。 前死,藏用撫其孤 令,不卜筮而吉;養勞貴功,不禱祠而福。」乃爲析滯論以暢其方,世謂「知言」。 子昂、貞固 則士爭先。否者, 壽,賦斂省則人富,法令有常則邦寧,賞罰中則兵彊。禮者士所歸,賞者士所死,禮賞不倦, 陽拘畏,乖至理,泥變通,有國者所不宜專。謂:「天道從人者也。 藏用善蓍龜九宮術,工草隸、大小篆、八分,善琴、弈,思精遠,士貴其多能。嘗以俗徇陰 有恩,人稱能終始交。 雖揆時行罰, 涓日出號, 無成功矣。故任賢使能, 不時日而利; 明法審 司馬承禛嘗召至闕下,將還山,藏用指終南曰:「此中大有嘉 始隱山中時,有意當世,人目爲「隨駕隱土」。 無子。 古爲政者,刑獄不濫則人 晚乃

而賦之。若虛曰:「非也,此許愼所謂鼨鼠,豹文而形小。」一坐驚服。終起居郎,集賢院學士。 弟若虛,多才博物。隴西辛怡諫爲職方,有獲異鼠者,豹首虎臆,大如拳。怡諫謂之鼷鼠

吏幹,武后時累遷夏官侍郎、同鳳閣鸞臺平章事。 其治委碎無大體,句校省中遺隱,下符斂 章巨源與安石同系,後周京兆尹總會孫。 祖貞伯, 襲鄖國公, 入隋,改舒國。 巨源有

四三七五

克不少蠲,雖收其利,然下所怨苦。坐李昭德累,貶鄜州刺史口。 累拜地官尙書。

當爾耳。」是時雖賢有德,終莫得進,士大夫莫不解體。會安石爲中書令,避親罷政事 人,楊再思得其一,試問餘授,皆諸宰相近屬。 再思喟然曰:「吾等誠負天下。」 巨源曰:「時 神龍初,以吏部尙書同中書門下三品。時要官缺,執政以次用其親,互源秉筆,當除十

巨源倡: 請后爲亞獻, 趙延禧等推處祥妖,陰導韋氏行武后故事。俄遷尙書左僕射,仍知政事。帝方南郊,巨源 免其租,巨源以爲蠶桑可輸, 專遷侍中,舒國公。 章后與敍昆弟,附屬籍。 武三思封戶在 具州,屬大水,刺史宋璟議 其爲,勸中宗宣布天下,帝從其言,因是大赦。 而自爲終獻。及臨淄王平諸韋,家人請避之,叵源曰:「吾大臣,無容見難不 繇是河朔人多流徙者。 景龍二年,韋后自言衣笥有五色雲, 巨源見帝昏惑, 乃與宗楚客、鄭愔、

赴。」出都街,亂兵殺之,年八十。

武三思爲相,託韋后親屬,諡「昭」爲非。 睿宗立, 贈特進、 荆州 大都督。 博士李處直請諡爲「昭」,戶部員外與李邕以巨源附 處直執不改,邕列陳其惡,不見用, 然世皆直邕。

章氏自安石及武后時宰相待價、巨源皆近親,其族至大官者,又數十人。

敖蕩, 趙彦昭字奂然, 吾安望哉?」不爲食。 甘州張掖人。父武孟,少游獵, 武孟感激,遂力學,淹該書記。 以所獲饋其母,母泣曰:「汝不好書而 自長安丞爲右臺侍御史, 著

河西人物志十篇。

耿國公,實封百戶。 鄓, 代。 紀處訥爲使,處訥辭,乃授彥昭。 丞爲左臺監察御史。 天宰,而爲一介使,不亦鄙乎! 持節按邊。 睿宗立,出爲宋州刺史,坐累貶歸州。 **彦昭少豪邁,風骨秀爽。** 遷御史大夫。 景龍中, 及進士第,調爲南部尉。 累遷中書侍郞、同中書門下平章事。 蕭至忠等誅, 」彥昭問計安出, **彦昭顧已處外,恐權寵奪移,不悅。** 俄授涼州都督,爲政嚴,下皆股慄。入爲吏部侍 郭元振、張說言彥昭與祕謀, 履温乃爲請安樂公主留之,遂以將軍楊矩 與郭元振、薛稷、蕭至忠善。 金城公主嫁吐蕃, 司農卿趙履温日:「公 改刑部尙書、 自新豐

妻偕謁, **彥昭本以權幸進,中宗時,有巫趙挾鬼道出入禁掖,彥昭以姑事之。** 其得宰相,巫力也。 於是殿中侍御史郭震劾暴舊惡。 會姚崇執政, 嘗衣婦服, 惡其爲人, 乘車與 貶

江州別駕,卒。

餘年,乃舉進士高第,累擢監察御史。 「昔傑不道,伊尹負鼎于陽;今天子聖明,百司以和,尙何所調?」逢堯不能答,流莊州。 和逢薨,岐州岐山人。武后時,負鼎詣闕下上書,自言願助天子和飪百度。有司讓曰:

故卒以附麗廢,然唐興奉使者稱逢堯。 安且久,不以金爲貴。可汗乃貪金而不貴信邪?」默啜聞曰:「漢使至吾國衆矣,斯食鐵石 有指,擢戶部侍郎。坐善太平公主,斥朗州司馬,終柘州刺史。 風慕義,襲冠冕,取重諸蕃。」默啜信之,爲斂髮紫衣,南面再拜稱臣,遣子入朝。 人,不可易。」因備禮以見。 逢堯說之曰:「天子昔爲單于都護,思與可汗通舊好,可汗當嚮 動,逢堯呼日:「我大國使,不受我辭,可輒去。」乃牽持其人謂曰:「漢法重女婿而送鞍具,欲 鏤具鞍,乃塗金,非天子意。 使者不可信,雖得公主,猶非實,請罷和親。」欲馳去,左右色 突厥默啜請尙公主,逢堯以御史中丞攝鴻臚卿,報可。默啜遣貴近頡利來曰:「詔送金 逢堯詼詭,當大事敢徼福, 逢堯以使

以喪賢,姻豔后,挾寵主,取宰相,謀間王室,身誅家破,遺臭無窮。而帝以乾曜似之,遽使 **贊**曰:異哉,玄宗之器蕭至忠也,不亦惑乎!至忠本非賢,而寄賢以奸利,失之則邀利

果不賢於初。惟陛下圖之」,如是,帝且悟往失而精來鑒已。其後相字林甫、將安祿山,皆 嗚呼!力士誠腐夫庸人,不能發擿天子之迷,若曰「至忠賢於初,固不繆於末;旣繆於末, 當國,是帝舉不知至忠之不可用,又不知乾曜之所可用也。或稱帝不以罪掩才,益可怪嘆。

校勘記

基于不明,身播岷陬,信自取之歟。

(1) 貶鄜州刺史 則天紀、卷九二韋巨源傳俱作「鄜」。按本書卷三七及舊書卷三八地理志、元和志卷四,唐玄宗 「鄜」,各本及通鑑卷二〇五作「麟」,本書卷四則天紀、卷六一宰相表、舊書卷六

時始析勝州置麟州。「麟」當爲「鄜」之形訛,今改。

列

傳

唐書卷一百二十四

列傳第四十九

姚崇奕 合 易 宋璟渾

姚崇字元之,陝州硤石人。父懿,字善懿,貞觀中,爲巂州都督, 贈幽州大都督,諡

文慮

覆訊,彼尙不自保,敢一搖手以悖酷吏意哉! 股無所疑,卽可其奏。自俊臣等誅,遂無反者,然則向論死得無冤邪?」崇曰:「自垂拱後, 被告者類自誣。當是時,以告言爲功,故天下號曰『羅織』,甚於漢之鉤黨。 來俊臣等數治韶獄,朝臣相逮引,一切承反。朕意其枉,更畀近臣臨問,皆得其手牒不冤, 官郎中,契丹擾河北,兵檄叢進,崇奏決若流,武后賢之,即拜侍郎。后嘗語左右:「往周興、 崇少倜儻,尙氣節,長乃好學。仕爲孝敬挽郎,舉下筆成章,授濮州司倉參軍。五遷夏 且被問不承,則重罹其慘, 如張虔勗、李安靜 雖陛下使近臣

列

傳

第四

十九

姚崇

等皆是也。 陛下以告牒置弗推,後若反有端, 今賴天之靈, 發寤陛下, 凶豎殲夷, 朝廷乂安, 臣以一門百口保內外官無復反 臣請坐知而不告。」后悅曰:「前宰相務順可, 陷我為

淫刑主,聞公之言,乃得朕心。」賜銀千兩。 聖曆三年,進同鳳閣鸞臺平章事。遷鳳閣侍郎,俄兼相王府長史,以母老納政歸侍,乃

本兵,臣非惜死,恐不益王。」乃詔改春官。 韶以相王府長史侍疾,月餘,復兼夏官尚書、同鳳閣鸞臺三品。崇建言:「臣事相王,而夏官 張易之私有請於崇, 崇不納, 易之譖於后, 降司

僕卿,猶同鳳閣鸞臺三品。出爲靈武道大總管。

此始。」崇曰:「比與討逆,不足以語功,然事天后久,違舊主而泣,人臣終節也, 心焉。」俄爲亳州刺史。後五王被害,而崇獨免。歷宋、常、越、許四州。睿宗立,拜兵部尙 上陽宮,中宗率百官起居,王公更相慶,崇獨流涕。陳之等曰:「今豈涕泣時邪?恐公禍由 張柬之等謀誅二張,崇適自屯所還,遂參計議。以功封梁縣侯,實封二百戶。 后遷 由 此獲罪甘

書、同中書門下三品,進中書令。 |爲刺史,以壹人心。帝以謂主,主怒。太子懼,上疏以|崇等惎間王室,請加罪,貶爲 玄宗在東宮,太平公主干政,宋王成器等分典閉廢、禁兵。崇與宋璟建請主就東都,出 移除、路二州,遷揚州長史。政條簡肅,人爲紀德于碑。 徙同州刺史。

申州刺史。

皆得批逆鱗,犯忌諱,可乎。武后造腷先寺,上皇造金仙、玉眞二觀,費 佛營造,可乎?漢以廠、莽、閻、梁亂天下, 來壬佞冒觸憲網, 法 獵 廣成澤,以呼鷹逐獸爲樂。張憬藏謂臣當位王佐,無自棄,故折節讀書,遂待罪將相。然少爲 臣之嚴 奏:「臣願以十事聞,陛下度不可行,臣敢辭。」帝曰:「試爲朕言之。」崇曰:「垂拱以來,以峻 曰:「卿宜遂相殷。」崇知帝大度,銳于治,乃先設事以堅帝意,卽陽不謝,帝怪之。 崇因跪 召崇,崇至,帝方獵渭濱, 繩下; 師,老而猶能。」帝悅,與俱馳逐,緩速如旨,帝歡甚。旣罷,乃咨天下事,衮衮不知倦。 可乎? 臣願宦豎不與政,可乎?戚里貢獻以自媚于上,公卿方鎭寖亦爲之;臣願租賦外一絕 先天二年,玄宗講武新豐。 臣願陛下接之以禮,可乎。燕欽融、章月將以忠被罪,自是諍臣沮 臣願政先仁恕,可乎?朝廷覆師青海,未有牽復之悔;臣願不倖邊功,可乎?比 外戚貴主更相用事,班序荒雜;臣請戚屬不任臺省,可乎?先朝褻狎大臣,虧君 皆得以寵自解;臣願法行自近, 即召見,帝曰:「公知獵乎?」對曰:「少所習也。臣年二十,居 翌日, 故事,天子行幸,牧守在三百里者,得詣行在。時帝亦密 拜兵部尙書、同中書門下三品。 國家爲甚;臣願推此鑒戒爲萬代法, 可乎。后氏臨朝, 鉅 封梁國公。 喉舌之任出閹人之 百萬;臣請 折; 臣願 可 乎?」帝 遷紫微 **奉**臣

固辭實封,乃停舊食,賜新封百戶。

事 利益,使蒼生安穩,是謂佛理。 中宗時,近戚奏度僧尼,温戶彊丁因避賦役。 鳥用姦人以汨眞教?」帝善之,詔天下汰僧僞濫,髮而農 至是,崇建言:「佛不在外,悟之于心。

者餘萬二千人。

不肖而天下治。 高力士曰:「陛下新卽位,宜與大臣裁可否。今崇亟言, 「我任崇以政,大事吾當與決,至用鄓吏,崇顧不能而重煩我邪?」崇聞乃安。由是進賢退 崇嘗於帝前序次郞吏,帝左右顧,不主其語。 崇懼,再三言之,**卒不答,**崇趨出。 陛下不應, 非虛懷納誨者。」帝曰: 內侍

問崇,對曰:「庸儒泥文不知變。 者當以德, 而不救,因以無年,刺史其謂何?」若水懼,乃縱捕,得蝗十四萬石。時議者喧譁,帝疑,復以 除不勝者,特人不用命耳。」乃出御史爲捕蝗使,分道殺蝗。 汴州刺史倪若水上言:「除天災 火。』漢光武詔曰:『勉順時政,勸督農桑。 **祇**,今 **祇**不 **勝德** 驅,又田皆有主,使自救其地,必不憚勤。 開元四年,山東大蝗,民祭且拜,坐視食苗不敢捕。 崇奏: 「詩云: 『秉彼蟊賊,付畀炎 昔劉 |聰除蝗不克而害愈甚。」拒御史不應命。|崇移書誚之曰:「聰僞主, 古者良守, 蝗避其境, 事固有遠經而合道,反道而適權者。 謂脩德可免, 彼將無德致然乎? 今坐視食苗, 請夜設火,坎其旁,且焚且瘞,蝗乃可盡。 古有 去彼螟蜮,以及蟊賊。』此除蝗誼也。且蝗畏人易 昔魏世山東蝗,小忍 德不勝 忍

善,帝則曰:「是必崇畫之。」有不合,則曰:「胡不問崇?」乾曜謝其未也,乃已。 <u>崇日:「昔楚王吞蛭而厥疾瘳,叔敖斷虵福乃降。今蝗幸可驅,若縱之,穀且盡,如百姓何?</u> 曰:「恨不處禁中,此何避?」久之,紫微史趙誨受夷人財,當死。 近,韶徙寓四方館,日遣問食飮起居,高醫、尙食踵道。 崇以館局華大,不敢居。 殺蟲救人,禍歸於崇,不以諉公也!」蝗害訖息。 帝然之。黃門監盧懷愼曰:「凡天災安可以人力制也!且殺蟲多,必戾和氣。願公思之。」 河南、河北家無宿藏,一不穫則流離,安危繫之。 帝將幸東都,而太廟屋自壞,帝問宰相,宋璟、蘇頲同對曰:「三年之喪未終,不可以行 於是,帝方躬萬機,朝夕詢逮,它宰相畏帝威決,皆謙憚,唯獨崇佐裁決,故得專任。 時曲赦京師,惟誨不原。崇惶懼,上還宰政,引宋璟自代,乃以開府儀同三司罷政 。會懷愼卒,崇病痁移告,凡大政事,帝必令源乾曜就容焉。 且山有朽壤乃崩,況木積年而木自當蠹乎。但壞與行會,不 且討蝗縱不能盡,不愈於養以遺患乎?」 崇素親倚,署奏營減,帝 乾曜所奏 帝使語崇 帝欲崇自

不除,至人相食;後秦有蝗,草木皆盡,牛馬至相噉毛。今飛蝗所在充滿,加復蕃息。

且.

不悅。

第賒僻,因近舍客廬。

符堅故殿以營廟,而唐因之。 壞壓之變,天所以示敎戒,陛下宜停東巡,脩德以答至譴。」帝以問崇,對曰:「臣聞隋取

列

也。」帝曰:「卿言正契朕意。」賜絹二百匹,詔所司如崇言,天子遂東。 擬旣具,請車駕如行期。 緣行而壞。 且陛下以關中無年,輸餉告勞,因以幸東都,所以爲人不爲己也。 舊廟難復完,盍奉神主舍太極殿?更作新廟,申誠奉,大孝之德 因韶五日一參,入閤 百司已戒,供

七年,追贈太子太保。 八年,授太子少保,以疾不拜。 明年卒,年七十二。贈揚州大都督,諡曰文獻行己。

供奉。

崇析貲產,令諸子各有定分。治令曰:

相推倚以頓廢。陸賈、石苞,古達者也,亦先有定分以絕後爭。 比見達宦之裔多貧困,至銖尺是競,無論曲直,均受嗤詆。 田宅水磑旣共有之,至

昔楊震、趙咨、盧植、張奐咸以薄葬,知眞識去身,貴速朽耳。

夫厚葬之家流于俗,

知,神不在柩,何用破貲徇侈乎?吾亡,斂以常服,四時衣各一稱。 性不喜冠衣,毋以 以奢靡爲孝,令死者戮尸暴骸,可不痛哉!死者無知,自同糞土,豈煩奢葬;使其有

入墓。紫衣玉帶,足便於體。

齊胡太后以六宮入道,皆亡國珍家。近孝和皇帝發使贖生,太平公主、武三思等度人 今之佛經,羅什所譯,姚興與之對翻,而興命不延,國亦隨滅。梁武帝身爲寺奴,

造寺,身嬰夷戮,爲天下笑。 國祚延久,其臣則彭祖、老聃皆得長齡,此時無佛,豈抄經鑄像力邪?緣死喪造 五帝之時,父不喪子,兄不哭弟,致仁壽,無凶短也。下逮

經像,以爲追福。 夫死者生之常,古所不免,彼經與像何所施爲? 兒曹愼不得爲此!

崇尤長吏道,處決無淹思。三爲宰相,常兼兵部,故屯戍斥候、士馬儲械,無不諳記。

冗職 玄宗 承權戚干政之後,綱紀大壞,先天末,宰相至十七人,臺省要職不可數。 崇常先有司罷 初立,賓禮大臣故老,雅奪遇崇,每見便殿,必爲之興,去輒臨軒以送,它相莫如也。 時 脩制度, 擇百官各當其材, 請無廣釋道, 無數移吏。 繇是天子責成于下,而權歸于

魏知古。」帝始以崇私其子, 才乎,皆安在?」崇揣知帝意,曰:「臣二子分司東都, 它日朝,衆趨出,崇曳踵爲有疾狀,帝召問之,對曰::「臣損足。」曰::「無甚痛乎?」曰::「臣心 憂之。」於是出說相州。 有憂,痛不在足。」問以故,曰:「岐王陛下愛弟,張說輔臣,而密乘車出入王家,恐爲所誤,故 時崇二子在洛,通賓客饋遺, 然資權譎。 如爲同州,張說以素憾,諷趙彥昭劾崇。及當國,說懼,潛詣岐王申款。崇 魏知古,崇所引,及同列,稍輕之,出攝吏部尚書,知東都選,知古憾 或爲隱, 微以言動之。及聞, 乃大喜, 問: 「安從得之?」對曰: 憑舊請託。 知古歸, 其爲人多欲而寡愼,是必嘗以事干 悉以聞。 他日, 帝召崇日:「卿子

列

子無狀,橈陛下法,而逐知古,外必謂陛下私臣。」乃止,然卒罷爲工部尙書。 「知古,臣所薦也,臣子必謂其見德而請之。」帝於是愛崇不私而薄知古,欲斥之。 崇日:「臣

崇始名元崇,以與突厥叱刺同名,武后時以字行;至開元世,避帝號,更以今名。三子:

摩、异、齊,皆至卿、刺史。

中,有事五陵,有司以鷹犬從,齊曰:「非禮也。」奏罷之。請治劇,爲睢陽太守,召授太僕卿。 弈少脩謹。始,崇欲使不越官次而習知吏道,故自右千牛進至太子舍人,皆平遷。

子閎,居右相牛仙客幕,後爲尚書右丞。

死,奔貶永陽太守,卒。 子閎,居右相牛仙客幕府。 仙客病甚,閎彊使薦齊及盧奐爲宰相,仙客妻以聞,閎坐

給事中。奉先、馮翊二縣民訴牛羊使奪其田,詔美原主簿朱儔覆按,猥以田歸使,合劾發其 會孫合、勗。合,元和中進士及第,調武功尉,善詩,世號姚武功者。遷監察御史,累轉

私,以地還民。歷陝虢觀察使,終祕書監。

 易字斯勤。 長慶初擢進士第,數爲使府表辟,進監察御史,佐鹽鐵使務。 累遷諫議大

於萬安山南原崇塋之旁,署兆曰「寂居穴」,墳曰「復眞堂」,中剟土爲牀曰「化臺」,而刻石告 問;旣居海上,家無資,病無邊劑,勗數饋餉候問,不傅時爲厚薄。終變王傅。 夫,更湖、常二州刺史。爲宰相李德裕厚善。 及德裕爲令狐綯等譖逐,擿索支黨,無敢通勞 自作壽藏

後世。

中第。 魏元忠有不臣語,引張說爲驗,將廷辯,說惶遽,璟謂說曰:「名義至重,不可陷正人以求苟 緣此受謫,芬香多矣。若不測者,吾且叩閤救,將與子偕死。」說感其言,以實對,元忠 宋璟,邢州南和人。七世祖弁爲元魏吏部尚書。璟耿介有大節,好學,工文辭,舉進士 調上黨尉,爲監察御史,遷鳳閣舍人。居官鯁正,武后高其才。 張易之誣御史大夫

義,雖死不悔。」后不懌,姚璹遽傳詔令出,璟曰:「今親奉德晉,不煩宰相擅宣王命。」后意 自言於朕。」璟曰:「謀反無容以首原,請下吏明國法。 易之等貴寵,臣言之且有禍,然激於 解,許收易之等就獄。俄詔原之,敕二張詣璟謝,璟不見,曰:「公事公言之,若私見,法無私 **豫後遷左臺御史中丞,會飛書告張昌宗引相工觀吉凶者,璟請窮治,后曰:「易之等已**

列

出則劾奏誅之,計不行,乃伺璟家婚禮,將遣客刺殺之。有告璟者,璟乘庳車舍他所,刺不 之,得免。 奈何謂五郞爲卿?」璟曰:「以官正當爲卿。 邪?」是時朝廷以易之等內寵,不名其官,呼易之「五郎」,昌宗「六郎」。鄭善果謂璟曰:「公 也。」顧左右歎曰:「吾悔不先碎豎子首而令亂國經。」嘗宴朝堂,二張列卿三品, 韶副李嶠使隴、蜀,璟復言:「隴右無變,臣以中丞副李嶠,非朝廷故事。」終辭。 屈突仲翔,辭曰:「御史中丞非大事不出使。 仲翔罪止贓,今使臣往,此必有危臣者。」旣而 **公卿以次謁,通禮意。** 易之諂事璟,虚位揖曰:「公第一人,何下坐?」璟曰:「才劣品卑, 然以數忤旨, 易之等後至,促步前, 韶按獄揚州, 璟奏:「按州縣纔監察御史職耳。」又詔按幽州都督 君非其家奴,何郎之云?」會有喪,告滿入朝, **璟舉笏却揖唯唯。故積怨,常欲中傷,** 卿謂第一何 易之初冀璟 璟階六品, 后知

問 獄按罪,帝怒,岸巾出側門,謂璟曰:「朕謂已誅矣,尙何請?」]璟曰:「人言后私三思,陛下不 獨不見產、禄事乎?」後章月將告三思亂宮掖,三思諷有司論大逆不道,帝詔殊死,璟請付 得發。俄二張死,乃免。 鄓。|武三思怙烝寵,數有請于璟。 即斬之,臣恐有竊議者,請按而後刑。」帝愈怒。璟曰:「請先誅臣,不然,終不奉詔。」帝乃 神龍初,爲吏部侍郎。中宗嘉其直,令兼諫議大夫、內供奉,仗下與言得失。 **璟厲答曰:「今復子明辟,王宜以侯就第,安得尙干朝政,** 遷黃門侍

饑,三思使斂封租,璟拒不與,故爲所擠。 流月將嶺南。 會還京師,詔璟權檢校并州長史,未行,又檢校貝州刺史。時河北水,歲大 歷杭、相二州,政淸毅,吏下無敢犯者。遷洛州

長史。

澄革之,銓總平允。

選,爲戚近干奪,至迎用二歲闕,猶不能給,更置比多選,流品淆丼,璟與侍郞李义、盧從愿 睿宗立,以吏部尚書、同中書門下三品。 玄宗在東宮, 兼右庶子。先是崔湜、 鄭愔典

安得異議?」乃與姚崇白奏出公主、諸王於外, 太平公主不利東宮,嘗駐輦光範門,伺執政以諷。 帝不能用。 璟曰:「太子有大功,宗廟社稷主也, 貶楚州刺史, 歷兗冀魏三州

河北按察使,進幽州都督,以國子祭酒留守東都,遷雍州長史。

刑部尙書。 廣人以竹茅茨屋,多火。環教之陶瓦築堵, 玄宗開元初,以雍州爲京兆府,復爲尹。 四年,遷吏部兼侍中。 進御史大夫,坐小累爲睦州刺史,徙廣州都 列邸肆, 越俗始知棟宇利而無患災。

謝曰:「陛下向以怒責之,以臣言冤之,是過歸於上而恩在下。 「陛下富春秋,今始巡守,以道不治而罪二臣,繇此相飭, 帝幸東都,次崤谷,馳道隘,稽擁車騎,帝命黜河南尹李朝隱、知頓使王怡等官。 後有受其敝者。」帝遽命捨之。 **姑聽待罪於朝,然後詔還其** 璟日:

列傳第

四

十九

宋璟

職, 也。 臣之治不足紀,廣人以臣當國,故爲盜辭,徒成諂諛者。 進退得矣。」帝善之。 累封廣平郡公。廣人爲璟立遺愛碩, 欲釐正之,請自臣始。」有韶 璟上言:「頌所以傳德載功

席,文帝納之,夫人亦不爲嫌,以其得長久計也。臣不敢別封。」帝歎重其賢。 言:「七子均養,詩人所稱。今若同等別封,或母寵子愛,恐傷鳲鳩之平。昔袁盎引却愼夫人 帝嘗命璟與蘇頲制皇子名與公主號,遂差次所封,且詔別擇一美稱及佳邑封上。 璟奏

不可奪,請準令一品陪陵墳四丈, 寢,不畏無人,百事官給,一朝可就,而區區 度,不因人以搖動,不變法以愛憎。比來人間競務靡葬,今以后父重戚,不憂乏用,高冢大 文德皇后降使厚謝。韋庶人追王其父,擅作酆陵,而禍不旋踵。國家知人情無窮,故爲制 故古墓而不墳。人子於哀迷則未皇以禮自制,故聖人制齊、斬、緦、免,衣衾棺槨,各有度 無非者,一切之令固不足以法。貞觀時嫁長樂公主,魏徵謂不可加長公主,太宗欣納, 已然可,明日,復詔如孝諶者。璟還詔曰:「儉,德之恭;侈,惡之大也。僭禮厚葬,前世所誠, 雖有賢者,斷其私懷。衆皆務奢,獨能以儉,所謂至德要道者。中宮若謂孝諶踰制,初 皇后父王仁皎卒,將葬,用昭成皇后家竇孝諶故事,墳高五丈一尺。 璟等請如著令,帝 差合所宜。」帝曰:「朕常欲正身紀綱天下,於后容有私 「屢聞者,欲成朝廷之政、中宮之美爾。 儻中宮情 而

邪 ? 然人所難言,公等乃能之。」卽可其奏。 又遣使資綵絹四百匹。

罷政事。 福,又何患乎?且君子恥言浮於行,願動天以誠,無事空文。」帝嘉納。 不擾,兵甲不瀆,官不苛治,軍不輕進,此所謂脩刑也。陛下常以爲念,雖有虧食,將轉而爲 分野之變,冀有揣合。 人隱,末宥輕繫,惟流、死不免,此古所以愼赦也。 會日食,帝素服俟變,錄囚多所貸遣,賑卹災患,罷不急之務。 臣以謂君子道長,小人道銷。 恐議者直以月蝕脩刑, 止女謁,放讒夫,此所謂脩德也。 璟曰:「陛下降德晉,如 後以開府儀同三司 日蝕脩德, 或言 囼 圕

其獄。 所防億。 京兆人權梁山謀逆,敷河南尹王怡馳傳往按。 初,梁山詭稱婚集,多假貸,吏欲幷坐貸人。 使知而不假,是與爲反。貸者弗知,何罪之云?」平縱數百人。 牢械充滿,久未決,乃命璟爲京留守,覆 璟曰:「婚禮借索大同, 而狂謀率然,非

朕。」璟因一二極言。手制答曰:「所進當書之坐右,出入觀省,以誠終身。」賜賚優渥, 賜全祿。 官設饌、太常奏樂、 吏部尙書。 十二年,東巡泰山,璟復爲留守。 退居洛。 十七年,爲尙書右丞相,而張說爲左丞相,源乾曜爲太子少傅, 會百官尚書省東堂。 乘興東幸,璟謁道左。詔榮王勞問,別遣使賜樂餌。二十五年卒,年七十 帝將發,謂曰:「卿,國元老,別方歷時,宜有嘉謀以遺 帝賦三傑詩,自寫以賜。 二十年,請致仕, 同 日 拜。 許之,仍 有韶太 進

列

第

四十

九

五,贈太尉,諡文貞

默啜負其彊,數窺邊,侵九姓拔曳固,負勝輕出,爲其狙擊斬之,入蕃使郝靈佺傳其首京師。 息。六子:昇、倘、渾、恕、譁、衡。 纔授右武衞郞將,靈佺恚憤不食死。 張嘉貞後爲相,閱堂案,見其危言切議,未嘗不失聲歎 自以將軍貴幸,訴之帝,帝益嗟重。 璟爲宰相, 務淸政刑,使官人皆任職。 靈佺自謂還必厚見賞。璟顧天子方少,恐後干寵蹈利者夸威武,爲國生事,故抑之,踰年, 璟風度凝遠,人莫涯其量。始,自廣州入朝,帝遣內侍楊思勗驛迓之,未嘗交一言。 聖曆後,突厥 思勗

坐貪得罪。 陰養刺客。 河南尉楊朝宗聘而已納之,薦朝宗爲赤尉。恕,以都官郎中爲劍南採訪判官,數貪縱不法, 東京採訪使。在平原,暴斂求進,至重取民一年庸、租。使康畿,薛稷甥女鄭寡而美,輝使 |昇, 太僕少卿。尙,漢東太守。渾,與李林甫善,歷諫議大夫、平原太守、御史中丞、 廣德中,輝起爲太子諭德, 天寶中,渾、恕、倘並以贓敗,渾流高要,恕流海康,倘貶臨海長史。 譁、衡亦皆 物議穢薄之,留死江嶺。 昆弟皆荒飲俳嬉,而衡最

險悖,廣平之風衰焉

不誣已。 贊曰:姚崇以十事要說天子而後輔政,顧不偉哉,而舊史不傳。 宋璟剛正又過於崇,玄宗素所尊憚,常屈意聽納。 故唐史臣稱崇善應變以成天下 觀開元初皆已施行,信

崇勸天子不求邊功,璟不肯賞邊臣,而天寶之亂,卒悼其害, 之務,璟善守文以持天下之正。二人道不同,同歸于治,此天所以佐唐使中興也。 可謂先見矣。 然唐三百年,輔 嗚呼!

弼者不爲少,獨前稱房、杜,後稱姚、宋,何哉? 君臣之遇合,蓋難矣夫!

校勘記

(1) 諡曰文獻 文苑英華卷八八四姚崇神道碑作「文貞」。 「文獻」,舊書卷九六姚崇傳、唐會要卷八〇及文苑英華卷八四一徐復鄭珣瑜諡議

唐書卷一百二十五

列傳第五十

蘇褒 頭 詵 震 幹 張說 均 垍

蘇瓌字昌容,雍州武功人,隋尚書僕射威之會孫。 擢進士第,補恆州參軍。 居母喪,哀

毁加人,左庶子張大安表舉孝悌,擢豫王府錄事參軍,歷朗、歙二州刺史。

能過待小人乎?」遂不發書。俊臣未至追還,恨之。由是連外徙,不得入。久之,轉揚州 時來俊臣貶州參軍,人懼復用,多致書請壞, 瓌叱其使曰:「吾忝州牧, 高下自有體,

州據都會,多名珍怪產,前長史張潛、于辯機貲取鉅萬,瓌單身襆被自將。

徙同州刺史。

列傳

第五

蘇

躨

大都督府長史。

又宜却進獻,罷營造不急者。」不見省。 歲旱,兵當番上者不能赴。 **瓌奏**:「宿衞不可闕,宜月賜增半糧, 時十道使括天下亡戶,初不立籍,人畏搜括,即流入 俾相給足, 則不闕番。

姦匿; 常員數,缺則補。」后善其言。 廣,雖不出國用,要自民產日彈。百姓不足,君孰與足?天下僧尼濫僞相半,請倂寺,著僧 比 縣旁州 歲一 更相廋蔽。 括實、檢制租調,以免勞弊。」武后鑄浮屠,立廟塔,役無虛歲。 慶請罷十道使,專責州縣,豫立簿注,天下同日閱正,盡一月止,使柅 瓌以爲 索損浩

神龍 初,入爲尙書右丞,封懷縣男。 | 褒明曉法令,多識臺省舊章,一朝格式,皆所删正。

再遷戶部尙書,拜侍中,留守京師。

拜尚 魏元忠頓首曰:「瓌長者,用刑不枉,普思法當死。」帝不得已,流普思於儋州,餘黨論死。 使按普思者,進曰:「瓌爲大臣,不能前誅逆豎而報天子,罪大矣,臣請先斬瓌。」於是,僕射 訊,普思妻以左道得幸韋后,出入禁中,有詔勿治。壞廷爭不可,帝猶依違。 .書右僕射、同中書門下三品,進封許國公。 中宗復政,鄭普思以妖幻位祕書員外監,支黨徧岐、隴間,相煽諸爲亂。 司直范獻忠,褒 **瓌捕繫普思窮**

嘲之,帝默然。 三日不食,臣誠不稱職,不敢燒尾。」帝崩,遺詔皇太后臨朝,相王以太尉輔政。 帝昏懦,不能從。 帝南 郊,國子祭酒祝欽明建白皇后爲亞獻,安樂公主爲終獻。 瓌自解於帝曰:「宰相燮和陰陽,代天治物。 時大臣初拜官,獻食天子,名曰「燒尾」,壞獨不進。 今粒食踊貴,百姓不足,衞兵至 壞以爲非禮, 及侍宴, 后召宰相 帝前折愧 宗晉卿

章安石、章互源、蕭至忠、宗楚客、紀處訥、章温、李嶠、章嗣立、唐休璟、趙彥昭洎瓌議禁中。

整客猥曰:「太后臨朝,相王有不通問之嫌,不宜輔政。」瓌正色曰:「遺制乃先帝意,安得輒

」楚客等怒,卒削相王輔政事,瓌稱疾不朝。是月,韋氏敗,睿宗卽位,進左僕射。

子別次發哀。 景雲元年,老病,罷爲太子少傅。 遺令薄葬,布車一乘。 卒,年七十二,贈司空、荆州大都督,諡曰文貞。

年,韶與劉幽求配享睿宗廟廷。 , , 憚瓌正, 卒不敢傷。 瓌治州考課常最,爲宰相,陳當世病利甚多。 韋温始爲汴州司倉參軍,以賕被杖,及用 開元二年,賜其家實封百戶, 文宗大和中,錄舊德,官其四代孫翔。 長子頲固辭, 乃擢中子义左補闕。

瓌諸子,頲、詵顯。

御史。 正異等,除左司禦率府胄曹參軍。 東部侍郎馬載曰:「古稱一日千里,蘇生是已。」再遷 頲字廷碩, 長安中,詔覆來俊臣等冤獄,頲驗發其誣,多從洗宥。 弱敏悟, 一覽至千言,輒覆誦。 第進士,調烏程尉。 遷給事中、脩文館學士,拜中 武后封嵩高,舉賢良方 監察

玄宗平內難,書韶塡委,獨頤在太極後閣,口所占授,功狀百緒,輕重無所差。 書史白

書舍人。 時瓌同中書門下三品,父子同在禁筦,朝廷榮之。

列 傳 第

仍知制 世李嶠 官缺, 書侍郞乎? 易卿者。 曰:「丐公徐之,不然,手腕脫矣。」中書令李嶠曰:「舍人思若涌泉,吾所不及。」遷太常少卿, 每欲用卿,然宰相議遂無及者,殷爲卿恨。陸象先歿,紫微侍郎未嘗補,殷思其人無 、蘇味道文擅當時,號『蘇李』。今朕得顯及义,何愧前人哉!」俄襲封許國公。 誥。 」頭頓首謝。 」對曰:「陛下任賢惟所命,何資之計?」乃詔以頲爲中書侍郞。帝勞曰:「方美 遭父喪,起爲工部侍郎,辭不拜,終制乃就職。 帝問宰相:「有自工部侍郎得中 明日加知制誥,給政事食,給食自頲始。時李义對掌書命,帝曰:「前

愛我。今將相大臣,豈無爲陛下宣力者,何親行之遽邪?」不省。 若大軍一臨邊,怖震鳥散,彼出多方,我受其誤,二也。 烝烝之思,何以自安?三也。 涯,誠恐徭役內興,寇掠外虞,斯人不堪,一也。 袵,不足以辱天子,亦可見矣。 取荒忽之義,非常奉職貢 毛不入服用,體肉不登郊廟, 吐蕃盜邊,諸將數敗,虜益張,秣騎內侵。帝怒,欲自將兵討之。頌諫曰:「古稱荒服, 一, 則 吐蕃 不日崩破,亦無待躬致天討也。 也。 則王者不射也。 故來則拒,去則勿逐,以禽獸畜之,羈縻御之。譬若獵然,羽 漢蒯成侯諫高帝曰:『上嘗自勞,豈謂無人使哉?』高帝以爲 雖然,兵法先聲後實, 況萬乘之重, 與犬羊蚊虻語負勝哉? 遠夷左 戎虜之性,驟往倏來,敗不 臣謂岐、隴凋弊積年, 陛下姑班親征之韶,而敕虓將謀夫投 太上皇聞陛下身對寇場,不能無憂, 若千乘萬騎, 供億不 恥奔, 勝 不讓成。

擇良將,募重而約嚴,違律必誅,殺敵必賞,多出金以購酋長,虜亡無日矣。 願稍遷延,以須 太上皇一致憂勞,是陛下以天下之安,不能寧其親也。臣固曰,居中制勝,策之上者。若夫 邊人,其罪易原也。臣恐虜情狼顧,牽連北狄,聞六師之行,入幽、丼,犯靈、夏,南動京師, 敵,雖朝鼎夕砧,猶未可以夸四夷,安足勞聖躬哉?虜之入,唯盜羊馬,發窖褫衣,未嘗殺略 成,則脩身閒居,無爲無事。陛下撥定禍亂,方當深視高居,制禮作樂,禪梁父,登空桐,何 按甲自臨一敵人畏之莫敢戰也。古天子無親將,惟黃帝五十二戰,當未平之時。自阪泉功 西晉。」亦會薛訥大破吐蕃,俘獲不貲,由是帝止不行。 至厭天居,袵金革,爲一日之敵。今吐蕃遣渠領干犯國令,軍吏一不勝,而陛下屈至尊爲之 復上言:「王者之師 有征無戰,藩貢或闕,王命征之,於是乎治兵其郊,獲辭而止,非謂

祖宗諸陵,一須營立,後嗣謂何?」帝不納其言。 時詔立靖陵碑,命頲爲之詞,辭曰:「前世帝后不志碑,事弗稽古,謂之不法。 審當可

從,二人相得歡甚。 開元四年,進同紫微黃門平章事,脩國史,與宋璟同當國。 在帝前敷奏,璟有未及,或少屈,頲輒助成之,有不會意,頲更申璟所執,故帝未嘗不 **陽嘗曰:「吾與蘇氏父子同爲宰相,僕射長厚,自是國器;若獻可替否, 璟剛正,多所裁決,顯能推**

事至卽斷,盡公不顧私,則今丞相爲過之。」

出,分所贏市穀,以廣見糧。 與吐蕃連謀入寇,獲諜者,吏請討之,顯不聽,移書還其諜曰:「毋得爾。」 苴院羞悔,不敢 得忤上意。」頭曰:「不然。明主不以私愛奪至公,吾可以遠近廢忠臣節邪?」巂州蠻苴院 頤不肯予,因上言:「遣使銜命,先取不急,非陛下以山澤贍軍費意。」或謂頲:「公在遠,回 詔頲收劍南山澤鹽鐵自贍。 八年,罷爲禮部尚書。 俄檢校益州大都督長史,按察節度劍南諸州。時蜀彫边,人流 時前司馬皇甫恂使蜀,檄取庫錢市錦半臂、琵琶捍撥、玲瓏鞭, 題尙簡靜,重興力役,即募戍人,輸屋直,開井置鑪,量入計

輔弼,奉事軒陛二十餘年,今奄忽不還,邦人痛嗟。惟惟蓋之舊,股肱之戚,宜卽廢朝,明君 生榮死哀之美。昔晉知悼子卒,平公宴樂,杜蕢一言而悟,春秋載之。故禮部尚書頗累葉 舍人章述上疏曰:「貞觀、永徽時,大臣薨,輒置朝舉哀,成終始恩,上有旌賢錄舊之德,下有 帝游咸宜宮,將獵,聞之,曰:「頲且葬,我忍自娛哉!」半道而還。 臣之誼。」帝曰:「固朕意也。」卽日帳次哭洛城南門,不朝。 從封泰山,詔碩朝覲壇,世咨其文。還,分主十銓事。卒,年五十八。帝猶視朝, 韶贈右丞相,諡曰文憲。 起居

故時號「燕許大手筆」。帝愛其文,曰:「卿所爲詔令,別錄副本,署臣某撰,殷當留中。」後遂 類性廉儉,奉稟悉推散諸弟親族,儲無長貲。 自景龍後,與張說以文章顯,稱望略等,

言非公也。」頃之,出徐州刺史,治有迹。卒,贈吏部侍郎。 郎,固辭。帝曰:「古有內舉不避親者乎?」對曰:「晉祁奚是也。」帝曰:「若然,殷自用詵,卿 詵字廷言,舉賢良方正高第,補汾陰尉,遷祕書詳正學士,累轉給事中,時頗爲紫微侍

幸東都,復以震爲河南尹,未行,卒,贈禮部尙書。 爲絳州刺史,進戶部侍郎,判度支,爲泰陵、建陵鹵簿使,以勞封岐國公,拜太常卿。 代宗將 平,封岐陽縣公,改河南尹。九節度兵敗相州,震與留守崔圓奔襄、鄧,貶濟王府長史。起 行在,帝嘉之,拜御史中丞,遷文部侍郎。廣平王爲元帥,崇擇賓佐,以慶爲糧料使。二京 詵子震,以蔭補千牛。十餘歲,疆學有成人風。
題曰:「吾家有子。」累遷殿中侍御史、長 安祿山陷京師,震與尹崔光遠殺開遠門吏,棄家出奔。會肅宗興師靈武,慶畫夜馳及

拜駙馬都尉。 幹,壞從父兄也。父勗,字愼行,武德中,爲秦王諮議、典籤、文學館學士,尙南康公主, 遷魏王泰府司馬,博學有美名,泰重之。勸開館引文學士,著書名家。歷吏

列傳

第五

+

蘇瓊

張

說

部侍郎、太子左庶子,卒。

多官尙書。 來俊臣素忌之,誣幹與琅邪王沖通書,繫獄,發憤卒。 刺史苛暴,百姓流徙,幹檢吏督姦,勸課農桑,由是流宂盡復,以治稱。 |幹擢明經,授|徐王府記室參軍,王好畋, 每諫止之。 |垂拱中, 遷魏州刺史。 拜右羽林軍將軍,遷 河朔饑,前

王父之字,始爲賜族,久乃爲姓。降唐、虞,抵戰國,姓族漸廣。周衰,列國旣滅,其民各以 姓,黃帝二十五子,而得姓者十四。德同者姓同,德異者姓殊。其後或以官,或以國,或以 有姓,若夷狄然。 自炎帝之姜、黄帝之姬,始因所生地而爲之姓。 其後天子建德,因生以賜 詔吏部尙書|李景諶糊名較覆,說所對第一,后署乙等,授太子校書郎,遷左補闕。 后嘗問:「諸儒言氏族皆本炎、黃之裔,則上古乃無百姓乎?若爲朕言之。」說曰:「古未 張說字道濟,或字說之,其先自范陽徙河南, 更爲洛陽人。永昌中, 武后策賢良方正,

久視中,后逭暑三陽宮,汔秋未還。說上疏曰:

舊國爲之氏,下及兩漢,人皆有姓。故姓之以國者,韓、陳、許、鄭、魯、衞、趙、魏爲多。」后

四四〇五

防。」願爲萬姓持重。不可四也。 行,警蹕不肅,歷蒙密,乘險巇,卒有逸獸狂夫,驚犯左右,豈不殆哉?揚曰:「思患豫 御苑東西二十里,外無墻垣**扃禁,內有榛叢谿谷,猛毅所伏,暴**慝所憑。 陛下往往輕 聲,春夏不輟。勸陛下作此者,豈正人邪?詩云:「人亦勞止,迄可小康。」不可三也。 **堨流漲海,俯貫地脉,仰出雲路,易山川之氣,奪農桑之土。 延木石,運斧斤,山谷連** 方輻凑,塡郛溢郭,倂鍤無所。排斥居人,蓬宿草次,風雨暴至,不知庇託,孤惸老病, 流轉衢巷。陛下作人父母,將若之何?不可二也。池亭奇巧,蕩誘上心。削巒起觀, **蘊若山丘,奈何去宗廟之上都,安山谷之僻處?是猶倒持劍戟,示人鐏柄,臣竊爲陛下** 轉運,河廣無梁,咫尺千里,扈從兵馬,日費資饟。太倉、武庫,並在都邑,紅粟、利器, 宮距洛城百六十里,有伊水之隔,崿坂之峻,過夏涉秋,水潦方積,道壞山險,不通 ' 夫禍變之生,在人所忽,故曰:「安樂必戒,無行所悔。」不可一也。 |告成褊小,萬

之玩,規遠圖,替近適,要後利,棄前歡,未沃明主之心,已捩貴臣之意。 懷,惟億萬年,蒼蒼羣生,莫不幸甚。臣度芻議,十不從一,何者?沮盤游之娛,閒林沚 願及時旋軫,深居上京,息人以展農,修德以來遠,罷不急之役,省無用之費。澄心澹 今北有胡寇覷邊,南有夷獠騷徼,關西小旱,耕稼是憂,安東近平,輸漕方始。臣 然不愛死者,

+

懼言責不職耳。

后不省。

欽州 郎,固請終制,祈陳哀到。時禮俗衰薄,士以奪服爲榮,而說獨以禮終,天下高之。 擢鳳閣舍人。張易之誣陷魏元忠也,援說爲助。 中宗立,召爲兵部員外郎,累遷工部、兵部二侍郎, 說廷對「元忠無不順言」,忤后旨,流 以母喪免。 旣期, 韶起為黃門侍 除喪,復

爲兵部,兼脩文館學士。

按, 爲太子,說與褚无量侍讀,尤見親禮。 一昔而罪人得,乃誅張靈均、鄭愔,餘詿誤悉原。 睿宗卽位,擢中書侍郎兼雍州長史。 踰年,進同中書門下平章事,監脩國史。 護王重福死,東都支黨數百人,獄久不決,詔說往 帝嘉其不枉直,不漏惡,慰勞之。

說言。 丞,罷政事 此 讒人謀動東宮耳, 景雲二年, 明年,皇太子卽皇帝位,太平公主引蕭至忠、崔湜等爲宰相,以說不附己, 召爲中書令,封燕國公,實封二百戶。 ,爲東都留守。說知太平等懷逆,乃因使以佩刀獻玄宗,請先決策,帝納之。至忠 帝謂侍臣曰:「術家言五日內有急兵入宮,爲我備之。」左右莫對。 陛下若以太子監國, 則名分定,姦膽破, 蜚禍塞矣。」 帝悟, 授尙書左 說進日 下 ·制如

武后末年,爲潑寒胡戲,中宗嘗乘樓從觀。

至是,因四夷來朝,復爲之。

說上疏曰:

乞寒潑胡,未聞典故,裸體跳足,汨泥揮水,盛德何觀焉?恐非干羽柔遠、樽俎折衝之道。」 者入謁,當接以禮樂,示以兵威,雖曰戎夷, 「韓宣適魯,見周禮而歎;孔子會齊, 數倡優之罪。 不可輕也。 列國如此, 焉知無駒支之辯, 況天朝乎。今四夷請和 由余之賢哉。且

納之,自是遂絕

頤覽詩嗚咽,未幾,見帝陳說忠謇有勳,不宜棄外,遂遷荆州長 意,內自懼。 素與姚元崇不平,罷爲相州刺史、河北道按察使。 雅與蘇瓌善,時壞子頗爲相,因作五君詠獻願,其一紀壞也,候壞忌日致之。 坐累徙岳州,停實封。 史。 說既失執政

建山,餘衆奔潰。說招納党項,使復故處。副使史獻請盡誅之,說不從,奏置麟州以安羌衆。 攻銀城,說將步騎萬人出合河關掩擊,破之,追北駱駝堰。羌、胡自相猜,夜鬭,待賓遁入鐵 亦吾効死秋也。」由是九姓遂安。唆後討繭池叛胡康待賓,詔說相聞經略。時党項羌亦連兵 固等皆疑懼。 信,不宜涉不測。 大使,脩國史,敕齎藁卽軍中論譔。 召拜兵部尙書、同中書門下三品,讓宋璟、陸象先,不許。 俄以右羽林將軍檢校幽州都督,入朝以戎服見。帝大喜,授檢校丼州長史,兼天兵軍 說持節從輕騎二十,直詣其部,宿帳下,召見酋豪慰安之。副使李憲以虜難 說報曰:「吾肉非黃羊,不畏其食;血非野馬,不畏其刺。士當見危致命, 朔方軍大使王晙誅河曲降虜阿布思也,九姓同羅、拔野 明年,韶爲朔方節度大使,親

實 槃山禽之,俘獲三千。乃議徙河曲六州殘胡五萬於唐、鄧、仙、豫間,空河南朔方地。以功賜 行五城,督士馬。時慶州方渠降胡康願子反,自爲可汗,掠牧馬, 士,優其科條,簡色役。 曰:「邊兵雖廣,諸將自衞、營私爾,所以制敵,不在衆也。 而 (封三百戶。故時,邊鎭兵嬴六十萬,)說以時平無所事, 招寇,臣請以闔門百口爲保。」帝乃可。時衞兵貧弱,番休者亡命略盡,說建請一切募勇彊 不旬日,得勝兵十三萬,分補諸衞,以彊京師,後所謂「彍騎」者也 請罷二十萬還農。天子以爲疑,說 以陛下之明,四夷畏威,不慮減兵 西涉 河出塞。 。說進討,至木

思。 帝 繇 河東 自 東都將還京, 入京師, 有漢武雕上祠,此禮廢闊,歷代莫舉,願爲三農祈穀,誠四海之福。」帝 因幸幷州。 說見帝曰:「太原王業所基,陛下巡幸,振耀威武,以申永

納其言, 過祠后土乃還。 進中書令

今與賢· 事 不 欲 封 東 說 又倡: 者樂于 禪 封 , |說 還, 封 爲尙書右丞 固 ,此,當 禪議, 請,乃不 受詔 遂爲集賢殿。」乃下制改麗正 ·相平。 相 與諸儒草儀, 兼 中書令。 及升山, 多所裁正。 執事官當從者, 詔 說 撰封 1禪壇頭 |書院爲集賢殿書院,而授||說院 帝召說與禮官學士置酒集仙殿,曰:「朕 說皆引所厚超階入五品, 從兵 刻之泰山 ,以夸成 功。 學士, 初,源乾 知院 唯

宇文融先獻策, 括天下游戶及籍外田,署十道勸農使,分行郡縣。 說畏其擾, 數沮格 勳

不

賜

、衆怨

这其專

四四〇九

醜慘。 訪焉。 猶十餘人。|說旣罷政事,在集賢院專脩國史。 又乞停右丞相,不許。 然每軍國大務,帝輒 **詣朝堂刑耳列冤,帝遣<u>高力</u>士往視,見說蓬首垢面,席藁,家人以瓦器饋脫粟鹽疏,爲自罰** 憂懼者。 時事,冒署右職;所親吏張觀、范堯臣依據說勢,市權招賂,擅給太原九姓羊錢千萬」。其言 恨恚,乃與崔隱甫、李林甫共劾奏說「引術士王慶則夜祠禱解,而奏表其閭; 引僧道岸窺詞 至是,融請吏部置十銓,與蘇顯等分治選事,有所論請,說頗抑之,於是銓綜失敍。 帝怒,詔乾曜、隱甫、刑部尚書韋抗卽尚書省鞫之,發金吾兵圍其第。 隱甫等恐說復用,巧文詆毀,素忿說者又著疾邪篇,帝聞,因令致仕。 力土還奏,且言:「說往納忠,於國有功。」帝憮然,乃停說中書令,誅慶則等, 說兄左庶子光

量力取歡焉。」帝識其意,納之,賜綵千匹。後瓜州失守,君奧死。 上巂州鬭羊於帝,以申諷諭,曰:「使羊能言,必將曰『鬭而不解,立有死者』。所賴至仁無殘, 源乾曜日:「君奠好兵以求利,彼入,吾言不用矣。」後君奠破吐蕃於青海西,說策其且敗,因 始爲相時,帝欲事吐蕃, 說密請講和以休息鄣塞,帝曰:「朕待王君奠計之。」 說出告

開府儀同三司。 十八年卒,年六十四,爲停正會,贈太師,諡曰文貞,羣臣駁異未決,帝爲製 十七年,復爲右丞相,遷左丞相。上日,敕所司供帳設樂,內出醪饌,帝爲賦詩。 俄授

碑,諡如太常,繇是定。

常典集賢圖書之任,間雖致仕一歲,亦脩史於家。 下知名士,以佐佑王化,粉澤典章,成一王法。天子尊尙經術,開館置學士,脩太宗之政,皆 衆,後卒爲宗臣。 朝廷大述作多出其手,帝好文辭,有所爲必使視草。 善用人之長,多引天 說倡之。爲文屬思精壯,長於碑誌,世所不逮。旣謫岳州,而詩益悽婉,人謂得江山助云。 說敦氣節, 立然許,喜推藉後進,於君臣朋友大義甚篤。帝在東宮,所與祕謀密計甚

以品秩爲限。」於是引觴同飲,時伏其有體。中書舍人陸堅以學士或非其人,而供儗太厚, 蓋 下崇儒向道,躬自講論,詳延豪俊,則麗正乃天子禮樂之司,所費細而所益者大。陸生之言, 無益國家者,議白罷之。。說聞曰:「古帝王功成,則有奢滿之失,或興池觀,或尙聲色。 今陛 大帝時脩史十九人,長孫无忌以元舅,每宴不肯先舉爵。長安中,與脩珠英,當時學士亦不 固辭乃免。後宴集賢院,故事,官重者先飮,說曰:「吾聞儒以道相高,不以官閥爲先後。 ·未達邪。」帝知,遂薄堅。 始,帝欲授說大學士,辭曰:「學士本無大稱,中宗崇寵大臣,乃有之,臣不敢以爲稱。」

開元後,宰相不以姓著者,日燕公云。大曆中,詔配享玄宗廟廷。子均、垍、埱。 說嘗自爲其父碑,帝爲書其額曰:「嗚呼,積善之墓。」|說歿後,帝使就家錄其文,行於

上下。」當時亦不以爲私。 京官考,注均考曰:「父教子忠,古之善訓,王言帝載,尤難以任。庸以嫌疑,而撓紀綱?考 後襲燕國公,累遷兵部侍郎,以累貶饒、蘇二州刺史。久之,復爲

兵部侍郎。

帝亦顧說有舊,詔冤死,流合浦。 爲僞中書令。 |希烈罷,而||均爲刑部尙書。坐垍,貶建安太守。還,授大理卿,居常觖望不平。 自以己才當輔相,爲李林甫所抑, 肅宗反正,兄弟皆論死。房琯聞之,驚曰:「張氏滅矣。」乃見苗晉卿,營解之。 建中初,贈太子少傅。 林甫卒,倚陳希烈,冀得其處。 旣而楊國忠用事 禄山盜國,

子濛,事德宗,爲中書舍人。

辭宰相,孰可代者?」垍錯愕,未得對。帝曰:「無易吾壻。」垍頓首謝。會貴妃聞,以語國忠 國忠惡之,及希烈罷,薦韋見素代之,垍始怨上。 婦翁遺壻,非天子賜學士也。」|垍嘗爲帝贊禮,舉止都雅,帝悅之。 因幸內宅,顧垍曰:「希烈 眷垍厚,卽禁中置內宅,侍爲文章,珍賜不可數。 均供奉翰林,而垍以所賜夸均,均曰:「此

而不行者。」帝以語國忠,國忠曰:「所告者必張垍。」帝怒,盡逐其兄弟,以均守建安,而垍爲 興之,恐四夷輕漢。」乃止。及還范陽,詔高力士餞滻坡,力士歸曰:「祿山內鬱鬱,若知欲相 天寶十三載,祿山入朝,以破奚、契丹功,求平章事,國忠曰:「祿山有軍功,然不識字,

盧溪郡司馬,椒自給事中爲宜春郡司馬。歲中,還,垍爲太常卿。

帝嗟 若所料也。」增遂與希烈皆相祿山,垍死賊中。 之西,亦嘗過其家,將與偕來。 此不來矣。」帝曰:「未可知也。」後琯至,召見流涕。 力士曰:「張垍兄弟世以恩戚貴,其當卽來。 徒,願·顧· 帝 西狩至咸陽,唯韋見素、楊國忠、魏方進從。 力士曰:「吾豈欲誣人哉?均等自謂才器亡雙,恨不大用,吾向欲始終全之,今非 均日:『馬不善馳,後當繼行。』然臣觀之,恐不能從陛下矣。」 房馆有宰相望,而陛下久不用,又爲祿山所器, 帝撫勞,且問:「均、垍安在?」琯曰:「臣 `帝謂力士曰:「若計朝臣當孰至者?」

說力居多。 中爲姦 說於玄宗最有德,及太平用事,納忠惓惓,又圖封禪,發明典章,開元文物彬彬, 人排根 ,幾不免,自古功名始終亦幾希,何獨說哉! 至子以利遽敗其家。

若壞、頲再世稱賢宰相,盛矣!

唐書卷一百二十六

列傳第五十一

魏知古 盧懷愼 奐 李元紘 杜暹 鴻漸 張九齡 拯 仲方

韓休洪滉皋洄

相王 侍郎,兼脩國史。 府司馬。 魏知古,深州陸澤人。方直有雅才,擢進士第。以著作鄓脩國 神龍初,爲吏部侍郎,以母喪解。 服除,爲晉州刺史。 史,累遷衞尉 **睿宗立,以故屬拜黃門** 少卿,檢校

立治、爲政養人之本也。今爲公主造觀,將以樹功祈福,而地皆百姓所宅,卒然迫逼,令其 日『罔咈百姓以從己之欲』。禮:『季夏之月,樹木方盛,無有斬伐,不可以興土功。』此皆興化 人勤於力則功築罕,人勤於財則貢賦少,人勤於食則百事廢』。故曰『不作無益害有益』。又 會造金仙、玉眞觀,雖盛夏,工程嚴促,知古諫曰:「臣聞『古之君人,必時視人之所勤,

列傳

第五十一

魏知

古

四四二三

轉徙, 搖,衆口藉藉。陛下爲人父母,欲何以安之?且國 訖亦未止。 增,諸司試補、員外、檢校官已贏二千,太府之帛爲彈,太倉之米不支。臣前請停金仙、玉眞, 器,蒼生顒顒,以謂朝有新政。今風敎頹替日益甚,府藏空屈,人力勞敝,營作無厓,吏員寖 顧下明詔,順人欲,除功役,收之桑楡,其失不遠。」不納。復諫曰:「自陛下戡翦凶逆,保定大 月滿騎肥,乘中國飢虛,講親際會,窺犯亭鄣,復何以防之?」帝嘉其直,以左散騎常侍同中 國爲患自久,其人非可以禮義誠信約也。 扶老攜幼,剔椽發瓦,呼嗟道路。 今前水後旱,五穀不立,繇茲向春,必甚饑饉,陛下欲何方以賑之?又突厥於中 乖人事,違天時,起無用之作,崇不急之務,羣心震 雖遣使請婚,恐豺狼之心,弱則順伏,彊則驕逆, [有簡册,君舉必記,言動之微,可不愼 敷

竇懷 渥, 書門下三品。玄宗在春宮,又兼左庶子。 宋璟聞 更加 由黃門監改紫微令。與姚元崇不協,除工部尚書,罷政事。開元三年卒,年六十九。 百戶,旌其著節。是多,詔知東都吏部選事,以稱職聞,優詔賜衣一副。自是恩意尤 真等詭謀亂國,知古密發其姦,懷貞誅,賜封二百戶,物五百段。玄宗恨前賞薄,手敕 先天元年,爲侍中。從獵渭川,獻詩以諷,手制褒答,并賜物五十段。明年,封梁國公。 所薦洹水令呂太一、蒲州司功參軍齊澣、 而數曰:「叔向古遺直,子產古遺愛,兼之者其魏公乎」」贈幽州都督,諡曰忠。 右內率騎曹參軍柳澤、 密尉宋遙、 左補闕

袁暉、右補闕封希顔、伊闕尉陳希烈,後皆有聞於時。

文宗大和二年,求其曾孫處訥,授湘陽尉,與魏徵、裴冕後擢任之。

罪之何及。臣愚謂宜遵內朝以奉温凊,無煩出入。」不省。 況應天去提象纔二里所,騎不得成列,車不得方軌,於此屢出,愚人萬有一犯屬車之塵,雖 樂陽宮,以起布衣登皇極,子有天下,尊歸於父,故行此耳。今陛下守文繼統,何所取法? 友監察御史韓思彥歎曰:「此兒器不可量!」及長,第進士,歷監察御史。 中宗謁武后上陽宮,后韶帝十日一朝。 盧懷愼,滑州人,蓋范陽著姓。祖悊,仕爲靈昌令,遂爲縣人。 懷愼諫曰:「昔漢高帝受命, 懷愼在童丱已不凡,父 五日一朝太公於 神龍中,遷侍御

遷右御史臺中丞。上疏陳時政曰:

令或一二歲,或三五月卽遷,曾不論以課最,使未遷者傾耳以聽,企踵以望,冒進亡康 故書:「三載考績,三考黜陟幽明。」昔子產相鄭,更法令,布刑書,一年人怨,思殺之,三 年人德而歌之。子產,賢者也,其爲政尙累年而後成,況常材乎?比州牧、上佐、兩畿 臣聞「善人爲邦百年,可以勝殘去殺」。孔子稱:「苟用我者,期月而已,三年有成。」

傳

第

五十一

虚懷愼

卿闕,則擢之以勵能者。其不職或貪暴,免歸田里,以明賞罰之信。 佐、畿令任未四考,不得遷。 若治有尤異,或加賜車裘祿秩,降使臨問,璽書慰勉,須公 亦何暇爲陛下宣風恤人哉?禮義不能興,戶口益以流,倉庫愈匱,百姓日敝,職爲此 乃小小者耳。 石也,加秩賜金,就旌其能,終不肯遷。故古之爲吏,至長子孫。臣請都督、刺史、上 主有勤勞天下之志,然僥幸路啓,上下相蒙,寧盡至公乎?此國病也。 人知吏之不久,不率其敎,吏知遷之不遙,不究其力。 此而不革,雖和、緩將不能爲。漢宣帝綜覈名實,興治致化,黃霸良二千 **媮處爵位,以養資望,雖明** 賈誼所謂蹠盭,

廢省之,使賢不肖確然殊貫,此切務也。 也。 治意哉?今民力敝極,河、渭廣漕,不給京師,公私耗損,邊隅未靜。 儻炎暵成診,租稅 歟?臣請才堪牧宰上佐,並以遷授,使宣力四方,責以治狀。有老病若不任職者,一 減入,疆場有警,賑救無年,何以濟之? 「毋輕人事,惟艱;毋安厥位,惟危。」 此愼微 謂不必備,則爲有餘,求其代工,乃多不釐務,而奉稟之費,歲巨億萬,徒竭府藏,豈致 其才」,「無曠庶官,天工人其代之」。此擇人也。今京諸司員外官數十倍,近古未有。 原員外之官,皆一時良幹,擢以才不申其用,尊以名不任其力,自昔用人,豈其然 昔唐、虞稽古,建官惟百。 夏、商官倍,亦克用乂。 此省官也。 故曰「官不必備,惟

點,俄而遷復,還爲牧宰,任以江、淮、嶺、磧,粗示懲貶,內懷自棄,徇貨掊貲,訖無悛 聖化,而獨受其惡政乎?邊徼之地,夷夏雜處,憑險恃遠,易擾而難安;官非其才, 心。明主之於萬物,平分而無偏施,以罪吏牧遐方,是謂惠姦而遺遠。 夫冒于寵賂,侮于鰥寡,爲政之蠧也。 竊見內外官有財餉狼藉,劓剝蒸人,雖坐流 遠州陬邑,何負 則

十年,不賜收齒。書曰「旌別淑慝」,卽其誼也。

黎庶流亡,起爲盜賊。

由此言之,不可用凡才,況猾吏乎?臣請以贓論廢者,削迹不數

疏奏,不報。

都督,諡曰文成。遺言薦宋璟、李傑、李朝隱、盧從愿,帝悼歎之。 崇,故事皆推而不專,時譏爲「伴食宰相」。又兼吏部尚書,以疾乞骸骨,許之。卒,贈荆州大 與姚崇執奏「仙童罪狀明甚,若御史可疑,則它人何可信?」由是獄決。 年,改黃門監。薛王舅王仙童暴百姓,憲司按得其罪,業爲申列,有詔紫微、黃門覆實。 遷黃門侍郎、漁陽縣伯。 與魏知古分領東都選。開元元年,進同紫微黃門平章事。三 懷愼自以才不及 懐愼

單藉,門不施箔。 所計惜,隨散輒盡。 懷愼淸儉不營產,服器無金玉文綺之飾,雖貴而妻子猶寒飢,所得祿賜,於故人親戚無 會風雨至,舉席自障。日晏設食,蒸豆兩器、菜數杯而已。 赴東都掌選,奉身之具,止一布囊。旣屬疾,宋璟、盧從愿候之,見敝簀 臨別,執二人

傳

第五十一

盧懷

愼

李元紘

留儲。 手曰:「上求治切,然享國久,稍倦於勤,將有憸人乘間而進矣。 公弟志之!」及治喪,家亡 臨視,泫然流涕,詔官爲立碑,令中書侍郞蘇頲爲之文,帝自書。 若有所營者,馳使問焉,還白懷愼大祥,帝即以縑帛賜之,爲罷獵。 乃下制賜其家物百段,米粟二百斛。帝後還京,因校獵鄠、杜間,望懷愼家,環堵庳陋,家人 帝時將幸東都,四門博士張星上言:「懷愼忠淸,以直道始終,不加優錫,無以勸善。」 經其墓,碑表未立,停蹕

子奥、齊。

開元後四十年,治廣有淸節者,宋璟、李朝隱、奥三人而已。終尚書右丞。 齊見忠義傳 彭杲皆以贓敗,故以奐代之。汙吏斂手,中人之市舶者亦不敢干其法,遠俗爲安。 家風。」尋召爲兵部侍郎。天寶初,爲南海太守。南海兼水陸都會,物產瓌怪,前守劉巨鳞, l陜,嘉其美政,題贊於聽事日:「專城之重,分l陝之雄,亦旣利物,內存匪躬, 斯爲國寶, 不墜 奥早修整,爲吏有淸白稱。 歷御史中丞,出爲陝州刺史。 開元二十四年,帝西還,次 時謂自

李元紘字大綱,其先滑州人,後世占京兆萬年,本姓丙氏。

離散。 聽 乘 祖 馬按視宮禁。 與之厚,及兵入關,以衆歸,授宗正 刺 祖 遷殿中監、同鳳閣鸞臺平章事 史,有善政。 仕隋爲屯衞大將軍, 年八十餘卒,諡曰胡。 突厥、契丹寇河北,議發河南兵擊之,百姓震擾,道廣悉心撫定,人無 煬帝使督京師之西二十四 ,封金城侯。 卿、應國公,賜姓李。 祖寬 ,高宗時爲太常卿、隴西公。父道廣,武后時 卒,贈秦州 都督、諡曰成。 一郡盜賊, 後爲左監門大將軍,以其老, 善撫循,能得士心。

改好 絹二 三輔 擢 遷 础 吏部: 爲尙 元紘 百 畤 渠 元 令, 匹。 書 侍 紘 時王、主、權家皆旁渠立磑,瀦堨爭利,元紘敕吏盡毀之,分溉渠下田 還之民。 郎。 早修謹 宰相以 遷潤州 明年 會戶部楊瑒、白知愼坐支調失宜 ※ ,仕爲雍州司戶參軍。 資薄,乃爲戶部侍 長 司馬, 拜 史竇懷貞 中書侍郎、 以辦治得名。 大驚, 同中書門下平章事 媳 趣改之,元紘大署判後日「南山 時太平公主勢震天下,百司 開元 條 陳利害及 初 一、貶刺 爲萬年令,賦役稱平, |政得失,帝才之,謂 ,封淸水縣男 史,帝求可代者,公卿多薦元紘 順望風 可移 擢京兆少尹 可丞輔,賜衣一稱、 指,),判不可搖 ,民賴其恩。三 嘗與民競 帝欲 也。 詔 决 碾

同,中外異制 服 金魚錫 元紘 當國 元紘及蕭嵩 ,若人閑無役,地棄不墾,以閑手耕棄地,省饋運,實軍糧,於是有屯田,其爲益 務峻涯 檢,抑奔競,夸進者憚之。 **奉臣無** 與 比。 是時,廢京 五月五 司 職 田,議者欲置 日,宴武成殿 屯 田。 賜羣臣 元紘日:「軍 .襲衣,特以紫 國 不

列

傳

第

五

+

李

元紘

杜

暹

以書就館,參會譔錄。」詔可。 失,徒爲煩費。」遂止。 尙矣。今百官所廢職田不一縣,弗可聚也;百姓私田皆力自耕,不可取也。若置屯,卽當 褒貶所繫,前聖尤重。 功,詔許就集賢院成書;張說致仕,詔在家修史。元紘因言:「國史記人君善惡、王政損益 公私相易,調發丁夫。 今國大典,分散不一,且太宗別置史館禁中,所以祕嚴之也。請勒說 調役則業廢於家,免庸則賦闕於國,內地爲屯,古未有也。恐得不補 初,左庶子吳兢爲史官,譔唐書及春秋,未成,以喪解,後上書請畢其

以戶部尙書致仕,復起爲太子詹事。卒,贈太子少傅,諡曰文忠。 後與杜暹不協,數辨爭帝前,帝不懌,皆罷之,以元紘爲曹州刺史,徙蒲州,引疾去。 後

嘗歎曰:「李公引宋遙之美,黜劉晃之貪,爲國相,家無留儲,雖季文子之德,何以加之!」 元紘再世宰相,有淸節,其當國累年,未嘗改治第宅,僮馬敝弱,得封物賙給親族。宋璟

推 驗,無實。 杜暹,濮州濮陽人。父承志,武后時爲監察御史。 文陳,宗室近屬也,卒得罪,承志貶爲方義令,遷天官員外郎。 懷州刺史李文暕爲人所告, 見羅織獄興,移 韶承志

疾去,卒于家。

紙 司馬楊孚,公挺人也,每客重暹。 會字遷大理正, 暹適以累當坐, 字曰: 「使若人得罪,衆安 萬番贐之,暹爲受百番,衆歎曰:「昔淸吏受一大錢,何異哉?」爲鄭尉,復以淸節顯。華州 自高祖至暹,五世同居。 暹尤恭謹,事繼母孝。 擢明經第,補婺州參軍, 秩滿歸, 吏以

去。 發兵討斬之,支黨悉誅,更立君長, 于闐遂安。 以功加光祿大夫。守邊四年, 撫戎練士,能 慕思,乃奪服拜黃門侍郎兼安西副大都護。明年,于闐王尉遲朓約突厥諸國叛,暹覺其謀 使劉遐慶更相訟,詔遲卽按。 入突騎施帳,究索左驗。 虜以金遺廛,暹固辭,左右曰:「公使 自 絕域,不可失戎心。」乃受焉,陰埋幕下。已出境,乃移文畀取之。突厥大驚,度磧追,不及, [乎?]以狀言執政,繇是擢爲大理評事。 動勵,爲夷夏所樂。 遷給事中,以母喪解。會安西都護脹孝嵩遷太原尹,或言暹往使安西,虜伏其淸,今猶 開元四年,以監察御史覆屯磧西。會安西副都護郭虔瓘與西突厥可汗阿史那獻、鎭守

蹕。 還,復東幸,以暹爲京留守。 暹率當番衞士繕三宮城,浚池,督役不少懈。 數賜書褒勞,進禮部尙書,封魏縣侯。 李元紘輕重不得,罷爲荆州都督長史,歷魏州刺史、太原尹。 帝幸北都,進戶部尚書,許扈 十四年,召同中書門下平章事,遣中使往迎。謁見,賜絹二百、馬一匹、第一區。與 帝聞嘉之,

列

外郎劉同昇等以暹行忠孝,諡有未盡,博士裴總謂暹往以墨衰受命安西,雖勤勞于國,不得 二十八年卒,贈尙書右丞相,遣使護喪,禁中出絹三百匹賜之,太常諡曰貞肅。 右司員

盡孝。

其子列訴,帝更敕有司考定,卒諡貞孝。

約自將,亹亹爲之,自弱冠誓不通親友獻遺,以終身。 不受,以行暹素志云 暹 友愛,撫異母弟是甚厚。 其爲人少學術,故當朝議論,時時失淺薄。 旣卒, 尚書省及故吏致賻, 然能以公清勤 其子孝友

暹族子鴻漸。

術。 鴻漸字之巽。 歷右拾遺。 玄宗東行河,因游畋,上賦 父鵬舉,與盧藏用隱白鹿山,以母疾,與崔沔同授醫蘭陵蕭亮,遂窮其 心以風。 終安州刺史。

會,若奉迎太子,西詔河、隴,北結回紇,回紇固與國,收其勁騎,與大兵合, 鹽池判官李涵謀曰:「胡羯亂常,二京覆沒,太子治兵平涼,然散地難恃也。 所適,議出蕭關趣豐安。 之恥,不亦易乎!」卽具上兵馬招輯之勢,且錄軍資、器械、儲廥凡最,使涵詣平凉見太子, 鴻漸第進士,解褐延王府參軍,安思順表爲朔方判官。。祿山亂,皇太子按軍平涼, 鴻漸與六城水運使魏少游、節度判官崔漪、支度判官盧簡金、 鼓而南,雪社稷 今朔方制勝之 關內 未知

九 鮯

軍, 兵,靈州用武地。 太子大悅。 以圖收復。 會裴冕至自河西,亦勸之朔方。 殿下治兵長驅,逆胡不足滅也。」太子喜曰:「靈武我之關中, 今回紇請和,吐蕃結附,天下列城堅守,以待王命。 而鴻漸與漪至白草頓迎謁,說曰:「朔方天下勁 縱爲賊據, 卿乃吾蕭何 日夜望官

也。

山谷。 因襲荆州。 京平,又節度荆南。乾元二年,襄州大將康楚元等反,刺史王政脫身走,楚元僞稱南楚霸王, 太子卽位,是爲肅宗,授鴻漸兵部郎中,知中書舍人事。俄爲武部侍郎,遷河西節度使。兩 儀,設壇壝城南,先一日草其儀上之。太子曰:「聖皇在遠, 寇逆方結,宜罷壇場, 它如奏。」 既至靈武,鴻漸即與冕等勸即皇帝位,以係中外望。 六請,見聽。 俄而商州刺史章倫平其亂。 鴻漸棄城遁,人皆南奔,爭舟溺死者甚衆。灃、則、復、郢等州聞鴻漸出,皆竄伏 鴻漸明習朝章,採舊

衞國公。又建言:「周官:『凶荒殺禮。』今承大亂,民人夷殘,其婚葬鹵簿,非於國有大功及 久之,乃召鴻漸爲尙書右丞、太常卿,充禮儀使。 泰、建二陵制度皆鴻漸綜正,以優,封

二等以上親皆不許給。」詔可。

傳 第

五

+ -

杜 暹

張

邛州 牙將柏貞節、瀘州牙將楊子琳、劍州牙將李昌巙以兵討旰,蜀、劍大亂。 代宗廣德二年,以兵部侍郎同中書門下平章事。尋進中書侍郎。崔旰殺郭英乂據成都, 命鴻漸以宰相

留後。 年,疾甚,辭宰相,罷三日卒,年六十一,贈太尉,諡曰文憲。 <u>貞節邛州刺史,子琳瀘州刺史,各罷兵。乃請入朝,許之。及見帝,盛言旰威略可任,宜爲</u> 見,禮遇之,不敢加譙責,反委以政,日與從事杜亞、楊炎縱酒高會,因薦旰爲成都尹,而授 三年,兼東都留守、河南淮西山南東道副元帥,辭疾不行。又讓山南、劍南副元帥,聽之。四 遠略,而晚節溺浮圖道,畏殺戮。及逾劍門,懲艾張獻誠敗,且憚旰雄武,先許以不死。旣 兼成都尹、山南西道劍南東川副元帥、劍南西川節度副大使往鎭撫之。 獻寶器五牀、羅錦十五牀、麝臍五石。復輔政。議者疾其長亂。進門下侍郎。大曆 鴻漸性畏怯,無它

鴻漸自蜀還,食千僧,以爲有報,搢紳效之。病甚,令僧剔頂髮,遺命依浮圖葬,不爲

封樹。

「是必致遠。」會張說謫嶺南,一見厚遇之。居父喪,哀毀,庭中木連理。擢進士,始調校書 鄓,以道侔伊呂科策高第,爲左拾遺。 時玄宗卽位,未郊見,九齡建言: 張九齡字子壽, 韶州曲江人。七歲知屬文,十三以書干廣州刺史王方慶, 方慶歎日:

天,百神之君,王者所由受命也。

自古繼統之主,必有郊配,蓋敬天命,報所受也。

獨,獨用其禮,明不可廢也。 漢丞相匡衡曰:「帝王之事,莫重乎郊祀。」 董仲舒亦言: 共治,尤親於人者乎!若非其任,水旱之繇,豈唯一婦而已。今刺史,京輔雄望之郡, 不明,匹婦非命,則天昭其冤。況六合元元之衆,縣命於縣令,宅生於刺史,陛下所與 壇,陳采席,定天位,則聖典無遺矣。 生,鳥獸咸若,夷狄內附,兵革用弭,乃怠於事天,恐不可以訓。願以迎日之至,升紫 所宜先也。 不以德澤未洽,年穀未登,而闕其禮。昔者周公郊祀后稷以配天,謂成王幼沖,周公居 「不郊而祭山川,失祭之序,逆於禮,故濟秋非之。」臣謂衡、仲舒古之知禮,皆以郊之祭 乖政之氣,發爲水旱。天道雖遠,其應甚邇。昔東海枉殺孝婦,天旱久之。一吏 陛下紹休聖緒,于今五載,而未行大報,考之于經,義或未通。今百穀嘉

又言:

狀,用牧守之任,爲斥逐之地。或因附會以忝高位,及勢衰,謂之不稱京職,出以爲州。 武夫、流外,積資而得,不計於才。刺史乃爾,縣令尚可言哉?毗庶,國家之本,務本之 古者刺史入爲三公,鄓官出宰百里。今朝廷士入而不出,其於計私,甚自得也。京師 職,乃爲好進者所輕,承弊之民,遭不肖所擾,聖化從此銷鬱,繇不選親人以成其敝也。 猶少擇之,江、淮、隴、蜀、三河大府之外,稍非其人。 繇京官出者,或身有累,或政無

敌也。 欲利之心,安肯復出爲刺史、縣令哉。國家賴智能以治,而常無親人者,陛下不革以法 都督、刺史,雖有高第,不得任侍郎、列卿;不歷縣令,雖有善政,不得任臺郎、給、舍; 都督、守、令雖遠者,使無十年任外。 如不爲此而救其失,恐天下猶未治也。 衣冠所聚,身名所出,從容附會,不勤而成,是大利在於內,而不在於外也。智能之士, 臣愚謂欲治之本,莫若重守令,守令旣重,則能者可行。宜遂科定其資:凡不歷

耳,今反求精於案牘,而忽於人才,是所謂遺劍中流,契舟以記者也。凡稱吏部能者, 章,舉贏千百。刀筆之人,溺於文墨;巧史猾徒,緣姦而奮。臣以謂始造簿書,備遺忘 條,據資配 東部尙書、侍郎,以賢而授者也,豈不能知人? 如知之難,拔十得五,斯可矣。今膠以格 則曰自尉與主簿,繇主簿與丞,此執文而知官次者也,乃不論其賢不肖,豈不謬哉!夫 不必治於上古,而事務日倍於前,誠以不正其本而設巧於末也。所謂末者,吏部條 又古之選士,惟取稱職,是以士修素行,而不爲徼幸,姦僞自止,流品不雜。今天 職 ,爲官擇人,初無此意,故時人有平配之誚,官曹無得賢之實。

行,可入流品 (,東部因其成,無庸人之繁矣。 今歲選乃萬計,京師米物爲耗,豈多士哉? 蓋冒濫抵 臣謂選部之法,敝於不變。 ,然後送臺,又加擇焉,以所用衆寡爲州縣殿最,則州縣愼所舉,可官之才 今若刺史、縣令精覈其人,則管內歲當選者,使考才

之,豈不可乎?如諸司要官,以下等叨進,是議無高卑,唯得與不爾。 衆,必使毀譽相亂,聽受不明,事則已矣。 意脩飾,而刑政自淸,此興衰之大端也。 利,利之出,衆之趨也。不如此,則小者得於苟求,一變而至阿私;大者許以分義,再 名節不修,善士守志而後時,中人進求而易操也。 變而成朋黨矣。故於用人不可不第其高下,高下有次,則不可以妄干,天下之士必刻 此 方以一詩一判,定其是非,適使賢人遺逸,此明代之闕政也。 如知其賢能,各有品第,每一官缺,不以次用 朝廷能以令名進人,士亦以修名獲 天下雖廣,朝廷雖 故淸議不立, 丽

五品。 供奉,封曲江男,進中書舍人。會帝封泰山,說多引兩省錄事主書及所親攝官升山,超階至 出爲冀州刺史。以母不肯去鄕里,故表換洪州都督。徙桂州,兼嶺南按察選補使。 典,而淸流隔於殊恩,胥史乃濫章韍,恐制出,四方失望。 方進草,尙可以改,公宜審計。」說 輒建議違之。 融積不平,九齡爲言,說不聽。 俄爲融等痛詆,幾不免,九齡亦改太常少卿, 曰:「事已決矣,悠悠之言不足慮。」旣而果得謗。御史中丞宇文融方事田法,有所關奏,說 司 勳員外郎。時張說爲宰相,親重之,與通譜系,常曰:「後出詞人之冠也。」遷中書舍人內 俄遷左補闕。 九齡當草詔,謂說曰:「官爵者,天下公器,先德望,後勞舊。今登封告成,千載之絕 九齡有才鑒,吏部試拔萃與舉者,常與右拾遺趙冬曦考次,號稱詳平。改

事。 數乞歸養,詔不許。以其弟九皋、九章爲嶺南刺史,歲時聽給驛省家。 十道採訪使。 解,毁不勝哀,有紫芝產坐側,白鳩、白雀巢家樹。是歲,奪哀拜中書侍郎、同中書門下平章 知 院 事。 固辭,不許。 說 會賜渤海詔,而書命無足爲者,乃召九齡爲之,被詔輒成。遷工部侍郎,知制誥。 知集賢院,嘗薦九齡可備顧問。 明年,遷中書令。始議河南開水屯,兼河南稻田使。上言廢循資格,復置 說卒,天子思其言,召爲祕書少監、集賢院學士, 遷中書侍郎,以母喪

門閱哉? 耳。陛下必賞之,金帛可也,獨不宜裂地以封。」帝怒曰:「豈以仙客寒士嫌之邪? 然,歷內外貴任,妙有德望者爲之。仙客,河、湟一使典耳,使班常伯,天下其謂然,歷內外貴任,妙有德望者爲之。仙客,河、湟一使典耳,使班常伯,天下其謂 欲以爲侍中。 賜實封,九齡曰:「漢法非有功不封,唐瓊漢法,太宗之制也。 也。」帝曰:「假其名若何?」對曰:「名器不可假也。 有如平東北二虜,陛下何以加之?」 遂 又將以凉州都督牛仙客爲尙書,九齡執曰:「不可。尚書,古納言,唐家多用舊相,不 李林甫無學術,見九齡文雅,爲帝知,內忌之。會范陽節度使張守珪以斬可突干功,帝 准陰一壯夫, 羞絳、灌等列。 」九齡頓首曰:「臣荒陬孤生,陛下過聽,以文學用臣。 九齡日:「宰相代天治物,有其人然後授,不可以賞功。 陛下必用仙客,臣實恥之。」帝不悅。 邊將積穀帛, 仙客擢胥史, 國家之敗, 翌日,林甫進日: 繕器 械,適所職 何? 卿固素有 不 由官邪 」又欲 ·知書。

政事 仙客, 卒,年六十八,贈荆州大都督,諡日文獻 雖殺身而何忌?」又曰:「縱秋氣之移奪,終感恩於篋中。」帝雖優答,然卒以尙書右丞 既戾帝旨,固內懼,恐遂爲林甫所危,因帝賜白羽扇,乃獻賦自況,其末曰:「茍劾用之得所 雖以直道黜,不戚戚嬰望,惟文史自娛,朝廷許其勝流。 久之,封始興縣伯,請還展墓,病 仙客,其語援識書。 ,而用仙客。 宰相材也,乃不堪尚書邪?九齡文吏,拘古義,失大體。」帝由是決用仙客不疑。九齡 自是朝廷士大夫持祿養恩矣。 帝怒,杖子諒于朝堂,流瀼州,死於道。 嘗薦長安尉周子諒爲監察御史,子諒劾奏 九齡坐舉非其人,貶荆州長史。 相罷

討溪、契丹敗,張守珪執如京師, 子無患。 所推引皆正人。 終始者。 囊,自九齡始。 公爲援,宰相可長處。」九齡叱曰:「房幄安有外言哉!」遽奏之,帝爲動色,故卒九齡相而太 上「事鑒」十章,號千秋金鑑錄,以伸諷諭。 九齡體弱,有醞藉。 及爲相,諤諤有大臣節。當是時,帝在位久,稍怠於政,故九齡議論必極言得失, 安祿山初以范陽偏校入奏,氣驕蹇,九齡謂裴光庭曰:「亂幽州者,此胡雛也。」及 後帝每用人,必曰:「風度能若九齡乎? 武惠妃謀陷太子瑛,九齡執不可。 故事,公卿皆縉笏于帶,而後乘馬。 九齡署其狀曰:「穰苴出師而誅莊賈,孫武習戰猶戮宮嬪 與嚴挺之、袁仁敬、梁昇卿、盧怡善,世稱其交能 妃密遣宦奴牛貴兒告之曰:「廢必有興, · 」初,千秋節,公、王並獻寶鑑,九齡 九齡獨常使人持之,因設笏

傳

五十

張

九

之,以絕後患。」帝曰:「卿無以王衍知石勸而害忠良。」卒不用。帝後在蜀,思其忠,爲泣下, 守珪法行于軍,祿山不容冤死。」帝不許,赦之。九齡曰:「祿山狼子野心,有逆相,宜卽事誅 風烈,復贈司徒。 且遣使祭於韶州,厚幣卹其家。開元後,天下稱日曲江公而不名云。建中元年,德宗賢其

太子贊善大夫。 子拯,居父喪,有節行,後爲伊闕令。會祿山盜河、洛,陷焉,而終不受僞官。賊平,擢

九齡弟九皋,亦有名,終嶺南節度使。其曾孫仲方。

則邀必成功。今內有賊輔臣之盜,外有懷毒蠆之臣,師徒暴野,農不得在畝,婦不得在 才多藝,而側媚取容,疊致台衮,寡信易謀,事無成功。且兵凶器,不可從我始,至以伐罪, |仲||方挾前怨未已,因上議曰:「古之諡,考大節,略細行,善善惡惡,一言而足。 按吉甫雖多 |仲方三疏申理, 卒與民直。入爲度支郎中。|吉甫卒, 太常諡|恭懿, 博士尉遲汾請諡敬憲, **擢進士、宏辭,爲集賢校理,以母喪免。會即拜御史大夫,表爲御史。進累倉部員外郞。** 會呂温等以劾奏宰相李吉甫不實,坐斥去,仲方以温黨,補金州刺史。宦人奪民田, <u>仲方,生歧秀,父友高郢見,異之,曰:「是兒必爲國器,使吾得位,將振起之。」貞元中,</u>

「|古甫平易柔寬,名不配行。 請俟蔡平,然後議之。」|憲宗方用兵,疾其言醜訐,貶爲遂州司 耗賦殫畜, 尸僵血流, 胔骼成岳, 毒痡之痛, 訴天無辜, 階禍之發, 實始吉甫。」又言:

馬。稍進河南少尹、鄭州刺史。

蟲 威重。」不從,猶見慰勞。 李德裕秉政,以太子賓客分司東都。 見延英,論諍堅苦,帝爲減三之二。又詔幸華淸宮,仲方曰「萬乘之行,必具葆衞,易則失 ,而不行御前乎? 敬宗立,李程輔政,引為諫議大夫。帝時詔王播造競渡舟三十艘,度用半歲運費。仲方 」發繇是不死。 鄠令崔發以辱黃門繫獄,逢赦不見宥。 德裕罷,復拜常侍。 大和初, 出爲福建觀察使。 仲方曰:「恩被天下,流昆 召還, 進至左散騎常侍。

德裕 足旁午,仲方皆密使識其尸。 候,久乃半扉啓,使者傳召仲方曰:「有詔, 其言,卒不至顯。 但封曲江縣伯。 不能有所繩劾。 ,擯仲方不 李訓之變,大臣或誅或繫。 用,覃乃擬丞、郞以聞。 宰相鄭覃更以薛元賞代之,出爲華州刺史。 卒,七十二,贈禮部尚書,諡日成。 既殁,人多傷之。 俄許收葬,故胔骸不相亂。 翌日, 文宗曰:「侍郎,朝廷華選。 羣臣謁宣政, 牙闔不啓。 可京兆尹。」然後門闢,喚仗。 仲方確正有風節,旣駁吉甫諡,世不直 已而禁軍橫,多撓政, 召入,授祕書監 **羣臣錯立朝堂,無史卒贊** 彼牧守無狀, 于時族夷將相,顱 人頗 仲方勢窄, 不可得。」 言覃助

列

吏治護,鏤石以聞,傳于時。

始 高祖 |仕隋時,太宗方幼而病,爲刻玉像於||熒陽佛祠以祈年,久而刓晦,||仲方在||鄭,敕

督李行褒爲部人告變,詔大敏鞫治。或曰:「行褒諸李近屬,后意欲去之,無列其冤,恐累 公。」大敏曰:「豈顧身枉人以死乎?」至則驗出之。 后怒,遣御史覆按,卒殺行褒,而大敏賜 韓休,京兆長安人。 父大智,洛州司功參軍,其兄大敏,仕武后爲鳳閣舍人。 梁州都

常稅廢獨, 判 代者、嵩稱休志行、遂拜黃門侍郎、同中書門下平章事。 請。 東白恐忤宰相意,休日:「刺史幸知民之敝而不救,豈爲政哉?雖得罪,所甘心焉。」訖 以母 休工文辭,舉賢良。 '喪解,服除,爲工部侍郎,知制誥。 休請均賦它郡。 進至禮部侍郎,知制誥。 玄宗在東宮,令條對國政,與校書郎趙冬曦並中乙科,擢左補闕, 中書令張說曰:「冤號而與它州, 出為虢州刺史。 遷尙書右丞。 侍中裴光庭卒,帝敕蕭嵩舉所以 (離於)東、西京爲近州,乘輿所至, 此守臣爲私惠耳。」休復執論 如休

|休直方不務進趨 , 旣爲相 ,

天下翕然宜之。

萬年尉李美玉有罪,帝將放嶺南。

|休日:

洪、汯、滉、渾出奔,將走行在,浩、洪、渾及洪四子復爲賊禽殺之。 計直, 甚於時,見者爲流涕。 與汯皆以累貶。洪後爲華州長史。渾,大理司直。安祿山盜京師,皆陷賊,賊逼以官,浩與 失,言之未嘗不盡。 帝嘗獵苑中,或大張樂,稍過差,必視左右曰:「韓休知否?」已而疏輒 嵩,嵩不能平。宋璟聞之日:「不意休能爾,仁者之勇也。」嵩寬博多可,休峭鯁,時政所得 伯獻,臣不敢奉韶。」帝不能奪。大率堅正類此。初,嵩以休柔易,故薦之。休臨事 法度,臣請先伯獻,後<u>美</u>玉。」帝不許,休固爭曰:「罪細且不容,巨猾乃置不問, 宜陽縣子。 至。嘗引鑑,默不樂。 「吾雖瘠,天下肥矣。 且蕭嵩每啓事,必順旨,我退而思天下,不安寢。 韓休敷陳治道,多 尉 小官,犯非大惡。今朝廷有大姦,請得先治。 浩,萬年主簿,坐籍王鉷家貲有隱入,為尹鮮于仲通所劾,流循州。 子浩、治、洪、汯、滉、渾、洄、皆有學尙。 我退而思天下,寢必安。吾用休,社稷計耳。」後以工部尙書罷。遷太子少師, 卒,年六十八,贈揚州大都督,諡曰文忠。 寶應元年,贈太子太師。 左右曰:「自韓休入朝,陛下無一日歡,何自戚戚,不逐去之?」帝曰: 肅宗以大臣子能死難,詔贈浩吏部郎中, 金吾大將軍程伯獻恃恩而貪,室宅輿馬僭 洪善與人交, 有節義, 藉 洪太常卿, 渾太常少卿。 **洪爲司庫員外郎**, 陛 或折 下 木出 封 IE

列傳第

五 十 一

韓

四三三

16、上元中終諫議大夫。治,終殿中侍御史。

辜。 遷給事中,知 `改|彭王府諮議參軍。 初,汯知制誥,當草王璵韶,無借言,銜之。 |璵 遷右丞,知吏部選,以戶部侍郎判度支。 |滉字||太沖,以蔭補左威衞騎曹參軍。 ,乃擢殿中侍御史,三遷吏部員外郎。 兵部選。 時盜殺富平令韋當,賊隸北軍,魚朝恩私其凶,奏原死,滉執處,卒伏 至德初,避地山南,採訪使李承昭表爲通川郡 性彊直,明吏事,莅南曹五年,簿最詳緻。 及當國,滉兄弟皆斥冗 再 長

秋,大雨害稼什八,凉兆尹黎幹言狀,滉恐有所蠲貸,固表不實。 實,害田三千頃。 亦斥爲豐州司戶 會歲數稔 萬餘頃。 康狀 自 至德軍興,所在賦稅無藝,帑司給輸乾隱。 ,兵革少息,故儲積穀帛稍豐實。 鎭畏滉 始, 渭南令劉藻附滉,言部田無害, . 員外參軍。方是時, 帝怒曰:「縣令,所以養民,而田 ,還乃賀帝,且請置 詞,韶 潦敗河中鹽 號寶應靈慶池 然覆治案牘,深文鉤剝,人亦容怨。 御史趙計按驗如藻言, 損不問, 池 | 滉檢制吏下及四方輸將, 犯者痛拫以法。 **滉奏池產瑞鹽**。 豈卹隱意邪? 代宗命御史行視, 帝疑, 帝又遣御史朱敖覆 」貶南 浦員外尉 大曆十二年 遣 諫議大夫 實 損 "; 計 田

德宗立,惡滉掊刻,徙太常卿。 議者不厭,乃出爲晉州刺史。 未幾,遷浙江東、西觀察

使, 柏良器以勁卒萬人進討,次睢陽,而賊已攻寧陵,栖耀等破走之,漕路無梗,完靖東南,滉 **賊**,有詔嘉勞,進檢校尙書右僕射,封南陽郡公。 奉天,淮、汴震騒,滉訓士卒,分兵戍河南。 **尋檢校禮部尙書爲鎭海軍節度使。** 綏輯百姓, 旣狩梁州,又獻縑十萬匹,請以鎭兵三萬助討 李希烈陷汴州,滉遣裨將王栖耀、李長榮 均租、 調,不踰年, 境內稱治。 帝在

以絕其謀。 **輩皆**鄉縣豪黠,不如殺之,用年少者, 時 判輒數十人,下皆愁怖。 里胥有罪,輒殺無貸,人怪之。 婺州屬縣有犯令者,誅及鄰伍,坐死數十百人。又遣官分察境內,罪涉疑似必 惜身保家不爲惡。」又以賊非牛酒不嘯結,乃禁屠牛, 滉曰:「遠晁本一鞭背史,禽賊有負,聚其類以反,此

壘, 穿井皆百尺。 少游會,以金繒相餉 艦三千柁,以舟師由海門大閱,至申浦乃還。 十區,修塢壁,起建業、抵京峴,樓雉相望。 教習長兵, 聞京都未平,乃閉關梁,禁牛馬出境, 命偏將丘涔督役,日數千人,涔虐用其衆,朝令夕辦,先世丘壟皆發夷。 毁鍾鑄軍器。 酬。 然滉握彊兵,遷延不赴難,而調發糧帛以濟朝廷者繈屬,當時實賴 陳少游在揚州,以甲士三千臨江大閱;滉亦總兵臨金山, 築石頭五城,自京口至玉山。 以爲朝廷有永嘉南走事,置館第數十於石頭城 追李長榮等歸,以親東盧復爲宣州 毁上元道、佛祠四 刺史,增營 造樓 與

列

李晟方屯渭北,滉運米饋之,船置十弩以相警捍,賊不能剽。 始,漕船臨江,滉顧僚吏

曰:「天子蒙塵,臣下之恥也。」乃自舉一囊,將佐爭負之。

|滉旣宿齒先達,頗簡倨,接新進用事,不能滿其意,衆怨之。 獻羨錢五百餘萬緡,詔加度支 人頗言有窺望意,雖帝亦惑之。會李泌間關辯數,帝意乃解。 貞元元年,加檢校左僕射、同中書門下平章事、江淮轉運使,封鄭國公。以繕治石頭城, 二年,更封晉。是歲入朝。

淄青李納、河中李懷光。帝怒,不復究驗,貶琇雷州司戶參軍。左丞董晉白宰相劉滋、齊映 愎難共事,請自江至揚子,滉主之;揚子以北,自主之。 滉由是銜琇。 會琇以京師錢重貨 令權臣逞志,公胡不請三司鞫之?」滋、映不能用。 給事中 | 袁高抗疏申執, 滉指爲黨與,寢 曰:「昨關輔用兵,方蝗旱,莠不增一賦,而軍興皆濟,可謂勞臣。 今被謫無名,刑濫人懼,假)莠,莠曰:「千錢其重與斗米均,費三百可致。」帝以論滉,滉執不可。 至是,誣劾|秀饋米與 輕,發江東鹽監院錢四十萬緡入關。 諸道轉運、鹽鐵等使。 右丞元秀判度支也,以關輔旱,請運江南租米西給京師。帝委滉專督之,而誘畏其剛 滉紿奏「運錢至京師, 率費萬致千,不可從。」帝責謂

劉玄佐不朝,帝密詔滉諷之。及過汴,玄佐素憚滉,修屬吏禮。 滉辭不敢當,因結爲兄

也。 弟,入拜其母,置酒設女樂。 復。」帝善其言,因訪玄佐,玄佐請行。會滉病甚,張延賞奏減州縣冗官,收祿俸,募戰士西 守禦,臣請以本道財賦饋軍,給三年費,然後營田積粟,且耕且戰,則河、隴之地可翹足而 分軍外戰,兵在河、隴者不過五六萬,若朝廷命將,以十萬衆城凉、鄯、洮、渭,各置兵二萬爲 知不可用,乃止。 」玄佐泣悟。 時兩河罷兵,滉上言:「吐蕃盜河、湟久,近歲寖弱,而西迫大食,北扞回鶻,東抗南詔, 玄佐慮延賞靳削資儲,辭犬戎未釁,不可輕進,因稱疾。帝遣中人勞問,臥受命。 滉以錢二十萬緡爲玄佐辦裝,又以綾二十萬犒軍。 滉尋卒,年六十五,贈太傅,諡曰忠肅。 酒行,滉曰:「宜早見天子,不可使夫人白首與新婦子孫塡宮掖 玄佐 入朝,滉薦可任邊

器幣鞍馬。後晟終立大功。 通例及天文事序議各一篇。 焉,吾等奉之,常恐失墜。 列戟,以父時第門不忍壞,乃不請。 堂先無挾廡,弟|洄稍增補之,滉見即徹去,曰:「先君容 爲家人資產。 **瞥自言:「不能定筆,不可論書畫。」以非急務,故自晦,不傳於人。善治揚、春秋,** |滉雖宰相子,性節儉,衣裘茵衽,十年一易。 自始仕至將相,乘五馬,無不終櫪下。 若摧圮,繕之則已,安敢改作以傷儉德?」居重位,清絜疾惡,不 滉幼時已有美名,所與游皆天下豪俊。 初判度支,李晟以裨將白軍事,滉待之加禮,使其子拜之,厚遺 。甚暑不執扇,居處陋薄,取庇風雨。 好鼓琴,書得張旭筆法,畫與宗人幹相 晚節益苛慘,故論者疑 門當

列傳

第五十

其飾·情希進 ,旣得志,則彊肆,蓋自其性云。 子羣、皋。

奉終國 子司業。

叔文敗 相擬 校尙書右僕射,俄爲眞。 外 至 事 之,奏爲 奏署鄭鋒爲倉曹參軍。鋒苛斂吏,乃說皋悉索府中雜錢,折糴粟麥三十萬石獻於帝,皋悅 入,百姓 一有績。 太保,諡曰貞。 郎。 皋嫉之, 淡考功 皋字仲聞,資質重厚,有大臣器。 父喪,德宗遣使弔問,俾論譔滉行事,號泣承命,立草數千言以進,帝嘉之。 遮道訴之,事聞,貶撫州員外司馬。 卽拜節度,徙鎭海,入爲戶部尚書,歷東都留守、忠武軍節度使。 興平令。貞元十四年,大旱,民請蠲租賦,皋府帑已空,內憂恐,奏不敢實。會中人出 沙郎中, 召拜 謂人曰:「吾不能事 東部尚書,兼太子少傅。 帝爲加知制誥。 又進左僕射。 ,新貴。」從弟畢以告叔文,叔文怒, 遷中書舍人、御史中丞、兵部侍郎,號稱職。 俄拜京兆尹 由雲陽尉策賢良方正異等,拜右拾遺。 莊憲太后崩, 充大明宮留守。 長慶四年,復爲東都留守,卒於道,年七十九,贈太 未幾,改杭州刺史,入拜尚書右丞。 出爲鄂岳蘄沔觀察使。 穆宗以舊 大抵 以簡 累遷考功員 傅恩, 加 王叔文用 服除 儉治,所 檢

鼓琴,至止息, 敷曰:「美哉!嵇康之爲是曲,其當晉、魏之際乎。 皋貌類父,旣孤,不復視鑑。生知音律,常曰:「長年後不願聽樂,以門內事多遊知之。」聞 其音主商,商爲秋,秋者天

子

廣陵散,言魏散亡自廣陵始。『止息』者,晉雖暴興,終止息於此。其哀憤、躁蹙、憯痛、迫脅 與宮同音,臣奪君之義,知司馬氏之將篡也。王陵、田丘儉、文欽、諸葛誕繼爲揚州都督, 將搖落肅殺,其歲之晏乎。晉乘金運,商又金聲,此所以知魏方季而晉將代也。 之音,盡於是矣。永嘉之亂,其兆乎!康避晉、魏之禍,託以鬼神,以俟後世知音云。」 咸有興復之謀, 皆爲司馬懿父子所殺。康以揚州故廣陵地,陵等皆魏大臣,故名其曲日 緩其商絃,

爲屯田員外郞,知揚子留後。 無愠容。 緡,度費每緡九百,則得可浮本矣。 江、淮七監,請皆罷。」又言:「天下銅鐵冶,乃山澤利、當 今商州紅崖冶產銅,而洛源監久廢,請鑿山取銅,即治舊監,置十鑪鑄之,歲得錢七萬二千 元載善,貶邵州司戶參軍。 洄上言:「江、淮七監,歲鑄錢四萬五千緡輸京師,工用運轉,每緡度二千,是本倍於子。 晏被罪,天下錢穀歸尚書省,而省司廢久,無綱紀,莫總其任,乃擢洄戶部侍郎,判度 洞字幼深,蔭補弘文生,滿歲,參調吏部侍郎,達奚珣以地望抑之。 除章懷太子陵令, 安祿山亂,家七人遇害,洄避難江南,蔬食不聽樂。乾元中,授睦州別駕,劉晏表 德宗卽位,起爲淮南黜陟使,復爲諫議大夫。 召拜諫議大夫,與補闕李翰數上章言得失, 擢知制誥。 坐與

列

歸王者,請悉隸鹽鐵使。」從之。

復罷省胥史冗食二千人,積米長安、萬年二縣各數十萬石,

視年豐耗而發斂焉,故人不艱食。

元年,入爲兵部侍郎,轉京兆尹。 洄 與楊炎善,炎得罪,不自安。 貞元十年,終國子祭酒,贈戶部尙書。 無何、皋上疏理炎罪,帝意洄教之, 貶蜀州刺史。

其所謀,意驕則樂軟熟、憎鯁切,較力雖多,課所效不及姚、宋遠矣。 久,左右大臣皆帝自識擢,狎而易之,志滿意驕, 時,厲精求治,元老魁舊, 陬,非曰天運,亦人事有致而然。 贊曰:人之立事,無不銳始而工於初,至其半則稍怠,卒而漫澶不振也。 動所奪憚, 若知古等皆宰相選,使當天寶時,庸能有救哉! 故姚元崇、 宋璟言聽計行, 而張九齡爭愈切, 力不難而功已成。 言益不聽。 終之胡雛亂華 夫志滿則忽 觀玄宗開元 及太平 邊

唐書卷一百二十七

列傳第五十二

張嘉貞 延賞 弘靖 文規 次宗 嘉祐 源乾曜 光裕 洧 裴耀卿 佶

草奏,皆意所未及;它日,武后以爲能,循憲對皆嘉貞所爲, 未盡也。」后曰:「善。」詔上簾,引拜監察御史,擢循憲 有佳客乎?」更以嘉貞對。 經舉,補平鄉尉,坐事免。 「臣草茅之人,未覩朝廷儀,陛下過聽,引對禁近。今天威咫尺,若隔雲霧, 官自進賢邪?」召嘉貞見內殿,以簾自鄣。嘉貞儀止秀偉,奏對偘偘,后異之。因請曰: 張嘉貞字嘉貞,本范陽舊姓,高祖子吒,仕隋終河東郡丞,遂家蒲州,爲猗氏人。以五 長安中, 循憲召見,容以事。 御史張循憲使河東, 事有未決, 病之, 問吏曰: 「若頗知 嘉貞條析理分,莫不洗然。 司勳郎中,酬其得 因請以官讓。 循憲大驚,試命 后曰:「朕寧無 恐君臣之道有

累遷兵部員外郎。 列 傳 第 五 十 張 時功狀盈几,鄭吏不能決,嘉貞爲詳處,不閱旬,廷無稽牒。 嬴 貞 四四四四 進中

嘉貞自陳:「少孤,與弟嘉祐相恃以長,今爲鄯州別駕,願內徙, 使少相近,冀盡力報,死無 歷梁秦二州都督、幷州長史,政以嚴辦,吏下畏之。奏事京師,玄宗善其政,數慰勞。

恨。」帝爲徙嘉祐忻州刺史。

臣恐塞言路,且爲未來之患。昔天子聽政於上, 瞍賦, 矇誦, 百工諫, 庶人謗, 今將坐之, 則 必用之,要及其時,後衰無能爲也。且百年壽孰爲至者?臣常恐先朝露死溝壑,誠得效萬 血氣方壯,太宗用之,能盡其才,甫五十而沒。向使用少晚,則無及已。 後無繇聞天下事。」遂得減死。天子以爲忠,且許以相。嘉貞因曰:「昔馬周起徒步,謁 或告其反,按無狀,帝令坐告者。嘉貞辭曰:「國之重兵利器皆在邊,今告者一不當卽罪之, ,無負陛下足矣!」帝曰:「弟往,行召卿。」 突厥九姓新內屬,雜處太原北,嘉貞請置天兵軍綏護其衆,卽以爲天兵使。 陛下不以臣不肖, 明年入朝,

門下平章事。 爲北方大將,張姓而複名,卿爲我思之。」抗曰:「非張齊丘乎?今爲朔方節度使。」帝卽使作 韶以爲相。 帝數幸東都,洛陽主簿王鈞者,爲嘉貞繕第,會以贓聞,有詔杖之朝堂。嘉貞畏衊染, 及宋璟等罷,帝欲果用嘉貞,而忘其名。夜詔中書侍郎韋抗曰:「朕嘗記其風操, 夜且半,因閱大臣表疏,舉一則嘉貞所獻,遂得其名,卽以爲中書侍郎、同中書 遷中書令。居位三年,善傅奏,敏於裁遣。然彊躁,論者恨其不 而今

促有司速斃以滅言。 不可辱。 **黎**伷先抵罪,帝問法 八議乎? 事往不可咎, 向咬得罪,官三品,且有功,若罪 如何,嘉貞復援曖比,張說 祕書監姜皎得罪,嘉貞希權幸意, 伷先豈容復濫哉? 若貴臣盡杖,正恐吾輩及之,渠不爲天下士君子地乎?」 應死, 」帝然之。 曰:「不然,刑不上大夫,以近君也。 即殺,獨不宜廷辱,以卒伍待也。 嘉貞退,不悅曰:「言太切。 請加詔杖, 已而咬死。 會廣州都 說 況 動貴 土 可殺 在

相,時來則爲,非可長保。

遂出 嘉祐 部尚書、益州 爲 拜金吾將軍,兄弟要近,人頗憚娼。 初,嘉貞 幽州刺史, 說代其處。 在兵部, 長史,判都督事,詔宴中書省,與宰相會。嘉貞銜說不已,於坐慢罵說,源乾曜 而說已爲侍郎。 嘉貞 人衡悔, 及皆相,說位其下, 帝幸太原,嘉祐以贓聞,說試 謂人曰:「中書令幸二員,何相迫邪? 議論無所讓,故說不平。 嘉貞素服待罪,不謁 」踰年,爲戶 未幾,

河東侯。 明年,王守一死,坐與厚善,貶台州 及行,帝賦詩,詔百官祖道上東門。 刺史。 久之,以疾丐還東都, 俄拜工部尚書,爲定州刺史,知北平軍 詔醫馳驛護視。 卒,年

王晙共平解,乃得去。

六十四,贈益州大都督,諡曰恭肅

腐中書舍人苗延嗣、 嘉貞 性簡疏,與人不疑,內曠如 呂太一,考功員外郎員嘉靜,殿中侍御史崔訓,皆位淸要,日與議政事。 也,或時 以此失。 有嗜進者, 汲引之, 能以恩終始。 所

湜驚日:「此終其坐。」後十年而爲中書令。 故當時語曰:「令君四俊:苗、呂、崔、員。」其始爲中書舍人,崔湜輕之,後與議事,正出其上。 國矣,未死,豈有飢寒憂?若以譴去,雖富田產,猶不能有也。 嘉貞雖貴,不立 田園。 近世士大夫務廣田宅, 爲不 有勸之者,答曰:「吾嘗相

以禮, 軍,賜名曰延賞。 引萬年主簿韓朝宗爲御史,卒後十餘歲,朝宗以京兆尹見帝曰:「陛下待宰相, 身雖沒,子孫咸在廷。 張嘉貞晚一息寶符,獨未官。」帝惘然,召拜左司禦率府兵曹參 進退皆

育子酒色費,我無是也。」

史, 辟署關內節度使王思禮府。 延賞雖蚤孤,而博涉經史,通吏治,苗晉卿尤器許,以女妻之。 思禮守北都, 表爲副,入遷刑部郞中。 肅宗在鳳翔,擢監察御 始, 元載被用,以

晉卿力,故厚遇延賞,薦爲給事中、御史中丞。

河渠,築宮廟。 大曆初,除河南尹、諸道營田副使。 數年,流庸歸附,都闕完雄,有詔褒美。時罷河南、山南等副元帥,兵屯東都, 河、洛當兵衝,邑里墟榛, 延賞政簡約, 輕傜 賦,疏

韶延賞知留守,以兵屬。 會李少良劾元載陰罪,載斥其狂,下御史臺治訊,而延賞適拜大夫, 不满所私, 出爲

居五年,治行第一,召還。

生。 淮南節度使。 苟存吾人,何限爲?」乃具舟遣之,敕吏爲修室廬, 歲旱, 民它遷,吏禁之。 延賞曰:「食者、 人恃以活。 已逋債,而歸者更增於舊。 拘此而斃, 不如適彼 瓜步 舟 而

艫津凑,而遙繫江南,延賞請度屬揚州,自是行無稽 壅。

延賞 奔鹿頭戍。 會母喪免,服除,累拜荆南、劍南西川節度使。 朏酣亂不設備, 延賞諜知之, 遣將叱干遂捕斬朏, 建中中, 西山兵馬使張朏襲成都爲亂 復成都。 自楊國忠討

然。 延賞事爲之制, 三蜀疲罄。 及乘輿臨狩, 薄入謹出, 府庫遂實。 糜用百出。 德宗在奉天, 貢獻踵道。 後更郭英乂、崔寧、楊子琳亂, 及次梁, 益矜僭, 公私 倚劍蜀爲 根

本。卽拜中書侍郞、同中書門下平章事。

於帝, 雅意決用之,以晟嘗爲韓滉識擢,命滉移書道意。 奪取,故晟銜之;至是,鎭鳳翔,帝所倚重, 帝還,韶入秉政。 於是復拜平章事。 初,吐蕃寇劍南,李晟總神策軍戍之,及還,以成都倡自隨,延賞遣 旣而宴禁中, 帝出瑞錦一端分繫之,以示和解。 表陳宿憾,帝不得已,罷延賞爲尚書左僕射,然 及俱入朝,滉從容邀晟平憾,且使薦延賞 晟因爲子請婚 吏

未忘也。」 延賞不許。 先時 ,吐蕃尙結贊請和,晟奏戎狄無信,不可許。 晟曰:「吾武夫雖有舊惡,盃酒間可解。 儒者難犯,外睦而內含怒,今不許婚,璺 滉亦請調軍食峙邊,無聽和。 帝疑將

匹匹

四

五

列

有社 帥邀功生事,議未決。 **渾瑊,將校多沒,如晟等策。** · 稷功,俾自擇代者。」乃用邢君牙,而拜· 晨太尉兼中書令,奉朝請。 是夏,吐蕃背約,劫 會滉卒,延賞揣帝意,遂罷晟兵,奏以給事中鄭雲逵代之。帝曰:「晟 故事,臨軒册拜三公,中書令讀册,侍中贊禮,或闕,則宰相攝

事。 晟當拜,而延賞薄其禮,用尚書崔漢衡、劉滋代攝。

尉,各省半;餘府準上州。」詔下,內外始怨。 奪晟兵,不肯行。由是功臣解體。 糧課輸京師,賞戰士。」帝許之。 時議遣劉玄佐復河、湟,延賞因建言:「今官繁費廣,州縣殘困,宜倂省其員,悉收稟料 中州減司士;上縣令、尉具;中縣省尉;京兆、河南府司錄、判官,赤縣丞、簿、 卽詔:「上州留上佐、錄事參軍、司戶、司兵、司士各一員,餘 玄佐辭西討,延賞更用李抱眞。 抱眞怨延賞

白志貞、韋倫表言省官太甚,不可行。 先滿、或攝掌遇停限而官見乏者,聽在所擇省員有幹譽者權補,以才不以資。」而大臣馬燧、 是年,除吏千五百員,當省者千餘。 會延賞疾困,不能事,宰相李泌一切奏復。卒,年六 道路訾謗,浸淫聞於上。延賞懼,請韶州縣:「或考

十一,贈太保,諡曰成肅。

然帝待遇厚,稱其奏議有宰相體,專屬以吏事,而以軍食委李泌,刑法委柳渾,時以爲任職。 延賞更四鎭,所至民碩其愛。及當國,飾情復怨,不稱所望,亦早不幸,未及有所建明。

弘靖直其枉,啞怒,斥出府。 弘靖字元理,雅厚信直,以蔭爲河南參軍。 裴延齡爲德陽公主治第,欲徙弘靖先廟,上疏自言,德宗異之, 杜亞辟佐其府。 亞疑牙將令狐運劫餉絹,

擢監察御史。 累遷戶部侍郎、陝州觀察使,徙河中節度使。 元和中,拜刑部尚書、同中書門

下平章事。

吳少陽死,其子元濟擅總留務,憲宗欲誅之。弘靖請先遣使者弔贈, 待不恭, 乃加兵,

昭可。進中書侍郎,封高平縣侯。

承宗。 承韓弘虐政,代以寬簡,民便安之。 帝憶襲言,下詔褒美。 平,乃治河朔。」議再迕,乃歸政,以檢校吏部尙書、同平章事,爲河東節度使。 致晏罪,言之帝,不聽,遂誅晏,幷討承宗。 弘靖曰:「戎事並興,鮮有濟。 不如悉力淮西,已 武元衡遇害,賊未得,王承宗邸廝卒張晏被告,詔付御史臺劾驗,有狀。弘靖疑御史傅 弘靖自以諫不聽,思自効,乃大閱兵,請身討賊。 弘靖亦遣使間道喻承宗,承宗款附。召拜吏部尚書,徙節宜武。宜武 韶許出軍,無親往。 旣王師無功, 未及鎭、詔伐

長慶初, 劉總舉所部內屬,請弘靖爲代,進檢校司空,仍同中書門下平章事,充盧龍節

列傳第

五十

張嘉貞

度使。 川。 而輩 弘靖太子 亂, 會詔 之。官屬輕倪酣肆,夜歸,燭火滿街,前後呵止,其詬責士皆曰「反虜」,嘗曰:「天下無事 行,人駭異。 惡者,父母 取二十萬市府雜費,有怨言。 決事,賓客將吏罕聞其言。委成於參佐韋雅、張宗厚,又不通大體,殷刻軍賜,專以法拫治 囚弘靖薊門館,掠其家貲婢妾,執雍等殺之。判官張澈始就職,得不殺,與弘靖同被囚。 使至, |挽兩石弓,不如識一丁字。」軍中以氣自任,銜之。 |總之朝,詔以錢百萬緡賚將士, 衆畏其謀,欲遷別館。 始入幽州, 賓客 妻子肉 澈謂弘靖曰:「公無負此土人,今天子使至,可因見衆辨, 幸得脫歸。」即推門求 不對。 俗謂禄山、思明爲「二聖」,弘靖懲始亂,欲變其俗,乃發墓毀棺,衆滋不悅。 一,分司 飽狗鼠鴟鴉。」衆怒,擊殺之。 老幼夾道觀。 衆日:「公不赦我矣, 東都。 再貶吉州 澈大駡曰:「汝何敢反!前日吳元濟斬東市, 李師道 會雅欲鞭小將,膩人未嘗更答辱,不伏,弘靖繫之。是夕軍 河朔舊將與士卒均寒暑,無障蓋安興,弘靖素貴,肩輿而 刺史。 軍中可一 明年,出幽州,改撫州刺史,稍遷太子少師。卒, 數日,更卒稍自悔,詣館謝弘靖, 日無帥乎?」遂取朱克融主留後。 事軍 願革心事 同 旬

處 無所規拂。 弘靖 少有令問,杜鴻漸、杜佑皆器許。 幽薊初效順,不能因俗制變,故范陽復亂。 歷臺閣 顯級,人以爲有輔相才。 家聚書畫,侔祕府。 及居位, 簡默自 先第在東都

年六十五,贈太子太保

曜

思順里,盛麗甲當時,歷五世無所增葺,時號「三相張家」云。子:文規、次宗

丞韋温劾文規父昔被囚,逗留不赴難, 裴度秉政,引文規爲右補閼。度出襄陽,貶温令,度奏置幕府。 不宜任省署。出爲安州刺史,終桂管觀察使。 累轉吏部員外郎。 右

彦遠,博學有文辭,乾符中至大理卿。

是非。 李德裕再當國,引爲考功員外郎,知制誥。 次宗,開成初爲起居舍人。文宗始詔左右史立螭頭下記宰相奏對,旣退, 故開成時事爲最詳。以稱職,兼集賢院直學士。文規左遷,改國子博士、史館修撰。 出禮、明二州刺史,卒。 帝召見審正

孫茂樞,字休府,及進士第。 天祐中,累遷祠部郎中,知制誥。 坐柳璨事,貶博昌尉。

吳兢爲刺史,又加神冕服,遂無患。 時號所居坊曰「鳴珂里」。後貶浦陽府折 嘉祐以周總管尉遲迥死國難,忠臣也, 嘉祐,嘉貞弟,有幹略。 方嘉貞爲相時,任右金吾衞將軍,昆弟每上朝, 衝。 立祠房解祓衆心。 開元末,爲相州刺史。 三歲,入爲左金吾將軍。 舊刺史多死官,衆疑 軒蓋騶導盈閭

乾曜第進士。神龍中,以殿中侍御史黜陟江東,奏課最,頻遷諫議大夫。景雲後,公 源乾曜,相州臨漳人。祖師民,隋刑部侍郎。父直心,高宗時太常伯,流死嶺南

卿百官上巳、九日廢射禮, 乾曜以爲:「聖王敎天下, 必制禮以正人情。 君子三年不爲禮,

德行,中祭祀,辟寇戎,古先哲王莫不遞襲。 比年以來,射禮不講,所司恡費,而舊典爲虧。 禮必壞;三年不爲樂,樂必崩。古之擇士,先觀射禮,非取一時樂也。 夫射者,別邪正,觀

臣愚謂所計者財,所虧者禮,故孔子不愛羊而存禮也。、大射謂春秋不可廢。」

開元初,邪王府吏犯法,玄宗敕左右爲王求才長史,太常卿姜晈薦乾曜,自梁州都督召

門侍郎、同紫微黃門平章事。 踰月,與姚崇俱罷。 見,神氣爽澈,占對有序,帝悅之,擢少府少監,兼邪王府長史。累進尙書左丞。四年,拜黃

縱失之,詔京兆督捕,獲於野,絓榛死。 吏懼得罪,乾曜曰:「上仁明,不以畜玩置罪,苟其獲 會帝東幸,以京兆尹留守京師。治尙寬簡,人安之。居三年,政如始至。仗內白鷹因

戾,尹專之。」遂入自劾失旨。帝一不問,衆伏其知體而善引咎。

八年,復爲黃門侍郎、同中書門下三品,進位侍中。 建言:「大臣子倂求京職,俊乂率任

軍弼爲絳州司功,太祝絜爲鄭尉。詔曰:「乾曜身率庶寮以讓,旣請外其子,又復下遷。傳 外官,非平施之道。臣三息俱任京師,請出二息補外,以示自近始。」詔可。乃以子河南參

不云乎:『范宣子讓,其下皆讓。』『晉國之人,於是大和。』道之或行,仁豈遠哉。 其令文武官

父子昆弟三人在京司者,分任于外。」繇是公卿子弟皆出補

帝嘗自較其考,與張說偕賜。時議者言:「國執政所以同休戚,不崇異無以責功。」帝乃

韶中書、門下共食實戶三百,堂封自此始。

東封還,爲尙書左丞相,兼侍中。久之,罷侍中,遷太子少師。 避祖名, 更授少傅,

安陽郡公。帝幸東都,以老疾不任陪扈。卒,贈幽州大都督。

李元紘、杜暹同秉政,居中未嘗廷議可否事,晚節唯唯聯署,務爲寬平惇大,故鮮咎悔。姜皎 乾曜性謹重,其始仕已四十餘,歷官皆以淸愼恪敏得名。爲相十年,興張嘉貞、張說、

爲嘉貞所排,雖得罪,訖不申救,君子譏焉。

開元新格。 族孫光裕,亦有名,居官號淸愿,撫諸弟友義。爲中書舍人,與楊滔、劉令植同删著 歷尙書左丞,會選諸司長官爲刺史,光裕任鄭州,爲世良吏。卒官。

大都督長史以禦賊,卒,贈禮部尚書,諡曰懿。 子洧,以雍睦保家,士友推之。天寶中,爲給事中、襄州刺史。安祿山犯河、洛,爲江陵

府典籤,與掾丘悅、文學韋利器更直,備顧問,府中號「學直」。王卽帝位,授國子主簿, 長安令。 裴耀卿字焕之,寧州刺史守眞次子也。 舊有配戶和市法,人厭苦,耀卿一切責豪門坐賈,豫給以直,絕僦欺之敝。 數歲能屬文,擢童子舉,稍遷祕書省正字、相王 及去, 累遷

人思之。

州知頓最。 崔沔遣使供帳,不施錦繡,示我以儉,此可以觀政也;濟州刺史裴耀卿上書數百言,至曰 惡,不得實。今股有事岱宗,而懷州刺史王丘餼牽外無它獻,我知其不市恩也; 『人或重擾,則不足以告成』,朕置書座右以自戒,此其愛人也。」 爲濟州刺史,濟當走集,地廣而戶寡。會天子東巡,耀卿置三梁十驛,科斂均省, 封禪還,次宋州,宴從官,帝歡甚,謂張說曰:「前日出使巡天下,觀風俗,察吏善 魏州刺史 爲東

頸 德。 未訖,有詔徙官。耀卿懼功不成,弗卽宣,而撫巡飭厲愈急。 隄成,發詔而去。 濟人爲立碑 俄徙宣州。前此大水,河防壞,諸州不敢擅興役。耀卿曰:「非至公也。」乃躬護作役, 歷冀州,入拜戶部侍郎

以不備。」乃令先與期,而分道賜之,一日畢。突厥、室韋果邀險來襲,耀卿已還。 開元二十年,副信安王禪討契丹,又持帛二十萬賜立功溪官,耀卿曰:「幣涉寇境,不可

四四五三

湍沮,若廣漕路,變陸爲水,所支尙贏萬計。 稟者少,歲漕粟二十萬略足;今用度寖廣,運數倍且不支,故數東幸,以就敖粟。爲國大計, 旣東巡,百司畢從,則太倉、三輔可遣重臣分道賑給,自東都益廣漕運,以實關輔, 運抵太原倉,趨河入渭,更無留阻,可減費鉅萬。」天子然其計,拜黃門侍郎、同中書門下平 倉,自東至者,東倉受之;

三門迫險,則旁河鑿山,以開車道,運十數里,西倉受之。

度宜徐 停留,易生隱盜。 陜、洛運費,又益半爲營窖用,分納司農、河南、陜州。 臣 . 願廣陝運道,使京師常有三年食,雖水旱不足憂。 今天下輸丁約四百萬, 使丁出百錢爲 ,則乘輿西還,事蔑不濟。 京兆尹。 明年秋、雨害稼、京師飢。 請置倉河口,以納東租,然後官自顧載,分入河、洛。 度三門東西各築敖 且國家大本在京師,但秦地狹,水旱易匱。往貞觀、永徽時,豫 帝將幸東都, 召問所以救人者。 且江南租船候水始進行,吳工不便河漕,處處 又令租米悉輸東都。 從都至陝,河盆 耀卿曰:「陛下 弱輔 既

於是置河陰、集津、三門倉,引天下租繇盟津泝河而西。 或曰:「以此緡納於上,足以明功。」答曰:「是謂以國財求寵,其可乎?」敕吏爲和市 三年積七百萬石,省運費三十

,充轉運使。

十四年,以尙書左丞相罷,封趙城侯。夷州刺史楊濬以贓抵死,有詔杖六十,流古州。

列

遷侍中。

長、勸風俗意。又雜犯抵死無杖刑,必三覆後決,今非時不覆,或夭其命,非所以寬宥之也。 則天下共之。然一朝下吏,屈挫牽頓,民且哀憐,是忘免死之恩,而有傷心之痛,恐非崇守 耀卿上言:「刺史、縣令異諸吏,爲人父母,風化所膽。 今使裸躬受笞,事太逼 凡大暑決囚多死,秋冬乃有全者。請今貸死決杖,會盛夏生長時並停,則有再生之實。」

勝萬全之義。 者,不可不察。 不足與立事。 日酣遨未赴屯。 又萬人之命倚於將,示不得已,故鑿凶門而出。今酣呶朝夕,胖肆自安,非愛人憂國 是時,特進蓋嘉運破突騎施還,詔爲河西、隴右節度使,因令經略吐蕃。嘉運以新立 今盛秋防邊,日月已薄,當與軍中士卒相見。若不素講,雖決在一時,恐非制 且兵未及訓,不能知法;士未懷惠,不可共心。使幸而有功,非師出以律之 苟不易帥,宜嚴詔申約,以督其行。」帝乃促嘉運詣部,卒無功還。 耀卿言於帝曰:「嘉運精勁勇烈誠有餘,然臣見其夸言驕色,竊憂之,恐

然慚。 同,而禮數異,何也? 博士導,郞官唱案。 天寶初,進尙書左僕射,俄改右僕射,而李林甫代之。上日,林甫至本省,具朝服劍佩, 居一歲,卒,年六十三,贈太子太傅,諡曰文獻。子綜,吏部郎中。 禮畢, 」耀卿曰:「比苦眩,不堪重衣。又郎、博士紛泊,非病士所宜。」林甫默 就耀卿聽事,乃常服,以贊者主事導唱。林甫驚曰:「班爵與公 |綜子信。

列 傳 第 五 + = 袭 耀 卿 校 勘

記

信字弘正,幼能文。第進士,補校書與,判等高,授藍田尉。 德宗韶發 縣民城奉天,

嚴郢爲京兆,政刻急,本曹尉章重規妻乳且疾,不敢免。 估請代役,要如程,當時稱其義。

饒州刺史,與諫官執不可。 帝幸梁,信奔見行在,授補闕。李懷光以河中叛,信建議請討,帝深器之。 歷遷諫議大夫。黔中觀察使韋士文爲夷獠所逐,詔佶代之,部 韶用盧杞爲

構已半,會**信至,以爲不可。**異雖怙恩而彊,猶撤之,時重其有守。改吏部侍郎,以疾爲國 歷同州刺史、中書舍人,遷尙書右丞。 時李巽以兵部尙書領鹽鐵,將遷使局就本曹,經

子祭酒、工部尙書。卒,贈吏部尙書,諡曰貞。

恬淸勁明銳,所與友皆第一流,鄭餘慶尤厚善。旣歿,餘慶爲行服,士林美之。

朝多君子,信太平基歟!張氏三世宰相,然器有所窮,嘉貞窮於俗,延賞窮於忮,弘靖窮於 贊曰:開元之盛,所置輔佐,皆得賢才,不者若脹、源等,猶惓惓事職,其建明有足稱道。

權, 惜哉!

校勘記

(二)江南 各本原作「河南」。據本書卷五三及舊書卷四九食貨志、 通典卷一〇、唐會要卷八七及

珊府卷四九八改。

唐書卷一百二十八

列傳第五十三

許景先 蘇珦 晉 尹思貞 潘好禮 倪若水 畢構 栩 席豫 李傑 鄭惟忠 齊澣 抗 王志愔

晌 裁決明辦,自是無訴者。 蘇珦, 雍州藍田人。 中明經第,調鄂尉。 **義琰異之,顧聽事曰:「此公坐也,恨吾齒晚,不及見。」** 時李義琰爲雍州長史,鄂多訟, 日至長史府,

死 司 魯者,后詰之,挺議無所橈,后不悅曰:「卿,大雅士,此獄不足諉卿。」卽詔監軍 郎中。 晌按奏, 垂拱初,爲監察御史。 御史王弘義附來俊臣爲酷,世畏疾,莫敢觸其鋒。 弘義坐免。 遷給事中,進左肅政臺御史大夫。 武后殺韓、魯諸王,付珦密牒按訊, 會督伐材於號,答督過程,人多 后營大像白司馬坂,糜用億計, **晌推之無狀。** 河西。五遷右 或言珦助韓、

珦

上疏

切諫,

見納

開陳,帝感悟,多所含貸。 右臺大夫。會節愍太子敗,詔株索支黨。時睿宗居藩,爲獄辭牽逮,珣密啓保辯,亦會宰相 中宗將斬韋月將,珦執據時令不可以大戮,忤三思意,改右臺,俄出爲岐州刺史。 擢戶部尙書,封河內郡公。 以檢校太子詹事致仕。卒,年八十 復爲

,贈兗州都督,諡曰文。

庭以爲侮己,出晉汝州刺史。遷魏州,終太子左庶子。 及裴光庭知尚書,有過官被却者,就籍以朱點頭而已。晉因榜選院曰「門下點頭者更擬」,光 遷吏部。時宋璟兼尙書事,晉與齊澣更典二都選,旣糊名校判,而晉獨事賞拔,當時譽之。 定。 也。」舉進士及大禮科,皆上第。先天中,爲中書舍人。」玄宗監國,所下制命,多晉及賈曾稾 屢獻讜言,天子嘉允。出爲泗州刺史,以珦老,請解職奉養。 子晉,數歲知爲文,作八掛論,吏部侍郎房潁叔、祕書少監王紹宗歎曰:「後來之王粲 晌卒,歷戶部侍郎,襲爵,

中謀去武三思,爲宋之懸等所發,死,晉厚撫其子漸,爲營婚宦。晉卒,漸喪之若諸父云。 始,晉與洛人張循之、仲之兄弟善,而二人以學顯。 循之上書忤武后, 見殺。 仲之神龍

按之,擿其姦贓萬計,卒論死,部人稱慶,刻石歎頌。 尹思貞,京兆長安人。弱冠以明經第,調隆州參軍事。屬邑豪蒲氏鰲肆不法,州檄思貞 會契丹孫萬榮亂,朔方震驚,思貞循撫境內,獨無擾。武后璽書褒尉 。遷明堂令,以善政聞。 擢殿中少監,檢

威嚴 ,更爲語曰:「不畏侯卿杖,祗畏尹卿筆。」加銀靑光祿大夫。 其家坎地,獲古戟十二,俄 長安中,遷秋官侍郎,忤張昌宗意,出爲定州刺史。召授司府少卿。 時卿侯知一亦厲

而

門樹戟,時人異焉。

校洺州刺史。

至歲四 除忠良以自恣邪?」承嘉慚怒,劾思貞,爲靑州刺史。 思貞,不得謁。 可, 曰:「石非能言者,而或有言。 乃決杖,流嶺南。 神龍初,擢大理卿。 熟,黜陟使路 思貞謂承嘉曰:「公爲天子執法,乃擅威福,慢憲度,諛附姦臣圖不軌,今將 敬潛 三思諷所司加法殺之,復固爭,御史大夫李承嘉助三思,而以他事勃 雍人韋月將告武三思大逆, 中宗命斬之, 思貞以方發生月, 固奏不 至部,歎曰:「是非善政致祥乎!」表言之。 承嘉恃權而侮吾,義不辱,亦不知言何從而至。」治州有績,蠶 或問曰:「公敏行,何與承嘉辯?」答

人譖以廷辱士,今不可事公矣。」乃拂衣去,闔門待罪。 數有損節。 睿宗 立,召授將作大匠,封天水郡公。 懷貞讓之,答曰:「公,輔臣也,不能宣贊王化,而 僕射竇懷貞護作金仙、玉眞觀,廣調夫匠,思貞 帝知之,特韶令視事。 土木是興,以媚 上害下,又聽小 懷貞誅, 拜御

列

傳 第

五

十 Ξ

尹

思 貞

畢 槥

前後爲刺史十三郡,其政皆以淸最聞。 史大夫,累遷工部尚書。 請致仕,許之。 開元四年卒,年七十七,贈黃門監, 諡日簡。 思貞

宜爲王,構當讀表,抗聲析句, 毀棘甚,已除,猶屛處丘園。 畢構字隆擇,河南偃師人。六歲能爲文。及冠,擢進士第,補金水尉,遷九隴主簿。 左右皆曉知。三思疾之,出爲潤州刺史,政有惠愛。 武后召爲左拾遺。 神龍 一初,遷中書舍人。 敬暉等表諸武不 居親

同、陝三州,遷益州府長史。

私,號爲清嚴。 李傑爲河南尹,與構皆一時選,世謂「畢李」。封魏縣男。復爲益州長史,按察劍南,振弊柅 景龍末,召爲左御史大夫。會平諸章,治其黨,衣冠多坐,構詳比重輕,皆得其情。 睿宗嘉構脩絜獨行,有古人風,其治術又爲諸使最,乃賜璽書、袍帶。 再遷

遽改太子詹事 玄宗立,授河南尹,進戶部尚書。久之,移疾, ,冀其愈。 會卒,贈黃門監,諡曰景。 帝手疏醫方賜之。當時以戶部爲凶官, 吏部尚書,並遙領益州長史,徙廣州都督。

構喪繼母, 而二妹襁褓, 身鞠養至成人。 妹爲構服三年。弟栩,以太府主簿留司

東都,聞疾馳歸,哀毁如大喪,雖變服未嘗笑,天下稱其友悌。 終荆州司馬。

節度使張建封高炕節,聞坰篤行,表署幕府, 與弟增以細弱得不殺,爲賞口。 家未嘗以有無計。 構子<u>炕,天寶</u>末爲<u>廣</u>平太守,担安祿山,城陷,覆其家。 及歿,無貲以治喪云。 河北平, 宗人宏以財贖出之。 攝符離令。 後調王屋尉,以謹廉聞。 贈戶部尚書。 後舉明經,爲臨渙尉。 炕生坰,始四歲, 喜賓客,

褐 使,課最諸道。 下戶爲豪力所棄,傑爲設科條區處, 齊州參軍事,遷累天官員外郞。 李傑本名務光, 先天中,進陝州 相州滏陽人。 刺史、水陸發運使。置使自傑始。 爲吏詳敏,有治譽。以採訪使行山南,時戶口逋蕩,細 後魏幷州刺史寶之裔孫。少以孝友著。 檢防亡匿,復業者十七八。|神龍中,爲河東巡察黜陟 改河南尹。 擢明經第, 解

于棺。 之,使人迹婦出,與一道士語,頃持棺至,傑令捕道士按問,乃與婦私不得逞。 傑物色非是,謂婦曰:「子法當死,無悔乎?」答曰:「子無狀,寧其悔!」乃命市棺還斂 傑旣精聽斷,雖行來食飲,省治不少廢,繇是府無淹事,人吏愛之。寡婦有告其子不孝 河、汴之交舊有梁公埭,廢不治,南方漕弗通,傑調汴、鄭丁男復作之,不費而利。 傑殺道士,內

傳

第五十三

李傑

鄭

惟

忠

侍馬懷素建言:「陽和月,不可以殊死。」乃敕杖殺之,謝百官,降書慰傑。 共毆辱之。傑訴曰:「敗髮膚,痛在身, 辱衣冠, 恥在國。」帝怒, 入代宋璟爲御史大夫。尚衣奉御長孫昕素惡傑,遇于道,內恃玄宗婭婿,與所親楊仙玉 詔斬昕等朝堂。 左散騎常

發,反爲所構,出衢州刺史。 遷揚州大都督府長史,復爲御史劾免。 開元六年卒,帝悼之, 特贈戶部尚書。 以護作橋陵,封武威縣子。初,傑引侍御史王旭爲護陵判官,旭貪贓,傑將繩之,未及

所事爲忠,對皆不合旨。惟忠曰:「外揚君之美,內正君之惡。」后曰:「善。」擢左司禦胄曹參 鄭惟忠,宋州宋城人。第進士,補井陘尉。天授中,以制舉召見廷中,武后問舉者,何 遷水部員外郎。后還長安,復以待制召。后曰:「非嘗於東都對忠臣者乎?股今不

所謂· 誤皆流, 已決, 諸韋黨請悉誅之, 帝欲改推。惟忠奏:「大獄始判, 復改訊, 恐反側者不自 家鶴膝、戶犀渠,此民風也,禁之得無擾乎?」遂止。進大理卿。節愍太子敗, 中宗立,擢黃門侍郎。 時議禁嶺南酋戶不得畜兵,惟忠曰:「善爲政者因其俗。 且吳人 守衞註

忘。」遷鳳閣舍人。

河北道,且許黜陟守宰。還奏稱旨,封滎陽縣男,遷太子賓客。卒,贈太子少保。 且失信天下。」有詔百司參議,卒論如前,所全貸爲多。 俄授御史大夫,持節賑給

先帝法,吾何面目入高廟乎? 難越也。 臣曲筆也? 法者, 君上也。』魏游肇爲廷尉, 帝私敕肇有所降恕, 肇執不從, 曰:『陛下自能恕之, 豈可令 法,以縱罪爲仁,持文爲苛,臣執刑典,恐且得謗。」遂上所著應正論以見志,因規帝失。 畏讐,呼爲「阜鵬」。 遷大理正,嘗奏言:「法令者,人之隄防,不立則無所制。 今大理多不奉 抵以「易萃之六二日『引吉无咎』,謂處萃之時,已獨居正,異操而聚,獨正者危,未能以遠 言:「刑賞二柄,惟人主操之。 漢武帝甥昭平君殺人,以公主子,廷尉上請,帝垂涕曰:『法令者,先帝之所造也,用親故誣 惟九五應之,乃履正迎吉,由已居下位而中正是託,期於上應之,不括囊以守祿也。」又 王志愔,博州聊城人。擢進士第。中宗神龍中,爲左臺侍御史,以剛鷙爲治,所居人吏 故捨銜策於奔踶, 』」又言:「爲國當以嚴致平,非以寬致平。 故曰:『以力役法者, 百姓也; 以死守法者, 有司也; 以道 則王良不能御駻;停藥石於膚腠, 」卒可其奏。 隋文帝子秦王俊爲井州總管,以奢縱免官。 嚴者, 非凝網重罰, 在人不易犯而防 則俞附不能攻疾。」又言: 楊素 變

四四六三

先

別制天子子律乎?』故天子操法有不變之義。」凡數千言,帝嘉之。 曰:"「王,陛下愛子,請赦之。」帝曰:"法不可違,若如公意,我乃五兒之父,非兆人之父,何不

選素威重者授之。 北海縣男。 景雲初,以左御史中丞遷大理少卿。時詔用漢故事,設刺史監郡,於天下劇州置都督, 太極元年,兼御史中丞內供奉,實封百戶。出爲魏州刺史,改揚州長史。所至 。 遂拜志愔齊州都督,事中格,復授齊州刺史、河南道按察使。 徙汴州, 封

稱光帝, 開元九年,帝幸東都,詔留守京師。 夜犯長樂門,入宮城,將殺志愔,志愔踰垣走,而屯營兵悔,更斬梁山等自歸,志愔 京兆人權梁山妄稱襄王子,與左右屯營官謀反,自 破碎姦猾,令行禁信,境內肅然。

慚悸卒。

景先, 常州義興人。 曾祖緒, 武德時以佐命功, 歷左散騎常侍, 封真定公,

洛陽。

曰:「是宜付太史!」擢左拾遺。 景先由進士第釋褐夏陽尉。 以論事切直, 外補滑州司士參軍。 神龍初, 東都造服慈閣, 景先獻賦, 舉手筆俊拔、茂才異等 李迥秀見其文, 畏歎

僉愜。 連中, 之文,雖乏峻峯激流,然詞旨豐美,得中和之氣。」 進揚州兵曹參軍。 **抨按不避近**。 與齊澣、王丘、韓休、張九齡更知制誥,以雅厚稱。 還爲左補闕。 宋璟、蘇顯擇殿中侍御史,久不補,以授景先, 張說曰:「許舍人 時議

陸象先持節振膽。 因遣大臣存問失職,罪己引咎,以答天譴。公在元弼,庸可默乎?」乾曜悟,遽白玄宗,遣 開元十年,伊、汝溢,壞廬舍甚衆,景先見侍中源乾曜日:「災眚所降,王者宜修德應之,

賜詩,帝親書,且給筆紙令自賦,賚絹三千遣之。 凡十一人。治行,韶宰相、諸王、御史以上祖道洛濱,盛具,奏太常樂,帛舫 寇泚宋州,禮部侍郞鄭温琦邠州, 李昇期邢州,太僕少卿鄭放定州,國子司業蔣挺湖州, 十三年,帝自擇刺史,景先由吏部侍郎爲刺史治虢州,大理卿源光裕鄭州, 大理少卿袁仁敬杭州, 後徙岐州,入爲吏部侍郎,卒。 左衛將軍裴觀滄州, 鴻臚少卿崔 一志廉 水嬉, 襄州, 衞率崔誠遂州 衞尉 兵部侍郎 命高力士 少卿

拜侍御史,徙岐王 潘好禮,貝州宗城人。 府司馬。 第明經,累遷上蔡令,治在最, 居後母 喪,韶奪服,固辭不出。 擢監察御史。 坐小累,下除芮城

姛

傳第五十

潘

好

醴

倪

若水

好禮檢督王家, 好禮遮道諫,王初不許,乃臥馬下謼曰:「今農在田,王何得非時暴禾稼,以損下人? 要先踐 開元初、 ,爲邪王府長史。 至過失皆上聞。 王爲滑州刺史,好禮兼府司馬、知州事。 王每游觀,好禮必諫踰禁切。 **農**月, 王御下不能肅,有詔 王出獵, 家奴羅迾,

駕,卒。 「經不明, 遷豫州刺史。 不可妄進。」乃自試之,不能通, 勤力于治,清廉無所私,然喜察細事,下厭其苛。 怒答之, 械而徇於門。 子請舉明經, 復以公累, 徙温州別 好禮日:

殺司馬,然後聽所爲!

」王慚,爲還。

世謂近名。 好禮博學, 能論議, 節行脩整, 意無所傾附。 未嘗自列階勳,居室服用粗苟至終身,

課第一。 倪若水字子泉,恆州藁城人。罹進士第,累遷右臺監察御史。 開元初,爲中書舍人、尚書右丞,出爲汴州刺史,政淸淨。 黜陟劍南道, 增脩孔子廟, 繩舉嚴允, 興州縣學

廬,勸生徒,身爲敎誨,風化興行。

|玄宗遣中人捕鵁鶄、溪鴣南方,岩水上言:「農方田,婦方蠶,以此時捕奇禽怪羽爲園鎭

之玩,自江、嶺而南,達京師,水舟陸齎,所飼魚蟲、稻粱,道路之言,不以賤人貴鳥望陛下

邪?」帝手詔褒答,悉放所玩,讁使人過取罪,而賜若水帛四十段。

幾,入爲戶部侍郎,復拜右丞,卒。 訪使入爲大理少卿,過州,若水餞于郊,顧左右曰:「班公是行若登仙,吾恨不得爲騶僕。」未 時天下久平,朝廷尊榮,人皆重內任,雖自冗官擢方面,皆自謂下遷。 班景倩自揚州採

方正異等,爲陽翟尉。 皇太子,語深切,人爲寒懼。太平公主聞其名,將表爲諫官,豫恥汙詖謁,遁去。俄舉賢良 會節愍太子難,安樂公主請爲皇太女,豫曰:「昔梅福上書譏后族,彼何人哉!」乃上疏請立 詞擅文場科,擢上第,時年十六,以父喪罷。復舉手筆俊拔科,中之。補襄邑尉,奏事闕下, 席豫字建侯,襄州襄陽人。後周昌州刺史固七世孫,後徙河南。 長安中,舉學兼流略、

改懷州司倉參軍。復舉超拔羣類科。 爲中書舍人,與韓休、許景先、徐安貞、孫逖名相甲乙。出鄭州刺史。韓休輔政,舉代 開元初,觀察使薦豫賢,遷監察御史,出爲樂壽令。前令以親喪解,而豫母病,訴諸朝, 會母喪去。服除,授大理丞,遷考功員外郎,進絀淸

列傳第五十三

席類

行江 至臺閣, 己,入拜吏部侍郎。 南、江東、淮南、河北。 當時推知人,號席公云。天寶六載,進禮部尙書,累封襄陽縣子。凡四以使者按 玄宗曰:「卿前日考功職詳事允,故有今授。」豫典選六年,拔寒遠士多 南方俗死不葬,暴骨中野,豫敎以埋斂,明列科防,俗爲之改。

公私; 耳, 何留慮?」答曰:「細不謹,況大事邪?」及疾篤,遺令:「三日斂,斂已卽葬,勿久留以黷 帝嘗登朝元閣賦詩,羣臣屬和,帝以豫詩最工,詔曰:「詩人之冠冕也。」 豫淸直亡欲,當官不爲勢權所撼。 貲不足,可賣居宅以終事。」卒,年六十九,贈江陵大都督,盜曰文。 性謹畏,與子弟、屬吏書,不作草字。 或曰:「此細事

弟晉,亦以文名當時。

父,太守不聽,固爭,卒原。 景雲初,姚崇取爲監察御史。 凡劾奏,常先風教,號善職。 第,以拔萃調蒲州司法參軍。 曰:「朕母子如初,卿豫有力焉,方不次待爾。」澣辭母老不忍遠離,賞而罷。 中宗在廬陵、澣上言請抑諸武、迎太子東宮、不報。 齊澣字洗心,定州義豐人。少開敏,年十四,見特進李嶠,嶠稱有王佐才。 有父子連坐論死者, 澣曰:「條落則本枯, 奈何俱死? 及太子還,武后召澣宴同明殿,諭 聖曆初,及進士 」議貸其

將 不恭。」幷劾談「神昏形滓,挾邪以罔上。 淫,男女不得姓氏。夫告神慢,事主不忠,家不治,有是三罪,不可不寘之法。」談由是下除 祠 太廟,刑部尚書裴談攝太尉,先告。 神龍時,事武三思,陷敬暉,沒其家以獲進。

汾州刺史。

民頌 爲相,它日問曰:「吾不敢冀房、杜,比爾日諸公云何?」|澣日:「不如。」|璟請故,答曰:「前時 日 之、時號「解事舍人」。數諷崇年老宜避位。時宋璟在廣州, 彌數十里。 近郊戶三百以爲困,今不百戶,是以知之。」馬懷素等緒次四庫書,表濟爲副,改祕書少監。 賜帛二千匹。 出爲汴州刺史,地當舟車湊集,事浩繁,前刺史數不稱職,唯倪若水與澣以淸毅聞,吏 開元初,姚崇復相,用爲給事中、中書舍人。論駁及誥詔皆援準古誼,朝廷大政必咨 |玄宗封||太山,歷||汴、||宋、||許,車騎數萬,王公妃主四夷君長馬、 ||澣列 長棚,帟幕聯亙,上食凡千輿,納筦鑰,身進膳,帝以爲 因勸崇舉自代,崇用其謀。璟 知禮,喜甚,爲留三 橐駝亦數萬,所頓

是時,開府王毛仲寵甚,與龍武將軍葛福順相婚嫁,毛仲奏請無不從。澣乘間曰:「福順

管奏事,帝指政事堂曰:「非卿尙誰居者。」

李元紘、杜暹當國,表宋璟爲吏部尙書,澣

列傳

及蘇晉爲侍郎,世謂臺選。

中書令張說擇丞轄,以王丘爲左,澣爲右。

典兵馬, 躁無行, 帝嘉納, 備禁中驅使,腹心所委,何必毛仲哉?」又言:「君不密失臣,臣不密失身,惟陛下密此言。」 郭稟皆流放 察素姦佻,遽言狀。 與毛仲爲婚家,小人寵極則姦生,不預圖,且有後患。 且勞曰:「卿第出, 常游太平門者,詎不知邪?」擀免冠頓首謝,貶高州良德丞,察再貶皇化尉, ,我徐計其宜。」會大理丞麻察坐事,出爲興州別駕, 帝怒,召濟入殿中曰:「卿向疑朕不密,而反告察,謂何?且察輕 高力士小心謹畏,加宦 澣往 钱, 因道

伊婁埭 舟多敗溺。 久之,澣徙索盧 ,

官征其入

,

招還流人五百戶 澣徙漕路繇京口 丞、郴州長史、濠常二州刺史。 埭, 治伊婁渠以達揚子, ,,置 明州以安輯之。 遷潤州,州北距瓜步沙尾,紆匯六十里, 歳無 復徙汴州 覆舟, 減 運) 錢數 十萬。 叉立

連澣 財遺 卒,年七十二。 與澣家居,杖屨經過不 謝貴幸。 詔 | 矜澣老,放歸田 納劉戒 肅宗時,錄林甫所陷者,皆褒洗,故濟贈禮部尚書。 (女爲妾, 不答其妻。 ·缺日 里。 ,林甫畏之,乃用澣爲平陽太守, 天寶初, 更倚力士助,得爲兩道採訪使, 召爲太子 李林甫惡其行, 少詹事 留 欲擠 司 東都。 離其謀。 而廢之。 興利以中·天子意, 嚴挺之亦爲 更以黃老淸靜爲治, 會其幕 林甫 府 坐 一臟,事 所 夏貨

昇妻鄭父遠,嘗納錢五百萬,以女易官。武后重元忠舊臣,欲榮其姻對,授遠河內令,子洛州 察者,河東人,由明經第五遷殿中侍御史。 魏元忠子昇死節愍太子難,而元忠繫大理,

參軍。 元忠下獄,遣人絕婚,許之。 明日,嫁其女。 察劾遠敗風教, 請錮終身,遠遂廢。

|澣孫抗。

時謂察爲公,而終以憸險斥云。

部 史。歷蘇州,徙潭州觀察使,召爲給事中,遷河南尹,進太常卿,以中書侍郞同中書門下平 部員外郎。 文雅,從鎰鎭江西。 说即中, 抗字遐舉,少值天寶亂, 斡鹽利。 蕭復引爲江淮宣慰判官。 俄爲水陸運副使,護漕江淮,給京師。 及以宰相領鳳翔,奏署監察御史。李楚琳亂,奔奉天,授侍御史,遷 奉母夫人隱會稽。 德宗自梁、洋還,財用大屈,鹽鐵使元<u>秀</u>薦抗材,改倉 壽州刺史張鎰辟署幕府。 歷諫議大夫,坐小累,爲處州刺 抗吏事閑敏, 有

贈戶部尚書、諡曰成 抗無遠謀大略,雖用心至精,末乃滋彰苛刻。 以病乞身,罷爲太子賓客。 卒, 年六十

五

初, 吏部歲考書言,以它官第上下,中書、門下遣官覆實,以爲常。 抗以尚書、侍郎皆大

列

傳第

Ŧī.

罷之。又省州別駕、田曹司田官、判司雙曹者,減中書吏員。此其稍近治者云。 臣選,今更覆覈,非任人勿疑之道。 禮部侍郞試貢士,其姻舊悉試考功,謂之「別頭」,皆奏

四四十二

唐書卷一百二十九

列傳第五十四

裴守眞 子餘 行立 崔沔 盧從愿 李朝隱 王丘

嚴挺之 武 綬 澈

裴守真,絳州稷山人,後魏冀州刺史叔業六世孫。 父睿,隋大業中爲淮安司戶參軍。 郡

法。 人楊琳、田瓚等亂,劫吏多死,唯斉以仁愛故,賊約其屬無敢害,護送還鄉。 永淳初,關中旱,悉稟祿奉姊及諸甥,與妻息惡食不贍也。 守眞早孤,母喪,哀毀癯盡。舉進士,六科連中,累調乾封尉。 養寡妨謹甚,士推其禮

前明十五刻, 奏:「古者郊祀天地,天子自射牲。」漢武帝封太山,令侍中儒者射之,帝不 授太常博士。守眞善容典,時謂才稱其官。高宗將封嵩山, 宰人鸞刀割牲,質明行事,毛血已具,天子至,奠玉酌獻而已。 詔諸儒議射牲事。 親也。 今若前祀 今按禮, 守眞

第五十四 裴守真

列傳

慶善二樂舞入,帝常立以視,須樂闋乃坐。 守眞與博士韋叔夏、輔抱素等討按故事,稱情爲文,咸適所宜,時人服其得禮。 日 射性,則早於事 化育詒庇,孰非厥功,不應鼓舞別申嚴奉。」詔可,未及行。會帝崩,大行舊禮無在者, `,及日,則晚不逮事。 漢又天子不親,古今異宜,恐不可行。」是時,破陣、 '守眞丼言:「二舞誠祖宗盛德,然古無天子立觀

累成州刺史,政不務威嚴,吏民兩懷之。徙寧州,爰者千數,出境尙不止。 部尙書。 |天授中,爲司府丞,推覈詔獄,多裁恕,全免數十姓。 不合||武后旨,出爲||汴州司馬。 長安中卒,贈戶 遷

子子餘、耀卿、巨卿。 曾孫行立。 耀卿、巨卿別有傳。

顯,或問優劣於長史陳崇業,答曰:「蘭菊異芬,胡有廢者?」 子餘事繼母爲聞孝,中明經,補鄂尉。 時同舍李朝隱、程行諶以文法稱,而子餘以儒

充賜口。 景龍中,爲左臺監察御史。涇、岐有隋世番戶子孫數千家,司農卿趙履温奏籍爲奴婢, 子餘曰:「官戶以恩原爲番戶,且今又子孫,可抑爲賤乎?」履温倚宗楚客勢,辯于

廷,子餘執對不撓,遂韷其議。

開元初, 累遷冀州刺史, 爲政惠裕,人稱有恩。 入爲岐王府長史。 卒, 溢日 孝。

程行諶諡貞。 中書令張說歎曰:「二諡可無媿矣!」子餘居官淸、家闈友愛,兄弟六人,皆有

志行云。

行立重然諾,學兵有法。母亡,泣血幾毀。 以軍勞累授沁州刺史,遷衞尉少卿。 口陳

願治民,試一縣自效,除河東令,寬猛時當。

爲安南都護。銳於立功,爲時所訾。召還,道卒,年四十七,贈右散騎常侍。 更爲擇良子弟以代,於是威聲風行。徙桂管觀察使。黃家洞賊叛,行立討平之。俄代桂仲武 召之,約曰:「軍法,踰日者斬,異時復然,爾且死!」後廷芝踰期,行立笞殺之,以尸還范氏, 借,暴恣干治,行立陰把其罪,貸之,許自效,故能得英策死力。」廷芝嘗休沐,久不還,行立 杜英策討斬之,歸其孥,蠻人悅服。 繇蘄州刺史遷安南經略使。 環王國叛人李樂山謀廢其君,來乞兵,行立不受,命部將 英策及范廷芝者,皆谿洞豪也,隸于軍,它經略使多假

篇孝,有才章。 擢進士。 舉賢良方正高第,不中者誦訾之,武后敕有司覆試,對益工,遂爲第 崔沔字善沖,京兆長安人,後周隴州刺史士約四世孫,自博陵徙焉。純謹無二言,事親

傳第五

十四四

崔沔

再補陸渾主簿,入調吏部,侍郎岑羲歎曰:「君今郤詵也!」薦爲左補闕。 性舒遲,進止

雅如也,當官則正言,不可得而詘。

客,招賄賂。河將按劾,崇、懷愼方執政,共薦沔有史才,轉著作郞,去其權,蓋憚之也。久 豈以存亡變禮邪?」中書令張說數稱之。 服除,遷中書侍郞。 之,爲太子左庶子。母亡,受弔廬前,賓客未嘗至柩室。語人曰:「平生非至親不升堂入謁, <u>賑貧乏,人賴其利。 監察御史宋宣遠與盧懷愼姻家, 恃以弄法; 姚崇子彝留司東都,</u> 處士李喜以代已處。詔改虞部郞中,俄檢校御史中丞。請發太倉粟及滅苑囿鳥獸所給以 睿宗召授中書舍人,以母病東都不忍去,固辭求侍,更表陸渾尉郭隣、太樂丞封希顏、 通賓

史。 職,上下相維,以成至治,豈可俛首懷祿邪?」凡詔敕曹事,多所異同,說不悅,出爲魏州刺 雨潦敗稼,沔弛禁便人。召還,分掌吏部十銓,以左散騎常侍爲集賢脩撰,歷祕書監、 玄宗以仙州數喪刺史,欲廢之,沔請治舞陽,舞陽,故樊噲國也,更爲樊州,帝不納,州 沔既喜論得失,或曰:「今中書宰相承制,雖侍郞貳之,取充位而已。」沔曰:「百官分

舅小功,堂姨若舅、舅母祖免。 是時, 太常議加宗廟箋豆,又欲增喪服,於是卿韋縚請坐增箋豆至十二,外祖服大功, 沔曰:「祭祀上矣,古者飮食必先嚴獻。 未有火化,故有毛血

丹桓宮之楹,刻其桷,春秋非之。班固稱:『墨家出於淸廟,是以貴儉。』然淸廟不奢,舊矣。 羹,古食也,盛於古器。 也。 而用古器者,繇古質而今文,便事也。故加籩豆未足盡天下美物,而措諸廟,徒近侈耳。 禮饌具設,周制也,古物存焉。 周時饌,其用通宴饗賓客,而周公與毛血、玄酒同薦於先祖。晉盧諶家祭禮,所薦皆晉時常 食,不純用古。 無以加矣。 神道主敬,可備而不敢廢也,雖曰備物,而節制存焉。 有新必薦,順時令也。 ,未有麴糵,故有玄酒之奠。 此聖賢變文而通其情也。 諸珍羞鮮物,弟敕有司悉使著于令,因宜而薦,不必加籩豆以爲嗛也。大 。和羹,常饌也,盛於時器。毛血盛於盤,玄酒盛於尊。未有薦時饌 苑囿躬稼所收,蒐狩親中,莫不薦而後食,盡誠敬也。 園寢上食,時膳備列,漢法也,它珍極焉。 後王作爲酒醴、犧牲以致馨香,故有三牲、八簋、五齊、九 然當時飲食不可闕於祭,明矣。 **釿**俎、箋豆、簠簋、尊罍之實,皆 職貢來祭,致遠物 國家淸廟時享, 若此

古不易之道也。 家不可以貳,故父以尊崇,母以厭降。 則非禮,自有司之陋也。隨失制宜,不待議而革云。」又言:「禮本於家正,家正 又太常言:「爵小不及合,執持至難。」沔曰:「禮有以小爲貴者,獻以爵是也。 然今不及 昔|辛有適|伊川,見被髮而祭,知其將戎,禮先亡也。 是以內服齊斬,外服總,尊名所加,不過一等,今 比制唐禮 推廣舅恩, 而天下

太常所請,臣所未安。」

511

第五

十四四

猪沔

虛

從

愿

禮部員外郞楊仲昌、監門兵曹參軍劉秩等議與沔合, 故弘道以來,國命再移於外姓,本禮驗亡,可不戒哉! 一」時職方郞中韋述、戶部郞中陽伯成、 又詔中書門下參裁,於是宗廟籩豆坐

各六,姨若舅小功,舅母緦麻,堂姨袒冤,餘仍舊制

隨散宗族,不治居宅, 嘗作陋室銘以見志。子祐甫至宰相, 別傳。 每朝廷有疑議,皆咨逮取衷。卒,年六十七,贈禮部尚書,諡曰孝。 沔儉約自持, 禄稟

明經,爲夏尉。又舉制科高第,拜右拾遺,遷監察御史,爲山南黜陟巡撫使,還奏稱旨,進累 盧從愿字子龔。六世祖昶,仕後魏爲度支尚書,自范陽徙臨潭,故從愿爲臨潭人。擢

中書舍人。

高宗時, 遺,銓總六年,以平允聞。 睿宗立, 拜吏部侍郎。 吏部 號稱職者裴行儉、馬載,及是,從愿與李朝隱爲有名,故號「前有裴、馬,後有 帝異之,特官其一子。從愿請贈其父敬一爲鄭州長史,制可。 吏選自中宗後綱紀耗蕩,從愿精力于官,**偽牒詭功,擿檢無所**

開元四年, 玄宗悉召縣令策於廷, 考下第者罷之。 從愿坐擬選失實,下遷豫州刺史。 盧、李」。

去之。 御史鄭愔請誅之, 朝隱獨以「不經鞫實,不宜輕用法」,忤旨, 貶嶺南醜地。 爲東都留守,坐子起居郞論輸糴于官取利多,貶絳州刺史,遷太子賓客。二十年, 李嶠言於中宗曰:「朝隱素淸正,一日遠逐,恐駭天下。」帝更以爲聞喜令。 益州大都督,諡曰文。 殖產,占良田數百頃」,帝自此薄之,目爲多田翁。 後欲用爲相屢矣,卒以是止。 工部尙書留守東都,代韋抗爲刑部尙書。數充校考使,升退詳確 政 韶爲宣撫處置使,發倉廥賑飢民。使還,乞骸骨,授吏部尙書致仕,給全祿終身。卒,贈 《嚴簡,奏課爲天下第一,寶書勞問, 朝隱執罷千四百員,怨誹讙騰,朝隱胖然無避屈。 遷侍御史、吏部員外郞。時政出權幸,不關兩省而內授官,但斜封其狀付中書,卽宣所 李朝隱字光國,京兆三原人。明法中第,調臨汾尉,擢至大理丞。武三思構五王,而侍 御史中丞宇文融方用事,將以括田戶功爲上下考,從愿不許,融恨之,乃密白「從愿盛 睿宗: 嘉歎,後御承天門,對百官及朝集使褒諭其能,使徧聞之。進太中大夫一階,賜 賜絹 百匹。 召爲工部侍郎,遷尙書左丞、中書侍郎,以 遷長安令,宦官閭興貴有所干請,曳 宰相韋巨源、 十八年,復 河北飢

列傳

第五十四

李朝醫

四四七

河南 子官。 爲執 中上考、絹百 尹 政所擠,出通州都督,徙絳州刺史。 ,政嚴淸,姦人不容息。 久之,以策縣令有下第,降滑州 匹,以旌剛烈。 成安公主奪民園,不酬直,朝隱取主奴杖之,由是權豪斂伏。 太子舅趙常奴怙勢橫閭里,朝隱曰:「此不繩,不可爲政。」執 刺史,徙同州。 開元初,遷吏部侍郎,銓敍明審,與盧從愿並授一 玄宗東幸,召見慰勞,賜以衣、帛。 擢

而搒辱之,帝賜書慰勉。

寂 之;條別輕重,有司當守。 音,杖者聽減,流者給程,豈一景仙獨過常法?」有韶決杖百,流嶺 死比,藉當死坐,猶將宥之,使私廟之祀無餒 有國功, 入爲大理卿。 載初時,家爲酷吏所破,誅夷略盡,而景仙獨存,且承嫡,於法當請。 武彊令裴景仙丐贓五千匹,亡命,帝怒, 且贓惟枉法抵死,今丐贓即斬,後有枉法,亦又何加? 魂可也。」帝不許,固請曰:「生殺之柄, 詔殺之。 南。 朝隱曰:「景仙, 又丐乞贓無 且 近發德 人主專 其先

爲御史大夫。 孝,自致毁瘠,士人以爲難。明年,詔書敦遣楊州就職。 由是名少衰。 朝隱更授岐州刺史,母喪解。 進太常卿,出爲嶺南採訪處置使,兼判廣州。 天下以其有素望,每大夫缺,冀朝隱得之。 召爲揚州大都督府長史,固辭, 還爲大理卿, 及居職, 卒於官,贈吏部尙書,官給車槥 見聽。 不爭引大體,惟先細務, 封金城伯,代崔隱甫 時年已衰,而篤于

北還, 諡曰貞。

列傳第五十四 王丘 嚴挺之

獨屬文、繇是知名。及冠、舉制科中第,授奉禮郎。 王丘字仲山,同畯從子也。父同睡,終太子左庶子。 氣象淸古,行脩絜,於詞賦尤高。 丘十一擢童子科,它童皆專經,而 族人

方慶及魏元忠更薦之,自偃師主簿擢監察御史。

張晉明、進士王泠然,皆一時茂秀。 久之,爲黃門侍郎。 滿百,議者謂自武后至是數十年, 采錄精明無丘比。 其後席豫、嚴挺之亦有稱,然出丘下。 遷紫微舍人、東部侍郎,典選,復號平允。其獎用如山陰尉孫逖、桃林尉張鏡微、湖城尉 開元初,遷考功員外郎。 考功異時多請託,進者濫冒,歲數百人。丘務覈實材,登科纔

改太子賓客,襲父封。以疾徙禮部尙書,致仕。 選,改尙書左丞,以父喪解。 與當國,丘固辭,盛推韓休行能。及休秉政,薦爲御史大夫。 始。」乃以丘與中書侍郎崔沔等並爲山東刺史。而丘守懷州,尤清嚴,爲下畏慕。入知吏部 夕惕,無忘一日。今長吏或未稱,蒼生謂何?深思循良,以革頹敝,宜重刺史之選,自朝廷 會山東旱飢,議以中朝臣爲刺史,制詔:「皋陶稱:『在知人,在安民。』皆念存邦本,乾乾 服除,爲右散騎常侍,仍知制誥。 丘訥於言, 所白奏帝多不喜, 裴光庭卒,蕭嵩與丘善,將引

謂有古人節,下制給全祿以旌絜吏。 丘 更履 華劇,而所守淸約,未嘗通饋遺,室宅童騎敝陋,旣老,藥餌不自給。 天寶二年卒,贈荆州大都督,諡曰文。 帝歎之,以

號材吏。 嚴挺之名浚,以字行,華州華陰人。少好學,姿質軒秀。 姚崇爲州刺史,異之。崇執政,引爲右拾遺。 舉進士,并擢制科,調義興尉,

而反遺之患。」乃陳「五不可」,誠意忠到,帝納焉。 跛倚,下人罷劇,府縣里閻課賦苛嚴,呼嗟道路,貿壞家產,營百戲,擾方春之業,欲同其樂 合醵爲歡也,不使靡敝。今暴衣冠,羅伎樂,雜鄭、衞之音,縱倡優之玩,不深戒愼,使有司 元年酺,帝御延喜、安福門縱觀,晝夜不息,閱月未止。」挺之上疏諫,以爲:「酺者因人所利, 睿宗好音律,每聽忘倦。先天二年正月望夜,胡人婆陁請然百千燈,因弛門禁,又追賜

元紘屢詰譙, 開元 侍御史任正名恃風憲,至廷中責詈衣冠,挺之讓其不敬,反爲所劾,貶萬州員外參軍 **暹善挺之,而元紘善宋遙,** 中,爲考功員外郎,累進給事中, 挺之厲言曰:「公位相國, 用爲中書舍人。 而愛憎反任小人乎?」 元紘曰:「小人爲誰?」 曰: 典貢舉, 時號平允。 遙校吏部 判, 會杜暹、李元紘爲相, 取捨與挺之異, 言於元紘,

「宋遙也。」繇是出爲登州刺史,改太原少尹。

以毛仲寵幸,久恐有變,密啓於帝。俄改濮、汴二州刺史,所治皆嚴威,吏至重足脅息。會 毛仲敗死,帝以挺之言忠,召爲刑部侍郎,遷太府卿 初,殿中監王毛仲持節抵太原、朔方籍兵馬,後累年,仍移太原取兵仗,挺之不肯應,且

輔政,使往謁林甫,挺之負正,陋其爲人,凡三年,非公事不造也,林甫益怨。會挺之有所諉 於蔚州刺史王元琰,林甫使人暴其語禁中,下除洺州刺史,徙絳州 諂事之,內實不善也。 戶部侍郎<u>蕭</u>炅,林甫所引,不知書,嘗與<u>挺之言,稱「蒸嘗伏臘」乃爲</u> 「伏獵」。挺之白九齡:「省中而有伏獵侍郞乎!」乃出艮岐州刺史,|林甫恨之。 宰相張九齡雅知之,用爲尙書左丞,知吏部選。李林甫與九齡同輔政,以九齡方得君, 九齡欲引以

外詹事,韶歸東都。挺之鬱鬱成疾,乃自爲文誌墓,遺令薄葬,斂以時服。 曲,且許美官,因曰:「天子視絳州厚,要當以事自解歸,得見上,且大用。」因給挺之使稱疾, 願就醫京師。 天寶初,帝顧林甫曰:「嚴挺之安在?此其材可用。」林甫退召其弟損之與道舊,諄諄款 林甫已得奏,即言挺之春秋高,有疾,幸閑官得自養。帝恨吒久之,乃以爲員

善,議卒,衰服送其喪,已乃自葬於其塔左,君子以爲偏。子武。 挺之重交游,許與生死不易,嫁故人孤女數十人,當時重之。 然溺志于佛,與浮屠惠義

列

義,以蔭調太原府參軍事,累遷殿中侍御史。 故。 薄妻者,兒故殺之,非戲也。」父奇之,曰:「眞嚴挺之子! 武奮然以鐵鎚就英寢,碎其首。左右驚白挺之曰:「郎戲殺英。」武辭曰:「安有大臣厚 武字季鷹。 幼豪爽。 母裴不爲挺之所答,獨厚其妾英。 」然數禁敕。 武始八歲, 怪問其母,母語之 武讀書不甚究其

尙書。 成都尹、劍南節度使。 長安,拜京兆少尹。 厚相結, 從玄宗入蜀,擢諫議大夫。 求宰相不遂,復節度劍南。 坐琯事眨巴州刺史。久之,遷東川節度使。上皇合劍南爲一道, 還,拜京兆尹,爲二聖山陵橋道使,封鄭國公。 至德初,赴肅宗行在,房琯以其名臣子,薦爲給事中。 破吐蕃七萬衆于當狗城, **遂收鹽川。** 遷黃門侍郎。 加檢 校 與元載 擢武 吏部

卒,母哭,且曰:「而今而後,吾知冤爲官婢矣。」年四十,贈尙書左僕射。 武慢倨不爲禮。 然虜亦不敢近境。 武在蜀頗放肆,用度無藝,或一言之悅,賞至百萬。 最厚杜甫,然欲殺甫數矣。李白爲獨道難者,乃爲房與杜危之也。 |梓州刺史|章彝始爲|武判官,因小忿殺之。|琯以故宰相爲巡內刺史, **蜀雖號富饒,而峻掊亟斂,閭里爲** 永泰初

侍 御 挺之從孫綬。綬父丹,嘗爲劍南鹽鐵、靑苗、租庸使,以武在閩,辭不拜。綬擢 召爲刑部員外郞。 進士第,以 賓佐進

由 授始 史副劉贊爲宣歙團練使。 贊卒, 經總留事, 悉庫物以獻,

死, [儋卒,即檢校工部尚書,代其使。 進 不可失威,請必誅。」選銳兵,遣大將李光顏助討賊。二賊平,檢校尙書左僕射,封扶風郡公, 在會,聞金鼓震伏。 不它命,即用軍司馬代之,以和厭衆情。 空。 河東節度使李說病, 在鎭九年, **尙寬惠,治稱流聞,** 入爲尙書右僕射。 軍司馬鄭儋總其政, 憲宗立,楊惠琳反夏州,劉闢 士馬孳息。 至是,帝頗憶綬所獻,故擢爲 說卒,代爲節度。 嘗大閱,旗幟周七十里,回鶻梅錄將軍 反獨,經建言:「天子始即位, 時德宗務姑息, 河東 司 馬。 方鎭若帥 明年,

賜含桃 綬旣名胄,於吏事有方略,然銳進趣, 綬見拜之, 爲御史劾奏, 緩慚懼待罪, 素議薄之。 韶釋綬而貶中人。 始就廊下食, 出爲荆南節度使, 在百官上, 帝使中人 封

鄭國公。

壓賊境,多出金帛賞士,以厚路謝中人,招聲援,旣未有以制賊,閉屯彌年不戰。 羣蠻悉降。 激州蠻張伯靖殺吏,據辰、錦州,連九洞自固,詔綬進討。 吳元濟反,愈以綬明恕可大事,乃徙山南東道節度使, 一般勒兵出次, 遣將齎傲開曉, 加准西招撫使。 宰相裴度 綬引師

列

第

五十四

鼢

挺之

謂綬非將才,以太子少保召還,檢校司徒,判光祿卿事,進少傅。 卒,年七十七,贈太保。

達至,戒客勿起,讓曰:「吾昔羇旅圓鄕,君方召客食而不顧我,今我召客亦不敢留君。」達 達不禮,方飯它客,不召綬。後達罷彭城令,過丼州,晨入謁,不知綬也。 一般才不踰中人,然歷三鎮,所奏辟及一段時位將相者九人。初,一般未顯,過于圓鄉尉李達, 綬方大宴賓客,召

慚,不得去,左右引出,悸而瘖,臥館數月,其佐令狐楚爲請,乃免。

實,次鳴砂,焚殺其將楊遵憲而還。進賢大怒,衆懼,因燔城門,攻進賢,左右拒戰不勝,縋 而去,奔靖邊軍。 辟綬子瀓爲判官。 河東李進賢者,善畜牧,家高貲,得幸於綬,署牙門將。 元和中,進賢累爲振武節度使, 乃殺澈而屠進賢家。詔以夏綏銀節度使張煦代之,誅亂首數百人乃定。 澈年少,治苛刻,軍中苦之。回鶻入辟鵜泉,進賢發兵討之,吏稟糧不

唐書卷一百三十

列傳第五十五

裴漼 寬 醑 胄 陽嶠 宋慶禮 楊瑒 崔隱甫 李尚隱

解琬

陳留主簿,遷監察御史。 有惠政, 更刻石頌美。 以倉部郎中病廢。 濯侍疾十餘年,不肯仕。 琰之沒,始擢明經, 筆詞勁妙。 李崇義內輕之,鐫論曰:「同,三輔,吏事繁,子盍求便官?毋留此!」琰之唯唯。吏白積案數 百,崇義讓使趣斷,琰之曰:「何至逼人?」乃命吏連紙進筆爲省決,一日畢,旣與奪當理,而 斐 漼, 崇義驚曰:「子何自晦,成吾過耶?」由是名動一州,號「霹靂手」。 絳州聞喜著姓。 、 父琰之, 永徽中爲同州司戶參軍, 年甚少,不主曹務, 後爲永年令, 刺史

時崔湜、鄭愔典吏部,坐姦贓,爲李尙隱所劾,詔濯按訊,而安樂公主、上官昭容爲阿 列 傳 第 五十五 袭 凗 四四八七

侍郎。 常應也。今自多徂春,雨不時降,人心憔然,莫知所出,而土木方興,時暵之孽,職爲此發。 言:「春夏毋聚大衆,起大役,不可興土功,妨農事。若役使乖度,則有疾疫水旱之災,此天人 右, 灌執正其罪, 天下稱之。 木石,一切停止。有如農桑失時,戶口流散,雖寺觀營立,能救飢寒敝哉!」不報。遷兵部 臺;僖公二十一年夏,大旱,是時作南門。陛下以四方爲念,宜下明制,令二京營作、和市 今東作云始, 丁壯就功, 妨多益少, 飢寒有漸。 以銓總勞,特授一子官。開元五年,爲吏部侍郎,甄拔士爲多。拜御史大夫。 累進中書舍人。睿宗造金仙、玉眞二觀,時旱甚,役不止,濯上 春秋莊公三十一年冬,不雨,是時歲三築

而 晚節稍畜伎妾, 爲奢侈事, 議者以爲缺。改太子賓客。 卒, 贈禮部尙書, 謚曰懿。 漼 雅與張說善,說方宰相,數薦之,灌長於敷奏,天子亦自重焉,擢吏部尚書。 世儉素, 從祖

弟寬。

所 爲按察判官,許妻以女。歸語妻曰:「常求佳壻,今得矣。」明日,幃其族使觀之。寬時衣碧, 狀,答曰:「寬義 宜 歸,會休日登樓,見人於後圃有所瘞藏者,訪諸吏,曰:「參軍裝寬居也。」與偕來,詵問 寬性通敏,工騎射、彈棋、投壺,略通書記。景雲中,爲潤州參軍事。刺史韋詵有女,擇 不以包苴汙家,適有人以鹿爲餉,致而去,不敢自欺,故瘞之。」就嗟異,乃引

瘠 而 長, 旣入,族人皆笑,呼爲「碧鸛雀」。 酰日:「愛其女,必以爲賢公侯妻也,何可以貌求

人?」卒妻寬

徙河南 陳留 江淮 貴倖、 常 不奏。」中書令張說善之,請如寬議。遷刑部員外郎。萬騎將軍馬崇白日殺人,而 博士。 州 刺 太守拜范陽節度使。 運 舉拔萃,爲河南丞,遷長安尉。宇文融爲侍御史,括天下田,奏爲江東覆田 將鬻其獄, 尹 史何僧獻生口數十,寬悉歸之,故夷夏感附 列倉河陰,奏寬爲戶部侍郎自副。 禮部建言忌日享廟應用樂,寬自以情立議曰:「廟尊忌卑則作樂,廟 不屈附權貴, 寬固執不肯從。 河南大治。 時北平軍使烏 河西節度使蕭嵩 繇金吾大將軍授太原尹, 承恩, 遷吏部。 **虜**個也, 表爲判官, 出為蒲州 與中人通, 歷兵部侍郎。 刺 玄宗賦詩褒餞。 史, 州久旱, 數冒賄, 宰相 卑忌 寬以法繩治 寬入境輒 一判官。 王毛仲方以 天寶初, 拿則 裴耀卿領 改太 備 雨。 由

其遂相,又惡寬善李適之,乃漏寬語以激敦復,敦復任氣而疎, 寬 密白其妄。 於敦復, 自以他 載,用安祿山守范陽,召寬爲戶部尙書, 事繁臺, 即欲白發其言, 會河北部將入朝,盛譽寬政,且言華虜循思之,帝嗟賞,腃倚 寬捕按之,敦復謂寬求致其罪,遽以金五百兩路貴妃姊, 林甫趣之。 敦復未及聞,扈幸温泉宮。 兼御 史大夫。 裴敦復平海賊還, 以林甫 爲誠。 而其下裨將程藏曜 加厚。 先是, 因得事聞於 廣張功簿, 李林甫 寬以所 恐

四四八九

亦使 帝,由是貶寬睢陽太守。 太守,徙馮翊,入爲禮部尙書。卒,年七十五,贈太子太傅。 (過安陸,將怖殺寬,寬叩頭祈哀,稀爽乃去。 及韋堅獄起,寬復坐親,貶安陸別駕。 寬懼終見殺, 丐爲浮屠,不許。 林甫任羅希奭殺李適之也, 稍遷東海

爲首。然惑于佛,喜與桑門游,習誦其書,老彌篤云。子]醑。 有名稱,常擊鼓會飯。其爲政務淸簡,所莅人愛之,世皆冀其得宰相。 寬兄弟八人,皆擢明經,任臺、省、州刺史。 雅性友愛,於東都治第,八院相對, 天寶間稱舊德,以寬 甥姪亦

中,數燕見奏事。 者數百人。又嘗疏賊虛實於朝,事泄,思明恨駡,危死而免。賊平,除太子中允,遷考功郎 且聞諝名,遣捕騎跡獲之,喜甚,呼爲「郎君」,僞授御史中丞。 表署襄、鄧營田判官。 辭字士明, 擢明經,調河南參軍事。 母喪,居東都。會史思明亂,逃山谷間。 性通綽, 舉止不煩。 賊殘殺宗室,醑陰緩之,全活 累遷京兆倉曹參軍。號王巨 思明故爲寬將,德寬舊恩,

丞,爲元載沮却,故拜河東租庸、鹽鐵使。時關輔旱,醑入計,帝召至便殿,問權酤利歲出內 幾何,諝久不對。 |代宗幸陝,醑徒步挾考功南曹印赴行在,帝曰:「疾風知勁草,果可信。」將用爲御史中 帝復問,曰:「臣有所思。」帝曰:「何邪?」醑曰:「臣自河康來,涉三百里,

仁義而已,何以利爲?』故未敢卽對。」帝曰:「微公言,朕不聞此。」拜左司鄓中,數訪政事。 而農人愁歎,穀菽未種。

載忌之,出爲虔州刺史,歷饒、廬、亳三州,除右金吾將軍。

知。 醑列奏,帝謂不畏彊禦,善之。或曰:「尚父有社稷功,豈不爲庇之?」醑笑曰:「非君所 尙父方貴盛,上新卽位,必謂黨附者衆。今發其細過,以明不恃權耳。吾上以盡事君 德宗新卽位,以刑名治天下,百吏震服。 時大行將蔵陵事,禁屠殺,尚父郭子儀家奴宰

以寬厚和易爲治,不鞫人以贓。卒,年七十五,贈禮部尙書。 太子右庶子,進兵部侍郎,至河南尹、東都副留守。凡五世爲河南,醑視事未嘗敢當正處。 之道,下以安大臣,不亦可乎?」 枉,延直言。今詭猾之人,輕動天聽,爭纖微,若然者,安用吏治乎?」帝然之,於是悉歸有
 請惡法吏舞文,或挾宿怨爲重輕,因獻獄官箴以諷。坐所善誅,貶閬州司馬。俄召爲
 時朝堂別置三司決庶獄,辨爭者輒擊登聞鼓。 醑上疏曰:「諫鼓、謗木之設,所以達幽

陳少游,抱玉怒,劾貶桐廬尉。 寬弟子胄, 字胤叔, 擢明經、 時李栖筠觀察浙西,幕府皆一時高選。 佐李抱玉鳳翔幕府。 不得意,謝歸, 判官許鳴謙名知人, 更從宣歙觀察使

列傳第五十

五

袭

凗

陽

艦

見崔造及胄,器之,白栖筠取胄爲支使。

察使。 **德宗雅記**胄才,遂拜荆南節度使。 惡。 贓,炎遣員寓蔓劾峭詆,貶汀州司馬。 誅,始拜刑部員外郎,遷宣州刺史。 會栖筠卒,胄護喪歸洛陽,人爲危之,胄屹然不沮惴。少游復表爲淮南觀察判官。 代宗惡宰相元載怙權,召栖筠為御史大夫,欲以相,栖筠引胄殿中侍御史,尤為載所 初,李兼嘗罷南昌卒千餘人,收資稟爲月進,胄白罷之。 楊炎當國,爲載復讎,窮摭所惡。 稍遷京兆少尹,以父名不拜,換國子司業。 樊澤徙襄州, 會胃部 人積冑雜奉為 宰相議所代, 遷江西觀 載

之, 膚亦劾斥其管記, 世恨胄之流于俗。卒, 年七十五, 贈尙書右僕射, 諡曰成。 獻餉直不數金,宴勞止三爵。是時武臣多粗暴庸人,待賓介不以禮,少失意,則以罪中傷 是時,方鎭爭剝下希恩,製重錦異綾,名貢奉,有中使者,卽悉公帑市歡。 **胄待之有節**

其意不樂彈抨事,爲語彥範,彥範曰:「爲官擇人,豈待情樂乎?唯不樂者固與之,以伸難 累遷詹事 陽嶠,其先北平人,世徙洛陽,北齊尚書右僕射休之四世孫。 司直。 長安中,左右御史中丞桓彦範、袁恕己爭取爲御史。 舉八科皆中, 楊再思素與嶠善, 調將陵尉, 知

進、抑躁求也。」遂爲右臺侍御史。 久乃遷國子司業。 **嶠資蓮飭好學,喜誘勸後生、脩講舍,**

人以爲善職

荆州 長史、本道按察使,率以清白聞。 睿宗立, 進尙書右丞。 時議建都督府, 魏州人剺耳闕下,請嶠爲刺史,故再治魏。 擇最更,故嶠爲涇州都督。 議罷, 歷 魏州 刺史、

祭酒,封北平縣伯。

夜殿 尉耳。」以老致仕。 嬌道中,事 引尹知章、范行 聞、韶捕 ·恭、趙玄默爲學官,皆名儒冠云。 卒,諡曰敬。 毆者殺之。 嶠撫孤姪與子均,常語人曰:「吾備位方伯,而心亦昔時 生徒游惰者至督以鞭楚,人怨之,乘

使。 振 五 仇相 五 回等路,以支突厥 州首領更相掠,民苦于兵,使者 善騎, 宋慶禮,洺州永年人行。 親,州土以安, 日 能 記馳數百 ,召慶禮與議, 罷戍卒五千。 里。 性甘於勞苦,然好興作,濱塞掘穽植兵, 擢明經,補衞尉。 見其 至,輒苦瘴癘,莫敢往。 歷監察、殿中侍御史。 方略,器之。 武后韶侍御史桓彦範行 俄 遷大理評事,爲嶺南採訪使。 以習識 慶禮身到其境,諭首 邊事, 以邀虜徑, 拜河 河北, 東、 議者蚩其不 鄣斷 領大誼、皆 河北 時崖、 居庸、 營田

列傳

第

五

十五

宋

慶

醴

閯

瑒

切事。稍遷具州刺史,復爲河北支度營田使。

漁陽城。 拔漁陽、淄靑沒戶還舊田宅,又集商胡立邸肆。 子詹事姜師度、左驍衞將軍邵宏等爲使,築裁三旬畢。 初,營州都督府治柳城,扼制奚、契丹。武后時,趙文翽失兩蕃情,攻殘其府, 玄宗時,奚、契丹款附,帝欲復治故城,宋璟固爭不可,獨慶禮執處其利,乃詔與太 不數年,倉廥充,居人蕃輯。 俄兼營州都督,開屯田八十餘所,追 更治東

兵彊衞,指期而往,不失所慮,遂罷海運,收歲儲,邊亭晏然。 其功可推,不當醜諡。」慶禮兄 子辭玉亦自詣闕訴。改諡曰樹。 「專」。禮部員外郞張九齡申駁曰:「慶禮國勞臣,在邊垂三十年。 往城營州,士纔數千,無甲 卒,贈工部尙書。 慶禮爲政嚴,少私,吏畏威不敢犯。 太常博士張星以好巧自是,諡曰

郡公。 興,遣其子琮招之,挈郡以來,授檢校總管,足疾不能造朝。 春郡公。 楊瑒字瑤光,華州華陰人。 五世祖縉爲陳中書舍人,名屬文,終夜、愛九州都督、武康 子林甫代領都督,隋滅陳,踰三年乃降,徙長安。林甫字儒卿,爲柳城太守,高祖 除字|孝璋,爲上津令。 會天下亂,去官,與秦王同里居。 帝以絳州寒凉,拜刺史,累封宜 武德初,爲王府參軍,

列傳第五十五 楊瑒

許,乃死。

庫直。 隱太子事平,詔親王、宰相一人入宴,而踪獨預,太宗賜懷昔賦,申以恩意。 歷沔、綏

二州刺 史。 姆饋孺子以餅,妻僞受而棄之垣外,人容其康。

場拒不應。 **瑒始爲麟游令,時竇懷貞大營金仙、玉眞二觀,檄取畿內嘗負逆人貲者,暴斂之以佐** 懷貞怒曰:「縣令而拒大夫命乎?」陽曰:「所論者民冤抑也, 位高下乎何

取?」懷貞壯其對,爲止。

赦罪人, 皆不改, 奚獨取已寬之人重斂其租?非所以保下之宜。」途止不課, 由是名顯 初,韋后表民二十二爲丁限,及敗,有司追趣其課,陽執不可,曰:「韋氏當國,擅擢士大

奏曰:「肅繩之司,一爲恐脅所屈,開姦人謀,則御史府可廢。」玄宗直之,令傑還視事, 擢累侍御史。 京兆尹崔日知貪沓不法,瑒與大夫李傑謀劾舉之,反爲日知先構。 場廷 而逐

上知

咨賞。於是|宇文|融建檢脫戶餘口,|暘執不便。|融方貴,公卿啽默唯唯,獨|暘抗議,故出爲 華州刺史。 **瑒進歷御史中丞、戶部侍郎。** 帝封太山,集樂工山下,居喪者亦在行。 帝嘗召宰相大臣議天下戶版延英殿, 陽謂起苴絰使和鍾律,非人情所堪,帝 **場言利病尤詳,帝**

明經,不質大義,乃取年頭、月尾、孤經、絕句,且今習春秋三家、儀禮者纔十二,恐諸家廢無 皇太子侍讀;履忠老不任職,拜朝散大夫罷歸;子路直弘文館。皆有名。陽奏:「有司帖試 任散官,遂著令。 日,請帖平文以存學家,其能通者稍加優宦,獎孤學。」從之,因詔以三家傳、儀禮出身者不 入爲國子 祭酒,表大儒王迥質、尹子路、白履忠等三人教授國子。 生徒爲瑒立頌太學門。 有韶迥質諫議大夫、

導,將有以用而勸進之。 有司為限約以黜退之,欲望俊乂在朝, 倍,胥史浮虛之徒,眊先王禮義,非得與服勤道業者挈長短、絕輕重也。 幾,然則學徒費官稟,而博士濫天祿者也。且以流外及諸色仕者歲二千,過明經、進士十 理卿,以疾辭,改左散騎常侍。卒,年六十八,贈戶部尚書,諡曰貞 班以品類,分以師長,三德四教,學成然後爵之。唐興,二監舉者千百數,當選者十之二,考 功覆校以第,謂經明行修,故無多少之限。今考功限天下明經、進士歲百人,二監之得無 又言:「古者卿大夫子弟及諸侯歲貢小學之異者入太學, 漸漬禮樂, 知朝廷君臣之序, 難矣。」帝然其言。 國家啓庠序, 廣化 再遷大

衰殺,無有違者。 **瑒常敷士大夫不能用古禮,因其家冠、婚、喪、祭,乃據舊典爲之節文,** 在官清白,吏請立石紀德,賜曰:「事益於人,書名史氏足矣。若碑頌者, 揖讓威儀,哭踊

徒遺後人作碇石耳。」

內供奉。浮屠惠範倚太平公主齊人子女,隱甫劾狀,反爲所擠,貶邛州司馬。 下,舊皆得顓事,無所 繫人。隱甫執故事,廢掘諸獄。 其後患囚往來或漏泄,復繫之廚院云。 臺中自監察御史而 累拜華州刺史、太原尹,入爲河南尹。居三歲,進拜御史大夫。 官。」再拜出,帝遽謝,與胡鶵,隱甫殺之,有詔貰死,不及矣。賜隱甫百縑 負罪匿禁中。帝以他事召隱甫,從容指曰:「就卿丐此人。」對曰:「陛下輕臣而重樂工,請解 粟之賌,上可供先公伏臘足矣。」位終司屬卿、安平縣男。 十篇,可教者輒遺之。 玄宗立, 擢汾州長史, 兼河東道支度營田使, 遷洛陽令。 棃園弟子胡鶵善笛, 有寵, 嘗 孫佺敗績于溪,擢隱甫幷州司馬護邊,會兄逸甫疾甚,未及行,詔責逗留,下除河南令。 崔隱甫, <u></u>陽伯父志操,頗剛簡,未遇時,著誤居賦自託,常曰:「得田十頃、僮婢十人,下有兄弟布 初,臺無獄,凡有囚則繫大理。 貞觀時,李乾祐爲大夫,始置獄,由是中丞、侍御史皆得 貝州武城人。隋散騎侍郎儦會孫。解褐左玉鈴衞兵曹參軍, 承諮。隱甫始一切令歸稟乃得行,有忤意輒劾正,多貶絀者,臺吏側 陽從父兄晏,精孝經學,常手寫數 遷殿中侍御史

列

第五

十五

崔隱甫

李尙躐

四四九七

目, 逮檢實,其暮皆訖,議者服其敏。 威名赫然。 帝嘗詔校外官歲考。異時必委曲參審,竟春未定。 ` 帝嘗謂曰:「卿爲大夫,天下以爲稱 職。」 隱甫 日會朝集使,詢

朋黨, 冤其官,使侍母。 張說當國,隱甫素惡之,乃與中丞宇文融、李林甫暴其過,不宜處位, 說賜罷; 然帝嫉 歲餘,復爲大夫。 遷刑部尚書,兼河南尹。 帝還京師, 即拜東都留

守,累封淸河郡公。

卒,贈益州大都督,諡曰忠。

其 材 隱甫終不詣。 ·不逮中人,可與之對耶?」隱甫所至絜介自守,明吏治,在職以彊正稱云。 始,帝欲相隱甫也,謂曰:「牛仙客可與語,卿常見否?」對曰:「未也。」帝曰:「可見之。」 他日又問,對如初。 帝乃不用。 子弟或問故,答曰:「吾不以其人微易之也,

不得相,彼亦各申其志也。 贊曰:嚴挺之拒宰相不肯見李林甫,崔隱甫違詔不屈牛仙客, 管夷吾以編棧諭之,信曲與直不相函哉! 信剛者乎!二人坐是皆

李尙隱,其先出趙郡,徙貫萬年。 年二十,舉明經,再調下邽主簿,州刺史姚珽說其能,

崔湜 伏誅, 爲申明,可乎?」因請行,果推雪其冤。 桐廬令李師旦二百餘家爲妖蠱,有詔御史覆驗,皆稱病不肯往。 事,尙隱與御史李懷讓顯劾其罪,湜等皆斥去。 、鄭愔典吏部選,附勢倖, 神龍 玄宗知尚隱方嚴, 中, 左臺中丞侯令德爲關內黜陟使, 繇定州司馬擢吏部員外郎,懷讓自河陽令拜兵部員外郎。 銓擬不平, 至逆用三年員闕, 是、愔復當路,乃出尙隱爲伊闕令,懷讓魏令。 睦州刺史馮昭泰性鷙刻,人憚其彊 尙隱佐之, 以最擢左臺監察御 材廉者軋不進, 尚隱日:「善良方蒙枉,不 俄而相 ,嘗誣繫 踵 於 知政 **湜**等

家告其罪, 懐照播州 懷照者, 尙隱以將作少監營橋陵,封高邑縣男。 ,自言母夢日入懷生己,鏤石著驗, 尚隱窮治, 再遷河南尹 具得姦贓, 無假借, 遂抵罪。 聞人馮待徵等助實其言。 未幾,進御史中丞。 進兵部侍郎。 御史王旭招權,稍不制, 俄出為蒲州 尙隱劾處妖妄, 刺 史。 浮屠 詔流 仇

蓨人,後歷給事中。

略無遺。 尙隱日:「吾自性分不 公,然國法須爾。」因賜雜綵百匹遣之。 **尙隱性剛亮,論議皆披心示誠,** 妖賊劉定高夜犯通洛門, 可易,非畏人知也。」 處事 尚隱坐不素覺, 遷廣州都督、五府經略使。 分明,御下不苛密。 左遷桂州都督。 尤詳練故實, 及還, 帝遣使勞曰:「知卿忠 前後制令, 人或袖金以贈 誦記

列

傳

第

五十五

李尚

戀

解

琬

思問流死嶺南。 代王丘爲御史大夫。 改尙隱太子詹事。不閱旬,進戶部尙書。 時司農卿陳思問引屬史多小人,乾隱錢穀, 前後更揚、益二州長史、東都 **尙隱按其違,贓累鉅**

留守,爵高邑伯。 開元二十八年,以太子賓客卒,年七十五,諡曰貞

尚隱三入御史府, 輒繩惡吏, 不以殘擊失名, 所發當也, 素議歸重。 仕官未嘗以過謫,

惟劾詆幸臣及坐小法左遷,復見用,以循吏終始云。

自開元二十二年置京畿採訪處置等使,用中丞盧奐爲之,尙隱以大夫不充使。 永泰以

後,大夫王翊、崔渙、李涵、崔寧、盧杷乃爲之。

史, 以喪免。 宗楚客惡之,左授滄州 安撫烏質 解琬,魏州元城人。舉幽素科,中之,調新政尉。後自成都丞奏事稱旨,躐除監察御史, 武后顧琬習邊事, 、勒及十姓部落,以功擢御史中丞, 刺史。 迫追西撫,羌夷, 爲政引大體,部 琬因乞終喪,后嘉許之,詔服除赴屯。 人順附。 兼北庭都護、西域安撫使。 琬與郭元振善, 遷侍御

利, 景龍 華虜安之。 中, 遷御 景雲二年, 史大夫,兼朔方行軍大總管。 復爲朔方軍大總管, 前後乘邊積二十年,大抵務農習戰,多爲長 分遣隨軍要籍官河陽丞張冠宗 肥鄉令

列 儜 第 五. + 五 校 勘

草景駿、 普安令于處忠料三城兵, 省其戍十萬人。 改右武衞大將 軍, **兼檢校晉州刺史、**

濟南縣男。

許,遷太子賓客。 請調兵十萬屯凑、潤間,防遏其姦。是冬,吐蕃果入寇,爲秦、渭兵擊走之。俄復請老,不 吐蕃騷邊,復召授左散騎常侍,詔與虜定經界,因諧輯十姓降戶。 以老丐骸骨,不待報輒去,優詔以金紫光祿大夫聽致仕,準品給全祿,璽書勞問。 年八十餘,開元五年,終同州刺史。 。晚建言吐蕃不可以信約,

校勘記

(二) 洺州永年人 縣有「永年」,無「永平」。舊書卷一八五下宋慶禮傳亦作「永年」。據改。 「永年」,各本原作「永平」。按本書及舊書卷三九地理志、元和志卷一五,洛州領

記

相

唐 書卷一百三十

列傳第五十六

宗室宰相

廓

福

留辭。 都邑, 治聞。 適之以祖被廢,而父象見逐武后時,葬有闕,至是丐陪瘗昭陵闕中, 玄宗患穀、洛歲暴耗徭力,韶適之以禁錢作三大防,日上陽、積翠、月陂,自是水不能患。 石著功, 詔永王璘書, 皇太子瑛署額。 進御史大夫。二十七年, 李適之,恆山愍王孫也,始名昌。 行道爲容歎。 按察使韓朝宗言諸朝,擢秦州都督。 李適之 李峴 遷刑部尙書。 李勉 適之喜賓客, 飲酒至斗餘不亂。 李夷簡 神龍初,擢左衞郎將。 徙陝州刺史、河南尹。 李程 李石 開元中, **無幽州長史**, 其政不苛細,爲下所便。 詔可。 夜宴娱, 遷累通州刺史,以辦 李回 褒册典物, 晝決事, 知節度事。

案無

焜照

刻

帝以 韋堅 林甫 帝喜以問林甫,對曰:「臣知之舊矣。 適之曰:「華山生金,采之可以富國,顧上未之知。」適之性疏, 林甫爲愛己, 累,貶宜春太守。 天寶元 所構得罪。 年,代牛 適之懼不自安,乃上宰政求散職,以太子少保罷, 而薄適之不親。於是,皇甫惟明、韋堅、裴寬、 仙客爲左相,累封清和縣公。 會御史羅希奭陰被詔殺堅等貶所,州縣震恐, 顧華山陛下本命,王氣之舍,不可以穿治,故不敢聞。」 嘗與李林甫爭權不協,林甫陰賊,即好謂 信其言,他日從容爲帝道之, 韓朝宗皆適之厚善, 欣然自以爲冤禍。 及過宜春, 適之懼, 仰 悉爲 俄坐

都督, 爲政得人心,時京師米翔貴,百姓乃相與謠曰:「欲粟賤,追李峴。」尋徙長沙。永王爲江陵大 得安岱、李方來等與祿山反狀,縊殺之。 供億以媚上,峴獨無所獻,帝異之。 李峴 假峴爲長史。 吳王恪孫也。 至德初, 折節下士,長吏治。 肅宗召之,拜扶風太守, 楊國忠使客騫昂、何盈擿安祿山陰事,諷京兆捕其第, 豫山怒,上書自言,帝懼變, 天寶時,累遷京兆尹。 棄御史大夫。 玄宗歲幸温湯,甸 出峴爲零陵太守。 明年,擢京兆尹, 岘

梁國公。

踰月, 帝 韶者引升堂,置榻待之。 權 欲專權耶? 乃云任

毛若虛

示無御史臺。

朕今出之,尚恨法太寬。」

擇木曰:「峴言直,不敢專 | 若虛簾中,頃,伯陽等至,劾| 若虛傅中人失有罪, 示無御史臺。」帝怒,李揆不敢爭,乃出,峴爲圖州刺史。時右散騎常侍韓擇木入對,帝曰:「峴 令謝夷甫殺之。輔國諷其妻使訴枉,詔監察御史孫**鎣鞫之,直夷甫**。 毛若虛覆按。 崔伯陽、 言其惡,帝悟,稍加檢制,輔國由是讓行軍 所。 代宗 陛下寬之,祗益盛德耳。 爲要近 還京,拜門下侍郞、同中書門下平章事。 刑部侍郞李曄、大理卿權獻爲三司訊之,無異辭。 立,改荆南 !譖短,遂失恩,罷爲太子詹事。 若虚委罪夷甫,言御史用法不端,伯陽怒, 節度,知江淮選補使。 **峴至,即敕吏撤榻。** ·司馬,然深銜峴。 入爲禮部尙書兼宗正卿。 遷吏部尙書,復知江淮選, 又奏常參官舉才任諫官、憲官者 故事,政事堂不接客。 帝怒叱之,貶伯陽高要尉、權獻杜陽尉,逐 欲質讓, 若虛馳入自歸帝, 帝留 妻不臣,輔國助之,乃令侍御史 鳳翔七馬坊押官盜掠人,天興 其妻又訴, 韶御史中丞 自元 乘興在陝,由商山 改檢校兵部尚書兼 載 爲相, ,無限員。 中人傳 不

最舊

「,事多獨決,, 諲等不平。 |李輔國用權,制詔或不出中書,

乾元二年,以中書侍郞同中書門下平章事。

於是呂諲、李揆、第五琦同輔政,而峴位望

百司莫敢覆。

|見頓首帝前,

十六 宗室宰相

列

傳

第

五

衢州刺史。卒年五十八。

砧,尙爲仁恕哉? |胡亂常,誰不**凌**汙,衣冠奔亡, **齪齪文**吏,操常議,不及大體, 尙騰頰固爭, 新之路而盡誅之,是堅叛者心,使爲賊致死。 文。幌時爲三司,獨曰:「法有首有從,情有重有輕,若一切論死,非陛下與天下惟 天子,峴力也 初,東京平,陳希烈等數百人待罪,議者將悉抵死,帝意亦欲懲天下,故崔器等附 書稱『殲厥渠魁,脅從罔治』。況河北殘孽劫服官吏,其人尙多, 各顧其生, 可盡責邪? 數日乃見聽。 困獸猶鬭,況數萬人乎?」於是,器與呂諲皆 陛下之親戚勳舊子若孫,一 衣冠蒙更生,賊亦不能使人歸怨 新意。 日皆 今不開自 致深 血 且羯

封公,而嶧爲戶部侍郎、銀青光祿大夫,同居長興里第,門列三戟 **峴兄峘、嶧。** 恒從上皇,見翊戴肅宗,以勳力相高,同時爲御史大夫,俱判臺事,又合制

爲益州都督,性簡貴,接部刺史倨甚,擇言守漢州,獨引同楊坐,講繹政事,名重當時 李勉字玄卿,鄭惠王元懿曾孫。父擇言,累爲州刺史,封安德郡公,以吏治稱。 張嘉貞

勉少喜學,內沈雅,外淸整。 始調開封尉,汴州水陸一都會,俗厖錯,號難治,勉摧姦決

歎者, 縱, 隱爲有名。 勉劾不恭,帝歎曰:「吾有勉,乃知朝廷之尊!」遷司膳員外郎。 勉過問,曰:「被脅而官,非敢反。」勉入見帝曰:「寇亂之汙半天下,其欲澡心自歸無 從肅宗於靈武,擢監察御史。 時武臣崛興,無法度,大將管崇嗣背闕坐,笑語 關東獻俘百,將即 譁

爲權幸所誣,詔誅之。勉曰:「方藉牧宰爲人父母,豈以讒殺良吏乎?」卽拘晬,爲請得免。 累爲河東王思禮、朔方河東都統李國貞行軍司馬,進梁州刺史。 如盡殺之,是驅以助賊也。」帝馳騎完宥,後歸者日 至。 至。 勉假王晬南鄭令,

縱不誅。 用。 平賊屯。部人父病,爲蠱求厭者,以木偶署勉名埋之,掘治驗服,勉曰:「是爲其父,則孝也。 而李輔國諷使下己,勉不肯,乃出爲汾州刺史。歷河南尹,徙江西觀察使。 入爲京兆尹兼御史大夫。 魚朝恩領國子監,威寵震赫,前尹黎幹諂事之,須其入, 厲兵睦鄰,

敕吏治數百人具以餉。 至是吏請, 勉不從, 曰:「吾候太學,彼當見享,軍容幸過府,則脩

具。」朝恩銜之,亦不復至太學。

率容州刺 尋 拜嶺南節度使。 史王翃 討斬之,五嶺平。 番禺賊馮崇道、桂叛將朱濟時等負險爲亂,殘十餘州, 西南夷舶歲至纔四五,譏視苛謹。 勉旣廉絜,又不暴征 勉遣將李觀

列

傳第

五十

六

宗

室宰相

投江 明年 ·至者 時 乃四十餘柁。 人謂 可繼宋璟、盧奐、李朝隱; 居官久, 未嘗拉飾器用 部人叩闕請立碑頌德 車服。 後召歸,至 ,代宗許之。 **石門**, 盝 搜家人所蓄犀珍 進工部尙書,

封

汧國

叩汴 河陽 忠臣 悅 諸 河 戰 帥 等道 爲 北 暴桀者皆尊憚之。 匡 而 滑 亳節 麾 城,不勝。 屯, 靈 都 下所逐, 耀 勉與李忠臣、馬燧合討之。淮西軍據汴北,河陽軍壁其東,大將杜如江 度使令狐彰且死,表勉爲代,從之。 奔韋城,爲如江所禽,勉縛以獻 徙壘與靈耀合,忠臣將軍李重情夜攻其營,與河陽軍合譟,賊不陣潰, 復 韶勉移治汴。 田 神玉死,詔勉節度汴宋,未行,汴將李靈耀反,魏將田悅以兵來, 德宗立, ,斬闕下。 就加同中書門下平章事。俄爲汴宋、 勉居鎭且八年,以舊德方重, 既而忠臣專汴,故勉還滑臺 不威而治,東 、尹伯良與 明年,

許, 漢臣走汴,德信 言:「賊以 未至數 建中 精 四 十里,有韶 兵攻襄城 走汝。 李希 烈圍襄城,韶勉出兵救之,帝又遣神策將劉德信以兵三千援接。 詰讓, 二將懼 勉懼 而許 東都 必虚,令兵直擣許, 危, 而還,次扈澗,不設備, 復遣兵四千往戍, 則襄 圍解。」不待報,使其將 賊斷 爲 其後 賊所乘,殺傷 不得歸。 行五, 唐漢臣與德信 於是希烈自將攻 輜械盡亡。 勉 襲

勉

勉氣索,嬰守累月,援莫至,哀兵萬人潰圍出,東保睢陽。

第五

十六

宗室宰相

對,然自是益見疏。居相二歲,辭位,以太子太師罷。卒年七十二,贈太傅,諡曰貞簡。 盧杞姦邪,股顧不知,謂何?」勉曰:「天下皆知,而陛下獨不知,此所以爲姦邪也。」 時韙其 充位而已,不敢有所與。貞元初,帝起盧杞爲刺史,袁高還詔不得下。帝問勉曰:「衆謂 興元元年,勉固讓都統,以檢校司徒平章事召。旣見帝,素服待罪,詔不許,勉內愧,取

秋存問家室,故能得人死力。善鼓琴,有所自製,天下寶之,樂家傳「響泉」、「韻磬」,勉所 始,嘗引字巡、張參在幕府,後二人卒,至宴飮,仍設虛位沃饋之。 遣戍兵,常視其資糧,春 相,所得奉賜,悉遺親黨,身沒,無贏藏。其在朝廷,鯁亮廉介,爲宗臣表。禮賢下士有終 我葬,餘則君自取之。」勉許諾,旣葬,密置餘金棺下。後其家謁勉,共啓墓出金付之。位將 勉少貧狹,客梁、宋,與諸生共逆旅,諸生疾且死,出白金曰:「左右無知者,幸君以此爲

子,遣使東出關至華,候吏李翼不敢問。 賊舊部,是將追還耳。上越在外,召天下兵未至,若凶狡還西,助|泚送死,危禍也。 請驗之。」 李夷簡字易之,鄭惠王元懿四世孫。以宗室子始補鄭丞。德宗幸奉天,朱泚外示迎天 夷簡謂曰:「泚必反。向發幽、隴兵五千救襄城,乃

翼馳及潼關,果得召符,白于關大將駱元光,乃斬賊使,收僞符,獻行在。 詔卽拜元光華州

刺史。元光掠功,故無知者。

郎判度支。 冒沒于財。 九歲,復爲殿中侍御史。 夷簡棄官去,擢進士第,中拔萃科,調藍田尉。 夷簡爲屬刺史,不爲憑所禮。 · 元和時,至御史中·丞。 至是發其貪,憑貶臨賀尉,夷簡賜金紫,以戶部侍 遷監察御史。坐小累,下遷虔州司戶參 京兆尹楊憑性驚倪,始爲江南觀察使,

度支,後亡死略盡,而歲取貲不置。 夷簡曰:「迹空文,苟軍興,可乎?」奏罷之。 閱三歲,徙 章皋作奉聖樂,于頔作順聖樂,常奏之軍中,夷簡輒廢去,謂禮樂非諸侯可擅制,語其屬曰: 帥劍南西川。巂州刺史王顒積姦贓,屬蠻怒,畔去。夷簡逐顋,占檄論禍福,蠻落復平。始, 俄檢校禮部尙書、山南東道節度使。初,貞元時,取江西兵五百戍襄陽,制蔡右脅,仰給

我欲蓋前人非,以詒戒後來。」

以平賊,夷簡自謂才不能有以過度,乃求外遷,以檢校尚書左僕射平章事爲准南節度使。 十三年,召爲御史大夫,進門下侍郎、同中書門下平章事。李師道方叛,裴度當國,帝倚

。」詔公卿禮官議,不合,止。久之,請老,朝廷謂夷簡齒力可任,不聽,以右僕射召,辭不 穆宗立, `有司方議廟號,|夷簡建言:「王者祖有功,宗有德。 大行皇帝有武功,廟宜稱

拜;復以檢校左僕射兼太子少師,分司東都。明年卒,年六十七:贈太子太保。 夷簡致位顯處,以直自閑,未嘗苟辭氣悅人。歷三鎭,家無產貲。病不迎醫,將終,戒毋

厚葬,毋事浮屠,無碑神道,惟識墓則已。世謂行已能有終始者。

股欲改月,謂何?」左右稱善,程獨曰:「玄宗著月令,十月始裘,不可改。」帝矍然止。 入署,常視日影爲侯,程性懶,日過八塼乃至,時號「八塼學士」。 員外郎,爵渭源縣男。 調藍田尉,縣有滯獄十年,程單言輒判。 李程字表臣,襄邑恭王神符五世孫也。擢進士宏辭,賦日五色,造語警拔,士流推之。 德宗季秋出畋,有寒色,顧左右曰:「九月猶衫,二月而袍,不爲順時。 京兆狀最,遷監察御史。召爲翰林學士,再遷司勳

以儉德化天下,陛下方諒陰,未宜興作,願回所費奉園陵。」帝嘉納。 臣備訪問。 中入知制誥。 敬宗初,以本官同中書門下平章事。帝冲逸,好宮室畋獵,功用奢廣。 元和三年, 出為隨州刺史, 以能政賜金紫服。 加中書侍郎,進彭原郡公。寶歷二年,檢校吏部尚書、同平章事,爲河東節度使。 韓弘爲都統,命程宣慰汴州。 歷御史中丞、鄂岳觀察使,還爲吏部侍郎。 李夷簡鎭西川,辟成都少尹。以兵部郎 又請置侍講學士,選名 程諫日:「先王

列傳

第五

十六

宗

室宰

相

詔書。 自 長慶時, 徙 如 河中。 ,程循其故,不自安, 議者不善也。 僕射視 召拜 尚書左僕射。 事,百官皆賀, 言諸朝。 俄檢校司空,領宣武、山南東道節度。 四品以下官答拜。 御史中丞李漢謂不答拜於禮太重,文宗不許,聽用大和 大和四年, 韶不答拜。 再爲僕射。 王涯 、竇易直行之 先是,元和、

翮,長者在前。 程 爲人辯給多智,然簡倪無儀檢, 卿朝廷羽翮也。」武宗立,爲東都留守。本,年七十七,贈太保,諡曰繆。 雖在華密, 而無重望。 最爲帝所遇,嘗曰:「高飛之

麥未登,徐必亂。」旣而果逐廓,乃擢魯起居舍人。 子廓,第進士,累遷刑部侍郎。 大中中,拜武寧節度使,不能治軍。 補闕鄭魯奏言:「新

奏,占對華敏,文宗異之。府罷,擢工部郎中,判鹽鐵案。 爲吏精明。聽每征伐,必留石主後務。大和中,爲行軍司馬。 李石字中玉,襄邑恭王神符五世孫。 元和中,擢進士第,辟李聽幕府, 令狐楚節度河東, 聽以兵北渡河,令石入 從歷四鎮,有材 引爲副使。

遷給事中,累進戶部侍郎,判度支。

李訓等至宰相。 帝惡李宗閱等以黨相排,背公害政,凡舊臣皆疑不用,取後出孤立者,欲懲刈之,故 訓誅死,乃擢石以本官同中書門下平章事,仍領度支。石器雄遠,當軸秉

權亡所撓。

之得至乎?」石曰:「今四海夷一,唯登拔才良,使小大各任其職,愛人節用,國有餘力,下不 石曰:「古之聖賢,必觀書以考察往行,然後成治功。陛下積十年,盛德日新,然向所以疾戾 四十不惑。』陛下春秋少,非起人間也,而知人情僞。今自視何如卽位時?」帝曰:「有間矣。」 適成爾。 紫宸殿,宰相進及陛,帝喟而嘆,石進曰:「陛下之歎,臣固未論,敢問所從。」帝曰:「朕歎治 震驚者,天其固陛下之志乎!誠務修將來之政,視太宗致昇平之期,猶不爲晚。」帝曰:「行 能以美利及百姓,焉得久無事乎?」石曰:「陛下罪己當然,然責治太早,雖十年孜孜養德, 之難也。且朕卽位十年,不能得治本。故前歲有疾,今茲震擾,皆自取之。 夫託億兆之上,不 「亂京師者訓、注也,然其進,孰爲之先?」」士良等恧縮不得對,氣益奪,搢紳賴以爲彊。它日 方是時,宦寺氣盛,陵暴朝廷,每對延英,而仇士良等往往斥訓以折大臣, 石徐謂曰: 天下治不治,要自今觀之。且人之氣志,雖賢聖猶有優劣,故仲尼稱:『三十而立,

于時大臣新族死,歲苦寒,外情不安。 帝曰:「人心未舒何也?」石曰:「刑殺太甚,則致

四五一三

加賦,太平之術也。」

列

第

五十六

宗

室宰

相

獨不可爲法乎?」 楊貴妃衣之,今富人時時有之。」石曰:「毛玠以淸德爲魏尙書,而人不敢鮮衣美食,況天子 張元昌爲左街副使,而用金唾壺,比坐事誅之。吾聞禁中有金鳥錦袍二,昔玄宗幸温泉,與 思貞觀、開元時以視今日,卽氣拂吾膺。」石曰:「治道本於上,而下罔敢不率。」帝曰:「不然。 難?陛下節用度,去冗食,簿最不得措其姦,則百司治。 百司治,天下安矣。」帝戚然曰:「我 陰沴。比鄭注多募鳳翔兵,至今誅索不已,臣恐緣以生變,請下詔尉安之。」帝曰:「善。」又問: 「奈何致太平之難?」鄭覃曰:「欲天下治,莫若恤人。」 石卽贊曰:「恤之得術,尙何太平之

宣自安,則大業濟矣。」 得失於前,日引月長,以齊堯、舜,奈何比文、宣而又自以爲不及。惟陛下開肆厥志,不以文、 **騟我猶漢何等主?」覃曰:「陛下文、宜主也。」帝曰:「渠敢望是!」石欲彊帝志使不怠,** 化,若徇正忘私,宗廟神靈,獨當祐之,雖有盜,無害也。有如挾姦自欺,植權黨,害正直,雖 曰:「陛下之問而覃之對,臣皆以爲非。 顏回匹夫耳,自比於舜。 陛下有四海,春秋富,當觀 加之防,鬼得以誅。 是時,宰相吏卒因內變多死,詔江西、湖南索募直助召士力。石建言:「宰相左右天子敎 無所事於召募,請直以金吾爲衞。」帝嘗顧鄭覃曰:「覃老矣,當無妄,武 因

中人自邊還,走馬入金光門,道路妄言兵且至,京師讙走塵起,百官或韈而騎,臺省吏

得人。 下之勢猶持衡然,此首重則彼尾輕矣。 勸之照也。 下嗣位,惟賢是咨,士皆在朝廷。彼疆字甲兵如故,而低摧順屈者,士不之助也。」帝曰:「天 競引豪英,士之喜利者多趨之,用爲謀主,故藩鎭日橫,天子爲旰食。 詩有之:『人生不滿百,常懷千歲憂』,畏不逢也; 『晝短苦夜長』,闇時多也; 『何不秉燭游』 多自踰之,因請「內置赦令一通,以時省覽。臨遣十道黜陟使,敕以政治根本,使與長吏奉 物茗果,它貢悉禁;又罷宣索、營造。帝曰:「殷務其實,不欲事空文。」石以異時詔令,天子 君賞有謀,幾亂。 吾大將軍陳君賞率衆立望仙門,內使趣闔門,君賞不從,日入乃止。當是時,非石鎭靜、 安適?人之所膽,不可忽也。」益治簿書,沛然如平時。 稍稍遁去。 行之,乃盡病利」。 俄進中書侍郎。帝嘗曰:「殷觀晉君臣以夷曠致傾覆,當時卿大夫過邪?」石曰:「然。古 開成赦令:賜京畿一歲租;停方鎭正、至、端午三歲獻,以其直代百姓配緡;天下非藥 。德宗多猜貳,仕進之塗塞,奏請輒報罷,東省閉闥累月,南臺惟 鄭覃將出,石曰:「事未可知,宜坐須其定。 臣願捐軀命濟國家,惟陛下鑒照不惑,則安人彊國其庶乎。」又言:「致治之道 其爲我博選士,殷且用之。」石奏:「咸陽令韓遼治 里閭羣無賴望南闕,陰持兵俟變。金 宰相走,則亂矣。若變出不虞,逃將 一御史。 元和間進用日廣,陛 故兩河諸

列傳第

五十

六

宗室

相

四五一五

畏乎? 其貪。」帝曰:「宰相任人,知則用,過則棄,謂之至公。 它宰相所用,彊藏其過,此其私 興成渠,渠當咸陽右十八里,左直永豐倉,秦、漢故漕。 輓勞,則轅下牛盡可耕,永利、秦中矣。」李固言曰:「然恐役非其時,奈何?」帝曰:「以陰陽拘 苟利於人, 股奚盧哉? 」石用韓益判度支案,以贓敗。石曰:「臣本以益知財利,不保 渠成,起咸陽,抵潼關,三百里無車 也。

天子駭愕,遣使者慰撫,賜良藥。始命六軍衞士二十人從宰相。是日京師震恐,百官造朝纔 換檢校兵部尙書,它不聽。 疾之,將加害,帝知其然,而未爲之,遂罷去。 天子畏偪,幾不立。 年正月,將朝,騎至親仁里,狙盜發,射石傷,馬逸,盜邀斫之坊門,絕馬尾,乃得脫。 石因臥家固辭位, 石起爲相,以身徇國,不卹近倖,張權綱,欲彊王室,收威柄。 有韶以中書侍郞平章事爲荆南節度使。 遣 日, **鎏賚都闕,士人恨憤。** 始,訓、注亂,權歸閹豎, 石讓中書侍郎, 而 仇士良

弁乘隙激衆以亂, 五. 百人,令別將楊弁領之。 會昌三年,檢校司空, 還兵逐石出之。 徙節 常日軍 河東。 興,人賜二縑治裝, 韶以太子少傅分司東都, 會伐潞, 韶以太原兵助王逢軍楡社。 會財匱而給以半, 俄檢校吏部尚書,即拜留守。 士怨; 石起橫水戍千 又促其行,

卒,年六十二,贈尚書右僕射。

史,進諫議大夫。大中時,党項羌震擾,議者以將臣貪牟產虜怨,議擇儒臣治邊。 引爲校理。調藍田尉。後石當國,薦福可任治人,繇監察御史至戶部郞中,累歷州刺 弟福, 字能之。大和中,第進士。 楊嗣復領劍南,辟幕府。 崔鄲輔政, 兼集賢殿大學 乃授福 夏

|綏銀節度使,宣宗臨軒論遣。 度使,入遷戶部尚書。會蠻侵蜀,詔福持節宣撫,即拜劍南西川節度使,同中書門下平章 與蠻戰敗績、貶蘄王傳,分司東都。 福以善政聞,徙鎭鄭滑,再遷兵部侍郎,判度支,出爲宣武節

還朝,以太子太傅卒。 沙陀壯騎五百赴之。賊已殘江陵郛而聞福至,乃走。以勞檢校司空、同中書門下平章事。 兵,邀險須之,賊不敢入,轉略岳、鄂,以逼江陵。節度使楊知温求援於福,乃自將州兵,率 僖宗初,以檢校尙書左僕射就拜留守,改山南東道節度使。王仙芝寇山南,福團訓鄉

疆幹,所涖無不辨。 又策賢良方正異等,辟義成、淮南幕府,稍遷監察御史,累進起居郞。 李回字昭度,新興王德良六世孫,本名躔,字昭回,避武宗諱改焉。長慶中,擢進士第, 繇職方員外郎判戶部案。 四遷中書舍人。 李德裕雅知之。爲人

列傳

第五十六

宗室宰

相

道左,回不弛行,顧左右呼直史責破賊限牒,宰等震恐,期六旬取潞, 欲輕出山東,請公等取三州報天子」。二將聽命。又張仲武以幽州兵攻回鶻,而與劉沔不協。 回至,諭以大義,仲武釋然,即合太原軍攻潞。 德裕薦回持節往兪何弘敬、王元逵,以「澤潞邇京、洛,非若河北三鎮,國家許世以壤地傳子 日,賊平。 且櫃父子無功,悖誼理。上以邢、洺、磁三州與河北比境,用軍莫便魏、鎭。 以戶部侍郞判戶部事。 以刑部侍郎兼御史中丞。 。俄進中書侍郞、同中書門下平章事 時方伐劉稹, 復以回爲使,督戰至蒲東,王宰、石雄櫜鞬謁 武宗慮河朔列鎭陰相締以橈 否則死之。 且王 未及期二 兵 一師不

實回薄,遂貶賀州刺史。徙撫州長史,卒。大中九年,詔復湖南觀察使,贈刑部尚書。 吳湘獄,時回爲中丞,坐不糾擿,貶湖南觀察使。俄以太子賓客分司東都。 武宗崩,爲山陵使,遷門下侍郎,兼戶部尙書。出爲劍南西川節度使。 給事中還制,謂 以與德裕善,決

周、唐任人不疑,得親親用賢之道,饗國長久。 李程知柔,在位無所發明。 周之卿士,周、召、毛、原, 其餘以材稱職,號賢宰相。 皆同姓國也。唐宰相以宗室進者九人。林甫姦諛,幾 嗚呼盛歟! 秦、隋棄親侮賢,皆二世而

